



DE TRIBUS
IN LUSITANOS JESU SOCIOS

PUBLICIS JUDICIIS
DISSERTATIO

Domine Deus Deorum, & universæ potestatis
tribue Sermonem compositum . . .

*Exaudi vocem eorum, quæ nullam aliam
spem habent, & libera eos :*

Esth. cap. 14. v. 13., & v. 19.

Ex libris Joh. Francisci de Campo ann. 1662.

ex dono



J. Ox.



NORIMBERGÆ

1792.



*Narratur Mendacium intrepide, Veritas oppri-
mitur : qui in crimen vocantur, sine iudicio
condemnantur : qui vero nocent, eis fides
habetur sine ulla examinatione.*

S. Basil. Orat. 16. de Invid.



E D I T O R

L E C T O R I B U S S U I S

S A P A D A

TAm pridem ad aures meas ille constans, ac certus rumor pervenerat, apud virum quemdam, qui longo ætatis curriculo maximam historiæ parandæ curam habuisset, complura extarre monumenta, undecumque conquisita, quibus tota & ratio earum calumniarum, & ipsarum refutatio simul contineretur; quæ nobilissimam illam Jesu Societatem, cum alibi, tum in Lusitania potissimum, & per invidiorum plurimorum injuriam, & per impudentissimam unius *Purpurati Regii* malitiam perdidissent.

Ego vero, qui & oppressæ palam innocentie patrocinium ab omnibus pro virili parte deberi intelligerem, & communia bonorum omnium vota, atque incensa studia pro vindicanda Jesu Societate, his miserrimis Europæ temporibus assiduò audirem; inearum esse partium existimavi,

Par. I.

A

ab

ab illo clarissimo Sene, rerum publicarum peritissimo, per litteras petere audere, ut mihi omnium suorum scriptorum, omnium monumentorum ab ipso comparatorum, quæ ad infamiam Jesu Societatis non modo levandam, sed penitus delendam pertinerent, mittere exemplum ne gravaretur, quod typis ipse meis bona hominis venia, in vulgus ederem; maxime cum apud omnes constare, ille unus omnium maxime testis esse posset, in defendenda Jesu Societate nihil Majestati Principum officii, qui bona quidem ipsi fide ducti, ut ego arbitror, dolis autem, malisque multorum fraudibus delusi, illius innocentiam autoritate sua oppugnarint.

Quid porro ille mihi bonus Senior, jam se propius a morte abesse sua testatus, rescripserit, ex ejus subscripta epistola, si omnibus pateret, majorem me gratiam a Lectoribus initurum meis arbitrabar: sic enim rescribebat.

„ Quas a te litteras, Vir optime, paucis ante diebus ab Amico communi Lucio Vero accipiebam, eas mihi in hac ætate mea, prope jam tota decursa, adeo jucundas accidisse, tibi confirmo, ut vehementer mecum miratus in te studium tantum erga illam Jesu Societatem (mihi vita cariore, dum salva, & incolumis manebat; nunc vero assiduam & mæroris, & desiderii materiam, dum a bonis omnibus in his rei catholicæ gravissimis

vissimis temporibus ad communem salutem frustra desideratur,) illud Demæ Terentiani Senis Senex ego repeterem : “

„ Quam gaudeo , ubi etiam hujus generis reli-
„ quias restare video ! Vah ! vivere etiam nunc
„ libet . “

„ Ita enim habeto ; me , cum viderem , nullum Jesu Societati , indicta causa vel oppressæ , vel ecclesiastico quodam Ostracismo è medio sublatae , locum relinqui , ut pro se loqui palam ex scripto posset , (quippe cui typographias omnes Adversariorum vel potentia , vel gratia , vel pecunia clausisset) eo jam desperationis venisse , ut Minervæ , Themidique iratus , Vulcano omnia ea scripta voverem , quæ diuturno multorum annorum labore pro vindicanda Jesu Societate mihi comparassem . “

„ Nunc Divi , Divæque omnes , quantum in beatiss Sedibus etiam nunc res humanas curant , Tibi , non hujus ætatis , sed melioris sæculi Typographo , optata omnia ferant , qui innocentiae oppressæ auxilium , qui grassanti injuriæ vindictam , qui Jesu Societati vel extinctæ , vel animam agentis , non dicam novum solatium , sed prope spiritum , vitamque ex ista typographia afferre conaris . “

„ Itaque tu nunc quidem a me ejusmodi commentaria manu scripta habeto , quæ Lusitanos Jesu Socios omni non modo crimine , sed levis-

Par. I.

A 2

sima

sima etiam illius Regicidii fabulosi suspicione, meo quidem iudicio, tuo etiam, tuorumque, opinor, similium, idest bonorum omnium, si semel sine metu lucem videant, plenissime absolvant. “

„ Paulo vero post, si ista humanitate tua mihi recreato longior vita suppetat, alia a me non pauca monumenta tibi promitto, quibus e medio per summum nefas fuisse sublatum Jesu Societatis Corpus ostendere omnibus queas. “

„ Sed, amabo te, vide perfortunas tuas, ne, dum extinctum jam Corpus ab injuria posthuma protegis, latus tu quidem tuum vivus, vidensque hostibus Jesu Societatis tuis utique inimicis, apertum offeras: frustra enim aliis, maxime verò jam perditis, sapiēs, si tibi parum sapiēs; idest si te, si formas tuas, si fortunas omnes potentissimæ vel ostensioni, vel vindictæ objicias. Tibi bonam a Divis mentem, tuis typis ab hominibus majorem gratiam, quam quantam Jesu Societati iidem retulerint, opto: Vale. “

Itaque dum ego, tam diserta, tamque festiva Senioris mei Scriptoris epistola delectatus avidius, mihi transmissa ab eo scripta evolverem, latinam in iis orationem, nescio quo urbanitatis pristinae lepore aspersam, tum verò simplicem, nudamque veritatem, in qua nihil perplexi, nihil dubii, nihil ambigui, nihil fucati inesset; summo opere mi-

miratus; omnino apud me constitui, ejusmodi esse illius Commentaria, quæ diutius deberi non possent iis hominum ingeniis, quos publica invidia, quos nonnullorum potentia, quos ænulorum obtrectatio, quos nigerrimus Jansenianæ loliginis succus, quos pestilentissimæ istius Philosophiæ impius, atque impurus Spiritus a patrocínio innocentiae deducere nondum potuisset. Qui enim vel unus, vel certè acerrimus, me deterrere posset metus, ne quod ab Aula Lusitanorum Regia frigus me male feriret, dum Carvalhii, in ea olim tyranni, Phalarismum totum omnibus e typographia mea ostenderem; eo me planè illius ipsius aulæ & judicia, & decreta, & monumenta liberabant, quibus potissimum fretus Apologiam meus ille Senex confecisse suam, mihi videbatur.

Nam si qua in ejus scriptis interdum dicta, non dicam equidem non bona, sed aculeata, ac veluti amentata legantur; ea in hostes Ecclesiæ Romanæ, in proditores bonæ causæ, in calumniatores perfrictæ frontis jactata; non video, cur sint in justam reprehensionem vocanda. Nam non inurbane scribebat olim Horatius: (a)

„ Si mala condiderit in quem quis carmina, jus est, Judiciumque. Esto, si quis mala; sed bona si quis, Judice, condiderit, laudatur Cæsare. “

Sed

(a) Serm. lib. 2, Serm. 1.

Sed jam ipse per te, Lector, videre poteris, quam ego non temere ita judicarem. Legas, quæso, quæ nunc tibi apud Lusitanos vulgata scripta in eam sententiam subjicio. Ecce enim tibi offero partem ejus orationis, quam clarissimus ille togatus Franciscus Coelius Silva (a) in publica concione Civium suorum coram & omnibus Lusitani Regni Magnatibus, & Senatu, & Carvalhii filio, Comite de Oeyras, Senatus Præside (b) die 13. Maji 1777. ad Fidelissimam Reginam habebat: „Sanguine adhuc manant vulnera, quæ in cor Lusitanix medium impressit administratio illa tyrannica, quæ suo velut instituto, sibi que proposito agendi fine, inimica fuit humanitati, religioni, libertati, virtuti, ac bonorum omnium meritis. Lectissimis viris, Regni Flore, horribiles custodias frequentavit, & arces omnes, ac præsidia incredibili victorum multitudine replevit; Cives oppressit, & ad extremam miseriam redegit; Pontificiam Auctoritatem, Episcoporumque contempsit, Leges, & judicia corrumpit, miseros Lusitanos, tanquam abjecta mancipia, rexit, modo valde inculto, agresti, barbaro, duro, ferreo, inhumano, & post hominum memoriam crudelissimo.

„ Omni-

(a) V. animad. VIII. ad Vitam Ven. P. Emm. Correz pag. 30.

(b) V. Comp. hist. pag. 409.

„ Omnipotens (Dei) Brachium irritas fecit implicatissimas illas tricas, atque obstacula, quominus Majestas tua Sponsum haberet augustissimum Regem, qui hodie in nobis magna & lætitia, & felicitate nostra dominatur . . . Eadem divini Numinis providentia effectum est, ut ad nihilum reciderent infames illæ (Carvalhii) machinationes, quæ adversus legitimam hæreditario jure Majestatis tuæ successionem non semel intentatæ fuerunt . &c. “

Nihil, opinor, opus sit pluribus: Quisquis enim totius Lusitaniæ gemitus audiat, & volente Fidelissima Regina palam editos, & ab illa ipsa Civium suorum optima Matre non siccis oculis acceptos videat; is, prohi Divum, hominumque fidem! iniquo animo patiat, si legat justissimas querimonias Lusitanæ Jesu Societatis, crudelissimum in modum a Carvalhio vexatæ, expulsæ, oppressæ, e typographia mea profectas? Quasi vero aliis Civibus jure liceat mala palam sua deplorare, Jesu Sociis non liceat impunè gemere, non suspiria liberiora, non vocem ullam in tam diuturno exilio emittere?

Venio ad judicium publicum a Fidelissima Regina editum, quo Marchionis Tavoræ Fratres, & in legitimam quæstionem vocatos, & de Consilii sententia innocentes judicatos, in pristina omnia Familiæ nobilissimæ jura restituebat. Res
ita

ita gesta fuit: Quo die Regina Regni possessionem creverat, facta publica potestate & Marchioni Alorno, & ejus conjugi nobilissimæ Matronæ, & binis Fratribus illius miseri Marchionis, odio Carvalhii crudelissimo devoti, Nunnio, & Emmanueli Tavoræ (iis hoc olim nomen fuerat, nunc *Lorenæ*, immutato sunt nomine), facta, inquam, iis potestate publica, ut liberi e custodia diuturna abirent, cui, tanquam fuissent conscii illius commentitiæ in Regem conjurationis, fuerant addicti; Ii omnes velle se se ea venia uti, quæ sibi quasi noxiis fieret, planè cum negassent, enixis precibus a Regina postularunt, ut sua ipsorum Causa in integrum restituta ex Regni legibus judicaretur: Se se planè innocentes nolle videri, cum æterna ipsorum infamia, indulgentia Reginæ supplicio ereptos, qui honorem nominis amplissimi & libertati, & vitæ, & rebus omnibus, more Familiæ Tavoræ, antepone-re didicissent.

Reginæ Edicto illi jussi statim e custodia abire, interea, dum eorum causa, legitimæ questioni commissa, ageretur, Ulyssipone octoginta passuum millia abesse jubebantur.

Re tota ad summam juris æquitatem exacta, de sententia regionum Judicum. pronunciatum fuit, Eos omnes ne levissima quidem suspicione ejus criminis, quo antea fuissent Ministri Carvalhii

vallii impotenti furore condemnati , reos videri :

Quo judicio factum est , ut Regina honorificentissimo decreto mense Junio 1778. (a) edito , eos & edixerit insontes , & in pristina jura vel amplitudinis domesticæ , vel pecuniæ hæreditariæ restitutos voluerit , & Nunnium , & Emanuele Tavoram Imperatores , sive Legatos legionum Lusitanorum creaverit ,

Ex hoc ipso judicio legitimo , ex hoc Reginæ decreto , ex hoc satisfactionis publico monumento si quis non absolutam illam Jesu Societatem omni impiæ coitionis in Regem suspicione , quam per latus Familiæ Tavoræ Carvalhius in Lusitanos Jesu Socios derivatam voluerat , videat ; is Reginam , de Consilii gravissimi sententia Tavoræ Familiam absolventem , condemnare velle videbitur , ut illum divis , hominibusque invisum Tyrannum , crudelissimum Familiæ nobilissimæ Carnificem , absolvat .

Ecce vero aliud innocentiae in Familia Tavoræ ; per Carvalhium oppressa , publicum Reginæ judicium , quo ego fretus mihi de prolixa illius voluntate pollicebar , fore , ut sine ulla Aulæ Lusitanæ offensione hæc commentaria a me proferantur .

Undeviginti annos totos in Saccarensi Virginum
Par. I. *B* *Col-*

(a) . Ex Hist. anni 1780. Typis Pitterianis pag. 261.

Collegio arctè habita illa spectatissima, ac primaria Matrona Maria Anna, eadem Marchionis Tavoræ filia, eadem Comitissæ Atoguïæ Hieronymi Ataidæ conjux, post immane & Patris, & Mariti supplicium in perpetuam data custodiam, utriusque miseram fortunam assiduè lugebat. Et ipsa quidem numquam in jus citata, numquam in quæstionem vocata, numquam de more interrogata, tamen in Actis illis Carvalhii, totis ex dolo, & fraude conflatis, insinulata Parricidii Regii, conscia totius conjurationis per ora Europæ nefariè traducebatur. Rege Josepho I. mortuo, cum Regina ejus Filia nominatim selectissimos Judices dedisset, qui nobilissimæ illius Viduæ causam diligentissimè cognoscerent; Illi certissimis, perspicuis, evidentibus argumentis adducti statuerunt, = Mariæ Annæ innocentiam luce meridiana apparere sibi clariorem (a) =.

De quorum Judicum gravissimorum sententia Regina, æquitatis, ac juris omnis servantissima, amplissimis verbis edictum volebat mense Julio 1780. (v. hist. an. 1780. p. 263.)

„ Innocentiam viduæ Comitissæ Atoguïæ planè,
 „ atque evidenter fuisse demonstratam, ut nul-
 „ lum, ne levissimum quidem, indicium, nul-
 „ la omnino supicio apparuerit ejus criminis,
 „ quod illi afflictum antea fuisset. “ Hic

(a) V. Animad. V. VIII. ad Vitam. Correx pag. 289. . .

Hic ego minimè dubito, quòd & innocentia Lusitanæ Jesu Societatis multis probata ex his Regiis Edictis, ac Judiciis sit; & eandem per me ex hac lucubratione fieri omnibus manifestiorem, Lusitana Curia æquo sit animo passura.

Quod si quis nondum de præjudicata in Jesu Societatem vel opinione, vel invidia recedat; hunc Ego oro, atque obtestor, ut quod jam profero monumentum, hoc non limis, non suffusis malevolentia oculis legat; Ex eo enim omnibus necessario credenda crit innocentissima Jesu Societas, nisi si quis putet, fidem humanam una cum Astræa Virgine penitus terras omnes deseruisse.

Recito Reginæ Fidelissimæ Edictum (a) :

„ Quod Marchio Alornæ, idem Præfectus causis posthumæ memoriæ, idem vindex famæ & Soceri, & Socrus Marchionis, & Marchionissæ Tavoræ, & Cognatorum suorum; idem defensor honoris suæ ipsius Conjugis, nobilissimæ Matronæ, liberorumque suorum: quos omnes ille Magistratus *Inconfidentia* publica sententia, edita die 12. Januarii 1759., quasi affines impli Regicidii 3. Septembris 1758. ignominia, atque infamia notabat, mihi per supplicem postulationem detulerit, esse in ea illius Magistratus sententia

Par. I.

B 2

non

(a) Ex hist. Anni 1780, Typis Pütter. p. 263. & Theop. Amadei Mury Tom. 10.

non modo complura peccata contra formulas juris ; sed manifestissimam quoque injuriæ vim ibidem dominari, cum in illa sententia & falsa ponantur plurima, & eæ referantur, reddanturque causæ, rationesquæ, quæ in Actis ipsis omnino non compareant :

Cumque ille idem Marchio his de causis a me postularit, ut Ego indulgentia quadam extraordinaria, sive privilegio singulari, veniam sibi darem, ut illius Magistratus publica sententia, de integro cum Actis collata, a Judicibus cognoscatur : Ego Regina, re tota diu, multumque apud me cogitata, decernebam, Causam illam totam in consilio meorum Regiorum Ministrorum de integro cognosci oportere.

Cumque Ministri mei, in eam rem a me lecti Judices, in examen accuratissimum Actis illis, reque tota revocatis, de communi ipsorum sententia, omnibusque suffragiis pronunciarint :
 „ In ea causa multa ejusmodi esse præter jus or-
 „ dinarium admissa, ut Ego jure summo tene-
 „ rer integræ cognitioni illam rem totam refer-
 „ re, si semel cum aliis legibus, id prohibenti-
 „ bus fieri, tum vero illi die 17. Januarii 1759.
 „ de perpetuo silentio servando, derogandum es-
 „ se, e re publica arbitrarer : “ Ego ob has res, rationesque omnes, mihi a meo Consilio propositas, maximè quod videar in eo & divinæ, &
 meæ

meæ gloriæ consultura , si apud omnes per Me constiterit , vel quo *jure* , ac *veritate* illa Magistratus *Inconfidentiae* sententia fuerit pronunciata , vel qua *injuria* , ac *falsitate* innocentia illorum Reorum fuerit circumventa ;

Edico , hujusmodi a me veniam extra ordinem *oportere* fieri , eamque Me reipsa facere *velle* , ut illa sententia cum Actis collata denuo in disquisitionem legitimam ex tam longo intervallo , singulari quadam venia mea , reducatur . In quam rem unam leges omnes *abrogatas volo* , si quæ id fieri vetent ; eam illam omnium maximè , quod ad rem præsentem attinet , quæ die 17. Januarii Anno 1759. perlata fuit. &c.

Ego ipsa præterea Ministros meorum Tribunalium delegi (eosque nominatim enumerat duodeviginti) , qui causam illam totam in integrum restitutam recognoscerent &c. (a)

Ulyssipōne ex Aula Regia die 9. Octobris 1780.

Prius vero quàm pronunciatam sententiam in eo selectissimorum Judicum interegerrimo Consilio referam , non possum mihi temperare , quin , cum brevi Fidelissimæ Reginæ Justitiam singulari cum prudentia conjunctam in astra , plaudentibus omnibus , ferendam esse dixerim ; tum sine ulla
du-

(a) Ex hist. an. 1780. typis Franc. Pittet Venetiis p. 263.

dubitatione mihi omnino pollicear, nihil in his commentariis parum Aulæ illi sapientissimæ futurum esse gratum, atque adeo jucundum.

Qui enim fieri possit, ut quod Edictum talis, tantæque Reginæ jure suo debeat, aut certé merito suo possit, quasi unicum, ac pulcherrimum Sapientiæ, Jutitiæ Æquitatis exemplum, summis proponi rei publicæ Moderatoribus, quibus nihil sit jure naturæ prius, nihil legibus, & divinis, & humanis, in omni Civium suorum causa antiquius; hoc a me typis vulgari, ex hoc ipso certum patrocinium innocentie Lusitanorum Jesu Sociorum parari, Lusitani Regni Principes invito, aut parum lubenti animo ferant?

Illud certé nemo est hodie, qui nesciat, ab illo octodecimviro, Judicumve Regiorum consilio, qui in Magistratus *Inconfidentie* sententiam, qui in acta illius causæ, cum sententia composita, ac collata, severissimé inquisivissent; ita die 7. Aprilis anno 1781. (a) pronuntiatum solenni formula judicium fuisse:

„ Constare, ac plane liquere Innocentiam eorum omnium, qua etiam nunc viventium, qua
 „ vita jam functorum, qui aut suplicio extremo affecti, aut in carcerem conjecti de sen-
 „ ten-

(a) Anecd. Ital. Tom. II. p. 225. & animad. 8. ad vitam P. Corr. p. 239.

„tencia illa die 12. Januar. 1759. pronunciata
„fuissent. “

Jam ut ego silentio præteream id, quod nemo non ipse per se viderit, non posse Jesu Lusitanos illos Socios non haberi plane innocentes, si liquido pateat, illos Magnates nihil Parricidii Regii fuisse Machinatos; cujus quidem Parricidii Inventores, ac Suasores Jesu Socios fuisse, impié mentitus fuerit Carvalhius: certé illi boni tres e Jesu Societate Sacerdotes, & Gabriel *Malagrida*, & Joannes de *Mathos*, & Joannes de *Alexandro*, qui illo Magistratus *Inconfidentiae* judicio fuere damnati, insontes erunt ab omnibus judicandi.

Hic non ego curiosius in arcanas Imperii rationes, per quas adhuc stetisse constat, ne in Lusitania sit de innocentia & Magnatum, & Jesu Societatis recté, atque ordine in publicum data illa Octodecimvirum Sententia, inquiram. Illud tamen ausim confirmare: neque Divos, neque Reges, neque Cives perpetuò passuros, ut, innocentia eorum, qui pro Parricidis poenas dedissent, palam probata, ii non Parricidii suspicionem publicè absolvantur, qui pro consciis, & Suasoribus fictæ illius conjurationis fuerint puniti.

Quæ adhuc monumenta exhibebam, ea propriè ad Jesu Socios Lusitanos unos non pertinere, multis videri posse scio. Quæ nunc prolatum
eo,

eo , ipsa singillatim innocentiam illius Jesu Societatis spectabunt.

Ecce verò libellum supplicem , qui viam omnibus sternere videbatur iis argumentis , quibus oppressa tandiu innocentia caput tandem visa est attollere .

Supplex Libellus.

P. Joannis de Gusmao olim Assistenti pro Lusitanicæ Provinciis Soc. Jesu , fideliter ex Authographo translatus , datus sub dimidium anni 1777.

Fidelissima , & Agustissima Regina

„ Joannes de Gusmao nltimus Assistens Societatis Jesu pro Lusitanicæ Provinciis , ac Ditionibus unum , & octoginta annos natus , & ante terribile divinncæ Justitiæ Tribunal propediem sistendus , (a) putaret , se inexpiabilis negligentiae culpa adstrictum iri , si ad Solium , in quo Clementia , & Justitia una cum Majestate vestra sedent , confugere prætermitteret , & ante Solium ipsum genua submittens non offeret humillimum istum , observatissimumque libellum nomine sexcentorum atque eo amplius Majestatis Vestrae Subditorum , qui sunt infelices eorum reliquiae , quos ipse in communi calamitate socios habuit .

„ Supplicat igitur , Majestati Vestrae per Jesu Christi Viscera , per ipsum Ejus Cor Sanctissimum ,

(a) obiit. 14. Febr. 1781.

mum, per intimum amorem illum, quo Majestas Vestra Augusta Reginam Matrem (Mariam Annam Victoriam), quo Augustum Conjugem Regem Petrum, quo Regios. Natos, & Regiæ Familiæ Principes; omnes prosequitur, ne gravetur jubere, ut tot fidelium subditorum, qui palam, atque in oculis omnium mortalium infames pronuntiati fuerunt, Causa in judicium revocetur, ac recognoscatur. “

„ Lugent illi, atque ingemiscunt, quod accusati sunt scelerum, ac delictorum, quæ vel ipsi Barbari cogitare exhorrescerent, & ne capere quidem humana mens posset. Lugent, inquam, quod omnes condemnati sunt; cum tamen antea neque citati, neque interrogati fuerint, neque ulla eis dicendi copia, suique defendendi facta sit potestas. “

„ Omnes, postquam in custodias inclusi fuerunt, in hanc Pontificiam Ditionem relegati sunt, atque inter omnes de hac re convenit, idque uno ore testantur omnes: Se, quoad in duris custodiis fuerunt, a nullo Judice interrogatos fuisse. “

„ Ipse Orator, ad se quod attinet, cum multos annos eo munere perfunctus sit, in quo plenam habere potuit rerum omnium cognitionem, amplissima quoque, & maximè solemni ratione, ac forma paratus est testificari & totius Corporis

Par. I.

C

&

& primorum Assistentiæ Capitum innocentiam ;
Videlicet Corpus ipsum , & quæ , dixi , Capita
nullo modo implicata esse delictis , de quibus
accusantur , & quorum causa tanta hominum
multitudo ab anno 1753. ad perpetuum exilium
damnata fuit . “

„ Orator , & una cum eo Exules ipsi omnes
protestantur , se de totius Corporis innocencia
certos esse , & summo consensu omne se se ul-
tro offerunt ad sustinendum pœnas multò etiam
Superiores iis , quas adhuc sustinuerunt , si unus
aliquis ex istis , quibus de agitur , hominibus re-
perietur , qui ullius in publicam rem , vel levis-
simè , delicti convictus unquam fuisset .

Oratoris item Innocentia constat ex Actis , quæ
summa juris severitate in eum , & in alios ejus
Socios , & in ipsum commune Religionis Caput
Romæ confecta sunt .

PIUS VI. nunc feliciter Regnans istiusmodi
Actorum exempla vidit . In tali , tantoque Pon-
tifice Majestas Vestra testem habet omnium locu-
pletissimum , & quo integriorem neminem Orbis
terræ universus proferre potest , simulque in eo-
dem reperiet Judicem , de quo Injustitiam , vel
minimam , suspicari nemo possit , nisi qui ini-
quitatis monstrum sit , atque prodigium .

Utatur igitur Majestas Vestra illa singulari Cle-
mentia , quæ tam est Majestati Vestræ ingenita ,
quam

quam Solium ipsum ei debitum erat, neque rejiciat tot calamitosorum preces, quorum innocentia opprimitur, quique inter summas, quas perpassi sunt, calamitates, fideles Majestatis vestræ subditi esse nunquam desierunt, & quorum res adversæ, atque infortunia, quantumvis inaxima, efficere non potuerunt, ut quidquam in eorum animis immutatum, atque imminutum sit de amore illo, atque observantia, quam ipsi erga Regiam Augustam Familiam a pueris semper conservarunt.

Omnes paratissimo animo sunt comprobare ipsis factis, sudores suos, atque adeo vitam ipsam uni Religionis bono, & Imperii Majestatis Vestræ augmento intentam esse, ac devotam. Ipsi sane nihil agere prætermittent, ut digni fiant Successores tot præstantium Virorum, qui doctrina, & catholicæ Religionis studio celeberrimi extiterunt, ac tot Martyrum, quos olim Societas Lusitanicæ peperit, vestigia sequantur. Atque ita pro gratia &c. (a).

Quam vero multa Reginæ Fidelissimæ ab iis aliarum Regiarum Ministris, qui de gremio, de sinu, de coitione Carvalhii ad perniciem Jesu Societatis fuerunt, objecta fuerint impedimenta,

Par. I.

C 2

quo

(a) In Supplemento Ephemeris des Colonienis 17. Martii 1778. num. XXIV.

quo illa minus afflictis Jesu Sociis, civibus suis, opem statim ferret; non arbitror mihi nunc esse dicendum; non multo fortasse post omnia palam proferentur, si reliqui illius Carvalhianæ conjurationis conscii, adhuc incolumes, aut certe impuniti, non dicam in ordinem redacti, sed in judicium, & in certam condemnationem fuerint vocati; id, quod non procul abfuturum esse, jam multi hodie conjiciunt.

Ad Reginam redeo, quæ tandem ab *Ex-Jesuitis* in Lusitania conventa per supplicem libellum in hanc sententiam respondebat: „Innocentia Lusitanæ Jesu Societatis est illa quidem manifesta, atque perspicua: At causa tamen hoc tempore in integrum *nondum videtur resitutuenda*. “ (a) (Id ipsum respondit Societatis olim assistentibus 12. Februarii 1778. Aula Romana.)

Quod si quis tam longum silentium, in tam bona causa, interpositum ab Aula Lusitana, miretur (nonnulli enim a priore ad posteriorem libellum supplicem, cui demum Regina respondit, anni abierunt); Is ab re quidem ipsa per Carvalhium plurimis difficultatibus complicata, non ab animo Reginæ aut dubio, aut parum erga Jesu Socios prolixo, ac liberali cunctationem profectam fuisse ex iis, quæ jam dicturus sum facillimè intelliget. In

(a) Compend. hist. Expuls. Jes. a Luit pag. 414.

In illa enim causa multa erant ante in quæstionem & vocanda, & de Sententia Judicum a Regina datorum decidenda, Leges vel abrogandæ, vel derogandæ plurimæ.

Primum illud fuit ibi Quæsitum: Esset & Optimatum illorum, & Jesuitarum Lusitanorum eadem Causa nec ne esset? Unam, & verò eandem Utrorumque fuisse causam, est a Judicibus responsum.

Alterum illud est Quæsitum: Posset Jesuitarum Causa ab Optimatum illorum causa Sejungi, an non posset?

Non posse a Judicibus respondebatur, cum altera sic esset ad alteram omnino affecta, ut sola per se neque cognosci, neque agi posset; quo fieret, ut concessa Optimatibus Causæ in integrum restitutione, atque cognitione, eodem jure esset Ex-Jesuitis illa ipsa facultas concedenda.

Tertium etiam quærebatur: Essent ne revocanda, atque abroganda, quæ in Edicto exilii, sive Expulsionis, in Jesuitas die 3. Octobris anno 1759. lato, continerentur, quæ ad hæc bina capita subtilius, ac planius reducebantur: Prius, utrum ne Jesuitis in ditione Pontificia versatis alimenta essent annua pensione ex ærario Lusitano solvenda? Posterius, esset ne ea pecunia Romano ærario compensanda, quam Romani Pontifices in alimenta Jesuitarum contulissent?

Cui

Cui quidem Quæsito quid sit a Judicibus responsum, Regina Fidelissima Edictis suis ostendit, cum constituit die 15. Septembris 1777., & 26. Maji 1778. solvenda Romano ærario intra decennium quadraginta Scutatorum millia in annos singulos; ex qua pecunia & alimenta Ex - Jesuitis contribuerentur, & impensæ antea in eos factæ Romano Ærario resarcirentur. (a)

Eadem Regina Angeyæ Marchioni, Regii Ærarii Præfecto præcipiebat 16. Julii 1787., elapso jam illo decennio, ut Romam ad Oratorem suum in singulos annos viginti Scutatorum millia ex Ærario suo curarentur, qua ex Summa in Italia Ex - Jesuitis suis, Sacerdotibus octoginta scutata, Laicis vero Sexaginta quinque quotannis tribuerentur; Egrotis autem, & Valetudinariis, & Senibus alia præterea subsidia conferrentur. (b)

Quin etiam illa derrogabat illi Carvalhiani Edicti capiti, quo cautum fuerat, ne expulsis e Lusitania Jesuitis jus Civitatis recuperandæ, neque in patriam remigrandi, ne si illi quidem habitum, professionemque mutassent, aliquando esset; cum Re-

(a) Ex hist. anni 1785. Venetiis typis Pitterianis pag. 262

(b) Hoc anno 1792. Serenissimus Brasiliz Princeps Joannes; materni imperii Sapientissimus Moderator, a quo nihil est Lusitanæ Amplitudinis in Majoribus suis maximæ, quod Respublica sibi jure non polliceatur; omnibus & Sacerdotibus, & Laicis ab illa Jesu Societate addidit viginti in annos singulos alimenti gratia Scutata.

Regina liberam iis veniam ad suos revertendi in Lusitaniam omnibus faceret .

Atque hac vel æquitate , vel Clementia in absente Cives suos Fidelissima Regina de sententiâ Judicum utebatur , quos ipsa consulisset , quæ sponte sua nonnullis ante annis Mense Septembris 1777. judicio suo ostenderat , quantum ab odio , ac crudelitate Carvalhii in Jesu Socios abhorreret .

Nam vix in Solio Regni sedere cœpit , cum erga illos e Jesu Societate , quos in Custodiis Lusitanis Carvalhius asservarat , illico a se in libertatem vindicatos , se se Matrem potius , quam Reginam præstabat ; quippe quæ mense Octobri 1777. & Timotheo Oliveira (qui obiit 30. Martii 1793.) , olim Magistro , & Confessario suo , in alimenta annua tercenta scutata (a) , & aliis nobilissimis Jesu Sociis , quos veluti obsides impotentiae suæ in vinculis undeviginti annos tenuisset Carvalhius , singulis ducena , & quinquaginta scutata in singulos annos attribuenda curasset .

Quin etiam dedit opera , ut Patriarcha , & Episcopi Operariis in rebus Ecclesiæ uti ne dubitarent illis e Jesu Societate Sacerdotibus , quibus opera omni Sacra , jubente Carvalhio , interdictum antea fuisset , Encyclica Regis nomine
ad

(a) Ex hist. anni 1785. typis Pitter Venetis pag. 262.

ad Episcopos subscripta 19. Januarii 1759. (a)

Rursus cum filia Marchionis Penalvæ apud Lusitanos Magnates Virgo nobilissima, inter Cubicularias Reginæ cooptata fuisset, ingenii, peritiæque specimen in lingua & latina, & itala &c. ejusmodi visa est exhibere, ut Petrus III. Rex ab illius Patre, audiente Regina, quæreret: Quibus demum usa Magistris tam scite loqui didicisset Filia sua? Ego, inquit ille, Franciscum Duartem Ex-Jesuitam Magistrum Filiæ dedi, quem e custodia Junqueriæ vix emissum ad me vocaveram domesticum, ac familiarem *Hoc illud est scilicet, Rex subjiciebat quod usus, & experientia toties docuerat, Jesuitas esse apprime factos ad Juventutem in litteris, ac bonis moribus erudiendam; quos Ego, o Regina, vehementer cupio in statum pristinum videre prius resitutos, quam ipse e vivis abeam. Tibi verò, respondit Regina, nihil Ego, si quæris, in illo desiderio concedo. Utinam bina quædam capita arcana fæderis, quæ tu non ignoras, nuper a me cum Hispano icti, quibus Ego Reipublicæ causa manus invitissima dabam, mihi ad reducendam Jesu Societatem aurea vincula non injecissent, cum Ego & impunitatem Carvalhii Aulæ hispanicæ posulanti pollicebar, & Lusitanis Jesu Sociis pristinam eorum vivendi rationem inquam me*
con-

(a) Anecd. Ital. tom. 1. pag. 257.

*constitutarant, confirmabam! Ut Sapiientis fuit ser-
uire tempori, sic sapientis erit aliquando alia veli-
ficatione portum optatum tenere,*

Quæ Augustissimorum Parentum vota in ani-
mo dignissimi hæredis, & Successoris Joannis Bra-
silie Principis, impressa, atque altè defixa spe-
rare nos jubent, fore, ut aliquando ipsemet
Princeps ea opere perficiat, neque irrita esse
patiatur.

Hæ mihi visæ sunt & probabiles, & justæ
causæ, ut multa alia præteream, quibus tutò ab
Lusitanis Principibus sperare posse videor, fore
mihi nunquam verendum, ne Regiæ Lusitanæ
Aulæ offensionem incurrerem, si hæc typis meis
scripta in publicam lucem emitterem.

Nec enim mihi vero esse simile videtur, voluis-
se Regiam Lusitanam tot præclara innocentie
oppressæ testimonia ipsam ultro expromere; ab
aliis vero concelebrari eadem nolle.

Summam jam totius mei hujus faciam consilii.
Cupio iis gratificari edendo hoc scriptorum ge-
nere, qui de Christi Ecclesia optimè, de illa Je-
sû Societate bene semper existimarint. Causam
Lusitanæ Jesû Societatis sic cognoscendam lectori-
bus, iudicibus meis, permitto, ut neque factis
a Carvalhio adversus inimicos tot, tamque im-
potentibus præjudiciis sibi tenebras offundi patian-
tur; neque plus, quam veritas ipsa jure suo

Par. I.

D

po.

postulet, misericordiæ erga miseros, afflictos: que illos Jesu Socios largiantur, quos ego sic video animatos, ut Aulæ Regiæ Lusitanæ judicio, si quando causa ipsorum legibus dijudicetur, ad unum omnes, quos reliquos fecit diuturna gravissimorum malorum patientia, sint omnino rei exitum in utramvis partem nequissimo animo passuri.



*De tribus in Lusitanos Jesu Socios Habitis
Judicis Prænotio .*

JAm inde usque ab illo male ominato vel atrocioris odii, vel impotentis, fœdæque tragædiæ exordio, quam furiosissimus Scriba Regius, Sebastianus Carvalhius, in Jesu Socios moliebatur; ipse equidem mihi exquisita quadam cura Acta omnia institueram parare, quæ ad totam causæ illius rationem pertinere viderentur, eo scilicet consilio, ut, si quando Veritati, tyrannicum in modum oppressæ, pauló liberius in ista humanæ vitæ vicissitudine respirare liceret, mihi præsto essent monumenta, omni exceptione majora, quibus, innocentes Jesu Socios in Lusitania pessimè vexatos fuisse, palam omnibus ostenderem.

Et vero apud me sæpe tacitus mirabar, postea qui fieret, ut tam longo viginti septem annorum spatio & impunè Carvalhius a Divis, hominibusque omnia omnium generum & crimina, & scelera, & flagitia ferret; & insontes illi Lusitanæ Jesu Societatis homines in vinculis, in ærumnis in sordibus, omnibus sævientis fortunæ telis expositi, miseri, deserti, exules jacerent.

Ecce vero tibi, cum jam Arbitro illi Sapientissimo humanarum rerum, Deo, visum esset Carvalhianæ impotentæ aliquem modum, ac finem facere, nonnulla video in vulgus latenter

Par. I.

D 2

exi.

exire scripta, quibus non universim Jesuitarum Lusitanorum Innocentia, sed carptim tamen, ac veluti per partes majore bonorum omnium plausu, quam obtrectatorum fremitu, vindicaretur. (a)

Quare cum ego attentius animadverterem studium illud veritatis defendendæ, non poteram tamen illud sine exceptione laudare. Laudabam illa quidem scripta, quasi pro Reis iusontibus liberandis suffragia nonnulla, tabellis tacitis in vulgus exire cœpta; Consilium vero Scriptorum non satis probabam, qui cum una opera possent spicula omnia, in Lusitanæ Jesû Societatis Corpus a Sycophanta Lusitano conjecta, evellere; mallent tamen singulis quasi illius membris, quam Corpori toti opitulari. Itaque cæpi in unum

Cor-

(a) Anno 1782. Anecdota Gallice scripta (& Anno 1783. cum Adnotationibus recusa *Administrationis Sebastiani Carvalhii* apud Janum Rovichium Varsaviæ edita.

Anno 1787. Eadem Italice conversa apud Petrum Savioni Venetiis.

Anno 1782. *Memoriæ Marchionis Pombalensis* 4. tomis distinctæ.

Vita Sebastiani Carvalhii 5. tomis descripta. Anno 1791. *Breviarium*; seu Epitome historicum *Expulsionis Jesuitarum a Lusitanæ Ditionibus*.

1787. *Bona Ratiocinatio* in duabus Scripturis circa *Acta Judicialia P. Gabrielis Malagrida*.

1783. *Ad omnes Principes Libellus Supplex pro Societate Jesû Norimbergæ*.

1789. Vita P. Emman. Correx una cum adjectis *Animadversionibus &c.*

Corpus ea , quæ apud me jam diu essent , monumenta omnia conferre , quibus causam omnem Lusitanæ Jesû Societatis sic agerem , ut si qui illam singulis purgatam criminibus in aliorum commentariis existimarent , iidem universa omnium criminationum suspicione in scripto hoc meo absolverent .

Quod totum libentius hoc ego faciebam , quod non ita pridem Marchus quidam Bolanus , quocum mihi fuissent olim necessitudinis & plurimæ , & iustissimæ causæ , me vehementer per litteras rogaret , ut se , & omnes nationes una latina , & communi lingua causam totam Lusitanorum Jesû Sociorum edocerem , e quibus ille plures in Italia ejusmodi Sacerdotes , Doctoresque homines vidisset , quam ut , posse se , negaret , non optimè de tota illa hominum Societate existimare .

Equidem tres in Jesu Socios , dum Carvalhius impotentem in Lusitania tyrannidem exercebat , invenio sententias palam pronunciatas .

Primam , qua Franciscus Cardinalis Saldanha , Pontificius vel Cognitor , vel Censor , vel *Visitor* , Lusitanos Jesu Socios profanæ Negotiationis Religiosis hominibus lege canonica interdictæ , Reos declarabat .

Alteram , quam profanum illud Consilium , in quo Carvalhiani Judices consederunt adversus Cives perfidiæ suspectos , (quod *Inconfidentia* Tri-

Tribunal Auctor ille, nihilo lingua minus, quam mente barbarus, appellarat) in illos tres Jesu Socios egregios, Gabrielem *Malagridam*, Joannem de *Mathos*, & Joannem *Alexandro*, tulerat, quos conjurationis in Regem conscios pronuntiabat.

Tertiam, qua sacri Religionis violatæ Quæsitores illum ipsum *Malagridam*, Superstitionis Reum, & strangulandum, & flammis comburendum judicabant.

Hic nihil me velle parcere Jesu Societati, omnes, opinor, videant, cum illa dedecora singulatim persequor, quæ in Jesu Socios & tandiu in Europa, & tam late, & a tam multis viris, etiam religiosam vitam professis, occinebantur. Ita est profecto. Ulcera, Jesu Societati a Carvalho imposita, ipse aperio, iis sponte mea denuo manus admoveo; quæ non ego veluti pudenda carcinomata, sed quasi virtutis, fortitudinis, roboris, Religionis, pietatis gloriosissima esse stigmata, infami manu inusta, contendo.

Quod utrum a me verius, an cupidius dicatur, ipse constitues, si paulisper animum, mi, Bolene, (tibi enim hanc operam potissimum navo) advertas; Primum, dum tibi litteras Benedicti XIV. Pontificis Maximi, in *forma Brevis* quibus Franciscum Cardinalem Saldanham creabat Visitatorem Assistentiæ Lusitanæ Jesu Societatis,

tatis, exscribo: Deinde dum malitiosissimas Car-
valhii artes, quibus & Benedictum XIV., prope
jam moribundum, in fraudem inducere; & im-
peritorum bonæ fidei dolos necere; & nigerri-
marum Calumniarum invidia Jesu Socios per ma-
nus & Romani Pontificis, & Saldanhi Cardinalis
obruere conaretur. = En Breve: (a)

*Dilecto Filio Nostro Francisco, S. R. E.
Diacono Cardinali de Saldanha nuncupato.*

BENEDICTUS PP. XIV.

Dilecte Fili noster, Salutem, & Apostolicam
Benedictionem. In Specula supremæ Digni-
tatis divina dispositione, meritis licet insufficien-
tibus, constituti, inter multiplices rerum, nego-
riorumque, quibus in hac nostra ingravescente
ætate, & parum firma valetudine obruimur, cu-
ras; ad ea etiam ex debito Pastoralis officii no-
bis commissi sollicitè advigilare debemus, per
quæ Religiosa loca, illorumque personæ, divi-
nis mancipatæ obsequiis, in pacis, & quietis tran-
quillitate, ac regularis vitæ, & ecclesiasticæ di-
sciplinæ norma, coadjuvante Domino; perenni-
ter conservari valeant. Cum, sicut pro parte Ca-
rissimi in Christo Filii nostri Josephi Portugalliæ,
&

(a) Ulyssipone 1758. in Oficina Michaelis Rodriques Emi Card.
Patriarchæ Typographi.

& Algarbiorum Regis Fidelissimi Nobis expositum fuit, haud levia suborta sint inconvenientia, & abusus in Provincia, seu Provinciis Clericorum Regularium Societatis Jesu tum Portugalliae, & Algarbiae, tum Indiarum Orientalium, & Occidentalium existentibus; dominio ejusdem Josephi Regis subjectis, de quibus omnes fere Nationes, Regionisque certiores factas esse, existimatur, propter parvum Volumen typis impressum, & tum Nobis; tum Ven. Fratribus nostris S. R. E. Cardinalibus distributum. Nos, qui Societatem praefatam paternis complectimur affectibus, nil aliud proprium, ac decens in hoc rerum statu esse ducimus, quam juxta laudabile Romanorum Pontificum Praedecessorum nostrorum institutum, & Consuetudinem, unum ex S. R. E. Cardinalibus deputare, ac nominare, qui primum de omnibus, & singulis hujusmodi negotiis accurate expensis plenissimè instructus, eadem ad Nos deinde referat, aperiatque, ut postea, matura consideratione adhibita, quidquid statuendum sit, opportune, & saluberrime decernamus.

Motu itaque proprio in Visitatorem Apostolicum, ac Reformatorem Clericorum Regularium Societatis Jesu, in Regnis, & Ditionibus, & Provinciis etiam Indiarum, memorato Josepho Regi subjectis existentium, tenore praesentium

con-

constituimus , ac deputamus ; seu Circumspectioni tuæ , ut cum assistentia unius , seu plurium personarum in ecclesiastica dignitate constitutarum tam in capite , quam in membris , Autoritate nostra semel visites , ac reformes ; ac in earumdem personarum statum , vitam , mores , ritus , disciplinam , aliamque vivendi rationem , tam conjunctim , quam divisim , diligenter inquiras , nec non Evangelicæ , & Apostolicæ doctrinæ , sacrorumq. Canonum , & generalium Conciliorum decretis , & SS. Patrum traditionibus , atque Regulari dictæ Societatis Instituto , & Apostolicis Constitutionibus , præsertim Felicis record. Urbani PP. VIII. , Predecessoris nostri , die 22. Februarii 1633. , incip. *Ex debito Pastoralis Officii* &c. , & a nobis per quosdam nostra in simili forma Brevis die 20. Decembris 1741. expeditas litteras , quarum initium est , *Immensa Pastorum Principis* &c. , editis inhærendo , & prout occasio , rerumque qualitas , & necessitas exegerit , quacumque mutatione , correctione , emendatione , renovatione , revocatione , ac etiam ex integro editione indigere cognoveris , juxta datam tibi a Domino prudentiam corrigas , emendes , renoves , revoces , ac etiam de novo condas .

Et si contigerit , te aliqua legitima de causa detineri , ut Visitationem prefatam per te ipsum extra Civitatem Lisbonensem minime facere va-

Par. I.

E

leas

leas , alias Ecclesiasticas personas tibi bene visas ; cum simili , vel limitanda potestate , in tui locum ad Visitationem , & Reformationem habendam , etiam in Indiarum Provinciis præfatis , deputandi facultatem pariter tribuimus .

Si quæ autem graviora in hujusmodi Visitatione repereris ; ea omnia sub tuo sigillo clausa ad Nos quamprimum diligenter transmittas ; ac Nobis referas , & patefacias , quæcumque ad hanc causam pertinere arbitraveris : Ex re enim , & tempore consilium capiemus , & effusis lacrymis Omnipotentem Deum clamore valido orabimus , atque obsecrabimus , ut quod inde statuendum sit , matura deliberatione decernamus .

Mandantes præterea omnibus , & singulis Superioribus , Ministris . Clericis Regularibus , aliisque personis Provinciæ , seu Provinciarum , Domorum , Collegiorum , aliorumque locorum Societatis Jesu prædictis in præfatis Regnis , Ditionibus , & Provinciis , etiam Indiarum , ipsi Josepho Regi subjectis , sicut præmittitur , existentibus sub excommunicationis latæ sententiæ , Nobis , & Romanis Pontificibus Successoribus nostris reservatæ , præterquam in mortis articulo , ac suspensionis a divinis , & privationis suorum officiorum , aliisque arbitrio nostro infligendis pœnis , ipso facto incurrendis , ut tibi , ac personæ , seu personis per te , ut præfertur , deputandæ , seu deputandis

dis in præmissis omnibus, & singulis promptè
pareant, & obediant, tuaque, & illius, seu il-
lorum salubria monita, & mandata humiliter su-
scipiant, & efficaciter adimplere procurent: alio-
quin sententiam, sive pœnam, quam rite tuleris,
seu statueris in *rebelles*, ratam habebimus, & fa-
ciemus, Auctore Domino, usque ad satisfactio-
nem condignam inviolabiliter observari.

Datum Romæ apud S. Mariam Majorem sub
annulo Piscatoris die 1. Aprilis 1753., Pontifi-
catûs nostri anno 18.

Pro Cardinali Passioneo
Joannes Florius Substitutus.

Par. 1

E 2

§. I.

I. JUDICIUM

*Malitiose Carvallhius per subornatos a se Emis-
sarios Breve Reformationis ab Ægroto
Benedicto XIV. aufert.*

SI ego te non male novi, mi Bolane, non pa-
rum a te jam gratiæ iniisse me putem, qui
quasi primum in litteris Benedicti XIV. classicum
internecini belli, in Jesu Societatem hoc sæculo
medio indicti; repetendum judicaverim; non
quod tu illam inimicissimo bello oppressam pro
tua humanitate gaudeas; tametsi id tui loci non
pauci faciant; sed quia illud non ignores, a Lu-
cretio, latino Poeta (a) fortasse non malo, pes-
simo tamen omnium Philosopho, si christiana ora-
cula audiamus, satis scite dictum fuisse.

Suave, mari magno turbantibus æquora ventis,
E terra magnum alterius spectare laborem:
Non quia, vexari quemquam, est jucunda volu-
ptas,

Sed, quibus ipse malis careas, quia cernere su-
vave est.

Sed ego nolo te inaniore classici unius clangore
de-

(a) Lib. II. v. 1.

demulcere. Accipe, sis strategemata occultiora, quibus bellum cum in Jesu Societatem Carvalhius instrueret, tum iis etiam, qui nollent una secum malis artibus in Jesu Socios pugnare, indiceret.

Vides tu quidem Breve Pontificis Romani Francisco S. R. E. Diacono, Cardinali *de Saldanha*, fuisse inscriptum: Quod totum fortasse credas, non Carvalhio uni, sed Romani Pontificis arbitrio esse ascribendum. At in eo ne erres, mi Bolane, rem totam a principio accipe.

Jam pridem Carvalhius ab anno 1750., quo Joannes V., primus dictus Fidelissimus Lusitaniæ Rex, (a) diem supremum obiisset, consilium perdendæ in Lusitania, ubi sibi primam per occasionem liceret Jesu Societatis cœperat; quam auctoritate apud Aulam Regiam suis vel pestiferis conatibus, vel liberrimæ rerum omnium potestati, ac dominationi moram allaturam esse, judicabat. Quod ille consilium, sibi cum multis aliis Regum aliorum Ministris commune, Mantuæ Carpetanorum in convivio quodam nobili significaverat, cum diceret, „Fieri non posse, ut
„omnia Regii Ministri possent, dum Confessa-
„rii e Jesu Societate Regii quicquam apud Aulas
„Regias possent.“

§. II.

(a) Brev. histor. Expuls. Jes. e Lusit. pag. 24.

Carvalhius carcere perpetuo punit *Franciscum* ab *Annuntiatione*, detrectantem *Reformatoris Jesuitarum* munus oblatum.

ERgo, ubi primum nuncius est *Carvalhio* allatus de valetudine ingravescente, & prope desperata *Senioris Benedicti XIV.*, morbum *Pontificis Romani* suam ipse occasionem ratus, ad se per literas vocat virum illum religiosissimum *Franciscum de Annuntiatione*, *Canonicum Regularem Ordinis Augustiniani*, & *Academiæ Conimbricensis Reformatorem (a)*.

Ausus ei *Carvalhius* misterium non tam consilii sui, quam iniquitatis extremæ impudentissimam audaciam aperire. Ubi videt, Virum, justitiæ tenacem, nulla ratione posse adduci, ut, si semel *Visitator a Pontifice Romano* crearetur, vellet in perniciem *Jesû Societatis* censura abuti sua; adeo excandescere, ac furere cœpit, ut illum in cœnobium *Ordinis sui* loco carceris conjiciendum præceperit, ubi ille immortalis est.

Deinde secum *Carvalhius* hæc. Si hac non processit, alia aggrediamur via. Hic habeo, ait, ad manum *Purpuratum* istum *Patrem Saldanham*

(a) Brev. hist. Expuls. Jes. pag. 67.

danham : hunc ego comem , & facilem virum pro Augustiniano isto Canonico , ninium religiosæ conscientiæ retinente , Censorem Jesû Societatis creandum Romæ facile curabo . Quid enim mihi non gratificetur bonus Saldanha , vir parvi , & indulgentis animi , nec ab ambitione omnino intacti ? Quem ego vel terrore supercilii Regiî a salute Jesuitarum abducere , vel ostenso Patriarchatus honore ad eorum perniciem facillime mihi videor posse pellicere .

§. III.

Carvalhius ausum Andradium Oratorem sibi Romæ non morigerari in procuranda Reformatione , carceri addicit .

SEd enim cum Ulyssipone omnia per Saldanham sibi Carvalhius ex animi sui sententia pollicetur , nihil Romæ , dum ibi res per Antonium Andradium Freirem Insorabodium , Oratorem Lusitanum , ageretur (a) , assecuturum se esse opinabatur ; Virum clarissimum , cui & fraudes Carvalhii facile apparuissent , & semel manifestæ sine dubio irritæ ejusdem opera futuræ fuissent .

Illud

(a) Brev. hist., pag. 56.

Illud equidem non ausim pro certo ponere: Oratorem illum Andradium, a Carvalhio de tota malitiae suae ratione appellatum, omnino se se a tam foeda molitione alienum ostendisse: At eam certé fuisse Carvalhio causam, plurimi suspicabantur, cur Andradium per summam injuriam statim ab Urbe in Belgium Legatum mitteret, Belgio deinde Ulyssiponem accersitum in carcerem detruderet, ibi viginti duos annos retentum.

Quam suspicionem satis, superque probabilem & integritas Andradii summa, & dignitas omnibus spectata, & viginti duorum annorum, quandiu Tyrannus ille regnavit, teterrima in vinculis custodia efficiebant; a qua Vir clarissimus, cum esset, mortuo Josepho I., per Reginam eductus, illico creatus est Magnus Lusitaniae Cancellarius.

At Carvalhius, qui semel æquitatis, ac moderationis fines esset transgressus, effræni, atque impudentissima quadam pertinacia in injuria urgenda perseveravit; qui Andradio in Aula Romana succedere jussit Oratorem alium, Franciscum illum Almadam, (a) nihilo minus rerum imperitum, quàm in agendo vecordem, ac prope furiosum, ad arbitrium Carvalhii factum, Lusitani Regni in Urbe maculam, atque opprobrium, quod

(a) In Vita P. Corree pag. 263 Animad. 2.

quod expiare, mortuo Josepho I., Regina omni ratione conata omnino non potuit.

§. IV.

*Malis artibus per Oratorem Almadæ circum-
ventus Æger Benedictus XIV.: Visitatorem
Saldanham dicebat.*

ERgo Carvalhius Almadæ suo binis litteris, al-
teris VIII. Idus Octobris (a) anno 1757., al-
teris IV. Idus Februarii (b) anno 1758. scriptis,
præcipiebat, ut summa ope a Benedicto XIV.,
gravius ægrotante, Breve extorqueret de Reform-
atione Jesû Societatis in Imperio Lusitano: qui-
bus litteris valde hominem admonerebat, ut clan-
culum per quosdam emissarios, Jesû Societati
inimicissimos, (eos ænigmaticis notis utrique
apprime notis indicabat) rem totam conficien-
dam curaret, ne quid Jesuitarum natio persenti-
sceret; quod quo commodius, ac prolixius ob-
tineret; illis, conjuratis in Jesû Societatem ho-
stibus, (c) triginta Aureorum millia primò pro
re bene gerenda distribueret, deinde rem bene
gestam ampliore præmio cumulaturus.

Par. I.

F

Quæ

(a) Brev. histor p. 57. (b) ibidem p. 60.

(c) V. Animad. 3. ad Vitam P. Correx pag. 194.

Quæ cum ita Romæ fierent, nihil inde causæ fuisse, mi Bolane, vides, cur tantopere mirati non pauci fuerint, Benedictum XIV. & languore senectæ, & valetudinis morbo, & conjurate, potentisque factionis fraudibus circumventum, morem Carvalhio in Saldanha Visitatore constituendo gessisse. Nec enim sanus unquam Benedictus sibi persuaderi fuisset passus, ut per speciosa violati officii mendacia, per quæsitum disciplinæ restrigendæ colorem, per impudentem defectionis calumniam ab ipso Carvalhio disseminatam, sine amplioris suspicionis examine, Visitatorem Jesû Societati creandum decerneret.

Hic si in re paulo acerbior per ludum, & jocum dicere verum non dedecet, tibi illud a Benedicto non insulsè dictum de Rege Paraquario Nicolao I., qui e malè sano Carvalhii cerebro abortivus in Jesû Socios immissus fuerat, Bolane, referam. Ergo Benedictus, „ cui ridiculum, acri fortius, ac melius, magnas plerumque secaret res. “, ad præsentis fabulæ Narratores conversus: Quæso, ait, a vobis: Rex iste, Laicus Paraquariæ, est Eunuchus a Jesuitis factus, an non? Cum illi negarent, in Republica illa recenti Paraquariæ Eunuchum Regem describi Nicolaum I.; „ ergo Rex quidem nullus Nicolaus, subiciebat, creatus est a Jesuitis, qui Coronam Societati servassent suæ, non masculi Regis proli credidissent “.

Adeo.

Adeo Benedictus pro ridiculo, dum bene valeret, Carvalhium habuerat, Auctorem fabulæ de Paraquaria Republica, quam potissimum fabulam pro causa creandi Visitoris reddebat is, quicumque Breve ad Reformatorem Saldanham scripsisset.

§. V.

Benedictus XIV. integer viribus, cautior in Visitoro legendo futurus *omnino fuisset*.

ERgo ad Breve moribundi Benedicti XIV. propius accedamus. „ Inter multiplices, inquit, rerum, negotiorumque, quibus in hac nostra ingravescente ætate, & parum firma valetudine obruimur, curas, ad ea etiam sollicitè vigilare debemus, quæ ad conservandam perennem in religiosis personis ecclesiasticam disciplinam, atque ad corrigendam in illis perniciosam vitæ licentiam pertineant. “ In hanc sententiam præfatus doctissimus Pontifex id, quod in Edictis suis optimi quique Principes faciunt, ad caput ipsum causæ descendebat.

„ Pro parte, agebat, charissimi in Christo Filii nostri Josephi I... nobis expositum fuit, quod haud levia suborta sint inconvenientia, & abusus in Provincia, seu Provinciis Clericorum Re-

Par. I.

F 2

gu-

Regularium Societatis Jesu tum Portugalliæ, & Algarbiorum, tum Indiarum Orientalium, & Occidentalium existentibus, dominio ejusdem Josephi Regis subjectis, de quibus *omnes fere Nationes, Regionisque* certiores factas esse, existimatur, propter parvum volumen typis impressum, & tum Nobis, tum Venerabilibus Fratribus nostris S. R. E. Cardinalibus distributum. “

Habes hic paucis comprehensam verbis, mi Bolane, causæ totius constitutionem, in qua de Censore creando agebatur, qui Lusitanam Jesu Societatem, male audientem ob *parvum volumen* typis editum, & passim Romæ divulgatum, ad officii religiosi meliorem frugem revocaret.

Et primum omnium, ut nemo non vigilantiam laudet in ætate ingravescente, in infirma valetudine, extrema vitæ actione, Romani Pontificis, qui religiosæ disciplinæ, etiam moribundus, tantopere consuleret; Sic omnes boni in Benedicto eam virium firmitatem desiderent, per quam ei licuisset in Actorem totius causæ more suo, idest cautius, ac lentius inquirere.

Nihil nunc dicam de vesano Oratore Almada, qui bene valenti Benedicto suspectam totam postulationem sic fecisset, ut ejus unius fidei sine ampliore discussione credendum, Romanus ille Pontifex jure Visitatorem non existimasset: cum non raro accadat, ut Oratores ad suum ipsorum arbi-

arbitrium, non ad Principum judicium, libellos supplices vel fingant, vel certè moderentur; cujus vel politicæ prævaricationis, vel mentitæ fidei nostra hæc ætas, fraudis fœcundissima, non est passa, nos exempla desiderare. (a)

§. VI.

*Nomine Regis fraudulenter in Visitatore extor-
quando abusus Carvalhius, non erat Ro-
mæ audiendus.*

DE Carvalhio illo, jam tum omnia novare incipiente, si satis quidem bene Pontifex Maximus valuisset, sine ulla dubitatione prius quæsisisset, quàm ad ejus arbitrium Visitatorem nominasset. At enim postulatio tota nomine Josephi Regis nitebatur. Audio politicam cantilenam & quidem pessima quæque Carvalhi Consultata, quorum tam valde jam morti proximum Josephum pœnituisse, Pius VI. apud Patres Purpuratos asseverabat, nomine regio, regio edicto, regio imperio fieri a Carvalhio dice-
ban-

(a) Nuper plurimus ab Hispania rumor venerat, multa regio nomine fuisse Romæ superioribus his annis postulata, quæ concessa, penitus Regi nova contigissent; potissimum recentem illas Jejuniorum, & festorum dierum innovationem, Regi optimo & toti Hispaniæ odiosam.

bantur. Quasi vero non ea sit sollemnis mali cuiuslibet Ministri calumnia, ut auctoritate regia omnia facinora sua sanciat. Certé res ipsa ad extremum palam omnibus fecit, Josephum Regem usque ad ultimum Regni sui tempus iis fuisse artibus a Carvalhio circumventum, ut Rex in præcipiendo Ministro pareret suo, in regnando serviret, in imperando Carvalhii voluntati sæpe Josephus I. obediret.

At petitio tota nomine Josephi Regis fiebat. Quid? tam imperitus artium aulicarum Benedictus erat, ut, si illi per valetudinem licuisset, in re tam nova, tam inopinata, tam per se gravi, non ante ad Nuntium Ulyssiponem de re tota scriberet? non ante, num Rex ita ex animo cuperet, inquireret? Certé nemini Benedictus XIV., & ingenii acumine, & regendi usu, & conjiciendi dexteritate Romanorum Pontificum cum concederet, non illud cautionis genus omisisset in actione, per se suspicionis plenissima, quod de more prudentissimus quisque Judex solet adhibere.

An vero sapientissimus ille Pontifex Benedictus, juris omnis & divini, & humani consultissimus, cum deferri sibi *inconvenientia*, & *abusus*, pessima & facinora, & exempla Jesû Societatis in Lusitanis Provinciis videret; non prius lentè inquisivisset, modo valetudo non fracta
fuis-

fuisset, quo auctore, quo teste, cujus Litteris, qua criminis verisimilitudine deferrentur?

Nondum dico id, quod confessione extrema delatoris Carvalhii in judicium recte, atque ordine a Regina vocati, omnibus apparuit nulla fuisse sua illa *inconvenientia*, nullos *abusus*, nulla peccata, nulla crimina in Lusitana Jesu Societate; sed ficta omnia delicta ab eodem illo Sejano Pombalensi fuisse Pontifici delata.

§ VII.

Parvum volumen typis impressum pro famoso libello fide indigno sine examine erat habendum.

Illud dico ex illis artificiosissimis Carvalhii verbis, de quibus (criminibus scilicet, Lusitanæ Jesu Societati per Carvalhium confictis), „ *omnes fere Nationes, Regionesque certiores factas esse existimatur propter parvum volumen typis impressum, & tum Nobis, tum Ven. Fratribus nostris S. R. E. Cardinalibus distributum* “ Ex istis inquam verbis, doli, fraudis, insidiarum plenissimis; id quod paulo post in oculis omnium defixurum me esse promitto; Benedictum inquam, sanum, & bene valentem numquam eo fuisse descensurum, ut suspectam Jesu Societatem haberet, nisi prius inqui-

inquisisset, cujus opera parvum volumen prodississet, quibus potissimum hominibus arrisisset, quibus rerum testimoniis se volumen parvum, pravumque commendasset. Quasi vero ille ipse Benedictus ignorasset, eo quasi salutari ad bonum Ecclesie catholice fato natam Jesu Societatem fuisse, ut jam inde ab Ignatio, Sanctissimo ejus Conditore, omnia in Jesu Socios mendacia, flagitia, crimina fingerentur; omne calumniarum genus, partim ab odio hæreticorum, partim a similitudine improborum, partim a multorum obtreptione, satis ad speciem honorum, per omnes Nationes, per omnes Regiones, non parvis jam voluminibus, non anonymis libellis, sed plenis tomorum maximorum plaustis, sed magnis, ac famosis Scriptorum nominibus distribuerentur.

Omnino illud ita se habere, Benedictus noverat; quemadmodum Jesus (qui suo de nomine dici Jesu Societatem, volente Paulo III., providisset) positus fuisset in signum, cui contradiceretur; sic non sine Numine factum per duo sæcula fuisse, ut ubique illi Societati Jesu contradiceretur: id, quod & nascenti Ecclesie contigerat, & quod Ignatius, in magno quodam munere a Superis, multorum annorum precibus, se ad extremum obtinuisse, Ribadenerie suo narraverat.

Cir-

typis impressum paulisper inquiras . Quod demum , aut quale erat parvum Volumen ? In litteris quidem Benedicti non titulum parvi voluminis , non libelli famosi indicem , non nomen Scriptoris falsarii , non tempus impressi parvi Voluminis lego .

Quæ , malum ! nova ista ratio instituitur *Romæ* testimonii sine auctore , testis sine nomine producendi ? Qui factum est , ut iste Scriptor librarius censorii Brevis de Visitatore Saldanha constituendo , præter morem Curiae Romanæ , præter tritam allegationum farraginem , parvum Volumen , anonymum , intestabile , sacrum , male ominatum pro testimonio excitet ? Num hic latet anguis in herba ?

Dic , sodes , conducte Scriptor , parvi voluminis titulum ? Dic Scriptoris nomen ? Non opus est dicto : non dico . Cur vero non ? Quia id conceptis verbis dici , prohibet Carvalhius in epistola ad Almadañ suum , meumque divisorem scripta , minatus , nihil se in manum auri cruciati ei daturum , si quis in Brevis Visitationis *Jesuitarum Rempublicam* , suam ipsius Carvalhii manu conflata nominet .

Itera dum eadem ista mihi ; non enim satis intellexisse videor . Parvum inquit Volumen fuisse *Rempublicam Jesuitarum* ? Ergo parvum , ac pravam *Volumen Jesuitarum Reipublicæ* in brevi
reti-

reticetur . Nunc video , callidissimé calumniatorem Ministrum , nomen parvi voluminis proprium , cane pejus , & angue fugisse .

Nam eo voluminis nomine palam prolato coram Pontifice Romano , periculum certissimum fuisse videbat , ne in examen *Respublica* illa *Jesuitarum* , plusquam Platonica , Romæ adducta , nunquam novum Censorem Saldanham pateretur a Benedicto creari . Ipse enim Benedictus , etiam parum bene valens , ubi in Brevi sibi recitando nomen ex ore Librarii *Respublica Jesuitarum* , audisset ; fortasse novam calumniam , novam molitionem veritus fuisset : certé quidem meminisset in Lusitania ipsa paulo ante factum fuisse , ut *parvum volumen* , in quo lateret commentitia *Jesuitarum Respublica* , auctoritate Ecclesiastica flammis addiceretur ; ex quo factum fuisset , ut sine ulla dubitatione consilia Carvalhii patuissent , & ipsius Benedicti decretum tamquam obreptitium summo cum utriusque Aulæ dedecore judicaretur .

*Brevis Relatio Reipublicæ Jesuitarum ficta ,
instructa , ornata , vulgata passim
a Carvalhio .*

ESto tamen : nihil fuisset Benedictus ea calumnia commotus ; nihil nova Republica offensus , Breve Visitationis , vel ambitioni Carvalhii dedisset , vel gratiæ Præfecti Brevium , insigniter perosi Jesû Societatem , concessisset : tamen , si Rescriptum Benedicti jam ad Lusitanos allatum , palam mentitum fuisset , ideo æquum esse , Visitationem Jesû Sociis indici , quod eorum *plurima inconvenientia , plurimos abusus , plurima monstra , ac prodigia Reipublicæ Jesuitarum* Scriptor esset commentus ; profecto pro spurio , pro supposito , pro adulterino , pro falso , pro obreptio , pro Carvalhiano fuisset ab omnibus reputatum .

Hoc loco me plurimum operæ meæ pretium , si subtilius fabulam Reipublicæ Jesuitarum persequar ; te etiam , mi Bolane , aliquod esse facturum , si attentius audias , existimo . Des ergo bonus mihi operam . Carvalhius , qui cum multis aliis de causis , tum eo potissimum nomine Jesû Societatem ulcisci vellet , quod per eam stetisse sibi persuasisset , ne in terminandis

Ame-

Americanis finibus ditionis Hispanicæ, & Lusitanicæ ingens accessio Lusitanæ ditioni fieret; coepit jam ab anno 1757. totus in eo esse, ut, quod nullo jure sibi liceret, id per summam calumniam, per adictam sibi fidem, vel potius perfidiam Scriptorum venalium obtineret: Ergo cum *parvum volumen* a Benedicto indicatum, cui (a) titulus: *Brevis Relatio* Reipublicæ, quam Religiosi Societatis Jesu Provinciæ Lusitanæ, & Hispanæ in utriusque Imperii ditionibus constituerunt, & Belli, quod in eisdem declararunt, & sustinuerunt adversus exercitus Hispanum, & Lusitanum: hoc, inquam, parvum volumen, vel ipse cum per se Carvalhius, verbosissimus Scriptor, finisset, vel fingendum asseclis suis dedisset; (b) III. nonas Decembris 1757. manibus ipse suis illam *Brevem Relationem* Carvalhius Episcopis, Præfectis Ordinum Religiosorum, Lusitanis Magnatibus, Legatis Regum Ulyssipone dividebat.

Neque ea tam insolentis odii sui, ac calumniæ jactatione domi contentus; illam *Brevem Relationem* Reipublicæ a se inventæ, missam ad Oratores Lusitanos circum omnes Reges, ac Populos, omnibus Europæ linguis interpretandam, dili-

(a) Anecd. Ital. tom. I. pag. 46.

(b) Adnot. 1. pag. 177. *Illud parvum Volumen.*

diligentissimé pro imperio curabat (a) :

§. X.

Brevis Relatio Jesuitarum a Fidei Quæsitore
flaminis adicta , ab aliis Ecclesiæ Præ-
fectis legi vetita apud *Lusitanos* .

ATqui , si unquam aliás , tum vel maximé in illa Carvalhiana *Relatione* patuit , non semper veritatem a mendacio , Justitiam a potentia , æquitatem a gratia superari . Vix enim Carvalhius , niger ille corvus , nigriorem illum Reipublicæ suæ pullum produxerat ; cum omnes & sacri , & politici Magistratus , novum prodigium detestati , diris , execrationibusque suis expiandum censuerunt .

In ipsa enim Lusitania fidei Quæsitor Franciscus Mendezius (b) Brevem Relationem Reipublicæ Jesuitarum , e Carvalhiano cerebro recentem , sacris facibus cremandam decernebat .

Eborensis item Archiepiscopus (c) Michael de Tavora oves suas ab aspectu *Brevis Relationis* , quasi a fascinante aliquo Basilisco , privatim (per edictum non licebat) deterrebat .

Quin

(a) Anecd. Ital. tom. I. pag. 129.

(b) Anecd. Ital. tom. I. pag. 133. : Suis manibus igni tradidit .

(c) Anecd. Gallicè script. 2. Edit. ; Lib. 2.

Quin etiam Prior Carmelitarum Fratrum Excalceatorum, cum eos in Concilium convocasset, *Brevis Relationis* lectionem severè prohibebat.

Universitas Conimbricensis id ipsum censuit. Jam tu, opinor, etiamsi nullus ego te moneam, apertissimè, mi Bolane, perspicis, non dico, quam sublestæ fidei, quam artificiosæ calumniæ, quam impotentis odii, quam projectæ temeritatis plena esset illa *Brevis Relatio*; sed illud certè, quam malitiosè a Sycophanta Purpurato Carvalhio Romæ per Almadam ageretur, ne in Brevi Pontificio nomen audiretur *Brevis Relationis*, quo uno ascripto, fides omnis fuisset Brevi illi Censorio in Lusitania abroganda.

§. XI.

Et Romæ a Clemente XIII., & Matriti a Quæsitore Fidei Supremo Parvum Volumen una cum similibus Libellis legi vetitum.

Vide jam nunc, quid alibi in parvum illud volumen, quod Romæ & Benedicto Pontifici, & ejus Ven. Fratribus S. R. E. Cardinalibus fuisset per Carvalhianos Diribitores in manus datum, sit paucis post annis constitutum.

Clemens quidem XIII., qui Benedicto successit,

sit, cum parvum volumen ficulneum illud columen, in quo Breve Benedictinum de lustrandis per Saldanham Lusitanis Jesu Sociis totum inniteretur, & ipsum malitiosissimis calumniis refertum cerneret, & tuberrimum aliorum libellorum infamium, quos paulo ante infimæ paginæ illinebat, fontem comperisset; rogatus ab Episcopis, ut gliscenti infamiae obviam iret, ut exemplo perniciem veritati trahenti viam præcluderet, ut frænum maledicentiæ Carvalhianæ injiceret; cum parvum illud volumen, tum illius Appendices omnes, in tam multis infamibus libellis dispersas, quas *Invidentiæ*, & *impietatis fructus*, post earum examen diligentissimum, appellabat, Pontificia volebat Auctoritate condemnata.

Idem ille æquitatis Antistes servantissimus sibi nondum fuisse satis Romana Censura arbitratus, nisi eam passim in Catholicis Provinciis notam videret, per Litteras suum in Hispania Legatum admonebat, ut venenatam Carvalhiano afflatu infamium libellorum segetem, maxime vero Brevem Relationem, post diligentissimam discussionem condemnandam curaret (a).

Quo factum est, ut Supremus in Hispania fidei Quæsitör, Emmanuel Quintano Bonifatiüs (b),
non

(a) Animad. 3. ad vitam P. Corr. pag. 225.

(b) Anecd. Ital. tom. I. pag. 112.

non modo omne genus illud libellorum satyricorum una cum Parvo Volumine, *Brevis Relatio*, edicto suo notaret; verum etiam in certos quosdam homines regulares, qui eas merces carvalhianas, multum a se ipsis commendatas, quasi religiosi succi plenissimas, & vendere emptoribus, & non emptoribus gratis donare non dubitarent, animadverterint. Videbat enim, in Typographum Nicolaum Pagliariniū Romæ animadversum fuisse a mitissimo Clemente XIII. (a), ejus capitis sententia in exilium commutata.

Liceat mihi Carvalhium alloqui: i nunc, Carvalhi, Breve censorium Benedicti obreptitium exosculare: Bullam *Apostolicum* Clementis furiis omnibus devove (b).

§. XII.

Quo consilio Parvum Volumen fuerit a Calumniatore Carvalhio confictum?

Illud quidem certè Parvum Volumen, moribundo propemodum Benedicto Romæ per doctum malum commendatum, adeo Regiis Castellæ Consiliariis non placuit, ut de communi totius

Par. I. H Con-

(a) Adnot. pag. 67.

(b) Hist. ann. 1765. p. 235. Quia Palafoxio contraria.

Consilii sententia, reclamante per emissarios suos Carvalhio, & omnia Matriti miscere conante, fuerit per publicum Carnificem (a) combustum. Quo in judicio nihil est actum, quod ab illius Supremi Consilii gravitate non jus ipsum flagitare videretur. Illi enim Senatores, quibus semper fuisset & invisa, & suspecta actio tota Carvalhiana, per quam res Lusitana in Paraquaria damno imminutæ Hispanicæ dominationis cresceret, jam a principio suspicati, nihil veri, nihil æqui, nihil moderati ab ore Carvalhiano expectandum; fabulosam Rempublicam totam fuisse, ex actis publicis, in ipsa Paraquaria confectis, nullo negotio comperiebant. Res in hunc modum acta est.

Prætor in Provinciam *Bonariam* missus erat vir ille clarissimus, Petrus Zevallius, dux nihilo manu minus, quam consilio bonus. Is vix in Paraquariam, quæ Regio provinciæ suæ pareret, delatus, facile calumniam totam de Republica Jesuitica deprehendit, quam ibi duo Lusitani, Joannes (b) Gomesius urbis S. Sebastiani in Brabilia, & Franciscus Xaverius Mendoza, Carvalhii germanus Frater, Paraensium in Marinonia, Præfecti (c) exorsi, prætexendam illi ipsi

(a) V. Anecd. Ital. tom. I. p. 112.

(b) V. Animad. 3. ad vitam P. Corr. p. 192.

(c) V. Compend. Hist. p. 52.

in Lusitania fraudis artifices Carvalhio dedissent; & eo quidem facilius deprehendit, quo nonnulli Hispani, de commutandis cum Lusitano quibusdam Oppidis missi, turpius fuissent prævaticati, duce, & auctore Marchione Valdelirio, fidissimo perfidiæ Carvalhianæ Ministro.

Res in eo erat tota, non, utrum in Paraguaría lateret Respublica, quam nondum Carvalhius abortivam peperisset; sed utrum per Jesuitas, qui apud Guaranos septem Ecclesiis præessent, stetisset, quominus illi vici septem a suis sedibus in novas sedes emigrassent. Septem enim illos vicos, quos bonis nominibus Divorum, Michaelis, Laurentii, Aloysii, Joannis, Angelorum, Nicolai, Francisci Borgiæ, insignitos, Jesu Socii Missionarii in iis Barbarorum finibus condidissent, vacuos sibi tradi Lusitani una cum eorum culto agro ex fœdere; (a) mense Februario 1750. icto inter Hispanum, & Lusitanum Regem, postulabant.

Et illi quidem Jesu Socii, cum omnia manibus, pedibusque apud illos Pagorum incolas obnixè fecissent, ut eos e patriis focis, agris, finibus in deserta loca, in campos incultos, in infestas barbarorum latrocinii terras extractos abducerent; neque vi orationis nudæ id essent

Par. I.

H 2

asse-

(a) *Anecd. Ital. tom. I. p. 47.*

assecuti, quod vis unquam sine armorum strepitu inaximi Imperatores effecerunt; invidiam rei totius ii Regum Duces, quibus datum esset negotium expellendorum e suis aris, atque focis Guaraniorum, in Jesu Socios illarum Ecclesiarum Parochos a se avertendum curaverunt.

Quare Regii Curatores per inediam, per minas, per terrorem quæstionis a captivis nonnullis Vicanis, qui inviti fateri cogerentur, confessionem extorsere, Jesuitas auctores sibi fuisse non emigrandi, eamque rem jactare cœperunt.

§. XIII.

*Prætor Bonariensis Zevallius publico judicio
Calumniam Reipublicæ Jesuiticæ in re
præsenti refellit.*

AT Zevallius, vir omnium integerrimus, atque antiquæ illius Hispanorum fidei suo pte ingenio retinentissimus, calumniæ rationem totam prius non leviter subodoratus, eam publico habendo judicio sibi discutiendam existimavit.

In Pago Paraquariæ S. Francisci Borgiæ porticus erat templo contigua: ibi suggestum sibi fieri Imperator præcepit. Ad se Valderium, Viannam, Salam, Navarram, aliosque ex Consilio Hispani exercitus Duces, ac primos Centuriones
con-

convocat: Binas linguæ Guaranianæ interpretes, Villanovam, & Casaensezium adhibet: Ex septem illis pagis complures homines coram citari jubet, quos octingentis Hispanis militibus, quasi corona circumdat. Ibi e loco superiore Prætor palam Vicanos illos primum sic interrogat: (a) Ad vos perlatum ne fuit Edictum, quo Ferdinandus VI. Rex præcipiebat, ut septem Pagos (Pagos ex ordine nominabat) in jus, ac ditio-nem Josephi I. Lusitani Regis transirent; an non?

Ad hanc quæstionem omnes illi Vicanorum Phylarchi una voce respondent: Nobis satis, superque Edictum Regium Ferdinandi VI. perlatum fuit.

Deinde quærebat Prætor: quinam illi fuere, qui vos de illo Ferdinandi VI. Edicto certiores fecissent? (b)

Vicani omnes respondent: Edictum illud nostri Missionarii Patres e Societate Jesû, suo quisque Vico, nobis non denunciabant modo, verum etiam, ut illi pareremus, summopere hortati, multis & precibus, & lacryinis nobiscum agebant.

Tum vero Prætor: qua vos de causa Edicto non audientes eratis?

Illi

(a) *Anecd.*, Ital. tom. I. p. 106:

(b) *Ibid.* p. 103. & p. 67.

Illi veró : his pluribus de causis obtemperare desinebamus . I. quod in brevissima emigrationi dies , ad *mensem* scilicet ab Edicto *tertium* , nobis dicebatur , ut & sedem aptam domiciliis exploraremus , & domicilia nobis peregre pararemus , & in novam Coloniam nostra omnia transferreinus .

Secunda Causa : nos vero ab obsequio amor Patriæ adeo remorabatur , ut nos plane cogeret nolle natale solum , nolle focos , nolle domos , curas , sepulchra Majorum relinquere , pro quibus acerrimé nos debere etiam certare opinabamur .

Tertia causa : maximé itidem nos hæreditarium veluti odium in Lusitanos instigabat , a quibus & tam sæpe , pessime essemus vexati , & quibus vivi , videntesque immobilia bona omnia nostra ea emigratione cedere adigebamur . (a)

Quarta causa ; species denique illa teterrima tam multarum ærumnarum animo nostro observata , cum videremus in apertam nos jamjam incursuros esse perniciem , qui sine com meatibus paratis , sine semente in annum proximum , inter infestas , barbarasque nationes iter facere tercentum amplius leucarum , una cum ingenti turba triginta millium hominum , in quibus tot infantes ,

(a) Anecd. Ital. tom. I. pag. 66.

fantes, tot pueri, tot foeminae, tot essent senes cogeremur; plané nos ab obsequendi consilio revocabat, cum potissimum armenta, quæ nobis ad victum essent necessaria, vix posse nobiscum abigere videremus, quæ Lusitanis essent lucro futura. (a)

Ad hæc rogabat Prætor. Ecquis Missionarius septem Vicorum, aliusve e Societate Jesû hortator, suasor, auctor laudator, erat istius vestri de bello gerendo consilii?

Tum vero eos vidisses Guaranios, & lacrymantes, & manus ad Cælum tendentes, & uno omnes ore, „nos verò miseros, exclamantes, ac plane cæcos! qui non modo nostros Patres, nos a consilio deterrentes, & (b) nobis hæc, quæ modo mala patimur, vaticinantes, audire nolimus; sed eos indignum in modum verbis acceptos, adhibitis etiam perpetuis & custodiis, & vigiliis, manere apud nos invitissimos, proposito mortis periculo, coegerimus.“ (c)

§. XIV.

(a) Ibidem pag. 66.

Illius modi violentas, barbarasque conditiones Valdelirius, gratificatus Carvalhió, apud illos urgebat conculcatis Regis humanissimi litteris 16. Februarii, & mense Decembris 1753. scriptis, quibus eas reprobabat. Anecd. Ital. tom. I. pag. 68.

(b) V. Adnot. 2. Quæ mala p. 579.

(c) Hæc acta judicialia Zevallius misit ad Fratrem suum Guzmanum, Senatus Hispanensis Presidem, cum epistola die 26. Octobris 1759. V. Anecd. Ital. tom. I. pag. 110.

Publicis testimoniis rite rogatis convicta calumnia Carvalhii de Paraquariæ Republica Jesuitica.

NEquè vero hac una Zevallii legitima quæstione quàm imprudens fuisset in illo suo parvo volumine Carvalhius, qui violatæ obedientiæ, qui belli auctores mentiebatur Jesû Socios, constabat. Nam ille illarum Ecclesiarum maximus sive Præfectus, sive Parochus, (cui alii parerent e Jesû Societate Missionarii) quique paulo ante a Præatore Zevallio eam quæstionem postulasset, quam illi ipsi Missionarii ab Andromeguezio Præfecto obtinere ante petitam non potuissent; cum jam pro tribunali rem totam a Zevallio perfectam a duobus Interpretibus Hispanis audiret, altero Villanova Centurione, altero Casaencezio Regio Judice, eos ipsos a se impense rogatos ed perduxit, ut pro testimonio jurati confirmarent, quæcumque & Zevallius a Guaraniis jure quæsisisset, & Guaraniis, recte, atque ordine rogati, respondissent.

Quod actorum exemplum, & jusjurandum ab illis datum 12. Martii 1757. (a) quàm iniquo tule-

(a) Anecd. Ital. tom. I. pag. 199.

tulerit animo, ubi primum datum intellexit, ille Valdelirii adulator Vianna, ex ejus impotenti iracundia patuit, qui is verbis Villanovam, ubi primum aspexit, sit persecutus „ Dii te perdant, qui me isto tuo testimonio perditum iveris “ (a). Nimirum Vianna, Valdelirius, Gomesius, alii non pauci, calumniæ totius conscii, cum de rebus Guaranianis in Europam scripsissent, ut Carvalhio lenocinarentur, invidiam malæ rei a se gestæ in Jesu Socio per summam injuriam, atque impudentiam averterant.

Hic jam ipse vereri rursus incipio, ne tu, mi optime Bolane, tacitus suspicere, me ad arbitrium meum historiam, instar fabulæ compositam, tibi narrare instituisse. Nolo te mihi, ne jurato quidem, fidem habere, nisi certissima tibi indicavero monumenta, quæ rem totam ita, ut a me refertur, actam fuisse confirment.

Leges, si tanti tibi res tota fuerit, *Anecdota italicè scripta Sebastiani Josephi Carvalhii anno 1787. in lucem Venetiis edita tomo primo pag. 109.*, in quibus & testes, & plurimos, & omnes fide quam maxime dignos invenies, qui infinita alia de mendaciis; de calumniis, de injuriis, de flagitiis, de sceleribus Carvalhii testificantur.

Ad legitima nunc redeo testimonia, quibus
Par. I. I con-

(a) Ibid. pag. 110.

constet , totum illud Carvalhii parvum *Brevis Relationis* Reipublicæ Jesuitarum volumen ex dolo , ex perjurio , ex perfrictæ frontis impudentia constare . Præter enim testimonia , quæ paulo ante dicebamus , extant legitimæ tabulæ , quæ actis Zevallii omnino concinunt .

In singulis vicis rogati ab Apostolico quodam Notario , sive publico Tabellione *Cazichi* (sic Demarchos suos Guaranii vocant) , jurati hæc duo (a) dicebant : alterum ; se non modo de Jesu Sociorum sententia non cœpisse arma ; sed contra eorum auctoritatem , contra consilium , contra edictum adversatos regio imperio fuisse ; multa in eos Patres & inclementer dixisse , & audacter suscepisse , & atrociter fecisse .

Alterum ; Guarianos a Lusitanis captos per vim , per fraudem , per terrorem suppliciorum coactos fuisse falsissimum in suos Parrochos , quos seditionis , ac belli auctores fecissent , dicere testimonium . (b)

Actis Zevallii concinunt legitimæ tabulæ a Joanne Ignatio Vicario Generali Urbis S. Fidei , Veræ Crucis *ex officio* in Paraquaria scriptæ , Matritum missæ , & ab Aula Regia in lucem editæ . (c)

§. XV.

(a) Anecd. Ital. tom. I. pag. 103. & seq.

(b) Ibid. pag. 92. , & pag. 104.

(c) Brev. Histor. Expuls. Jes. pag. 52.

Carolus III. *Edicto suo* & rescidit foedus de commutandis Colonis in Paraquaria, & nullam fuisse Rempubicam Jesuiticam *agnovit*.

Sed quid ego testibus Americanis in hac causa tandiu utor? Cur non potius una illa me plaga expedio, qua recens ab Italia Carolus III. Hispanici Regni Successor, illud parvum volumen, libellos illos famosos, illum Carvalhium calumniæ totius auctorem conficiebat?

Et decipere quidem Ferdinandum VI. Valde-
lirius potuerat, cui per Reginam Mariam Bar-
baram Lusitanam ex usu rei Hispanicæ fore eam
in Paraquaria Oppidorum commutationem per-
suaderet. Carolum vero III., jam ab initio pa-
ctis illis mense Februario 1750. clanculum con-
ventis Infensissimum, cum potissimum ipse in
litteris Zevallii (v. §. 14.) rem totam causam-
que per adulescentes Carvalhii exulceratam apertis-
simè cognovisset, Carvalhius nullis artificiis de-
cipere potuit.

Quo factum est, ut Carolus die 19. Februarii
1760. Edicto suo (a) pacta illa conventa de per-
mutandis in Paraquaria Oppidis resciderit, quæ
Par. I. I 2 ante

(a) Anecd. Ital. tom. I. pag. 111.

ante decimum annum inter Ferdinandum VI., & Josephum I. contracta fuissent .

Quæ cum omnia hodie certissimis sint monumentis testata , quis non apertè videat totum illud Benedicti XIV. Edictum censorium ; illud , inquam , Breve totum , Saldanhæ missum , de disciplina Lusitanæ Jesû Societatis examinanda in una calumnia Carvalhiana incubuisse ?

Quis non execranda illius Simonis Lusitani fraudes , in parvo volumine confictas , in *Repubblica Jesuitarum* , in tot aliis libellis disseminatas intelligat ? Quis non Vicem florentis olim sub cultura Jesuitica , nunc scelere Carvalhiano oppressæ apud Paraquarios Populos Ecclesiæ deploret ? quis demum Jesû Societatem tot fraudibus , tot flagitiis , tot perjuriis , tot maledictis per Carvalhium primo apud omnes vexatam ad extremum internecino Sejani odio Lusitani penitus addictam , ac proditam lamentetur ?

Nam si verè de insectatione Jesû Societatis , verè de ejus pernicie , deque abolitione tota verè sentire velimus , nobis profecto licebit , illud a lactantio (a) usurpatum de crudelissimo Maximiano in crudeliorem Carnificem Carvalhium convertere , cum parvum volumen a se confictum Benedicto XIV. non ad corrigendam , sed
extir-

(a) De mortibus Persecut. Cap. 12.

extirpandam Jesû Societatem objiciebat. Ille dies primus lethi, primusque malorum causa fuit.

§. XVI.

Fraus de Marañonia Republica.

MOdo pauca de Republica Jesuitarum in Marañonia, inani quædam loquacitate in illo parvo volumine descripta loquar; sed quæ Carvalhianam malitiam, mentiendique impudentiam satis declarent. Ille germano fratri suo, Francisco *Furtado de Mendoza*, quem ad illius ditionis perniciem Marañoniæ perlecerat anno 1751. (a), in mandatis dedit, ut eos Jesuitarum pagos pauperes, & obscuros, quasi totidem nobiles Urbes pulchrasque graphicè in chartis pingendos curaret (b), atque ita pictos Ulyssiponem ad se mitteret.

Quid his fallacibus picturis moliebatur? earum occasione & multa, & quidem gravissima in Societatem crimina efflutiit; cum ea omnia alto premeret silentio, quæ sine gravi nominis sui dedecore, fratrisque infamia commemorari non possent. Nam ille ad perniciem Societatis hujus-

(a) *Anecd. Ital.* tom. I. pag. 25.

(b) *Animad.* 1. ad *Vitam P. Corree* pag. 187.

hujusmodi picturis Regi suo imponebat, Universæque Europæ imponere nitebatur. His enim Jesuitarum pacis in chartaceas, nobilesque Urbes, non Circæo poculo, sed veneno atramenti Carvalhiani repente conversis, Jesuitarum Rempubli- cam in Marinonia fundatam confirmabat, quæ & pedites, & equites Indos haberet, quamque armis, & tormentis bellicis satis instructam, confœderatam Reipublicæ Paraquariæ faciebat.

Quo factum est, ut mirabili sane credulitate, & posteritati nostræ incredibili, adeo tamen vera, ut humanam mentem tanti stuporis merito pudere debeat, apud plurimos, non simplicium, & imperitorum modo, sed & doctorum virorum historiæ lux obscurata fuerit, ac prope extincta: quamquam risu ii omnes corruerent: qui & in Brasilia, & in Marinonia ignobiles illos, ac rusticos pagos videbant.

Interea partim pagorum Incolæ ad flumen *Nigrum* a Mendoza Præfecto, ad indignam, injustamque servitutem rediguntur, partim ad conspectum militum Lusitanorum, Laribus suis relictis, ad antiquas silvas remigrant. Lusitani item milites ad mille ducentos in paraensi Provincia ab Impératore (a) Mendoza pessimè habiti a die 28. Septembris 1754., & ab eodem

men-

(a) Anecd. Ital. tom. I. pag. 127.

mense Januario 1757. destituti, sine stipendiis, sine commeatu, tumultuantur: Duce Emanuele Correa Cardoso ærarium militare, & annonæ horrea perfringunt; ubi cum nihil invenissent, (pecuniam enim sibi præripuerat Mendoza) magno incensi furore Pagorum domos diripiunt, Missiones Garii vastant, & incendunt, tum ad Hispanos transeunt.

Quo verò dibapho has strumas, intolerabilem exhalantes odorem, tegunt Carvalhiani fratres? nimirum perridicula Maranonianæ Jesuitarum Rei publicæ fabula ex eorum cerebro prognata. Fingunt enim, Jesuitas auctores fuisse, ut & Indi remigrarent ad silvas, & Lusitani homines militiam subterfugerent; quasi Indis duris, incultis, horridis, perinde, ac artium elementa, sic ignota etiam esset illa naturæ Lex, qua cujusque incolumitati cavetur, quamque vel Christus Dominus ipse nos monitos illis verbis voluit Matth. 10. 3.: *Cum persequentur vos in Civitate ista, fugite in aliam; & qui in Judæa sunt, fugiant ad montes: Aut quasi non illud omnibus pateret, quod inquit Divus Paulus 1. Cor. 9. 7.: Quis militat suis stipendiis unquam?* Aut quasi Jesuitarum Pagus proximior a Castris militum centum leucis non distaret.

Jam cum nemo Jesuitarum hos Lusitanos milites, castraque unquam vidisset qui, quæso, factum

ctum fuerit, ut eos ad hæc perpetranda facinorosa impellerent Jesuitæ? Quomodo litteras convocatis militibus publicè recitarent? O ingeniosos; & præclaros Regis Fidelissimi ministros Carvalhianos! Tantarum enim rerum gestarum gloria uni Carvalhii cerebro male sano, uni Mendozæ crudelitati tribuenda est. Neque id gratis; anbo enim evertendæ Jesuitarum Republicæ occasione septies, aut octies aureorum centena millia ab ærario Lusitano extraxerunt, maximo sane Indorum, jam Ecclesiæ filiorum, & Regis Fidelissimi Subditorum detrimento.

Sed ad eam Marinoniæ Rempublicam, *quam ad universum terrarum Orbis imperium sibi comparandum Lusitani instituerunt Jesuitæ*, revertamur. Ita ne vero? Ad universum, ais: Carvalhii, terrarum Orbis imperium comparandum? Ne tu semper portenta loqueris. Dic, quæso, qua ope? Hi enim Indorum Pagi pauperrimi sunt: nullæ in illis aurifodinæ, milites nulli, arma nulla.

At enim, ais, inventa sunt in Pago prope Trocanam duo tormenta bellica: alterum duos pedes; alterum duos cum dimidio, longa. At pace dicam tua: Hæc duo tormenta bellica sine globis ferreis, a Præfecto Maja Pama, rogatu Joannis Sangajo Jesû Socii, anno 1722. pro securitate Pagi S. Antonii Patavini, prope Insulam Janarii primùm constituti, concessa, & vendita fue-

fuerunt, quod Pagus oppositus, & objectus erat barbaro Populo Marasio, Ne hostibus incursibus Ditio Lusitana pateret, dico illa tormenta (a) satis non fuerunt: adeo vero nihil valuerunt ad frangendam Marasiorum audaciam, ut Missionarius Ekart anno 1755. ut Noephytos suos a Marasiis hostibus liberaret, coactus aliò fuerit Pagum illum, a finibus Insulæ Jamarix, per quadraginta leucas peregrinantem, prope Trocanam transferre. Et satis hæc duo valuisse tormenta bellica ad muniendam, servandamque, quam tantopere extollis, & ubi ubi jactas, impotenterque obtrudis Jesuitarum Rempublicam, dicenda erunt?

At enim, inquires, fœdere, quod anno 1755. opera initum est Jesû Socii Davidis Fay inter amanajozios, & Goajaianos, Respublica staret Jesuitarum. Valde tu quidem in eo (b) & fallis, & falleris: hujus enim fœderis pacta conventa aliud nihil continent, nisi ut Amanajozii, relictis silvis, barbaraque vivendi ratione, Christi Legibus subdantur, civilemque æque atque Goajaiani, sub potentissimo, humanissimoque Lusitanix Rege vitam ducant, ut sese invicem sacro ejusdem Religionis amore, earumdemque legum

Par. I.

K

huma-

(a) Ibid. pag. 120.

(b) Ibid. pag. 124.

humanarum præsidio, ac vinculo foveant, & utiliter diligant.

Quæro nunc: Ubi hic. Respublica 40. leucarum, ubi milites, ubi arma, ubi seditioes, ubi, ut cætera missa faciam, rebelliones? quæro iterum: utra in Republica Jesuitarum fabulosior in hoc parvo volumine Carvalhius sit? In Marinoniana ne, an in Paraquariana? et Roma vi hujus parvi voluminis Decretum Visitationis Societatis edidit?

§. XVII.

Carvalhius per summam malitiam in Brevi Benedictino duo Rescripta Pontificia commemoranda curabat.

EQuidem jam nunc ab istis artificiis Carvalhi-
anis, quibus & ætatis, & valetudinis vitio
deceptus fuisset Benedictus, libens, ac volens a-
bire; nisi & patentiora, & graviora argumen-
ta illius impudentissimæ totius calumniæ, quam
esset vel ipse per se Carvalhius, vel per consocios
fraudis, vel per occultæ coitionis in Jesu Societa-
tem Interpretes, & Sequestres Romæ machinatus
in aliis Rescripti Benedicti capitibus eminerent.
— Quod totum quale sit, paucis ut intelligas,
mi Bolane, fac mecum, ad verba Benedicti ani-
mum intendas.

„Aucto-:

„ Auctoritate nostra (scribēbat ad Saklanhiam Romanus Pontifex) seinel visites, & reformes, & in earundem personarum (scilicet omnium Jesu Sociorum in imperio Lusitaniæ) statum, vitam, mores, ritus, disciplinam, aliaque vivendi rationem, tam conjunctim, quam divisim, inquiras. “ Recte istud quidem Benedictus si quando Carvalhius corruptam Societatis disciplinam, non ex parvo, & pravo, & cavillatorio volumine esset calumniatus, sed ex vero, & æquo exposuisset.

Illud, quod jam ex eodem Brevi excerpam, partim de consilio quidem Romani Pontificis ad moderandam Saldanhæ censuram sapienter adjectum, partim vero de præmeditata Carvalhii malitia, deque Carvalhianorum Romæ Ministrorum composita, parataque calumnia fraudulentissimè fuerat additum. Alterum enim prudenter Pontifex præmonebat, ut cum ex doctrina, & evangelica, & apostolica, & canonica, tum ex Decretis Conciliorum, ex traditionibus Patrum, ex ipso Societatis Instituto cognitionem totius causæ novus Quæsitör Saldanha moderaretur, nec enim non vereri Romanus Pontifex poterat, ne ambitioni indulgens Visitator tempori, & scenæ, ut dicitur, serviendum putaret, unamque Carvalhii cupiditatem sibi dictam in censura legem haberet.

Alterum vero illud in brevi hac formula con-

Par. I.

K 2

ceptum :

ceptum : „ Apostolicis Constitutionibus, præsertim fel: rec: Urbani Papæ VIII. Prædecessoris nostri, die 22. Februarii 1633. incip. *Ex debito Pastoralis Officii*, & a Nobis per quasdam nostras, in simili forma Brevis die 20. Decembris 1741. expeditas Litteras, quarum initium est : *Immensa Pastorum Principis*, editis inhærendo. “
 Hoc, inquam, alterum de Litteris Urbani VIII., de Litteris Benedicti ipsius, ex quibus jus Saldanha Censor in causa Lusitanæ Jesû Societatis dicere deberet, cum ipsum per se esset æquissimum; totum tamen pro re, pro loco, pro tempore erat ex malitia, ex dolo, ex fide mala, ex calumnia Carvalhiana inculcatum. Quid ita vero? Scilicet quo facilius imperiti ea ipsa crimina in Jesû Societate suspecta haberent, quæ illius ipsius Societatis opera, & studio Pontifices cum in aliis Lusitanis, tum vero in Carvalhio potissimum, coercenda censuissent.

*Breve Urbani VIII. a Jesû Sociis pro
libertate Americanorum contra
Lusitanos impetratum. (a)*

Primûm enim ne tu quidem, mi Bolane, qui non ita solitus esses in rebus Americanis antea versari, non interdum fando audieris, Litteras Urbani VIII. paulo ante indicatas, eo totas pertinuisse, ut ne libertas in Brasilia iis Indigenis Americanis, qui sacra susciperent Christiana, vi, & oppressione Lusitanorum eriperetur. Non pluribus hoc loco persequor, quam sæpe, quam inhumanè, quam impiè in Brasilia Europæi homines, maxime vero Brasiliiani Lusitanienses, plagium exercuerint. Nec enim ego invidiæ, qua apud istos hodiernos Philosophos, humanitatis an veros, an simulatos Patronos, naturæ certe quidem Alumnos, brutæque telluris filios, Americanorum Urbium incolæ Europæi flagrant, novas faces subijciam. Illud dicam: Urbani VIII. Litteras 1633. datas, quibus Saldanha Visitator Societatis Lusitanæ censuram accomodare suam juberetur, in plagiarior Europæos, in eos Patresfamilias, in eos negotiatores verbo Albos, reve-

(a) v. Animadv. I. ad vitam P. Correx pag. 169.

revera Nigerrimos, qui Indigenas Brasiliæ liberos in servitutem redigerent, fuisse scriptas.

Quid ergo Carvalhius, vel Carvalhianæ coitionis Socii sibi volebant, cum earum Litterarum Urbanarum, in reformanda Jesû Societatis disciplina, mentionem faciendam procurabant? Quid volebant? Nihil aliud malitiosè moliebantur, nisi ut, Vindices Americanæ libertatis, Jesû Socios suspectos ejus plagii facerent, quod diligentia, quod cura, quod studio, quod contentione sua, quod denique Europæorum Dominorum simultate, atque odio ipsi illi Jesû Socii impedivissent. Cum enim viderent illi calumniæ Artifices nihil odiosius, nihil bonorum judicio detestabilius, nihil Romæ, nihil in Europa tota futurum fœdus, famosius, tetrius, quam si per ora omnium Jesuitæ pro plagiariis, pro oppressoribus Americanæ libertatis (vid. adnot. 3. pag. 385.) si res ipsa posceret, traducerentur; clanculum eam suspicionem, commemorandis Urbani Litteris, per Breve Benedicti disseminandam sibi arbitrabantur. Sunt enim non pauci, etiam hodie, Gracchi, qui de seditione querantur.

Breve Benedicti XIV. , Immensa Pastorum Principis , a Jesu Sociis pro Americanis obtentum , a Carvalhio turpiter violatum .

QUamquam illa Urbani Rescripti commemoratio , in Brevi Censorio per Carvallianos Interpretes inculcata , ut maximæ esset calumnix affinis ; erat tamen utcumque malitiæ Carvallii condonanda , qui Jesu Socios in suspicionem plagii antiquioris vellet adducere . Illa verò indicatio illius Rescripti Benedictini , cujus esset initium , *Immensa Pastorum Principis* , unicum omni dolo , fraude , astutia , iniquitate , injuria conjuncta , impudentiam Carvallii projectam , summum Tyranni dedecus , opprobriumque significabat .

Si enim nescis , mi optime Bolane , illud *Immensa Pastorum Principis* Rescriptum (a) Jesu Socii Hispani a Benedicto , ut pderetur , summo studio contenderant . Si præterea scire hoc alterum quæris , quis illud adversus Lusitanos plagiarios Rescriptum Benedicti XIV. publicavisset . Si hoc , inquam , audire cupis ; Ille idem Carvallius , speciosus , si superis placet , Christianæ Ame-

(a) v. Animadv. I. ad vitam P. Correz pag. 174.

Americanorum libertatis vindex, fucatus plagiorum Jesuitarum ultor, septem annos totos, & Rescriptum Benedicti de libertate Americanorum ineditum suppressit, & per eos annos septem, suis ipse Lusitanis maximo pretio a se prius venditos Americanos non reddito (a) Emptoribus pristinis ære, liberos esse jussit.

Hic quis non exclamet, Superi! monstrum Tyranni ultra Garamantas, & Indos in solas terras deportandum? Quamquam jam mihi videor consilium Ministri Lusitani debere excusare. Quid enim aliud faceret Carvalhius, plagii ipse manifestus, nisi quod impudicæ furtim Matronæ, & in sacris (Gen. 39.), & in politicis monumentis fecisse legantur, quæ cum ipsæ ad flagitium Adolescentes castissimos frustra petivissent, ira, & indignatione repulsæ, se petitas ab iis mentiebantur. (b)



DE

(a) Anecd. Ital. tom. I. pag. 39.

(b) Adnot. IV. pag. 338. Res tota.

DE PRIMO IN LUSITANOS JESU
SOCIOS SALDANHÆ JUDICIO .

§. XX.

Visitor Saldanha contumaciter in Romanum Pontificem Censura sua abutitur .

NEque Lustrator novus Lusitanæ Jesû Societatis, Saldanha, non æque, atque ipse Carvalho, flagitiosè in ea censura sese gerebat. Is, quasi cum Carvalho ipso certare vellet, uter in Lusitanos Jesû Socios impotentius ageret, quæcumque in lustranda illa Jesû Societate peccari possent, ea omnia, dedita veluti opera, peccare velle videbatur. Cujus ego facinora, in ea re commissa, ad tria injuriæ genera revocanda mihi esse existimo.

Primum injuriæ genus in violata Romani Pontificis auctoritate constituto. Alterum ab innocentia Lusitanæ Jesû Societatis palam oppressa duco. Tertium a communi totius Juris formula susque deque habita repeto. Dico enim primum: Saldanham Censorem in Lustrandis Jesû Sociis insigni impudentia, ac contumacia Pontificiam Auctoritatem violasse, cujus præceptis stare, cujus monitis obtemperare omnino noluerit.

Ecce vero tibi, mi Bolane, ne me accusato-
Par. I. L rié

riè potius, quam candidè loqui putes, verba ipsa, quibus Benedictus XIV. jus novo morum Magistro Saldanhæ dabat: „Siqua autem graviora in hujusmodi Visitatione reperiens, ea omnia sub tuo sigillo clausa ad Nos quamprimum diligenter transmittas, ac Nobis referas, ac patèfacias, quæcumque ad hanc causam pertinere arbitraberis; Ex re enim, & tempore consilium capiemus, & effusis lacrymis Omnipotentem Deum clamore valido orabimus, ut, quod inde statuendum sit, matura deliberatione decernamus. “

Quæro nunc ex te, mi Bolane; Si Benedictus XIV. omne jus sibi sententiæ dicendæ in ea causa retinere; si jurisdictionem in rebus gravioribus, si quæ forte reperientur, sibi omnem reservare; Si Saldanhæ potestatem omnem definendæ causæ negare; si eidem simplicem, ac nudam facultatem inquirendi in Jesu Lusitanam Societatem permittere voluisset, quibus verbis aut magis apertis, aut magis definitis, aut magis appositis uti potuisset, quam quibus in creando Visitatore Saldanha usus fuit? Et tamen, ne quid sibi Saldanha vel sponte ipse sua, vel jussu Carvalhii coactus, amplioris facultatis temere arrogaret; arcanum ad eundem commentarium, arcana, & *secretiora mandata* scripsit (a),
in

(a) Anecd. Ital. tom. I. p. 166; & Comp. hist. p. 68.

in quibus hæc illi ad summam edicebat: Primum, ut summam & prudentiam, & benignitatem in eo negotio adhiberet. Secundum, ut & ipse, & si quos sibi Ministros probitate, doctrinaque præstantes adjungeret, summo silentio in causa versarentur. Tertium, ut delata ad se crimina in Jesu Socios diligenter excutienda curaret. Quartum, ut nihil unquam ipse per se contra Jesuitas decideret, nihil definiret, nihil constitueret. Quintum, ut Quæstionis, seu Visitationis confecta a se Acta Romam mitteret, de quibus Pontifex ipse sibi, & Sedi Apostolicæ judicium, & consentaneam agendorum, consequentemque rationem omnem reservabat. (a)

§. XXI.

Quo pacto Censuram Visitator Saldanha ad arbitrium Carvalhii gesserit.

BENE quidem habet: suis quibusdam cancellis circumscriptum jus, certis finibus conclusam censuram Censor Saldanha a Benedicto Pontifice accepit. Audi nunc jam, mi Bolane, quid ille venditus, & adictus, & obstrictus Carvalhio

Par. I.

L 2

Cen-

(a) Anecd. Ital. tom. I. pag. 166.. Brev. hist. p. 67. & in vita Carvalh. edit. 4. tom. I. p. 121.

Censor ex Carvalhii odio in Jesu Socios, ex ejusdem impotenti tyrannide patrauerit.

Litteræ moribundi Pontificis erant Kalendis Aprilis 1758. Romæ datæ. Rumor assiduus sine certo auctore, aut potius tacito auctore Carvalhio, in Lusitania de Censore Jesuitis imponendo percrebrescere: Eam alii fabulam dicere Carvalhianam, qui integerrimam Jesu Societatis disciplinam negarent iudicio Romani Pontificis ejusmodi censuræ permittendam, quam notus ejus hostis Carvalhius posset impune ad arbitrium suum exulceratam corrumpere. Alii contra, Carvalhii inflammata odio audaciam eò progressuram non dubitare, ut per speciem censuræ, malis artibus, e blanditis suffragiis auro cruciato emptæ, aut armatis precibus extortæ, pro simulata correctione perniciem Jesu Societati moli retur.

Ecce tibi sexto Nonas Majas, (a) trigesimo primo die a datis Romæ Litteris censoriis, eo ipso, quo Romæ mortem obierat Benedictus, ut deinde est curiosius notatum, prima noctis hora Saldanha per Vicarium, sive Subscriptorem sibi delectum, Emmanuelem Barberinum, (b) nescio quem Regium Senatorem, in Domo Professa

(a) Compend. hist. expuls. Jes. p. 72.

(b) Anecd. Ital. tom. I. p. 160.

fessa Ulyssipone edicit Jesû Sociis: sese a Benedicto XIV. nominatum esse Lusitanæ Jesû Societatis Visitatorem. Jesû Socii, contra quam Carvalhius, in omnes criminationis occasiones intentus sibi fuerat pollicitus, nihil omnino recusare, auctoritatem Saldanhæ datam sine exceptione agnoscere, ne authographum quidem ipsum Breve Benedicti requirere, comiter, atque officiosè abeuntem domo Barberinum de more ad januam prosequi. (a)

At Eminentissimus ille Visitator, (b) die 30. Maii suam per se ipse auspicaturus censuram, cum sese in Domum Professam contulisset, ibi omnes Jesû Socios coram convocatos bono esse animo jubere, nihil tristius a Lustratore amico timere, sibi Censore, non iis Patribus religiosissimis, opus esse dicere, vultu, verbis benevolentiam simulare. Quid multis opus est? Cum nullam quæstionem interea de Jesû Sociis, nullam rei totius cognitionem novus Judex haberet, nullam causæ dictionem illis daret, die 4. Julii Edictum Saldanha Provinciali Præfecto, Joanni Enriquezio, tradendum curabat, quo tamquam Negotiatores profanos omnes Lusitanæ Assistentiæ Jesû Socios fecisse adversus Leges Canonicas,

(a) Anecd. tom. I. pag. 161.

(b) Brev. hist. p. 74. & Anecd. Ital. tom. I. p. 167.

cas, pronuntiabat. Quod quidem Edictum ab ipso Visitatore jam a die 15. Maii (a) subscriptum apparebat. Nimirum hoc illud erat: Vix Benedictinum Breve in manus Visitatoris Roma pervenerat, cum extemplo Carvalhius Edictum dudum a se paratum, atque extempore typis Michaelis Rodriquezii excusum, Saldanhæ non examinandum, sed subscribendum, pro imperio dederat.

At ille bonus Provinciæ Lusitanæ Moderator Enriquezius tam insolita, tam præpostera, tam iniqua, tam vendita palam Edicti Sententia commotus, conventum a se Censorem supplex rogabat, ut, quam ante Sententiam non dedisset, eam tunc saltem causæ dictionem Jesû Sociis Lusitanis, ex jure naturæ debitam, dare ne gravaretur. Saldanha ipse, sibi infamis præjudicii conscius, non sine pudoris aliqua significatione, cum se illi morem in ea re gesturum simularet, ab eo confectas tabulas bonorum omnium, omnia instrumenta, Templorum omnem sacram supellectilem descriptam postulabat. Res eo tota spectabat, ut Carvalhius, cum in possessionem omnium illorum misisset, singulis Jesû Sociis pro diario duodenos obolos (b) de publico attribueret.

Ille

(a) Animad. 4. ad vitam P. Corr. p. 238., & Comp. hist. p. 79.

(b) Iis vero, qui habitum dimitterent, decem si se angustia rei familiaris urgeri, perspicuum facerent. Comp. hist. p. 177.

Ille verò præposterus Censor, cum tabulas omnes dati, & accepti, cum omnia diaria, omnes rationum codices accepisset, mirari sese vehementissimè dicebat, qui fieri potuisset, ut tam amplam mercaturam, sine ullis tabulis, Jesù Socii in tam dissitis locis exercuissent: in quo satis sese Vicarium Carvalhii latorem Edicti sui ostendebat. Neque in altero Decreto, quod die 5. Octobris anni 1759. Saldanhain scripserat, (a) non sese Carvalhianum plane Censorem exhibebat. In eo enim mentitus Pontificiam Auctoritatem, Litteras patentes, & dimissorias omnibus Jesù Sociis Lusitanis, non modo Scholaribus, & Laicis, sed etiam Professis (b) offerebat, quibus eos omnes, qui id peterent, votorum religione Auctoritate Pontificia solveret.

§. XXII.

*Saldanha sibi non datam facultatem
in omni Censura arrogavit.*

Mitto jam capitalia Saldanhæ in ea Illustratione complura facta, quæ acerbè, quæ impoten-

(a) Anecd. Ital. tom. II. p. 66.

(b) Eboræ Tyro unus, Rhetorici quatuor, Philos. undecim, Theol. unus, sex Fratres Adjutores dimissionem petierunt. Ibid. p. 98. Conimbri Professi duo, Didacus Vasconcellus, & Antonius Pimentes. Ibid. p. 193.

potenter, quæ nefariè, in omnia jura commiserat. Hoc unum dico: Illum in omni censura in Romanum Pontificem contumaciter peccasse. Quid enim? Benedictus XIV. illi diligentem causæ cognitionem commiserat; Saldanha sine ulla cognitione, non interrogatis testibus, non delationibus lente perpensis, non litteris, non tabulis excussis, non auditis Jesu Sociis, intra dies sexdecim causam totam jam cognovisse se mentiebatur. Benedictus disertè præceperat, ut in rebus majoris momenti *nihil* Saldanha decideret; Saldanha Edicto palam proposito, typis edito, in vulgus disperso, Jesu Socios Provinciæ Lusitanæ reos profani commercii condemnabat. Benedictus acta omnia causæ rite confecta Romam mitti a Saldanha Visitatore præcipiebat; Saldanha nulla acta confecit, numquam ad Sanctam Sedem aliquid rejecit, omnia ex libidine Carvalhii perfecit. Nihil de libera Sociorum missione; nihil de Votorum Religiosorum solutione Benedictus Saldanhæ commiserat Saldanha, jussus ab uno Carvalhio, jus solvendæ vel solemnum Votorum Religionis sibi arrogaverat.

Hic nemo non videat violatam a Purpurato Visitatore Pontificiam Benedicti XIV. Majestatem: Nemo non fateatur vana fuisse Saldanhæ Edicta, irrita Censoris acta, nullam præcipientis, præposteris prævaricatoris Judicis sententiam; ut
 nemo

nemo mirari debuerit, & Præfectum Lusitanæ Jesuitarum Provinciæ Enriquezium de tam abnormi Censoris Saldanhæ injuria litteras Romam ad Laurentium Riccium, summum totius Jesû Societatis Moderatorem, misisse; & Riccium per suplicem libellum rem totam Clementi XIII., Pontifici Maximo die Sexto Julii 1758. renunciato, detulisse, & Clementem summopere & rei totius atrocitate, & Saldanhæ contumaci prævaricatione, & impotentii Carvalhii furore commotum, facta (a) omnia Visitoris improbasse, litteras Philippo Acciajolio, Ulyssiponensi Nuntio suo, scripsisse, quibus illi diligenter præciperet, ut in Visitoris acta omnia inquireret, neve enim extra eos terminos, quos haberet a Benedicto XIV. definitos in censura, liberé evagari, vel insolenter potius grassari pateretur.

Quo porro res tota evaserit, quam sese injurium Saldanha deinde ostenderit, quales sibi præter jus omne Episcopos censuræ suæ socios legaverit, quas ubique strages divini, humanique juris ediderit, nondum hoc loco commemoro. Hoc unum evicisse me, ne tu quidem negaveris, mi Bolane, quod ante confirmabam, Saldanhæ contumaciter, superbé, irreligiósé in censura sese gessisse; quam non haberet a Romano

Par. I.

M

Pon-

(a) *Anecd. Ital.* tom. I. p. 191.

Pontifice , juris potestatem , eam sibi arrogasse ; in Jesû Societatem sententiam omnino nullam pronuntiasse , vana , irrita , illegitima Edicta illius omnia fuisse .

§. XXIII.

Edictum Saldanhæ temere , & præpropere vulgatum ante causæ cognitionem

ETsi vero ex hoc uno Saldanhæ censuræ vitio , quo omnis illi , non legitimo judici , fides , omnis esset eidem , fines juris egresso , ne granda auctoritas , satis , superque pateat , nullam criminis suspicionem potuisse in Jesû Societatem corruptæ disciplinæ maculam Clementi XIII. persuaderi ; tamen propius te , mi Bolane , in *innocentiam Lusitanæ Jesu Societatis* , per Saldanhæ prævaricationem plane , aperteque *oppressam* , tanquam in rem præsentem , vocabo .

Edictum , fac , quæso , Saldanhæ rursus tibi in memoriam revoces . Quid tandem nobis narrat abortivum illud Edictum , quod intra denos senos dies & conceperit , & in lucem non sine veneno Carvalhiano , Visitor projecerit ? „ Je- „ suitas Lusitanæ primum Provinciæ , idest Je- „ suitas , qui in continenti Lusitania , Jesuitas , „ qui in Insulis Tertiariis ; qui in Insula Made-

„ ra ,

„ rā; Jesuitas, qui Angolæ in Africa versentur;
 „ eos ad unum omnes, in Domibus, Collegiis,
 „ Tirociniis, Residentiis, & locis Provinciarum,
 „ & Vice-Provinciarum Societatis, reos esse Mer-
 „ caturæ, & Negotiationis, Ecclesiasticis Viris
 „ per sacras Ecclesiæ Sanctiones vetitæ, certó,
 „ ac evidenter Saldanhæ liquere. Id ipsum in
 „ aliis locis Provinciarum, & Vice-Provinciarum
 „ Societatis Jesû in Regnis, & Ditionibus Regis
 „ Fidelissimi affirmat.

Quid aliud, quæso, est impudenter mentiri?
 quid aliud per evidentem calumniam Innocen-
 tiam opprimere, si hoc non est? Mitto breve
 dierum sexdecim spatium, per quod omnino Sal-
 danha non potuerit, ne si Pegaso quidem alato
 ipse per aera volasset, tot loca obire, in qui-
 bus illa esset dispersa Jesû Societatis Assistentia.
 Mitto, Saldanham per illud temporis interval-
 lum nihil, neque ipsum per se, neque per Sub-
 scriptores suos rite quæsisisse, nullam cognitio-
 nem legitime instituisse, nullas *tabulas*, si Supe-
 ris placet, *mercuriales* evoluisse, nulla omnino
 acta ex formula juris naturalis perfecta scribere
 potuisse. Quin etiam ille nullos Provisitatores,
 ante diem secundam Maii delegaverat, quo die
 cognita morte Benedicti XIV., (a) jussu Carva-

Paz. I.

M 2

lhii,

(a) *Anecd. Ital. tom. I. p. 167.*

ihii, duos sibi Censuræ suæ ministros sumebat; alterum ex Ordine Prædicatorum Michaellem Bogliensium, (a) Episcopum Bethlemi apud Paranienses, & Marinonios, acerrimum Sectæ Carvalhoianæ propugnatores; alterum Josephum Borthelium de Mathos, apud Bajenses in Brasilia S. Salvatoris Archiepiscopus. (b)

§. XIV.

In Domibus, Collegiis, Tirociniis, Residentiis Jesu Socii Lusitani in Edicto Saldanhæ ineptè pro Mercatoribus pronuntiati.

EGo vero eas angustias temporis, quibus Visitator ab omni & cognitione, & quæstione, & actione legitima in censura excluderetur, amplius non urgeo. Ad manifestissimam falsitatem judicii ab illo pronuntiati venio. In Domibus Collegiis, Tirociniis, Residentiis Jesu Socios primùm in Lusitana Provincia (& in aliis Provinciis, & Vice-Provinciis Assistentiæ) profanos esse negotiatores, cum liquere sibi certo, & evidenter pronunciabat Saldanha, Romano, opinor, more locutus: vel omnes omnino, vel plerosque.

(a) Comp. hist. p. 89. & Anecd. Ital. tom. II. p. 122.

(b) Anecd. Ital. tom. I. pag. 171., & tom. II. pag. 145.

rosque omnes in omnibus Domibus illiusmodi in ea Edicti formula includebat. Nec enim Censori severo, Patri Purpurato, Jesuitarum Magistro, liceat superlatione ulla in Iudicio uti.

Age vero in iis quadraginta quatuor domiciliis (totidem enim in Provincia Lusitana Jesu Societas habebat, in quibus domiciliis ad octingenta sexaginta Socios numerabat) quis, nisi furore Carvalhiano mentis suæ impos, sibi persuadeat, omnes omnino, aut plerosque omnes Jesuitas operam mercaturæ in omnibus Domibus assistentiæ, in omnibus Provinciis, operam dedisse negotiationi profanæ?

Hoc ego loco haud scio satis, mi Bolane; utrum serio cum Censore Saldanha, an jocosè, ac ridiculè tecum agam homine amico. Sic, opinor, sit satius: tibi per ludum, & jocum verum dicam: ridiculum acri sæpius præstat. In iis Jesu Sociis erant *sexaginta Novitii*. Videres illos operas telonio dare: Non animum domesticis inclusos parietibus exercitatione virtutum Christianarum excolere non Pythagorico silentii genere moderatè loqui discere.

In iis Jesu Sociis facile *centum, & sexaginta Scholares*, idest Jesu Socii juniores, in studiis & eloquentiæ, & Philosophiæ, & Theologiæ continebantur. Hos enim vero tabulis accepti, & expensi dies, noctesque affixos, summam quadra-

re,

re, summas partiri, syngraphas manu, & sigillo mercuriali consignare, quis demum erat in tanta frequentia Condiscipulorum externorum, qui non vehementissimè miraretur? Quod enim olim Horatius scribebat de Romanis, hoc totum in Jesu Sociis junioribus fieri videbant:

- „ Romani pueri longis rationibus assem
- „ Discunt in partes centum diducere: dicat
- „ Filius Albini; si de quicunque remota est
- „ Uncia quid superat? Poteras dixisse triens. En
- „ Rem poteris servare tuam. Redit uncia, quid fit?
- „ Semis . . .

Ecce tibi totam juniorum Jesu Sociorum Scholarium doctrinam.

In iis Jesu Sociis facile octoginta Doctores, qui partim florentissimos ætatis annos in ludis humanitatis contererent, partim in gravioribus disciplinis tradendis sudarent, partim Bibliothecis abditi chartis impallescere. Omnes ii omnino, Mercuriales a Saldanha facti viri, non rectè rem, sed quomodocumque rem facere, ab omnibus conspiciebantur. Nostin? Et, quod omnes mirentur in iis doctissimorum laborum sæpe numero scriptoribus non valebat illud ejusdem Horatii =

- „ Hæc animos terugo, & cura peculii
- „ Cum semel imbuerit, speramus carmina fingi
- „ Posse, limenda cedro, & leni servanda cypresso?

Nam

Nam eos cedro digna scribere didicisse, in exilio (a) postea satis superque ostenderunt.

Jam quis illud non Saldanhæ de plano concedat, eos in illa Provincia ad *centum* Jesu Socios meros fuisse, ac germanos Negotiatores, qui in Templis sacras ad Populum Litteras interpretabantur: qui de corrigendis moribus e loco superiori disserabant: qui per ferias Quadragesimæ de more *concionabantur*: qui in Sodalitiis Beatæ Virgini dicatis: qui in ipsis viis publicis homines ad studia virtutum hortabantur: qui per Vicos, & Castella *Missionarii* excurrerant: qui *pias Commentationes* recte agendas multis de more, institutoque patrio, idest ad mentem Sanctissimi eorum Parentis Ignatii, proponebant: qui in nosocomiis ægrotis ministrabant: qui in Templis *confessiones* excipiebant: qui animam agentibus salutis æternæ *monitores* aderant: qui *catacheses* pueris tradebant. Extra iocum tamen: boni hi negotiatores. His omnibus, (si quærimus verum) sic erat a Deo præceptum. (Lucæ 19. v. 13.) *Negotiamini, dum venio*, ut accepta divinitus & ingenii, & virtutis christianæ talenta, duplicata, aut certè non sine aliquo fœnore, Domino reddere conarentur.

Quid vero dicemus, mi. Bolane, de iis Lusitanis

(a) V. pag. 210. ad vitam P. Correx.

tanis Jesû Sociis *centum*, & *quingaginta*; partim ingravescente ætate *senioribus*, partim gravi *valetudine affectis*? Etiam ne illos negotia egisse profana in cubiculis abditos, lecto ferme affixos, crimine interdictæ mercaturæ convictos a Saldanha opinabimur? Nam de *Laicis Adjutoribus* amplius *centum*, domesticis ministeriis, servilique operæ adictis, quorum non pauci ne primoribus quidem labris litteras attigerunt, nemo non assentiatur Censori Saldanhæ, eos omnes primas mercaturæ partes in illa Jesû Societate exercuisse; & digitis usos suis, stantes pede in uno, dicto citius perplexas etiam, involutasque subduxisse rationes, & nomina nullo negotio expediisse.

§. XXV.

*Domesici Procuratores iniquè a Saldanha
habiti pro negotiatoribus profanis.*

VIdèò jam, quos paulo ante laudabam, optimos Negotiatores, non omnes mercuriales judicio tuo contra judicium Purpurati Censoris esse existimandos. Bene quidem habet. Qui ergo reliqui erant pauci illi in Provincia negotiatores, qui negotiorum amplitudine, ac copia ita Censoris acerrimi aciem perstringerent, ut eorum

rum paucorum causa omnes Lusitanæ Provinciæ Socios certo, & evidenter negotiationis profanæ sibi compertos Reos edicto pronunciaret? Procuratores, inquis, & Domorum; & Provinciarum, quos in assistentia, sive ditione Lusitana Jesu Societas haberet, per quos reliqui omnes Jesuitæ operam darent negotiationi; ecclesiasticis legibus prohibita.

Video te, Bolane, quasi Aliptam bonum, colorem speciosum Censuræ Saldanbianæ, per se effroni, atque impudenti, velle aliquem quidem illinire; sed frustra tamen in eo oleum, & operam totam perdere. Erant in ea Provincia domestici *Procuratores quadraginta*. Hi rem familiarum curabant: Hi fructus prædiorum exigebant: Hi necessaria alimenta, suo quisque domicilio, eorum-fructuum vel usu, vel commutatione, vel venditione, vel emptione comparabant: Hi bona a Regibus, a Civibus copiosis Societati Lusitanæ ad victum quotidianum, ad Templorum cultum attributa, legata, donata jure optimo administrabant.

Quid tum postea? aliis Religiosis Ordinibus licebit res suas sine crimine negotiationis curare; Procuratoribus Lusitanæ Jesu Societatis non licebit? Cur jus tam iniquum in hos constituitur? Quis unquam in Ecclesia catholica tam iniquus Censor fuit, ut, si quis Ordo Religiosus,

Par. I.

N

si

si quis Ecclesiasticus Beneficiarius fructus prædiorum suorum vendat; continuó eum tamquam Reum vetitæ negotiationis, condemnet? An non potius impié dicendus sit ille sentire, si quis possidendorum bonorum, si quis jure possessorum administrationem Ecclesiasticis personis, religiosis familiis lege vel divina, vel canonica neget?

§. XXVI.

Lusitani Jesu Socii Procuratores trans marinarum Provinciarum, Auctoritate Regia constituti, iniquissimè a Saldanha notati.

ERgo ne isti quidem domestici Procuratores quadrageni sunt in numero Negotiatorum habendi. Reliqui nobis sunt, quos in quæstionem, ac in judicium vocemus, Provinciarum Procuratores admodum pauci, quos Lusitana Jesu Societas Ulyssipone habebat. Hos, dicis, hos ipsos *sex, septemve* Procuratores Provinciæ Lusitanæ, Goanæ, Malabricæ, Sinenses, Japoniæ, Brasilianæ, Maranonis tales, tantos, tam amplios, tam fuisse copiosos, Censore Saldanha, Negotiatores, ut omnes alios Lusitanæ Assistentiæ, mille septingentos sexaginta Jesu Socios, cupiditatibus suis infecerint, atque, ex hominibus

Edi-

Edicto 1758., improbos , profanos , sceleratos fecerint negotiatores .

Nihil jam ego miror , mi Bolane , qui in arcem ipsam totius calumniæ , (Saldanhianæ dicam , an Carvalhianæ) confugeris , tam confidenter adversus illos Jesû Socios hoc loco te declamare : & tamen mihi de te , quæ tua est æquitas animi , & judicii integritas , facile polliceor , fore , ut quos tu improbos , quos profanos Negotiatores dicebas , eosdem paulo post *Ministros Ecclesiæ* remotarum Gentium , Patronos humanissimos Neophitorum , & tutores , & vindices , & Patres sanctissimos appelles . Audi jam . Erant illi quidem Ulyssipone in Hospitio Divi Francisci Borgiæ sex , opinor , Missionarii , qui ab illis Provinciis , quas paulo ante memorabamus , eò fuerant de more antiquissimo missi , ut in unis (a) hisce horreis , atque apothecis , ad Tagi ripam voluntate Regum Fidelissimorum constructis , eos & fructus , & proventus servarent , venderent , procurarent , quos in Lusitaniam idcirco Neophyti ab illis remotissimis , ac pauperrimis Provinciis destinassent , ut ex eorum pretio ea omnia sibi compararentur , quibus usus vitæ , quibus cultus Religionis , quibus Templorum

Par. I.

N 2

rum ,

(a) Anecd. Ital. tom. I. p. 170. & 269. Animad. I. ad vitam P. Correz pag. 175.

rum, ac Sacrorum splendor apud eos indigerent.

Si enim nescis, ille Societatis Jesû Lusitanæ Provincie, ad Solem, & Orientem, & Occidentem positæ, infinitis laboribus, plurimo sudore, multo etiam sanguine per bina sæcula illud potissimum egerant, ut earum Missionarii Sacerdotes ex vastissimis plagis, & densissimis silvis, ex ardentissimis arenis rusticos, agrestes, barbaros, ethnicos populos ad humanioris vitæ societatem, ad christiani dogmatis professionem, ad sanctissimam morum disciplinam, ad ditionem plerumque Lusitanam congregarent. Hinc illis illæ lacrymæ. Quo enim successu ex iis Regionibus, & Asiaticis, & Africanis, & Americanis, maturis illis quidem ad messem, inopia tamen Operariorum sæpe desertis, Evangelici illi e Societate Jesû cultores fructus in horrea Domini congesserint, cum possem tibi longissima oratione ostendere; hoc uno argumento defungar, cum brevi dixerò: In una Marinonia jam inde ab anno 1664. Pagos, sive Vicos, sive maris, oppida, illorum Missionariorum opera, quinquaginta fuisse hujusmodi instituta, in quibus ducenta hominum millia ad Christi Ecclesiam aggregatam recenserentur. (a) Ergo iis novis

1 (a) Videndus Ludov. Anr. Muratorius Christ. fel. part. 2. pag. 144., & Animadv. 1. ad vitam P. Correz p. 176.

vis Ecclesiæ coloniis, non longe ab Oppidis Lusitanorum plerumque conditis, præerant e Jesû Societate Sacerdotes, quibus voluntate summa Regum Fidelissimorum data esset procuratio, non cultus modo Christiani, sed earum etiam rerum omnium, quæ ad vitam, quæ ad humanitatem, quæ ad salutem, atque incolumitatem pertinerent. (a) (Adnot. VI. pag. 393. *Operæ prætium* .

§. XXVII.

*Iustissimis de causis Procuratio Paterna
Neophytorum Jesû Sociis a Regibus Fidelissimis credita.*

Quæres fortasse, mi Bolane, quæ tandem ratio eos Jesû Socios abduxerit, ut res Neophytorum publicas, profanasque sibi curandas susceperint, cum ejusmodi procuratio tot, tantisque curis, negotiis, contractibus Sacerdotes religiosos necessario oneraret? Quod contra alibi videmus fieri solere, video, facile te ignorance rerum Americanarum lahi. Sed si tu, vel Ludovicum Antonium Muratorium, qui in
iis

(a) Vid. Lud. Ant. Murat. ibidem; necnon Animad. prædict. p. 167., & pag. 176.

iis Paræciis, novisque Americæ Ecclesiis disciplina primæve Jesû Christi Ecclesiæ reviviscen-
tem descripsit, unde exemplum liceret omnibus
Christiæ felicitatis, ac sanctimonie petere;
vel Raynalianum, & Robertsonium, nuperos istos
Americane historiæ Scriptores, mi Bolane, le-
gisses, qui mera monstra de Dominatione Euro-
pæa in miseros Americæ Indigenas narrant; pro-
fecto illud querendum tibi non esses arbitratus,
cur Jesû Socii eorum Pagorum Institutores, sibi
patrocinium, sibi paternam administrationem su-
mendam existimarent.

Ergo quas ejus rei a me causas requiris, eas
vel ab ipsis Americane terræ filiis, vel ab Eu-
ropæis ibi Colonis repetitas ostendam. Primum
enim ea est illorum Indigenarum indoles, ut vel
naturæ conditione, vel Cœli ipsius temperatio-
ne, vel educationis patriæ negligentia, sint omnes
a labore, ac contentione alienissimi, desidiæ, ac
sordidiæ appetentissimi: sint victus, sint cultus,
sint humanitatis, sint vitæ socialis negligentissi-
mi sint ferme ejusmodi brutæ naturæ Alumnis
simillimi, quales nostræ ætatis Misanthropus Ru-
savius omnes homines, odio generis humani, si-
bi effingebat feliciter futuros.

Fac eos, in legitimos cœtus, in justos Vicos,
in æquabilem Societatem e silvis opera Jesû So-
ciorum jam convocatos, ipsos sibi permitti, ip-

sos suæ prudentiæ , industriæ , moderationi , arbitrio relinqui ; quid putas futurum inde fuisse ? Jam qui Missionarii illos e victu ferino per summas ærumnas abduxissent , rursus eosdem cum feris , inter pecudes , in densissimis silvis abditos , denuo fuissent conquisituri , atque ab eorum recessibus , latebrisque solertia , consilio , omnique modo , atque arte excitaturi ; ubi sine ullo agrorum cultu , sine ulla frugum colligendorum molestia , sine novæ disciplinæ fastidio , sine assidua Christianæ pietatis sollicitudine , sine odioso ullius imperii fræno , ipsi suo , idest , ferme pecudum , modo vivere gestirent . Atque utinam in summa , & indulgentia , & cura , quam erga eos adhibent Missionarii , non tam sæpe accideret , ut Indigenæ recentes a silvis iterum , ac sæpius ad eas tædio vitæ socialis reversi , iterum , ac sæpius essent in Vicos reducendi !

Deinde fac , novos istos vitæ & civilis , & Christianæ cultores fidei , ac tutelæ Europæorum Colonorum , qui in Oppidis degunt , permitti ; Quid , quæso , miseris fiet Neophytis ? Quod shiltorum magistra , sæpe jam docuit , experientia . An non illud ipsum , quod totum factum jam fuisse declamant veri humanitatis , & religionis vindices Catholici , & decretis suis Pontifices damnant , & edictis suis prohibent Reges , ut vel ab Europæis in servitutem abducti , miseriorem mor-

morte ipsa vitam in ergastulis, in pistrinis, in ingeniis illis *Saccharianis*, in auri, argentique fodinis degant; vel fugitivi antiquas silvarum, ac lucorum latebras, tutissima, atque obvia eorum perfugia, ne tam fœdam, ac laboriosam servitutem nexi serviant, repetendas sibi existiment? Esto, nihil horum fiat: Certe non nimis laudandis Europæe licentiæ exemplis illi rudiores homines depravati, prius Christianum in morem vivere desinent, quam vivere occœperint. Nunc a te quæro, mi Bolane, num parvæ, num parum justæ tibi videntur esse causæ, quare, qui eos Indigenas in Christo Jesû genuerint Societatis Patres, iidem illos sibi cura, studio, industria, procuratione, atque indulgentia paterna fovendos, alendos, defendendos existiment?

§. XXVIII.

*Procuratio Neophytorum simillima Ministerio
Diaconorum primævæ Christi Ecclesiæ:*

AT in eo negotio curando Jesû Socii Lusitani fient profanæ negotiationis rei. Ita ne vero? Qui Sacerdotes Missionarii tot Regum decretis, tot Præfectorum Regionum testimonis

niis (a), tot Episcoporum laudibus habiti sint integrum sæculum, eoque amplius, optimi Neophytorum Patroni, fidelissimi communium bonorum curatores, cum in conspectu totius Lusitaniæ, prope intra Urbis Regiæ mœnia, & advectos ab America Pagorum fructus reciperent, & in Apothecis palam ad ripam Tagi servarent, & pecunia ex eorum fructuum venditione ea omnia, quæ ad victum, cultumque Americanorum necessaria esset, emerent, empta ad Neophitos in Americam vehenda curarent; illi ipsi repente ad arbitrium impotentis Carvalhii, ad promptissimum Saldanhæ obsequium, ad insolentissimum novi Censoris Edictum, infamis mercaturæ, profanæ negotiationis, commercii, legibus Ecclesiasticis vetiti, erunt Rei habendi?

Tres illi Lusitani Reges, Joannes IV., Petrus II., Joannes V., in ea Neophytorum procuratione Jesû Sociis credita, tam diligenti quæstione discussa, nihil profani, nihil jure canonico prohibiti, nihil non a charitate paterna profectiprehenderint; Unus vero Carvalhius, avaritiâ, latrocinio, depopulatione peculatu Mendozæ Fratris,

Par. I.

O

tris,

(a) Præsertim Joannis de Maja Supremi Marinoniæ Præfecti. V. Animad. 2. ad vitam P. Corr. p. 175. = Salvatoris Correa de Sa, Urbis S. Sebast. Præfecti; ibid. p. 164. = Guarapaensis Præfecturæ Prætoris, Andreæ Vidal Negrævili, Animad. 1. p. 171.

tris in Marinonia (α) iniseros Neophytos, Colonos etiam Lusitanos, per summam injuriam depredati, instigatus, Negotiatores Jesu Socios contra juris Ecclesiastici leges compererit? Quid? cur unos Jesuitas in ea Pagorum^ο procuratione paterna Reos Saldanha pronunciet; Aliorum Ordinum Religiosorum Parochos, maxime vero Excalceatos Reformatæ S. Antonii disciplinæ Franciscanos, (β) simili in procuratione versatos, nullius profani commercii affines esse judicet?

Sed quid plura moramur? Nisi quis illos in primitiva Christi Ecclesia septem Diaconos (Act. 6. 4.) ab Apostolis Procuratores plebis Christianæ creatos, qui mensæ communi, qui alimentis, qui victui servirent, negotiationis, commercii, mercaturæ crimine suspectos, atque adeo reos manifestè convictos judicet; nihil causæ dicere poterit, cur Procuratores eorum Neophitorum, quos fidei Jesu Sociorum Reges ipsi permiserint, pro Negotiatoribus profanis sine summa injuria condemnet; cum potissimum disciplinam, quam primorum Christianorum Jerosolymitana Ecclesia in communione vitæ servasset, ex tanto intervallo illi ipsi restituissent.

§. XXIX.

(α) Anecd. Ital. tōm. I. p. 126.

(β) Aulmad. 1, ad vitam. P. Corr. p. 187.

Saldanhæ Edictum Legi
naturæ *contrarium*.

ERgo his adhuc a me commemoratis, si ego te non male, Bolane, cognitum habeo, nihil tibi reliquum fuerit dubitationis, quin Visitator Saldanha Edicto illo suo & contra jussu pontificis fecerit, & innocentiam Lusitanæ Societatis oppresserit, cujus omnes Socios negotiationis vetitæ crimine condemnarit, cum, ne unum quivem aliquem ejus culpæ argumento ullo teneri, probavisset. Vide verò, quò ego fretus justitia, atque innocentia causæ meæ progrediar.

Tantisper ipsi Saldanhæ concessero, fuisse in tot illis, fere mille octingentis Jesû Sociis Lusitanis unum, vel alterum, qui negotiis profanis operam interdum dederit. Nullus ille quidem fuerat; sed fuerit sane. Tamen in omnia jura peccasse Saldanham, evincam, qui infami, qui præpostero, qui enormi Edicto *omnes* Jesû Socios ob noxam *unius* non convicti, non in jus vocati, reos esse pronunciarit. Habuerit, per me licet, Saldanha Quæsitores potius, quam Judex, quem conceptis verbis negatam non habebat, a Benedicto XIV. facultatem judicii, sententiæque

Par. I.

O 2

dicen-

dicendæ . At certé in maxima impunitate , sibi a Carvalhio permissa , in jus naturæ , quæ a nemine dari potest , facultatem datam non habebat .

Est ne Juris naturalis , ne quem , incognita causa , Judex condemnet ? Opinor , apud omnes ea lex est naturæ , (a) invitis mille sexcentis & Carvalhiis tyrannis , & Saldanhiis Visitatoribus . At Saldanha , incognita causa , nulla habita prius quæstione , nullis auditis legitimè testibus , decimo sexto die , postquam Breve Benedictinum acceperat , ante initam Visitationem , Edictum illud suum in omnes Lusitanos Jesû Socios subscribebat . Quo quid scelestius fugi duce natura potest ? Est ne Juris naturæ lex , ne quem indicta causa Judex damnatum vellit ? Est omnium Gentium , omnium hominum , (b) . nisi forte sit eximendus ex hominum numero cum suis omnibus Carvalhiis , bipedum omnium nequissimus .

At Saldanha Censor acerrimus , non citatis , non interrogatis , non auditis Jesuitis , Edictum in omnes Lusitanos Jesû Socios emittebat . Est
ne

(a) Numquid lex judicat hominem , priusquam audierit ab ipso ? Joan. 7. 51. Defensio enim est de jure naturali , & divino .

(b) Non est Romanis consuetudo damnare aliquem hominem , priusquam is , qui accusatur , præsentem habeat accusatores , locumque defendendi accipiat ad abluenda crimina . Act. 25. v. 16. Rom. Pontifex fatetur , se nihil in civilibus contra partem inauditam posse definire . C. 1. de Causa posset . Saldanha in criminalibus posuit ? ubi gentium sumus ?

ne juris naturæ lex, & nulla gravior pœna Reo non audito imponatur? Est scilicet; nisi velimus in omnes Tyranidem & arbitrariam, & crudelissimam, uno verbo Carvalhianam sancire, Furcira truciores. At Saldanha sine testibus, sine tabulis, sine dictione causæ ignominiam, atque infamiam, quovis suplicio graviores, tot, tamque honestis, tam religiosis Jesû Sociis ex sententia Edicti sui inurebat. (a)

Quid, quæso, tam arduum, tam molestum, tam factu difficile, Saldanhæ fuisset, nisi venditam, atque addictam Edicti sui censuram Carvalhio haberet; si id ante judicium in Lusitania facere vellet, quod in Brasilia Legatus ab ipso Pro-visitator Josephus Bottellius de Mathos, Archiepiscopus Bajensis S. Salvatoris, faciendum sibi existimabat, ne innocentes Jesû Socios pro Reis haberet, contra quam natura ipsa monstrat? Is enim clarissimus Antistes, ubi primum a Saldanha se Pro-Visitatorem novit delegatum, causam in Jesû Socios legitimè instituit. Omnium Ordinum integerrimos viros, in iis Saldanhæ Fratrem Einmanuelem, Virum principem, & in primis honestum, ad testimonium dicendum excitavit, eos juratos testes, ecquid de negotiatione profana Jesû Sociorum novissent, interrogavit,

(a) Apud Dian. in tom. v. Inquis. num. 253.

gavit, Negotiatores potissimum in Brasilia omnes ad testimonium dicendum pro imperio adegit (a) Cur, quæso, non in eandem juris formulam Saldanha in Lusitanos Jesuitas quæstionem prius exercebat? Cur? quia, si non ipse, at certè ejus monitor, auctor, præceptor, vel potius imperiosus Dominus Carvalhius id veritus erat, ne accideret, quod sibi accidisse, Botellius Archiepiscopus Saldanhæ, Regi, & Carvalhio scripsit. Litteras enim, habita quæstione, ejusmodi Botellius illis ipsis dedit, quibus negaret, ex tot testibus, a se legitime citatis, quemquam unum in Brasilia inventum fuisse, qui eos Jesu Socios negotiationis profanæ crimine insimularet. Vides jam tu, mi Bolane, quantum intersit inter Visitatorem Saldanhæ, & Visitatorem Botellium! Utri credendum, (b) existimas?

Quæ cum ita sint omnia; Erit pro Divum, hominumque fidem! qui in tanta veritatis luce, in tanto splendore innocentie arbitretur, Edictum Saldanhæ tenebras offundere Clementi Papæ XIII. potuisse, ne luce meridiana clarius illi appareret nullam mercaturæ suspicionem in Lusitanis Jesu Sociis adhærere? Erit, qui sibi non plane persuadeat per summum nefas, per tyrannicam

(a) In vita P. Emman. Corree p. 57.

(b) Adnot. VII. pag. 491.

nicam Carvalhii potentiam, per flagitiosam, sacramque Saldanhæ prævaricationem omnes Jesu Lusitanos Socios Edicto notatos, privatione bonorum multatos, exilio & patria perpetuo fuisse expulsos?

§. XXX.

*Alterum Judicium in tres Jesu Socios ,
veluti Regicidii conscios , a
Tribunali Inconfidenti .*

SEd jam ab Edicto Saldanhæ, morum Censoris in Lusitana Jesu Societate mercenarii, & plane irriti, vanoque ab auctoritate Pontificia illi negata; & prorsus iniquo ab innocentia Jesu Societatis, labe negotiationis profanæ intactæ, & fœde præpostero ab sententia ante causæ cognitionem, reorumque defensionem pronunciata; ad Tribunal illud integerrimum, si Superis placet, Carvalhii, qui nullam sibi aliam legem unquam, quam impotentis animi libidinem agnosceret, veniamus; Altera enim Sententia in Lusitania adversus tres Jesu Socios lata fuerat, Gabrielem Malagridam, Joannem Alexandrum, & Joannem de Mathos. Hos enim famosæ illius, ne dicam, fabulosæ conjurationis, quæ in Josephum I. Regem Fidelissimum a Lusitanis Magnati-

gnatibus nonnullis inita dicebatur; non modo participes, sed duces, sed auctores, sed artifices Carvalhius fuisse volebat.

Quid in ea causa reipsa fuerit, paulo post a me in luce clarissima ponetur; si quid artificii Carvalhii fama mendax vulgaverit, prius ad summam indicavero. Quæstio erat publica, a Carvalhio in Lusitania nova plane instituta, quam ille Tribunal; sive Dicasterium *Inconfidentiae* (suspectæ erga Regem fidei, opinor, dixisset alius, non æque ac Carvalhius auctor barbarus) nominatam volebat, (a) qui monstis etiam verborum ducebatur. Pridie idus Januarias anni 1759. ad speciem de sententia Judicum, ei quæstioni attributorum, revera ipsa, pro imperio unius Carvalhii, pronunciatum fuit Judicium adversus eos sicarios, qui in vitam Josephi Regis Fidelissimi conjurasse dicerentur ab unis Carvallii assentatoribus. Conjurasse vero dicebantur in illud nefarium Parricidium Lusitani Proceres duo: Tavora, & Averius, qui facinus aggressi per duos sicarios, alterum Josephum Polycarpum Azevedum, alterum Antonium Alvarezium Ferreiram tertio nonas Septembris 1758. dicerentur: cujus impiæ, ac Sacrilegæ Conspirationis Architecti, & Suasores illi tres Jesu Socii a me ante nominati, nunciabantur. §. XXXI.

(a) Anecd. Ital. tom. I. pag. 127., & seq.

*Trimestre totum de Parricidio tacitus Carvalhius ;
ad extremum illud per Edictum indicit .*

ECce tibi , mi Bolane , novum majoris abollæ facinus , non ab illis quidem Proceribus admissum , sed totum ab uno Carvalhio nefariè excogitatum , quod tu , opinor , paulo post tecum miraberis ; Europa certe tota fuit admirata . Ego illud pono : Tres illos Jesû Socios , paulo ante a me appellatos , neque re ipsa fuisse ejus Parricidii conscios , neque Clementi XIII. ita suspectos , ut de ficto eorum scelere , quod tu suspicabaris , non apertissimè illi Pontifici , & universæ Europæ de innocentia Lusitanæ Jesû Societatis , constaret . Mihi sine argumentis nolum credas . Quo istud , ais , argumento ? Geminò , mi Bolane , atque eo utroque manifesto . Altero quod nullum fuerit cogitatum , nullum susceptum in Regem Fidelissimum Parricidium . Altero , quod ex Actis , rebusque judicatis , quas Carvalhius proferebat , nulla ejus Parricidii probatio legitima conficiatur , ut non modo satis liqueat , totum crimen a Carvalhio fuisse confictum , sed etiam stultè , inconstanter , ineptè confictum fuisse constet .

Par. I.

P **Dico**

Dico igitur primum : Nunquam in caput Josephi Regis in Lusitania ab illis Magnatibus , quibus Parricidii commentitios auctores tres Jesu Socios Carvalhius assignabat , fuisse conjuratum . Quo , istud teste , quo demum Auctore ? Quo ? Teste in hac causa omni exceptione majore , in omni alia re Calumniatore , perjuro , perfido , nefario , ipso illo Sebastiano Carvalhio , totius Conjuracionis mendacissimo Auctore , totius Parricidii Artifice unico . Quid ait Carvalhius ? ex Edicto in vulgus dato idibus Decembris anni 1758. quatuor ante diebus a se signato , in hunc modum Minister Carvalhius fabulatur : Ecce tibi Carvalhiani Edicti Summam :

„ In Regem Fidelissimum Josephum Primum a
 „ Sicariis impetum factum fuisse tertio Nonas
 „ Septembris ejusdem anni , eoque impetu Regem fuisse vulneratum . “ (a) Ex ipso Edicto ecce tibi impium facinus : ecce facinoris impii unicum ex Edicto Carvalhii testimonium . Fac quæso , mi Bolane , diem cædis factæ cum die Edicti vulgati conferas ; invenies , tres totos menses nihil cum civibus suis Lusitanis Lusitanorum Ministrum de cæde , de vi , de impetu , de vulneribus Regis communicasse . Miror silentium . Sed nihil utor suspitione fraudis a tam diutur-

(a) Anecd. Ital. tom. I. pag. 201.

diuturno silentio, in tam nefario scelere, a tam impotentis iræ Ministro, cuivis facile manifesta. Æsto: malitiosè tacuerit trimestre totum Carvalhius.

Quid jam tandem loquebatur? In Edicto demum de cæde Regia, prope jam obsoleta, Cives omnes edocebat, quibus ingentia præmia pollicebatur, si quis auctores, si quis alios conjurationis conscios, si quis Parricidii participes deferret „ Delator, ajebat, Nobilis, altiore nobilitatis gradum præmii loco obtinebit; Plehejus, magna pecunia donatus in ordines Nobilium transcribetur. “ (a)

§. XXXII.

*Mendax Edictum de Cæde revictim
ex Carvalhii Codicillis, Regem ab
Scalis prolapsum testificatis.*

HAbes veri Edicti sententiam: vide jam Edicti vim, quovis ictu fulmineo & velociorem, & potentiorē. Illa ipsa nocte, idus Decembris proximè insequuta e Familia Marchionis Tavoræ septem; e Domo itidem Ducis Averii Magnatis, Viri Principes duo sunt in carcerem Jussu Carvalhii conjecti. Nondum satis inson-

Par. I. P 2 tum,

(a) In vita P. Corree p. 259.

tum, magnorumque reorum. E Jesu vero Societate Sacerdotes tres idibus Januarii 1759. sunt in Carcerem dati, idest, pridie quam sententia in Magnates executioni mandata fuit. (a) Hi Parricidii regii auctores dicuntur.

Nunc jam a te, Bolane, quæro. Quis tam imperitus rerum humanarum, tam hospes in re politica, tam in aulicis Regum negotiis peregrinus, qui calumniatoris Ministri male partum, male vulgatum, male sanum Edictum non videret totum in nefario mendacio incubuisse? Quis non statim apud se tritum illud usurparet, *memorem mendacem esse oporteret?* Enim vero omnes, mirum esse dictu, dicere: quo demum die narrare Carvalhium impetum, ac cædem regiam fuisse facta 3. Septembris. Quid istud rei esse? Illum ipsum Carvalhium quid per Codicillos scripsisse, quos 3. Septembris circum omnes Regum, Legatos, ad Nuncium ipsum Pontificium misisset? Nonne conceptis verbis potuisse in iis Codicillis, (en tibi Exemplum Schedulæ) (b) „ Ex aula Regia 4. Septembris 1758. datis: Excellentiam tuam certiore facio, hac nocte evenisse, Majestatem suam Fidelissimam orsum in viridarium descendere, fortuito e gradibus aberrantem

(a) Anecd. Ital. tom. I. p. 216.

(b) Anecd. Ital. tom. I. p. 194.

rantem sibi scapulas læsisse: “ Et ideo omnes quæ-
rere, nonne adhuc in manibus illos officiosos a
Carvalhiø esse Codicillos? Non omnes Carvalhii
jussu scriptos, & Sigillo Regio signatos? Nemo
erat mihi crede, Bolane, qui non ipse secum,
qui non cum aliis loqueretur, qui non præterea
Acta Lusitana diurna meminisset die 6. Septem-
bris jussu Carvalhii edita, in quibus ille regius
casus, ille pedum e gradibus lapsus, illa scapu-
larum luxatio nunciaretur..

§. XXXIII.

*Clemens XIII. non potuit non agnoscere
tres Jesu Socios Parricidii Regii
non fuisse conscios.*

HÆc enim Ulyssipone Cives omnes, etiam e
furno, lacuque redeuntes, & pueri, & anus
omnes scirent, cum per ora totius Europæ e
diariis istis actis volitarent; poterat ne Clemens
XIII. non suspectum habere Carvalhii Edictum?
Poterat non fraudem, non calumniam, non do-
los Sinonis illius Lusitani, plus vice simplici jam
ante in rebus aliis compertos vereri? Poterat de
innocentia Jesu Sociorum a novo Sajano oppres-
sa, dubitare? Ille Sanctissimus Pontifex, ut erat
in libris divinis solitus versari, profecto sæpe
illud

illud (*Dan. 13. v. 56.*) in Hebræos Judices ; Susannæ Calumniatores, secum repeteret „ mentitus es in caput tuum semen Canaan , & non Juda . “ Et vero mentitum fuisse Carvalhium , ne Carvalhius quidem ipse potuit inficiari , cum in judicium , mortuo Josepho Rege , est ab ejus Filia Regina vocatus . Quam sæpe Clemens XIII. secum impudentiam , audaciam , impietatem , flagitium , sacrilegium Ministri miraretur , qui quasi de capite , ne dicam de corio , Regis Fidelissimi luderet , modo illum de Scalis in viridarium deturbaret , modo ne scapulis quidem lapsi Regis parceret , modo occulto vulnere , quod nemo alius , nisi unus vidisset Regius Minister , regium brachium sauciaret , modo fortunam iniquam labentis Regis miseraretur , modo conjuratos Sicarios ; Parricidas in Regem , ab stipatoribus , a Custodibus , a Servis omnibus relictum , imitteret .

Nam ita diceret Romanus Pontifex : Si quando accidit (atque utinam nostris temporibus nunquam accidisset) ut sacrilegi grassatores in regiam alicujus Principis Majestatem , in sacrosanctam Regis Personam , scelere , atque amentia cæci irruerent ; extemplo punctis omnibus , & ordo totus sceleris perpetrati , & tempus certum , & locus definitus , & conspirantium manifestus consensus ab omnibus tenetur : non trimestres

mestres induciæ cum Sicariis, cum auctoribus vero quadrimestres, non Codicilli aliud, aliud edita, aliud judicia in Parricidas facta, loquuntur. (a) His sine ulla dubitatione similia secum Clemens cogitaret, nisi eum unum nescisse id, quod omnis Europa palam loqueretur, sibi quis velit persuadere.

Age vero, mi Bolane, relictis jam Carvalhii Codicillis, quibus Edicti Calumnia penitus evincitur, ad reliqua edicti manifesta mendacia, quibus conjuratio tota evanescit, accedamus.

§. XXXIV.

*Marchio Tavoræ tempore ficti Parricidii
Domī Convivio præerat.*

Quem in actis judiciariis ducem, (b) Præfectum, Auctorem, Præsidentem Parricidii facit Carvalhius? Franciscum Assisium Marchionem Tavoræ caput fuisse cædis, præsedisse insidiis in Regem collocatis, signum Sicariis præsentem dedisse, ut in Regem jacularentur, Carvalhius edicebat. Quid si illa ipsa noctis hora, qua cædes facta fingitur a Carvalhio, infinitis testi-

(a) Alia secum pugnantia lege t. I. Anecd. Ital. pag. 229.

(b) Anecd. Ital. tom. I. pag. 195.

testimoniis constet Tavoræ Marchionem 3. Septembris domi non modo se continuisse, sed etiam suos omnes secum interfuisse cœnæ? ad cœnam lautissimam complures Affinium, complures Amicorum invitatos habuisse? Quid si ad inultam dici proximi lucem celebratum fuit ludis musicis, choreis etiam, de more convivium? Atqui Ulyssipone de Cœna, de Conviviis, de præsentia Tavoranæ Familiæ vulgo constabat.

Equitem scio, quantum sibi Carvalhius semper in jura omnia Civium, quantum in leges Regni voluerit sibi licere; at ne illud quidem ipse sibi, satis certò scio, arrogaverit, ut simul eadem noctis hora, & arbitrum domestici convivii, & domesticæ saltationis Coriphæum, & musici ludi domi editorem, Marchionem Tavoræ efficiat, simul foris Grassatorum Ducem, Conjuratorum Caput, Cædis Præsidem; insidiarum præsentem Moderatorem, eadem noctis hora Tavoræ Marchionem exhibeat. Nisi forte, quod prodigium in Divo Antonio (a) Patavino ediderat Deus, ut uno, eodemque tempore simul præsens Patavii Concionaretur, simul Ulyssipone innocentem eriperet; id Magica Carvalhiæ opera in

Ta-

(a) Idem prodigium in Marchione, & Marchionissa Alorno, eorumque Filiis narrat Carvalhius in Actis judiciariis. li enim Regidæ fuisse dicuntur, cum essent ea ipsa nocte 3. Septembris Ciatræ quæ Arx est septem leucis ab Ulyssipone distans.

Tavoræ Marchione factum dicamus ; ut & simul domi cœnaret , & Foris simul insidias nefarias moliretur , simul duobus in locis cum Sicariis Regem aggrederetur . Huc illud scilicet . *Sursum versus flumina recurrent* , si Carvalhio sit libitum .

§. XXXV.

Altera fabula Carvalhiana de Servis Ducis Aveirensis in Regem noctu missiles glandes jaculatis .

Quid tu amplius , mi Bolane , jam hoc loco desideres , ut mentitum Carvalhium in caput suum statuas ? ut non conjurasse Tavoræ domum in Regem apertè videas ? ut nullos Parricidii Auctores Tavoræ Marchioni fuisse Jesu Socios tibi persuadeas ? Et tamen qui semel Carvalhius fidei , juris , humanitatis fines omnes transilire jam cœpisset , impudentissimum sese Delatorem in ducem Aveirensem ostendere pergebat , ut demum crudelissimus in eum Carnifex evaderet .

In actis enim judicialibus affirmat Josephum Mascharenium , Ducem Aveirensem , cum in caput Regis Fidelissimi conjurasset , per binos domesticos , Josephum Polycarpum Azevedum Cubicularium , & Antonium Alvares Servum , ve-

Par. I.

Q

ctos

ctos equis fistula igniaria in Regem glandeas plumbeas emisisse. Hic nova ex ore Carvalhii mendacia nihil miror. Illud amentiae non possum mirari satis, ut sine ulla simulatione veri, sine ulla specie similitudinis, audeat tam impudenter in Magnates crimina effingere. Audio: duos Aveirii famulos ab equis in Regem voluisse grassari. Ita ne? non plures, quam duos? An non Stipatores secum multo plures Rex habere solebat? Esto: Servi duo Regem adoriuntur: Quo vero loco tantum erant ausi facinus bini Servi equites Averiani? Octo (a) in locis, ajunt, diversis, praesertim prope Regiam ipsam, & prope domum Carvalhii. Quis non miretur amentiam, non dico Servorum, sed Carvalhii Delatoris, qui locum insidiis non sane appositum ceperit, cum ab ipsa Aula Regis, ab ipsa Regia domo Ministri, facile subsidio venire milites praetoriani potuissent, qui ad primum expulsi tormenti strepitum Sicarios vel circumcluderent, vel vi caperent.

Quo demum tempore explodunt tormenta manuarum Averiani Parricidae? Noctu, inquit Carvalhius, Hic si liceret cum Cicerone loqui, non illud jure meo iterarem. „ Dii te perdant Carvalhi, ita non modo audax, sed amens, ac fatuus

(a) Anecd. Ital. tom. I. pag. 196.

tuus es ! “ Noctu Ulyssipone , ubi a te constitutæ essent cohortes frequentissimæ , ubi vigilæ in equis noctem totam circumirent , qui , si quem non grassarorem modo , sed otiosum , vagumque offenderent , confestim e præparatis patibulis (a) eos suspenderent ; ibi noctu bini Sicarii , Regem ipsum adorti , carnifices illos tuos , ubique vicorum paratos , effugere potuissent ? Quid illud de strepitu , atque explosione tormentorum a nemine Prætorianorum vicinæ Regiæ a nemine stationis tuæ militum , qui tibi essent tyrannici stipatores , a nemine Opificum , id temporis lucubrantium , exaudita ?

Video totum Parricidium unius fuisse Carvalhii delatoris; nullos in equis Averiani Servos fuisse, nullam Regis, a suis deserti, nocturnam domum reditionem, nullam tormentorum sine strepitu explosionem, nullam missilium glandium emissionem nullam Averii Ducis Conjuratorem.

§. XXXVI.

*Fabula malé de Azevedo, Aveirani
Servo, a Carvalho composita.*

AT illud saltem Carvalhius in ornanda tragedia sua curabat, ut Azevedum Sicarium in
Par. I. O 2 vin-

(a) V. Animad. 8. ad vitam P. Correæ pag. 375.

vinculis confessum Parricidium induceret . nihil vero minus ; Cum Carvalhio Calumniatori nihil neque facilius ad fingendum , neque speciosius ad fallendum ea mentita mentiti Sicarii confessione videri potuisset . Quid ergo erat ? Id quod jampridem in sceleratissimo quoque prudentissimé fuisset a multis observatum , in Carvalhii teterima calumnia denuo apparebat ; ut cum ille falsarius esset ad crimina , & admittenda , & affigenda projectissimus , idem in iis & comminiscendis parum esset cautus , & in probandis non satis attentus . Nam cum Azevedum in Regem ipsum temere induxisset grassatum , eundem præter omnium opinionem vix exploso sine strepitu pyrio tormento , vix emissio sine ictu telo inbelli , equo se ita proripientem faciebat , ut deinde nusquam gentium inveniri potuerit , unde vivus , vidensque ad supplicium raperetur . Neque enim ipse Azevedus , sed Azevedi straminea , & sigillaris imago , idibus Januarii anno 1759 . comburenda ducebatur .

Olim quidem Judæi , illi Christi Servatoris Parricidæ , merito ab Augustino Hipponensi Episcopo irridebantur , qui dormientes testes ad calumniæ fidem faciendam , quam de Corpore Christi clanculum e sepulcro surrepto finxissent , adhiberent ; & tamen hos , opinor , Carvalhius , non ita alienos sibi auctores , in Azevedi fabula sumebat

mebat imitandos , cum regium grassatorem , regium Sicarium , regium Parricidam a nemine conspectum , a nemine visum , a nemine auditum , nusquam gentium repertum , per aera medium , ad Cinmerios , nescio quos , populos , pegaso , opinor , fugientem & pictum , & fictum , & sigillarem , & stramineum cremandum existimabat .

§. XXXVII.

Diariorum vanissima de Azevedo narratio .

Quamquam ne omnia reprehendamus , illud peccatum tragediæ , per Carvalhium datæ , correctum ab alio Circulatore scitissime videamus . (a) In Diariis anni 1783. ad Januarium mensem non sine omnium risu illa lepidissima fabella vendebatur : Azevedum illum Regis Sicarium , quem Carvalhius equo vectum evanescere in fumum penitus effecisset ; nusquam pedem Ulyssipone extulisse , Ulyssipone , in Urbe frequentissima , duos & viginti annos totos , Nugivendum atramentarium per celeberrima loca discursisse : Ulyssipone demum in publico Valetudinario ægrum sese apud confessorium Sacerdotem (nomen Sacerdotis reticebatur) prodidisse Sica-

(a) Anecd. Ital. tom. I, pag. 220.

Sicarium jussu Averiani Ducis in Regem immis-
sum .

Hic non clavus, quod ajunt, clavum, sed fal-
lacia alia aliam trudit . Non effugerit equo Aze-
vedus, per me licet, exploso tormento : fuerit
jure suo in eo calumniatus Carvalhius : fuerit
idem delator regius Calumniæ revictus ab impu-
ro illo Diarii Scriptore . At cui tu, Scriptor
Ephemerie, fidem in eo facias, Azevedum tot
annos per ora Civium quotidie divagatum, ocu-
los Argi illius Lusitani perstrinxisse? Cui præbes,
auritum illum Lusitaniæ Midam, Centimanum il-
lum Giam, Terræ filium, Carvalhium effugere po-
tuisse? Scilicet Aveiriana Familia Ulyssipone sic
erat obscura, ut ex illa Sicarius regius, non ita
pridem ad vivum in sigillo & effectus, & palam
flammis combustus, nemini deinde cognitus, im-
pune per urbem totam & tot oculis, & auribus
Regiis, Persarum Regum exemplo, a Tyran-
no Carvalhio repletam; latere in omnium con-
spectu, & atramentarium omnibus quotidie fu-
mum vendere potuerit. Et tibi Sacerdos fuit ali-
quis anonymus, insane aretaloge, qui arcana Sa-
cramenti proderet? Qui famæ Carvalhii ut ser-
viret, infamia sempiterna manes quietos jam Ave-
riani Ducis aspergeret? Sed jam in re apertè fi-
cta diutius non necessaria argumenta congero,
ut tibi probem, Bolane, nulles Averianam domum
in

in Regem Fidelissimum Sicarios e servis suis parasse, nunquam in caput Regis conjurasse.

§. XXXVIII.

*Principes Tavoræ, & Aveiri a Societate
Jesû penitus alieni.*

QUæ cum ita esse videas, ultro te mihi, Bolane, illud daturum confido, nullos e Jesû Societate fuisse, qui Lusitaniæ Primoribus Dynastis ficti fuerint Parricidii suasores. Sed erit tamen operæ pretium, istam famosissimam criminationem, in nonnullos Jesû Socios vanissimè, & nefariè a Carvalhio conjectam, in judicium, atque examen subtilius revocare. Quo argumento Carvalhius Artifices hujus sceleris, in Regem a Lusitanis Magnatibus suscepti, fuisse Jesuitas disputat? erant, ait, Principes illi Viri intima consuetudine cum Jesû Sociis, assidua familiaritate conjuncti. (a) Quid? si ego nihilo tibi, Bolane, minus in hac re Cavillatorem perjurum, quam in aliis omnibus nefarium, mendacemque Delatorem, Carvalhium probo? Atqui nihil factu facilius. Nam extant adhuc acta legitima, in ea causa confecta, omni exceptione

(a) Anecd. Ital. tom. I, pag. 131. & seq.

ne mājora , quæ eos Lusitanix Proceres , quos Jesuitis facit Carvalhius amicissimos , nunquam Jesuitarum ædes officii causa , nunquam eorum Tempia religionis gratia fuisse ingressos , nunquam usum , consuetudinem , amicitiam cum illis habuisse . Nunquam contra Jesuitas eorum domos adisse , nunquam non dicam familiariter , sed ne paulò quidem humanius , cum illis egisse . At a quo confecta acta tam alienos illos Principes Viros a Jesu Sociis evincunt ? Ab illo Nuncio Pontificio Acciajolio . Cujus auctoritate , atque imperio confecta ? Clementis XIII. qui ita ab illo inquiri in Jesu Socios , ex severioris formula juris præcepisset . (a)

Et erunt tamen in tanta , tamque convicta Carvalhii calumnia , in tam patenti , ac testata Virorum Principum Tavoræ , & Aveiri innocentia , per summum nefas a Lusitano Sejano oppressa , qui tibi , Bolane , persuadere conentur , Jesu Socios jure fuisse Clementi XIII. suspectos quasi & Auctores fuissent conjurationis , & Artifices occulti ejus Parricidii , quod ex Codicillis ipsius Carvalhii nunquam fuërit intentatum , quod nullo legitimo teste fuerit per Carvalhium confirmatum ? Quid ? An non res ipsa , tantum non emissa voce pro se clamat , totam illam Parricidii Tragæ-

(a) Anecd. Ital. tom. II. pag. 231.

tragædiam a pessimo Quadruplatore ; atque omnium maxime impio, ac nefario Carnifice fuisse confictam ?

Si Tavoræ Marchio, si Dux Aveirensis, si Azevedus, si quid Jesuitæ erant in Regem impiè machinati; cur Regis vulnera nemini videnda dabat Carvalhius, (a) quibus conspectis fides certissima Parricidii omnibus fieri poterat ? Cur tot Ambages verborum, tot strophæ in actis judiciariis, (b) & Edicto tam impedita, tam proluxa, tam odiosa fabulæ narratio ? Tu, mi Bolane, velim hæc tecum attente cogites, dum ego me ex hoc labirinto Carvalhiano uno illo non Ariadnæ, nescio cujus, sed naturæ ipsius filo me expedio. Multiplex est, & varium mendacium, simplex, & constans veritatis gratia. Nullum hic profecto effugium reperire potest Carvalhius. Parricidii regii, & Conjuratæ Optimatum, & Jesuitarum narratio ab uno ipsomet Carvalhio Accusatore, Teste, actore, & Judice multifariam, variisque modis inter se pugnantibus, cum de ea ipsa re, tum de Adjunctis singulis rem ipsam circumstantibus, facta fuit Clementi XIII. Supremis Principibus, & Europæ universæ. Igitur & Parricidium, & Conjuratio Commentitia omnino

Par. I. *R* *sunt,*

(a) *Anecd. Ital. tom. I. pag. 195.*

(b) *Anecd. Ital. tom. I. pag. 227. , & seq.*

sunt, & mendacia mendaciorum omnium mendacissima. Igitur Optimatum & Jesuitarum innocentia Clementi XIII. Supremis Principibus, universæque Europæ evidenter innotuit (Adn. IX. *At enim.*)

§. XXXIX.

*Carvalhius ne ex formula quidem Juris
Naturalis falsam Conjuracionem
ementitus adumbravit.*

AT enim Carvalhius, semel calumniam atrocem meditatus, ex legitima Juris saltem naturalis formula per subornatos delatores, per testes perjuros, per quæstiones solito ferociores, per adulteratas, suppositas, corruptas, vitiatas, mentitas tabulas, saltem dicis causa, ad speciem saltem, falsumque colorem, duo illa pro legitimè probatis jactabat, & saucium fuisse Regem, & Proceres de Consilio Jesuitarum Regis Parricidium intentasse; ut quæ criminatio esset ipsa in se nulla, ex allegatis, & probatis, quemadmodum Jurisperitorum filii loquuntur, aliqua fuisse videretur.

Ecce jam tibi, mi Bolane, alterum Orationis meæ caput, in quo adversus Carvalhium veritas nullo negotio triumphat: ita enim se in ea causa
tota

tota gerebat vitæ, & necis, honoris, atque infamiæ arbiter unus Carvalhius, ut pro uno imperio, pro sola animi libidine omnia moderatus, neque vulnera Regis, neque conjurationem in Regem factam *ex formula Juris publici* voluerit probatam. Probanda quidem ad speciem a Carvalhio fuisse vulnera Regi inflicta, antequam capitis, atque horrendi supplicii sententiam Judices in illos Lusitanicæ Optimates, in priores Jesû Socios pronuntiarent; tu ipse, mi Bolane, concedes. Ego illud denuo addam: Si Rex saucius, si vulneratus revera erat, nihil futurum fuisse facilius, quam fidem ejus rei omnibus manifestam fieri. Quam enim multi, quam Nobiles, quam fide digni futuri erant; qui & vidissent cubantem, & miserati fuissent dolentem, & curassent Regem vulneratum? Saucius erat in rheda reductus Rex: ita enim Carvalhius narrabat. Quid? Officii, ac reverentiæ causa nemo erat Ulyssipone, qui Regem inviseret? Nullus ex ordine Magnatum, qui in cubiculum Regium admitteretur? Esto: Ægritudo ipsa Regis saucii fucosa ista solatia, ambitiosa Aulicorum alloquia excluderet, maxime cum blandissimus Carvalhius ægroto Regi assideret, dolentem solaretur, vulneratum recrearet: tametsi multis auctoribus dicebatur, Carvalhii conspectum ita Rex, etiam sanus, solitus exhorrescere, ut, si quando talis

Par. I.

R 2

lude-

luderet , ejus audito ingressu , tali e manibus sponte effluerent. (a) Quid vero illud teterrime Sejanæ ? Nemo regios Medicos , nemo Chirurgos regios ad Regem convocaret ? Nemo dolori fomenta pararet ? Nemo manus medicas vulneribus adhiberet ? Nemo malagmata imponeret ? (b)

At enim , Bolane , video , te dicturum , non adeo fuisse sævum , ac crudelem Carvalhium , ut ne saucio quidem Regi opem a Medicina comparaverit . Audio . Utrum tu vero voles hac in re , Bolane mi , elige profecto . Si ægroto , ac saucio Regi opem ferendam a Medicis Carvalhius non curabat , eum tu ipse sævum , eum crudelem , eum immanem , eum plusquam Regium Parricidam nominabis . Si vero comparavit , neque tamen voluit in judicio publico , in causa Regii Parricidii , testes Medicos , testes Chirurgos , testes Pharmacopolas , testes Cubicularios , testes Famulos regios proferre ; Ego quo Carvalhium nomine appellem , nisi tu mihi aliquod , tanto par prodigio , ac monstro suggeras , profecto nescio . Dicerem amentem , qui fidem causæ regiæ de industria tacitus abrogaret ; dicerem furiosum , qui , quod nemo non videret causæ necessarium , solus non animadverterit , solus neglexe-

(a) Anecd. Ital. tom. I. pag. 35.

(b) Ibidem pag. 195.

glexerit, solus præterierit. At ista tu neges nomina in Ministrum Regium, in Moderatorem Lusitani Imperii, tibi satis probatum, cadere. Ne ga, ut voles. Ego profecto, si illum Calumniatorem, illum arbitrarium Delatorem Magnatum, illum Accusatorem impium Jesu Sociorum illum tyrannis omnibus Judicem impotentiorum appellem; satis certo scio, omnibus bene sentientibus Orationis meæ æquitatem probavero.

§. XL.

Singulari Numinis Consilio factum ut ipse se Calumniatorem proderet Carvalhius.

EQuidem neminem rerum humanarum paulo peritiorum futurum esse video, cui ratio ista tota Carvalhianæ criminationis non inepta, non vecors, non furiosa, non supra fidem futura videatur: quam ego sane, hominum de me opinionem veritus, proferre nunquam essem ausus, nisi ille ipse causæ totius inventor, ornator, auctor in vulgus longissima volumina, infinita Macrocola, alia super alia scripta verbosissima, ex quibus res tota pateat, edidisset. Quæ cum mecum ipse attentius reputo, sæpe cogor illud e Vate Sanctissimo commemorare (a), „Deus adducit

(a) Job Cap. 12. v. 17.

adducit Consigliarios in stultum finem , & Judices in *stuporem* “ Nimirum ea providentissimi Numinis ratio in tota illa tragædia permittenda fuisse videtur, ut ipse se Carvalhius calumniæ auctorem proderet, ipse sibi fidem abrogaret, ipse se tyrannum in reos innocentissimos profiteretur,

Pimum enim mentem illi eripi Deus ipse passus fuit, ut statim Codicillos circum omnes Principum Legatos, quibus Regem ab scalis lapsum mentiretur, dimitteret. Nam quid jam inde Carvalhius faceret? Aderant officii causa extemplo legati, aderat Nuncius Pontificius Acciajolius, aderant Regni Proceres, aderat Regia tota domus, Brasilæ Princeps Regis Filia hæres imperii, Regina ipsa aderat, cui rerum publicarum interea committebatur per interpretem Carvalhium moderatio.

Ergo, sic secum Carvalhius loqui cgebatur, quid hic ago? Alicui majorum istorum videntum Regem permitto? Actum est de tota tragædia Regem sanum, integrum, salvis scapulis, nullis obligatum fasciis coram aspiciet. Mihi falsos Codicillos in faciem impinget, me publicum calumniatorem, quo sim dignum abire jubebit. Quid si Regina reipublicæ causa volet Regem consulere? Ne tunc quidem Regem coram alloquetur? Ne tunc quidem, aiebat secum loquutus Carvalhius, viso Rege fuerit opus. Quid ita non?

non? Regem ego præmonuero, ut non deducto sipario, ut deficientis vocis sono, Reginae consulenti respondeat; si honori, si vindictæ, si securitati suæ cavere velit; sic opus est facto. In Aula Regia omnia suspecta Regi feci. Mihi uni fidissimo sibi credit. De regiis famulis res est in vado: tacebunt; quibus malum minabor, siquis quid veri crepet.

Certe ex ante die 3. nonas Septembris (a) usque ad idus Decembris 1758., quo demum die per Edictum Regem, jam curatis vulneribus, bene valere cives palam edocebat, nemo est ad Regem videndum intromissus. Et erit aliquis, mi Bolane, ita, vel studio erga Carvalhium cæcus, vel odio in Magnates, invidia in Jesu Socios a vero alienus, & uni Carvalhio conjurationem, vulnera, Parricidium sine tabulis, sine testibus affirmanti, credendum esse contendat?

§. XLI.

Postulantibus Judicibus argumenta Parricidii
malum minatur Carvalhius, ni in
sententiam suam *judicent*.

AT enim ex illis rebus judicatis, quas typis
Carvalhium Ulyssipone edebat, septem Ju-
dices

(a) Anecd. Ital. tom. I. pag. 195.

dtces in consilium missi , extremo supplicio puniendos Parricidas esse pronunciarunt : & quidem Synedrium Hierosolymis morte afficiendum Jesum Nazarenum pro impio, pro seditioso, pro nefario judicaverat. Nam ego primum a te, Bolane, quæro : Quidnam illi Judices fuerunt ? Illi quidem , si nescis , vel de Curia , vel dicasterio Inconfidentia sunt a Carvalhio Judices convocati . Quid ? Non illi ipsi , bene sibi in Inconfidentia confidentes Judices , erant in multis antea causis experti , quemcumque Civein vellet Carvalhius perditum , eum non posse sine sua ipsorum Judicum pernicie pronunciarı innocentem ? Non posse illum non videri , ea omnia male fecisse , quæcumque male facta vellet Carvalhius ?

Esto : fuerint Judices sui judicii , non Carvalhiani omnes arbitrii . Quid ? Quo accusatore , quibus testibus , qua reorum defensione , qua quæstione , quibus tabulis causa tota continebatur ? Nullis omnino neque tabulis , neque juris legitimi formulis a natura ipsa præscriptis . Convocatis Judicibus (a) dat legendam causam totam viginti novem paragraphis constantem (b) Carvalhius , infinita verborum volubilitate , quæ scriptorem malum , ac vanum proderet Carvalhium ,

(a) Bon. Ratioc. pag. 32.

(b) V. Compend. Hist. expul. pag. 105.

hium, (a) scripta. Illi cum viderent Acta inepta; absurda sine nervis sine ulla juris formula confecta: cum viderent ea, si semel in vulgus edita essent, infamiam venditis Judicibus, misericordiam reis innocentibus, Carvalhio ipsi tyrannicæ impotentiae notam allatura; pudore metum vincente, ausi sunt a Carvalhio modestissimè postulare argumenta; tabulas, testes, quibus veritas Actorum niteretur; Ut enim se non dubitare, quin Scriptor Gausæ habuerit, quæ sequeretur; sic jure neque sibi, neque cuiquam Judici licere non modo de Summis Viris, sed ne de infimis quidem e plebe Civibus sine argumentis fide dignis sententiam ferre.

Ibi vero Carvalhio ira, furore, amentia præceps, altero ad frontem sublato, altero ad mentum depresso supercilio: „Malum, inquit, vo-
„bis plus nimio religiosus, si curiosius in causa
„præjudicata moremini; Argumenta, si quæri-
„tis, sunt apud meipsum certissima: Illud unum a
„Vobis postulatur Judicii, quo deum supplicii
„genere sint isti Parricidæ puniendi?“ (b) Hic
tu mihi, Bolane, sententiam Judicum objicies?

Par. I.

S

Hic

(a) Judicum nomina, quæ ad me pervenerunt sunt: Aloysius de Acunha, Thomas Ioachim Acosta, Joannes Alvarez Bacha-
thao; Petrus Gonzalez Corderio, exclusus fuit de industria Pres.
85. Anecd. Ital. tom. I. pag. 213.

(b) Animad. 8. ad vitam P. Correx pag. 262.

Hic fidem Calumnianti Tyranno a timore subscribentium Judicum factam contendas? Hic non ipse manibus teneas confictum a Carvalhio Parricidium Regium? Hic non tibi compertum habeas, maluisse Judices perjurio suo in alios innocentes supplicium derivare, quam constantia fidei sibi ipsos perniciem afferre?

Et vero ex iis unus, qui fidem noluerit vendere Tyranno, non fuisse (a) vanum aliorum timorem, ostendebat. Regius Fisci Patronus Antonius Costa Freirius, qui jussus a Carvalhio, ut ex officio acta judicialia conficeret; cum recusasset ex eo, quod nullum erat indicium hujus conjurationis, nulla suspicio; eodem die a munere deturbatus, & in carcerem Junqueriæ coniectus, ibidem mortuus est (b) Ex sex Judicibus unus Joannes Alvarez Bachalhao capitis sententiam in Magnates, & Jesû Socios pronunciare noluit.

Ergo, ut nihil jure in ea causa actum fuit, sic ego tecum paucis jure, Bolane, agam. Jus est, ut si Accusator Judici non probet singula crimsina, reus absolvatur, reus innocens habeatur. Jus est, ut, si Actor ne probare quidem velit objecta reo crimina, Calumniator judicetur. Quid

(a) Compend. hist. expuls. pag. 105.

(b) In vita P. Cor. p. 252. & Anecd. Ital. tom. I. p. 227. & 216.

Quid tu mihi respondere potes? Non probavit crimina Carvalhius. Ergo innocentes Magnates, innocentes Jesû Socii pœnas dedere. Probare omnino crimina noluit Carvalhius? Ergo Calumniator, ergo Tyrannus: ergo Parricida tuus Carvalhius, qui supra modum extorta a Judicibus sententia lætus, idibus Januarii 1759. inaudita crudelitate supplicium de Magnatibus sumebat.

§. XLII.

Carvalhius per tormenta nullam a Tavoræ familia Parricidii confessionem expresserat.

SI quis vero secum miretur, quare Carvalhius Judicibus illis plane suis nulla Parricidii argumenta, nulla testimonia legenda proposuerit; is facile intelliget, tam apertam, tam patentem, tam manifestam fuisse innocentiam eorum hominum, quos furori suo sacros, quos crudelitati omnino devotos Carvalhius volebat, ut ne minimam quidem maleficii suspicionem posse se facere legitonis argumentis, ne apud venditos quidem arbitrio suo Judices, confideret.

Quid enim de Tavoræ familia sibi ille promitteret, quod ad probandum Parricidium cogitatum valeret, cum nullis ante quæstionibus, nullis tor-

Par. I.

S 2

mentis,

nientis, nullo suppliciorum atrocissimorum præ-
senti terrore, confessionem ullam falsi sceleris
extorsisset? Nec enim non ille fore videbat, ut,
si fictam Parricidii confessionem in actis illis suis
Tavoranæ Familiæ supposuisset; illico Judices
aut postulare possent, aut etiam essent postula-
turi, ut ea confessio coram a reis rata habere-
tur, ut a Judicibus ipsis Tavoræ coram Familia
de Parricidio suscepto interrogaretur: qua una
quæstione legitimè habita, non Parricidium in
Reis, sed maleficium in Carvalhio palam con-
vinceretur. (Adnot. X. *Ergo.*)

§. XLIII.

Carvalhius Sutorem Testem a se subornatum
non audet Judicibus in Aveirum *offerre*.

A Beo jam a Tavoræ Familia, quæ nihil viva
in atrocissimis tormentis, nihil e mortuis
per speciem excitata, dederat argumenti, quod
Carvalhius proferre posset coram Judicibus, ut
fucum aliquem calumniæ, & speciem veri men-
dacio compararet. At quid erat causæ, cur Car-
valhius testimonia nulla in Averianum Ducem
ederet? Certè in ea causa, in vulgus edita,
unus aliquis testis legitur, qui Aveirum conju-
rasse in Regem dicat. Arrige mihi aures, mi
Bola-

Bolane , unus fuisse testis in Aveirum scribitur. Vin' tu scire , quisnam ille fuisse dicatur? Sordidus Sutor , nescio quis . Vin' scire a quo impurus cerdo ille conjurationis arcanum acceperit? Non ab alio Sutore amico , non ab aliquo infimæ conditionis opifice , non ab operis Aveiri , sed ab Ancillula quadam Aveiriani servitii ; digna profecto , quam Sutor perditè amaret . At qua ratione Ancilla , a Cerdone amata , de consilio Parricidii excogitati facta fuerat certior? Nec enim , opinor , lieris , qui in amore Cerdoni rivalis esset , in consilium regii Parricidii Ancillulam vocasset . Scriptor ille Commentitiæ causæ nihil de ea re , nihil de quæstione , nihil de interrogatione Ancillæ coram Aveiro scribit .

Nunc Jam ego demum intelligo , quare Carvalhius , postulantibus Judicibus argumenta Parricidii excogitati , testimonium Sutoris non exhibuerit , Sutor , diceret secum Carvalhius , *unus testis , nullus ex jure testis* . Sutor , amator Ancillæ , vanissimus erit habendus testis , qui sane , ubi coram Aveiro duce testimonium jussus erit , præsentibus Judicibus , iterare facillimè a reo innocente refutabitur ; qui idcirco a me corrumpi passus fuit testis , quod sciret , *non esse se coram Aveiro interrogandum* . (a)

§. XLIV.

(a) V. Animad. 8. ad vitam P. Correx pag. 260.

*Carvalhius tormentis expressam, & deinde
revocatam Aveiri confessionem
malitiosè suppressit.*

ERgo silentio testis Sutorius a Carvalhio prætereatur. At cur confessio tormentorum terrore expressa ab Aveiro siletur? Ita enim acciderat, ut cum initio interrogationis Aveirus, coram tormenta intuitus, quæ confessione falsi Regicidii vellet declinare, conjurationem mentitus esset, ea nihilominus mox subire coactus fuerit, atque dolore acerrimo victus, se reum Parricidii in Regem mentiri perageret, quo citius ab equuleo auferretur. Quid erat, cur Carvalhius non rem totam Rei confessione probatam Judicibus, argumenta rogantibus, ostenderet? Nimirum nolebat ille, non delator modo infandus, sed fœdissimus etiam Magnatum Carnifex, sole meridiano clariorem calumniam suam Judicibus dare aspiciendam.

Aveirus primùm vi doloris mentitus conjurationem, deinde de consilio Advocati Nobilium, ad vanam judicii legitimi speciem sibi dati, coram ipso Carvalhio, coram Petro Gonzalezio, Cordeirio Judice Inconfidentia, & coram alio

Mini-

Ministro, (a) plane confessionem retexuerat, dolore uno extortam; plane solemnī juris formula Palinodiam cecinerat, planē sese innocentem; innocentes reliquos Proceres, innocentes Jesū Socios ejus criminationis asseveraverat. Quid? Poterat ne Carvalhins non fingere apud Judices, satis, superque rem totam sibi unī probatam? Poterat ne de confessione extorta ab Aveiro, non tacere? Scilicet vivo Aveiro periculum omnino erat, ne Judices coram confitentem reum vellent audire. Negaret Carvalhius copiam audiendi Aveiri? Suspectum sese, ne dicam manifestum, Judicibus calumniæ fecisset: faceret Aveiri interrogandi denuo potestatem? Aveirus fictam conjurationem confiteretur.

Ecce tibi, mi Bolane, causam, quare argumenta suppressa vellet Carvalhius. At qui non est consilium adversus Dominum. Nec enim adeo arte; malitia, dolo Carvalhius valuit, ut illud ex Evang. (Matt. 10.) *Nihil est occultum, quod non revelabitur*, in æternam nominis sui infamiam non valuerit. Nam miser, atque insons Parricidii Aveirus, jam jam extremum supplicium subiturus, summo studio a Confessario suo contendit, (b) ut is Regem verbis suis certior

rem

(a) Ex diar. luter. Theophili Murr, 20. 1723. edito Norimbergæ pag. 223. Et Anecd. Ital. tom. I. pag. 213.

(b) Anecd. Ital. tom. I. pag. 212. & Murr. ibid.

rem faceret, sese coram tribus testibus retexuisse illam, sibi tormentis extortam, confessionem, sese morti jam proximum profiteri, nullam fuisse initam a se, nullam ab aliis Magnatibus, nullam a Jesu Sociis in Regem conjurationem, (Adnot. XI. *Juvert.*)

§. XLV.

*In Jesu Socios nulla argumenta Parricidii
Carvalhius Judicibus edebat.*

ERgo adversus Magnates omnino insontes malitia abusus sua, argumenta nulla Carvalhius Judicibus exhibenda censebat. At quid erat, cur in Jesu Socios illos læsæ Majestatis a Carvalhio calumniosè accusatos, nulla vellet documenta Judicibus suis ostendere? Si de alio quidem Accusatore apud te, Bolane, verba facerem, video, quid tu mihi esses statim respondurus: ideo documenta non fuisse prolata, quæ legerent ipsi Judices, quia nemo Jesu Socios ejus Parricidii reos postulasset, quia nemo in eosdem testimonium dixisset, quia nulla ejus criminis suspicio in tales viros caderet; quia omnino nulla essent argumenta, quæ non dicam reos, sed ne leviter quidem Parricidii ficti suspectos Jesu Socios facerent.

At

At nunc de Delatore , de Calumniatore ; de Falsario , de Perjuro , de Artifice summo Criminationis , de Carvalhio ipso , ut uno verbo omnia dicam , tecum ago . Quæro : qui demum factum sit , ut , cum pro arbitrio posset impunè Carvalhius , quam multa vellèt , quam nefaria excogitare sciret , quam insidiosa comminisci posset , argumenta in Jesù Socios , testimonia , tabulas , instrumenta , genus omne supponere , aut nulla tamen in actis illis suis fingeret , aut certe a se ficta , excogitata , mentita nulla Judicibus legenda dare vellet ? Non ille Jesù Societatis plusquam hostis capitalis in omnia ejus domicilia de repente invaserat ? Non tabulas omnes , quæ apud illos Jesù Socios essent , ad manum habebat ? Non omnia manuscripta monumenta , quæ ibidem essent , in potestatem suam redegerat ? None libros , non codices , non schedulas omnes , non *folia* etiam omnia , ut ajunt , *volantia* , sui unius juris , ac mancipii fecerat ?

Esto : nihil in tot scriptis , quod ad Parricidii Regii conjurationem pertineret , Carvalhius invenisset ; ut profecto nihil usquam neque pictum , neque fictum de Regio Parricidio invenerat . Quid ? Qui divis , hominibusque iratus , nihil pensi habuisset in comminiscenda tam nefaria , tam apertè mentita in Regem conjuratione ; cur non fuit ausus , ejus sceleris expressa

Par. I.

T

vesti,

vestigia; compérfa argumenta, tabulas totidem verbis Parricidium mentitas sibi affingere, quas iudicibus legendas objiceret? Quid in eo Carvalhius, qui fas, & nefas nullo discrimine haberet, sibi vereretur? Jesu Sociis non ea dabatur, me adumbrata quidem causæ dictio, ut coram a iudicibus vocarentur, ut coram falsarium Carvalhium supposita scripta, mentita argumenta legitime convincerent. Illi indicta causa erant in carcerem coniecti; illi nunquam ad causæ cognitionem evocati; illi nunquam ad tormenta subeunda coacti; si unum excipias Hiacyntum a Costa atrociter excruciatum, ut Regis Fratrem Petrum, cui a Confessionibus fuisset regiae Conjuratiōis consciū fuisse mentiretur. (a) equidem cum oculos in Carvalhii immanitatem converto, nihil causæ in eo fuisse video, quare in Jesu Socios nulla argumenta a se pro libito composita protulerit, quæ a iudicibus lecta umbram fidei aliquam calumniæ fecissent.

§. XLVI.

Non sine singulari Numinis consilio factum, ut Carvalhius nulla argumenta iudicibus daret a se supposita.

AT ego idem, cum interesse rebus humanis Numinis sapientissimi consilia apud me cogito,

(a) Anecd. Ital. tom. I. pag. 232.

gito, mihi videor, rem totam facile intelligere: Arbitror enim ea de causa Carvalhii astutissimæ menti tenebras offundi, passum fuisse Deum, ut palam postea Ecclesiæ toti, palam summo ejus Pontifici Clementi XIII. fieret totam Parricidii regii criminationem ab uno Carvalhio fuisse sacrilege confictam. Pro imperio, pro jure arbitrario; pro potestate æconomica (a) volebat Carvalhius eorum sententia Judicum, qui penitus causam nescirent ad supplicium crudele Magnatum, ad Jesu Sociorum, (quos odio internecino odisset) exilium, imperiosissimè abuti.

Non obstitisse Deus hominis furentis consilio videbatur; Judices Carvalhiani insontes Lusitanæ Proceres barbaræ immanitati sententia sua devotebant, Carvalhius rem illam judicatam, typis edendam curabat: omnes Populi, ac Nationes Christiani nominis, atrocitate supplicii attonitæ, diligentissimè acta illa omnia evolvebant: In actis furiosi Tyranni nihil jure, nihil more, nihil usitate, nihil ad non impotentis Ministri Regii libidinem factum animadvertabant; indignissimam Magnatum Sortem miserati, redivivum in Lusitania Sejanum diris omnibus execrabantur. Itaque communis Ecclesiæ totius indignatio, cum ad aures Clementis XIII. pervenisset; Pontificem

Par. I.

T 2

Sum-

(a) Adnot. XII. *Quid his verbis,*

Summum æqui juris, humanitatis, clementiæ amicissimum eò adduxit, ut cum plenam totius causæ, in qua Religiosi Sacerdotes in criminationem præter omnium opinionem vocarentur, cognitionem sibi comparandam arbitratus; eorum innocentiam luce clariorem quasi oculis ipsis aspiceret.

At enim, inquis, quid demum boni ea Clementis cognitio Jesû Societati divino consilio attulit, quam primo in exilium missam, deinde omnibus calumniis exulceratam, omnibus artibus, opibusque impetitam, ad extremum suppressam Carvalhius sit potentia sua gloriatus? Vis ne tu aliquando, mi Bolane, non cum perditis sentire, sed cum bene sentientibus in causa Jesû Societatis sapere? Consilia apud insipientes ab exitu; apud prudentes viros a principio solent æstimari. Fuerit Carvalhius & sua, & aliorum sui similium opinione felix ad aliquot annorum spatium; qui per summam injuriam propositum finem calumniæ suæ obtinuerit. Sit Jesû Societas ad speciem misera, quam suppressam impotentia potius inimicorum, quam libera potestate Clementis XIV. Regiis Ministris undique circumventi, Ecclesia ferme universa & in præsentia doluerit, & deinceps in dies singulos magis ac magis lamentetur.

At vide quæ, quam multa, quam magna
com-

commoda. ex illa Carvalhii arbitraria injuria , nullis argumentis neque veris , neque adumbratis suffulta , Jesu Societas perceperit . Primum Societatis innocentia ex illis actis Lusitanis ficti Parricidii omnibus patere . Deinde odium furentis Criminatoris in bonos omnes , luce meridiana clarius ostendi , & totam rem judicatam iis cuhinnis in Europa irrideri , ut ferreo ejus ori pudorem expresserit , dederitque opera Carvalhius ut omnia exempla , quæcumque posset , vi , pretio gratia recuperare , abolerentur : Tum famam Sociorum Christi Causa a Carvalhio pessimè vexatorum , ore omnium bonorum celebrari : Præterea per tam apertam , tam insignem Carvalhii Criminationem locum Clementi XIII. non protegendæ modo Lusitanorum Jesu Sociorum innocentiae , verum Universæ Jesu Societatis publico ac solemnî judicio Confirmandæ , dari ; postremo Pontificio decreto *Apostolicum* Clementis XIII. omnibus manifestum fieri Abolitionem , paulo post ab ejus Successore Pontifice factam , ejusmodi esse , ut millum infamiae aditum aperiat , nullam innocentiae Maculam aspergat , nullum impedimentum obiciat , quominus in integrum , & causa tota , & Salus Jesu Societatis restituatur : id quod integras Nationes , quod multos Principes , quod multas Civitates jamdudum ita efflagitare videmus , ut ipsius perturbationis , quæ hodie

Eccle-

Ecclesiam Christi pervadit, originem primum ab oppressione Jesu Societatis palam, atque apertè repetendam vociferentur.

§. XLVII.

*Edictum perpetui Silentii promulgat
Carvalhius.*

ATque ut ipse nihil admodum dubites, mi Bolane, quin maxima commoda ex illa Criminatione arbitraria Carvalhii in Jesu Societatem, tacita quadam Dei providentia moderatione, redundaverint: fac paulisper mecum, quæ postea gesta sint, in ea causa recognoscas. At primum omnium satagens Carvalhius rerum suarum, qui se & Delatorem imperitum irrideri, & Carnificem immanissimum apud omnes furiis, ac diris devoveri, indignissimè ferret; dat operam, ut a Rege suo 16. Calendas Februarias (a) 1759. Edictum de perpetuo Silentio in ea causa auferat: „Nequis, pœna Capitis proposita, unquam Parricidii Causam in judicium revocaret. “ Quasi vero, aut non omnis rogatio legis, ab immanissimis etiam perlata Tyrannis, ea se sanctione solita sit præmunire; aut quasi lex aliqua humana posset
Con-

(a) Lib. suppl. ad omnes Principes pag. 70.

Contra jura Naturæ ipsius sacra ac tecta diutius
Manere .

§. XLVIII.

Carvalhius de exterminandis Jesu Sociis Pontifi-
ci Maximo scribit, eoque invito in Pontifi-
ciam ditionem eos insolenter *ejicit* .

DEinde atroci, ac prope inaudito Magnatum
Lusitanorum supplicio nondum exsatiato
odio; furiis, opinor, conscientiæ exagitatus Car-
valhius, cum ipse per se (Rege, sine potesta-
te sibi a Pontifice Summo facta in Sacerdotes,
exilii, & Capitis pœna sævire nolente) non pos-
set iram impotentem in Jesu Societatem explere
binis litteris ausus de mense Majo 1759. (a) in
sententiam suam Clementem XIII. etiam reluctan-
tem; atque invitissimum, vel pertrahere, vel cer-
té dolo malo pertractum omnibus mentiri, Al-
teris enim Pontifici Summo in hunc sententiam
Regio nomino scribebat (b) „ Regi Fidelissimo
„ penitus deliberatum, ac constitutum esse om-
„ nes omnino Jesu Socios ab omni Lusitanorum
„ ditione extorres exilio perpetuo addictos nul-
„ la ex eorum bonis, fisco jam addictis, pecunia
„ ad

(a) Anecd. Ital. t. 2. p. 26.

(b) Brev. hist. pag. 132.

„ ad sustentandam vitam donatos , in ditionem „ Pontificiam depottare . Et vero Jesu illos Socios interea , invito Clemente XIII. , 12. Septembris 1759. reipsa ejicit , & die 4. Octobris Edictum exilii , a Rege subscriptum die 3. Septembris 1759. vulgavit . (a)

Hic cum plurima vel dicere in impotentem Carvalhii insolentiam , vel pro misera innocentissimæ Jesu Societatis conditione deplorare , mihi liceret : hoc tantum significem , Europæ universæ ex ista cum Ministri Regii in Pontificem Summum injuria , tum in tot Lusitanos Sacerdotes immanitate , satis patuisse , non penam Reis indici , sed vindictam odio iniquissimi Tyranni parari .

§. XLIX.

Carvalhius jus profani judicii a Clemente postulans in Ecclesiasticos , se palam auctoritatis non suæ fuisse invasorem Sacrilcgum confitetur .

AD rem redeo ; alteris litteris non jam odium acerrimum , sed immanem nescio quam , rabiem , ac vecordiam spirantibus , Carvalhius a Pontifice Maximo postulabat „ ut profanis Judicibus

(a) Anecd. Ital. t. 2. pag. 57.

„ cibus Regiis, sine interventu, ac cognitione
 „ Quæstoris ullius Ecclesiastici, Clemens XIII.
 „ Litteris Apostolicis in perpetuum tempus ra-
 „ tis, potestatem eam faceret, qua iis liceret &
 „ quæstiones exercere in personas sacras, & sen-
 „ tentiam Capitis in eos ferre, & supplicium
 „ extremum de iis sumere, si pareret profanis
 „ Judicibus, Ecclesiasticos homines, quicumque
 „ illi essent Regiæ Majestatis violatores fuisse. “

Quid hic mihi, Bolane, de tuo Carvalhio nar-
 ras? Scilicet studium disciplinæ Ecclesiasticæ
 tuendæ, quo se tantopere jactabat Carvalhius,
 dum falsam, ac suppositam mercaturam in Jesú
 Socios castigatam velle se mentiebatur, hominem
 eo religiosissimum adducebat, ut per profanos
 Judices sacram quæstionem exerceret, ut Sacer-
 dotes venditis, atque addictis Judicum Carvalhia-
 norum sententiis objiceret, ut eosdem quamvis
 innocentes carnifici excrucandos permitteret.
 Ego vero illud conficio: Carvalhium hac episto-
 la palam fateri, se Pontificii juris invasorem fu-
 isse, cum die 12. Januarii 1759. illos tres Jesui-
 tas pœna Capitis damnatos voluit: & judicium
 illud sine Pontificis auctoritate prolatum nullum
 fuisse, & irritum. O admirabile divinæ Sapien-
 tiæ Consilium!

*Almada jussu Carvalhii Breve supponit .
Idem per domesticum tabellarium in
itinere Litteras Pontificias
intercipientas curat .*

ATque ut ipse per te satis superque, mi Bolane, intelligas, nihil sani, nihil moderati, nihil æqui juris Carvalhium sibi proposuisse in iis scribendis ad Pontificem Maximum litteris, vide, quæso, quid doli mali sit eodem tempore Regius Minister suo nomine exorsus. Romam, id quod postea apud omnes constabat, per eundem Tabellarium scribit, ut Almada suppositum Breve de sententia suorum Amicorum, quos conjurasse in perniciem Jesuitarum empto grandi pecunia noverat, componat; Ita compositum, ut prolixè omnia Regi, qua de exilio, & bonis Jesuitarum, qua de judicio in Ecclesiasticos profano, Pontifex largiri dicatur, domesticis, ac furtivis (a) typis imprimat; impressumque latenter pro vero, ac germano Pontificio Brevi ad se primo quoque tempore transmittat, (b)

Ergo

(a) Anecd. Ital. tom. II, pag. 8.

(b) Ibid. pag. 8. & 9.

•Ergo haud segnis falsarius Almada ad manum jam concinnatum Breve falsum, quod vero Brevis supponeret, habebat, quod in Lusitaniam mitteret; (putabat enim per Regium Tabellarium Pontificem rescripturum) ubi primum Rescriptum a Curia Pontificia accepisset. Cum de repente a Purpurato Patre, sibi amicissimo, nescio quo, (aut potius quem nominare nolo) fit certior, jam Veredarium Pontificium cum litteris ad Lusitanum Regem Roma esse profectum (a) Ibi delusus Almada furere, spumas ore agere, in omnia se vertere: illico domesticum a se Tabellarium mittere, eum, quam maximis possit itineribus, praegressum a Pontifice Tabellarium jubet assequi. Ad Aquas Sextias Veredarius Veredarium assequitur, pecuniam quantam poscit Pontificius, tantam Regius Tabellarius offert. Quid pluribus est opus? Fasciculum cum Brevis Pontificio acceptum ad Carvalhium Tabellarius Regius perfert. Pontificius, ab equo pecunia dejectus, ad Aquas Sextias crus de industria lapsus fregisse se mentitur.

Carvalhius iniquissimé fert responsum Pontificis, clanculum a se sublectum.

CArvalhius, tradito sibi fasciculo Pontificio, qui de more inscriptus esset Nuncio Acciajolio, postquam sine ulla violati a se sigilli religione Breve legitimum legit, dici vix posset, quo furore odium animi sui pristinum in Clementem, atque in Jesû Societatem denuo inflammaverit; cum viam sibi non præclusam ad novum maleficium, ac certé impeditam videret. Ita enim alteri Epistolæ rescribat Clemens Regi fidelissimo, ut consilium totum de exilio Jesû Sociorum improbaret. „Non esse quidem æquum, quemquam civium indicta causa in exilium pelli: esse vero plané iniquum insontes cum noxiis puniri. Siquis e Jesû Societate in noxa esse, judicio legitimo constaret, in eum ex jure canonico animadverti quidem oportere: sed videret tamen Rex, ne per latus Jesû Societatis perniciem Regno, labem nomini suo, detrimentum publicæ animarum saluti afferret.“ (a)

Quid plura? In eam sententiam scripta erat epistola, in quam die 16. Aprilis 1767. idem Cle-

(a) Brev. hist. expuls. Jes. p. 133.

Clemens Carolo III. Regi Catholico de Jesuitarum revocanda expulsionē scripsit. (a) Alteri vero Regiæ Epistolæ Pontifex respondebat: „Æqui bonique consuleret Rex ut in causa Parricidii ipse Pontifex Judices Ecclesiasticos daret, qui Jesu Socios eo nomine postulatōs in jus de more vocarent. Ut semel crimine legitimè probato, ipse Pontifex reos justo supplicio puniret: Juris quidem esse divini, & naturalis, ne cum reo insons puniatur. Clementiæ vero futurum Regiæ, nolle Regem, si quis plane fuisset convictus eorum sanguine, qui Deo essent religione dicati, regias manus inficere.“

§. LII.

Carvalhius Nuncium deterret, ne Litteras Pontificias Regi reddat, & rursus malitiosè cavillatur.

CUM ergo ab spe illa priore, Regis impunè per suppositum Breve decipiendi *Carvalhius* excidisset, & nihilo *Almadæ* suo minus, quam sibi timere cogeretur; (in eo enim fasciculo Epistolam Pontificis a Rege postulantis, ut *Almadam* in curia sua seditiosum oratorem libellorum infam-

(a) V. lib. cui titulus *Sensa Rom. Pontif. §. 13. & ult.*

infamium artificem , & editorem , Roma abire juberet , idem Carvalhius legerat) (a), vocat ad se Nuncium Ulyssipone Pontificium , fasciculum rursus a se mentito signo obsignatum reddit ; pro imperio illi præcipit , ne eas litteras Regi tradere , ac ne verbum quidem unum de iis apud Regem unquam facere audeat .

Nemo , opinor , non hic videt , quam impius in Pontificem , quam perfidus in Regem , quam sacrilegus in Jesû Socios , quam nefarius delator Carvalhius esset . Ergo cum dolus , cum odium , cum furor ministri interea non resideret , novas fraudes ex illis Pontificiis Litteris in ipsum Romanum Pontificem illico Sinon ille moliri cæpit , per quas odio ipse suò in Jesû Socios effrænatus inserviret . Brevi enim cum res de suppositis litteris , de Veredario Pontificio corrupto , de Nuncio cum Rege agere prohibito , in vulgus emanasset ; ibi Carvalhius , qui in calumnia jam omnes alios delatores superasset , ipse se in ea superare , ac velle denuo in malitia triumphare cœpit . Ita enim apud Regem jam de re tota certiore factum , singulas Clementini Brevis sententias est calumpniatus (b) , ut eum in eam suspicionem induxerit ; voluisse Clementem classicum

(a) Anecd. Ital. tom. II. pag. 9.

(b) Ibidem tom. II. pag. 12.

sicum iis Litteris Apostolicis, non in Regis modo Fidelissimi vitam, sed in aliorum etiam Regum omnium caput præcinere; quo artificio suspicacem, & timidum sponte sua Regem eo adduxit, ut illud totum Parricidii puniendi negotium Ministri sui arbitrio permiserit.

§. LIII.

*Carvalhius extorto demum a Clemente jure
in Ecclesiasticos, vetitus est a Rege
in Jesu Socios abuti.*

IN eo rei, causæque totius statu Carvalhius non modo decrevit, Oratorem Almadam, (per quem famosas Satyras in Jesu Societatem ex clandestina illa Nicolai Pagliarini typographia ederet; & quod audaciam omnem, & impietatem superat, in Regem ipsum, quasi a Jesu Sociis scriptas) Romæ invito Clemente esse oportere, sed ipse, dimissis circum omnes Regum aulas famosis in Clementem scriptis, Pontificem Summum in summam invidiam adducere moliebatur, quæ, si divis placet, Caput Jesuiticæ in omnes Principes conjurationis efficeret. Non vacat pro scelere gravitate fraudes omnes impurati, sacrilegi, inpii Scribæ commentariensis persequi. Si per misera Ecclesiæ tempora liceret, saltem
affli-

afflictam Majestatem, violatamque Sanctitatem Summi Pontificis deplorarem : quæ ab illo Carvalhii Ministerio retro fluere, atque in dies magis, magisque, non sine communi rei & publicæ, & religiosæ detrimento, cœpit vilesce, atque sordere.

Res certè eò tum processit, ut bonus Clemens pro bono Christiani nominis eò descendere, ut per novas litteras amplam potestatem Lusitano Regi faceret, ut Judices profanos reis Ecclesiasticis, in causa *læsæ Regiæ Majestatis* ; volens nolenti animo præficeret. (a)

§. LIV.

*Causa in Jesû Socios Regicidii nomine
falsò suspectos iteratur.*

UBi primum Carvalhius a Clemente XIII., & calumniis atrocibus circumvento, & omnibus terroribus, minisque impetito se ferale illud decretum extorsisse videt ; (quod Clemens ideo dederat, ut calunniam a Sede Apostolica repelleret) denuo causa in Jesû Socios, prius per sceleratam, & sacrilegam Pontificii juris violationem, jam inde a die 12. Januarii 1759. exul-
cera-

(a) Aneed. Ital. tom. II, pag. 14.

cerata, apud eosdem illos Inconfidentiae Judices jussu Regii Ministri instaurata, recrudescere coepit. Tres illos Jesu Socios Malagridam, Mathosium, & Alexandrum, apud omnes (a) alium alio Sapientiae Christianae gloria nobiliorem, ficti Regicidii reos antea mentitus fuerat Carvalhius: tunc quinario, opinor, numero magis apud se, ex aliquo vel Pithagorico, vel Etiopis illius Sagae familiaris suae somnio, delectatus, binos de repente tanti Parricidii conscios commentus fuit e Jesu Societate egregios Sacerdotes (b); Alterum Lusitanae Provinciae Praefectum, Joannem Enriquezium; alterum Josephum Moreiram Regis prius, Reginaeque Confessarium.

Nulla interponitur causae cognoscendae mora. Confidentissimi illi male ominatae Inconfidentiae Judices non ex jure Naturae, non ex aequo, & bono, sed ex praescripto arbitrario, ne dicam, ex libidine caeca impotentis Carvalhii, sine nova causae ditione, sine solito ordine fori, in consilium ire ex tempore jussi, eandem illam in Jesu Socios sententiam, quae Carvalhio ante jam libuisset die 30. Julii. 1759. iterum pronunciant. (c) Hic nemo, opinor, non ipse per se, tacente me, intelligat, secundas & Carvalhii, &

Par. I.

X

Car-

(a) Anecd. Ital. tom. II. pag. 240.

(b) Ibid. tom. II. pag. 22.

(c) Ibidem pag. 22.

Carvalhianorum Judicum curas non meliores, ut in proverbio est, sed multo iniquiores fuisse: qui novos reos e Jesu Societate non auditos, non in judicium vocatos, priore sententia, male in alios dicta, damnatos voluerint.

Hoc aliis fortasse mirum: mihi vero omnino videri solet iis Judicibus consentaneum, qui venditam jam pridem & fidem, & sententiam odio Carvalhii addixissent. Duo ego potius mirari satis nunquam potuissem, nisi & Regis, prius decepti, meliorem jam mentem, & Carvalhii obstinatissimum in scelere furorem, reipsa cognovissem. Quæ vero duo? Alterum, cur ex illa in Jesu Socios sententia lata nunquam sit de illis sumptum a Carvalhio supplicium publicum? Alterum, cur ne publicata quidem illa ipsa in illos sententia capitis fuerit? (a) Quid? Carvalhius, qui odio capitali cum in omnes alios Jesu Socios, tum potissimum in illos quinque, quos Artifices Regicidii cogitati dictitaret, jamdiu flagrasset, qui extorta illa Clementis facultate mirum in modum visus triumphare fecisset, non Regem Carvalhius adierit? Non solita fidei simulatione vindicem se Regiæ Majestatis Carvalhius ostenderit? Non eum ad acerrimam poenam de Jesuitis Regicidis sumendam accenderit?

Non,

(a) *Anecd. Ital.* tom. II. pag. 23.

Non, dicat aliquis, sibi, non suæ vindictæ furori ille Carnifex Sacerdotum immanissimus defuit. Regem adiit, fidem simulavit, pœnam præsist. At Regis Clementia furorem Ministri vicit, supplicium illis quinque Jesu Sociis remisit. Ita ne vero? Si Carvalhius furori suo coactus fuisset, non connivente sibi Rege, cedere; quæro, cur illud saltem non procurasset, ut lata jam a Judicibus suis sententia in publicum vulgaretur? Esto sanè: non oculos truces crudeli spectaculo; non animum impuratum innocentium sanguine Sacerdotum explevisset; at simulata illa Justitiæ pronuntiatione, suæ famæ consuluisset, quæ perfidia calumniæ, quæ odio immanitatis, quæ tyrannidis horrore apud omnes lacerabatur: at obsequii erga Regem suum studio tantopere a se jactato, magnum momentum, pondusque comparasset, cum Regem laude clementiæ in reos, religionis pietate in Sacerdotes, humanitatis in Cives suos amplissimo testimonio, ob remissum sibi supplicium, omnibus commendaret. Sic enim exemplum illud Salamonis (a) in Abiatare æmulatus Rex & amore justitiæ, & clementiæ bonitate, omnibus multo charior, multo commendatior visus fuisset.

Par. I.

X 2

§. LV.

(a) Lib. 3. Reg. c. 2. vers. 26.

*Rex calumnia Regicidii comperta Judicium
in Jesû Socios vulgari vetuit ,
ac sumi ab eis pœnas .*

DIcam, quid rei fuerit : obtenta jam sævien-
di in Sacerdotes facultate, quam a Cle-
mente armatis precibus petivisset, idcirco Car-
valhius se a supplicio sumendo continebat, a sup-
plicii sententia vulganda absistebat ; quod jam
Rex ipse prius malis artibus a Ministro suo de-
ceptus, iniquissimam pœnam a Magnatibus sum-
ptam, horreret, neque innocentissimo quinque
Jesu Sociorum sanguine denuo sanciri scelera
Ministri sui pateretur .

Quid vero Carvalhius? Non illum quidem sce-
leris, ac furoris pœnitere, non ad humanæ men-
tis sensum velle redire, non inflammatam vin-
dictæ cupiditatem innocentibus Jesû Sociis re-
mittere ; sed veluti Lupus in media jam cæde
a Pastore deprehensus, interim latere utcumque
tecto abire, simulata foris formidine, intus fu-
rore denuo gliscente, recedere . Quod totum
exitus tragediæ demonstravit ; quos enim per
Carnificem Jesû Socios, vetante Rege trucidare
publicè non potuit, eorum plurimis lentissimo
supplicio mortem in carcere procuravit . Nihil
enim

enim Morerium, nihil Alexandrum, nihil Mathosium juvabat, quod celeberrima testificatione Divos, hominesque testarentur; sese innoxios in vinculis teneri frustra sese Regi Fidelissimo semper maximam fidem, semper maximam pietatem præstitisse, Moreria Regius Confessarius, professus, quidquam de conjuratione in Regem rescivisse se, palam inficiebatur. In vinculis, in carceris foetore, in extrema illa miseria diem suprenum obire, est a Carvalhio coactus.

Quid de Mathosio, Viro illo religiosissimo loquar? qui cum extremo jam Eucharistiæ viatico iter sibi ad Superos pararet, coram Parocho, coram Militibus, a quibus servaretur, coram carceris Præfecto Junqueriæ sanotè protestabatur, per summam calumniam illa sibi esse crimina omnia afficta, quæ in se fuissent conjecta. (a) De Malagridæ innocentia plura postea dicemus suo loco. Enriquezium singulari Numinis consilio, ac benevolentia, exilii causa Romam (b) cum triginta quinque Jesû Sociis fuisse postea die 10. Junii 1767. missum, omnes mirati sunt, quî Carvalhii malitiam, & furoris pertinaciam in ea Præpositi Provincialis relegatione non agnoscere, se satis dictitabant.

Ex

(a) Brev. histor. pag. 387.

(b) Bona ratioe. pag. 78.

Ex quibus omnibus apparet, adeo perspicuam fuisse Jesû Societatis innocentiam, ut eam obscurare non potuerit Carvalhius ille, qui pro insita hominîs ingenio superbia, pro jure illo suo æconomico, pro arbitraria potestate, pro effræni libidine, omnia sibi licere putabat illo suo efflato: *sic volo: sit pro ratione voluntas*. Et vero exemplo potissimum Carvalhii, (per eam tempestatem positas sibi leges & divinas, & humanas reipsa negantis,) impotentia Imperii longe lateque per Aulas Principum vagata, fas, & nefas omne permiscuit, quæ quorsum ad extremum evaserit, hodie universa Christi Ecclesia luget.

Sed ungues, opinor, ab ulceribus præstabit procul habere: nihil de illa Judicii arcani ratione, qua ex Hispaniæ Provinciis postea ejecta fuit Jesû Societas, repetere: nihil de eo latrocinio Onuphrii Alfani, (a) quo Pisanium Jesuitam, & Collegium Romanum oppresserit, arbitraria sibi uni facta a Clemente XIV. potestate judicandi, & retinendi penes se unum Acta judicialia, (ut infinita alia arbitraria, despotica, liberrima, ante inaudita præteream) inculcare, satius erit.

Summam rei totius potius fecero. Nulla in vitam

(a) Adnot. XIII, *Per illud*,

nitam Regis Fidelissimi conjuratio . Nullum in
 ejus Majestatem intentatum Parricidium , Carva-
 llium convincit Calumniatorem omnium bipe-
 dum nequissimum : Supplicium crudelissimum de
 insontibus Magnatibus , de Jesu Sociis innoxiiis
 sumptum , cum arguit teterrimum omnium Car-
 nificem : Nulla ne ad speciem quidem criminis
 probatio , illum ipsum impotentissimum Tyran-
 num posteritati toti detestandum , abominan-
 dumque demonstrat .



TER.

TERTIUM A QUÆSITORIBUS
LUSITANIS JUDICIUM.

§. LVI.

*Judicium a suppositis Fidei Quæsitores in
Malagridam & impium, & nullum.*

REstat nunc Judicium illud Tertium in illum Jesû Socium Gabrielem Malagridam factum ab iis in Lusitania Judicibus, quos sacerrimos in Causis Fidei Catholicæ Quæsitores, sine ullo jure legitimo, sine ulla auctoritate Ecclesiastica, pro animi sui libidine Carvalhius, qui invitis Divis, hominibusque cupiebat perditos Jesu Socios, creaverat. Et verò Nomen istud Quæstionis Religiosæ, Nomen consilii sacri, Nomen *Tribunalis Sancti Officii*, nihilo mihi minorem horrorem, ac reverentiam, mi Bolane, quàm tibi ipsi hodie incuteret, ne contra ejus sententiam, etiam a Lusitania procul, hiscere auderem; nisi summus illi Christiani Nominis & Magister, & Primus omnium Judex, & Pontifex Maximus, Clemens XIII., nihil esse credendum Carvalhianis illis male hominatis Fidei proditæ Quæsitores, perfidiæque Carvalhianæ delectis Ministris, judicasset. Ita enim Pontificem sensisse Maximum paulo post tibi plane; pleneque constabit.

Quare

Quare fac te mihi æquum ad ea ; quæ jam sum dicturus , exhibeas : sic enim apparebit , nihil ex condemnatione iniquissima Malagridæ obscuratam fuisse Jesu Societatis Lusitanæ innocentiam , nihil criminationem totam , nihil nigerriam calumniam , nihil confictum in Regem Parricidium , ex illo non Judicio Fideli , sed perfidissimo latrocinio ; sibi fidei auctoritatisque comparavisse . Ego hanc orationem meam ad duo capita revocandam existimo ; Alterum , sententiam adversus Malagridam a Quæstoribus suppositis ; quibus nulla esset in causis sacris jurisdictio , fuisse pronunciatam ostendam : Alterum , Judicium illud totum , sine causæ cognitione , impotentissimo Carvalhii odio fuisse venditum , atque proditum demonstrabo ; ut nihil a quoquam dubitari possit , quin innocentissimus ille Sacerdos , optimus ille Jesu Socius , nullius criminis , non dicam reus , sed ne ulla quidem probabili vel maleficii , vel Parricidii suspicione afflatus , fuerit odio tyrannico Carvalhii , fuerit flaminis impiis addictus , atque devotus .

Et de re quidem tota , si velim paucis agere , mihi uno teste laudato apud bene in Ecclesia Catholica sentientes , omni , quod ajunt , exceptione majore , statim liceat perorare . Quo tu teste putas , mi Bolane ? Non sane simili Ministris istis politicis , qui ferme fraude , ac malis artibus in

Par. I.

Y

calu-

calumnia eo tempore regnabant ; non istis simili venditæ fidei Scriptoribus Diariis ; qui jussi , subornati , empti frigidum , & calidum ex uno ore , atque eodem impuro , effutiebant : sed teste Clemente illo XIII. Pontifice & Maximo , & Sanctissimo , & sæpius publicè pro innocentia auso contra deceptos Reges , contra Purpuratos Satrapas , Regum deceptores , venire . Is enim , ubi de supplicio Malagridæ nuncius est Romam allatus , in maximo animi luctu , atque acerbissimo dolore , audientibus plurimis in ea verba prorupit : „ *Macta sis demum novo Martyre , Christi Sanctissima Fides ! tandem detracta larvasc Lusitaniae Tyrannum prodit Carvalhius.* “ (a)

§. LVII.

*Quæditorum Fidei jus omne & religiosum ;
& a Pontifice profectum .*

SED in causa optima nihil est , cur ad testimonium invictissimum Clementis omnia conferamus , maxime cum oppressa apertissimè per Tyrannum veritas , cum affecta crudeli supplicio innocentia , cum sacrilegum in modum , Malagridæ Sacerdotis violata Sanctitas , vocem ipsa
pro

(a) Bona ratio, in Prefat.

pro se nihilominus, quam ab initio Naturæ conditæ Abelis sanguis, impia manu effusus emittere velle videatur .

Dico itaque primum . In ea Malagridæ causa Quæsitores supposititios , Judices illegitimos sine auctoritate , sine ulla Juris specie vanam , ac sacrilegam capitis sententiam pronunciassent . Non multis equidem in eo morabor , quod nemo Catholicæ Communionis particeps , nemo non Fidei suspectæ , est unquam inficiatus , Jurisdictionem sacram , Potestatem religiosam , spirituales Auctoritatem , ejus esse conditionis , quæ tota a Romano Pontifice velut a Capite profecta , iis modo rite conveniat , quibus ab illo legitime conferatur . Id quod Ordo Hierarchicus , Ordo Reipublicæ Christianæ , recta Ecclesiæ unius moderatio , constans , stabilisque Ecclesiastica Æconomia , & vi sua secum afferat , & ab ejus Auctore Deo , ac Servatore Jesu Christo accipere .

Neque longiore opus est oratione , qua apertissimum omnibus fiat , quæstiones sacras in rebus spiritualibus , ac religiosis versatas , Jurisdictionem omnem non a Potestate civili , non a Jure Regio , non ab auctoritate profana posse habere : (nec enim sine errore profanum caput corpori religioso imponatur) : sed jus omne & cognitionis exercendæ , & sententiæ ferendæ sa-

Par. I.

Y 2

cros. 47

gros ejusmodi & Quæsitores, & Judices ab uno Romano Pontifice habere.

§. LVIII.

Jam inde a Paulo III. Pontifice Maximo ab uno Romano Pontifice creatur Supremus Fidei Quæsitör in Lusitania.

Hic non adeo Malagridæ Adversarium, satis certo scio, te, Bolane, profiteberis, ut ampliore a me hujus rei confirmationem requiras: & tamen, ne tecum a me malignius agi suspicere, paucis Institutionem totam sacræ Quæstionis in Lusitania ab initio fac mecum memoria repetas. Paulus III. Pontifex Romanus ab Joanne III. Lusitaniæ Rege per litteras rogatus, illud Inquisitionis tribunal, illam ordinariam in rebus, causisque religiosis quæstionem constituit edita (a) ad eam rem Constitutione 3. idus Aprilis 1636. qua Judices modo Ecclesiasticos illi Quæsitörum vel Consilio, vel Collegio a se instituto, & præesse, & interesse præcipiebat; Res tota ex eo ferme tempore in hunc agi solita erat modum.

Rex

(a) Anecd. Ital. tom. II. pag. 240. Apud Dianam in summa v. Inquisitio num. 7.

Rex apud Pontificem Maximum, quem cupiat creari Supremum Fidei in Ditione Lusitana Quæsitorem: eum a se nominatum postulat. Pontifex vero Maximus per Decretum suum, in forma Brevis, eum ipsum a Rege sibi commendatum, siquidem tanto munere dignum habeat, ita creat Quæsitorem Supremum, ut una cum jurisdictione simul illi ipsi jus, & facultatem concedat, ut ipse sibi consentiente Rege, deinde minores alios Quæsitores (eos & *purvæ*, & *magnæ Mensæ* vocant) cooptet, quarum opera in iis causis, ac cognitionibus utatur, quorum etiam iudicio sententiam & ordinariam, & extraordinariam pronunciet, ut altera Religionis violatæ reos brachio sæculari, sive civili potestati permittat; altera condemnatos tñremibus, carceribus, pœnis aliis adlicat.

At Breve Pontificium ejusmodi semper formula, conditione, clausula concipitur, ut ad *Beneplacitum* Pontificis Maximi circumscribatur, cum eo tamen, ne illa concessa Jurisdictio morte Pontificis expirat, in favorem scilicet Fidei. Quod si creatus Quæsitor vel diem supremum obeat, vel ea potestate abeat, denuo novus a Romano Pontifice eodem jure, ac formula renunciatur. In illo verò Quæsitoris Supremi vel justitio, vel interregno, omnis Jurisdictio Consilii vacat, nullam sententiam Ordinariam jure suo pronunciat.

§. LIX.

*Malagrida repente fingitur factus e Parri-
cida Regio Sectarius Hæreticus .*

VENIO nunc ad supplicium Malagridæ in Lu-
sitania editum, ubi ille notissimus Evangelii
Præco, fracta per Carnificem gula, flammis palam
combustus, in cineres ferme totus redactus, dis-
persis per aera cineribus, immeritas pœnas dedit,
in hæresiarcas a lege constitutas. Non dicam hoc
loco Malagridam prius in carcerem non reis vio-
latæ religionis destinatum; sed alium Junqueriæ
a Carvalhio recenter ædificatum, ubi Jesû So-
cios plurimos concluderet, fuisse conjectum: ut
satis, etiam inimicis Jesû Societatis vel ex hoc
ipso pateat, nullam impietatis delationem, nul-
lam violatæ Religionis existimationem, nullam
suspicionem hæreseos in illum Jesû Socium,
apud Lusitanos notissimum, prius cadere potuis-
se, quam in custodia Junqueriæ una cum aliis
viris religiosis a Regio Ministro detruderetur;
nec enim suspectæ Fidei, violatæque Religionis
Malagridam non detulisset ad Quæsitores illos
Carvalhius, neque delatum a Regio Ministro
Malagridam non illi Quæsitores præendissent.

Hoc loco potius quæram a te, Bolane, cur
Parricidii Regii conscius, atque adeo Auctor,
Mala-

Malagrida, si Carvalhii dictis stare voles, aliquot jam annis post supplicium Lusitanorum Magnatum, repente indicio Carvalhii & impius, & fanaticus, & impostor, & Ariolus, & Vates falsarius, & Hæresiarca, etiam Junqueriæ in vinculis arctissimis, sit ad novam Quæditorum Sacrorum custodiam traductus? Quæ res Carvalhium moverit, quare tam Calumniosè, tam insolenter, tam atrociter cum Malagrida agendum sibi putaret, paulo post aperiam; Nunc illud dico, tam patentem, tam manifestam, tam omnibus creditam Malagridæ, non dicam innocentiam, sed vitæ sanctitatem, sed morum integritatem, sed religiosæ disciplinæ sapientiam fuisse, ut eam neque criminis ullius Regi suspectam facere Carvalhius potuerit; cum omnes malitiæ machinas in eam calumniam sæpissime admovisset; neque sibi a legitimo Collegio, sive Consilio Quæditorum Sacrorum, sit ausus antea polliceri, fore, ut delatus a se Malagrida, reus eorum judicio pronunciaretur.

§. LX.

*Per Quæditores Fidei perdendum Malagridam
Carvalhius a Rege repulsus denuo molitur.*

ARdebat ille quidem odio, cum in omnes alios
Jesû Socios, quos licentiæ suæ infensos,
quos

quos impunitatis suæ osores, quos tyrannidis suæ futuros aliquando eversores, si se daret occasio, assidue verebatur: tum vero furore, ac rabie in unum Malagridam tanto effrænatiore ferebatur, quanto, majorem ejus auctoritatem apud Regem, quanto constantiorem Sanctitatis famam apud Familiam Regiam totam esse videbat. In eo rerum statu quid acerrimus ille inimicorum ultor, quid impotentissimus in innocentissimos quosque homines tyrannus Carvalhius ageret? Regem semel, atque etiam, ac sæpius de supplicio Malagridæ frustra adierat, rursusque ab eo Malagridam, quem innocentem nefariè ulcisceretur, sibi tradi postularet, ut eum pro Parricida, pro conjurato, pro Artifice suppositæ a se factionis patriciæ extortum, atque excruciatum odio suo mactaret. At frustra sæpius id periclitatus, verebatur scilicet, ne a Rege denuo audiret „*Malagridam* ejus criminis sibi non videri suspectum “ Notam sibi hominis religiosissimi sanctitatem: Notam, atque adeo summo opere probatam Joanni V. Patri suo fuisse sanctissimi Sacerdotis Religionem, & Sapientiam; spectatam Regiæ domui toti sic esse virtutem, ut monstri similis Carvalhii in Malagridam delatio & sibi, & aulæ toti *videatur*. (a)

An

(a) Bon. radoc. in Præfat.

An vetus odium deponeret ita Carvalhius, ut ingenio suo plane fero, atque immani vindictam negaret? At inimico innocenti parcere, animum in vindictæ libidine frangere, non omnia suæ cupiditati parere, id vero extremum sibi ipse Carvalhius supplicium, morte ipsa gravius, ducebat. Quid ergo? Eò se contulit, quo tunc illa Juno Virgilianâ, *Flectere si Superos nequeo*, noti cætera, mi Bolane; Ille verò secum cogitare: Elabatur ergo mihi Malagrida? Nullone ego pacto inimicissimum mihi hominem suspectum Regi faciam? Quid ita vero Rex illum famostum Sacerdotem, a me delatum tanto studio Parricidi crimine absolvit? Nunc demum intelligo: quid in Criminatione sit a me parum provisum scilicet nihil antiquius mihi esse ab initio debuisset, quam ut Malagridæ Sanctitati, priusquam parricidium objicerem, umbram aliquam offunderem, maculam opinioni optimæ aspergerem. Prædiccrem hominem fronte, ac vultu religiosissimum intus, & in cute perditum, Religionis violatæ Reum, fidei bonæ proditorem, hæreticis erroribus imbutum: Nimirum pro sua fide, ac Religionis amore mihi volenti dedisset Rex, ut Quæsitorebus sacris causam suspecti Sacerdotis, male de dogmate Catholico fortasse sentientis, examinandum traderet.

Atqui eodem revolverer; nec enim in illo Quæ-
Par. I. **Z** **sitorum**

sitorum non dicam integerrimo, sed pervicaci ; ac fanatico Consilio ullus mihi esset probandæ Causæ meæ locus. Ita sane : non enim, opinor, Supremus iste, qui cœteris Judicibus præest. Quæsitore, Regis Frater, Josephus Braganza, qui integerrimus & Censor, & æqui, justique tenacissimus volet videri, officias sibi fieri ullas passus judicium in Malagridam feret id, quo lato mihi sit opus in Malagridam. Video mihi undique repagula objecta, ne pro arbitrio meo inimicum Sacerdotem ulciscar. Quid? Non omnia ego impedimenta vindictæ amovero? Qui sanguine patricio oculos meos ad odii Satietatem paverim, Ego Carvalhius non ferro Sacerdotem Jesu Socium, non flammis, non exquisito cruciatu Malagridam persequar? Non licebit statim pœnas ab inimico repetere, non licebit illico Quæsitores mihi Conciliare. Esto; detur mora vindictæ, licebit eos paulatim ab eo consilio remove, licebit Collegio toti alium Quæsitorem Supremum præficere; licebit Judices & Magnæ & parvæ Mensæ mihi morigeres sufficere. (a)

§. LXI.

(a) Parva Mensa primum judicat; Magna in eo eventu, quod Accus illam appellet, v. Bonæ Ratioc. pag. 15.

HÆc verò diu multumque Secum Carvalhius opinor, meditatus, Consilium cœpit novæ Questionis fidei in Lusitania instituendæ. Primum omnium constituit, Quæsitorem illum Supremum Josephum Braganza malis artibus aggredi, si forte posset illum Regis in offensionem adductum, de gradu Supremi Quæsitoris deturbare. Erat apud Carvalhium Ancilla quædam (a) ex Ethiopia. Ea pro Venefica ad Quæsitorem delata, non sine multis, suspiciosisque magicæ fraudis argumentis, fuerat; neque a vero delatio tota abhorere videbatur. Veneficam illam, nigerrimam Sagam, quæ esset Carvalhio Tyranno satis cordi, fuisse, mihi neutiquam pro certo ponetur. Illud dicam, pro jure quidem suo Supremum Fidei Quæsitorem capiendam Ancillam, veneficii nomine ad se delatam, præcipere aut debuisse, aut certe recte atque ordine potuisse. At dici vix potest, quam impotenter pro Venefica adversus Regis Fratrem, quam insolenter

Par. I. Z 2 pro

(a) *Anec. Ital.*, t. I, pag. 34.

pro Ethiope Ancilla adversus Quæsitorem Supremum Fidei Carvalhius venerit; qui non dubitaverit Regiam auctoritatem, regium imperium, ne Ancilla ex Ethiopia prehenderetur, palam Quæsitori objicere. Neque vero cuiquam fuit in Lusitania dubium, quin apud Regem non valde bona in gratia ejus Fratrem Aucillæ Causa Carvalhius posuerit.

Idem, cum novam Occasionem quæreret, per quam Regis animum a Fratre abalienaret, cœpit vehementer cum Quæsitore Braganza agere, ut is Collegio Quæsitorum allegeret Paulum Carvalhium germanum illum quidem Fratrem suum, sed eo ingenii (a) stupore, ac tarditate, ut quotidie os efferret ad irrisionem Canonicis in Patriarchali Ecclesia, quorum Collegio fuerat Minister Regii gratia ascriptus. Quam præviderat Carvalhius, repulsam a Quæsitore nactus cum fuisset, denuo de Quæsitoris injuria sibi facta apud Regem conquerebatur. Quare duo sibi Comoda procurabat: Alterum, ut animum Regis magis a Quæsitore ejus Fratre abalienaret: Alterum, ut viam jam tum præmuniret, ut, cum opus esset, Paulum illum Fratrem suum paulo post Collegio Quæsitorum beneficio Regis præficeret.

§. LXII.

(a) In vita P. Corr. p. 242.

*Altera Carvalhii Criminatio in Quæsitor-
rem quod is malam notaret doctrinam.*

AT opinatus Carvalhius, se per occultos istos Cuniculos hactenus profecisse parum, ad Quæsitoris Braganzæ perniciem maturandam; propius cœpit, atque audacius machinas in hominem admove: Dat negotium Scriptori cuidam (a) partium suarum (quale genus in Lusitania sub auspiciis Carvalhii in dies singulos magis, magisque invalescebant), ut librum de Potestate Regia politico stilo compositum, sibi primo quoque tempore nuncupet. Non pauci in eo Errata recoqnenda de sententia Carvalhii Scriptor mali commatis curaverat, quæ Sanctæ Sedis Majestatem turpiter impeterent, Romanæque Ecclesiæ ita jura omnia violarent, ut censuram Quæsitoris Supremi effugere, nisi prodito ab eo officio, ac fide conscientiæ neglecta, non possent.

Dat Carvalhius Quæsitori Supremo in manum exaratum calamo librum. Negat vero Quæsitor Scriptori veniam typis vulgandi scripti, nisi multæ ejus sententiæ prius retractatæ corrigantur, quæ

(a) Bon. Ratioc. pag. 68.

quæ adversa fronte in Jura Pontificia incurrant: Ad speciem iratus, revera in sinu lætus, Carvalhius, quod locum esset nactus Regis animi in Quæsitorem exulcerandi; multa apud Regem de ejus Fratre conquestus, facile illi persuadet, Braganzam, Nobilitatis Lusitanæ plus æquo Studiosum, & male esse in Regem animatum.

§. LXIII.

Tertia Carvalhii Criminatio in Quæsitorem; quod is non damnaret pro impia Doctrinam Jesuitarum.

AT non ita multo post arietem muro, quod ajunt, admovet Carvalhius, usus opera Religiosi cujusdam Calumniatoris, qui commentarium ediderat famosum eo titulo *Errores impii Jesuitarum* (a) Hunc librum Quæsitori tradit Carvalhius, ac nomine Regio præcipit, ut ille publico Edicto librum condemnet. Quæsitor facili negotio fraudem, & calumniam totam contemplatus, cum suppositos ab malevolo Scriptore Jesuitis eos videret errores, quos Jesu Societas nusquam gentium docuisset (cum ibi vel Torrecillam, bene barbatum Fratrem, Jesuitam fuisse

(a) Anecd. Ital. t. I, p. 263.

se palam mentiretur; cum plura etiam falsa testi-
monia quam quot ante commenti fuissent, Concina, alique ejusdem farinae Fictores, Jesuitis Scriptoribus affingeret) eam coepit viam decernendi mediam, ut, nulla Jesu Sociorum mentione facta, nulla Jesu Societatis doctrina reprobata, Edicto publico 2. Maji 1759. eos errores a se notatos teneri sub poena excommunicationis a quoquam in Lusitania prohiberet; ut praeterea si quis eos probari a quopiam sciret, intra mensem hominis Nomen ad se deferet. (a)

§. LXIV.

Supremus Quæsitör a Clemente XIII. non obtinet, ut se Præfectura Sacra abdicet.

NON erat profecto ita Carvalhianarum fraudum Quæsitör ignarus, ut, quo Carvalhi dolus, quo Criminatio, quo artificium, quo calumnia tota pertineret, plane tanquam ea, quæ oculis cernuntur, non aspiceret. Itaque sponte ab eo honore decrevit abire, a quo per malitiam brevi se deturbatum iri per Regium Ministrum intel-

(a) Compend. histor. Expuls. Jesuit. a Lusitania p. 122. & Anecd. Ital. t. I. p. 179.

intelligeret. Itaque a Clemente XIII. per litteras Quæsitore magnopere petit, ut sibi bona ejus venia liceat, ea quæstionis sacræ Præfectura sese abdicare: Malle enim ipsum se in ordinem ultro cogere, quam committere, ut temporum iniquitate invitus a fide conscientie suæ discedat.

At Clemens, qui sibi omnia ab ingenio Quæsitore, a virtute, ac constantia toties spectata polliceretur, & si hominis sortem, ac conditionem, Ministro, vel Tyranno potius, Lusitanie Carvalhio, valde miseretur; christianæ Reipublicæ Causa, cujus maxime interesset, eo tempore constantissimum, atque integerrimum virum quæstionibus sacris præesse respondit: *Sibi minime placere cum Magisterio Collegii Quæsitore abire.* (a)

§. XV.

Quæsitorem Braganzam pro Conscio Parricidii Regii Carvalhio liberæ tradit
Excalceatorum custodiæ Busaci.

AT Carvalhio, non ignarus scilicet Clementem Quæsitore in abicanda Præfectura morem gerere recusasse, extremam jam sibi aleam
ja-

(a) Anecd. Ital. t. 2. p. 241.

faciendam; qua certe eum perderet, constituit. Rem totam Regi exponit: Braganzam prius invito Rege Errores impios Jesuitarum, quos sine Jesuitarum nota condemnasset, dissimulare voluisse: Nuper Clementem, coitione cum Jesuitis in Regem inita, ratam non habuisse Quæsitore abdicatorem, quam ipse ad tegendam conjurationem dicis causa postulasset. Se cum sæpe quidem antea conjecisse, nunc demum plane jam comperisse, conscium (a) Parricidii & Jesuitis, & Magnatibus Lusitanis Braganzam Quæsitorem cum Principe Serenissimo Antonio ejus Fratre fuisse.

Quid verbis opus est? Rex sive quod Ministro suo fidem in eo haberet, sive quod ejus artibus esset effectum, ut omnia sibi Rex a suis potissimum timeret, & Josephum, & Antonium Braganzam fratres suos, liberæ custodiæ tradendos decernit apud Excalceatos Carmelitanos Busaci, in domo maxime ab hominum frequentia deserta. (b)

§. LXVI.

Carvallius removet a Consilio Quæsitorem

Franciscum a S. Thoma virum *integerrimum*.

Qui vero in Regiam etiam Familiam omnia ad perniciem ausus esset, idem illico Carvallius
 Par. I. A a llius

(a) Bon. Ratioc pag. 69.

Ihūs omnia posse se ad salutem , ad honorem etiam Suorum obtinere constituit . Vix solum exilii Causa Josephus Braganza verterat , cum Paulus ille Carvalhius , omnium Lusitanorum Sacerdotum Stolidissimus , Quæsitorebus Sacris sine Romani Pontificis venia , sine litteris Apostolicis , sine ulla juris reverentia contra fas , & jus omne jubetur a Regio Ministro præesse . Nemo erat apud Lusitanos quin ab audacia , ab impotentia , ab immanitate novi Sejani monstri aliquid timeret , per suppositum Fidei Quæsitorem brevi tempore edendi . Sed nondum sibi satis Carvalhius in eo consilio placebat : ibi enim inter Quæsitores Vir erat quidam egregius Dominicanæ Ordinis Religiosus , doctrinæ , probitatis , sanctitatis gloria conspicuus , (a) Franciscus a S. Thoma , qui tertius in eo consilio , quasi Cato , nihil dubitaret , contra cupiditatem Carvalhii sententiam liberrimè ferre . Ergo Franciscum per speciem novi honoris ad Angolanos Carvalhius relegat , ubi eam regeret pro Episcopo Ecclesiam , a qua proprius Episcopus , Emmanuel a S. Agnete Theresianus , in Brasiliam , jussu unius Carvalhii , sine venia Pontificis Summi emigraverat ; omnino coactus in Ecclesia S. Salvatoris legitimo Archiepiscopo Josepho Bottelio , per vim a Sede sua depulso , succedere .

§. LXVII.

(a) Bon. Ratic. pag. 172. & pag. 169.

Carvalhius novos Quæstioni Sacræ ferme omnes allegit Judices sibi *Morigeros*.

ERgo in locum Dominicani Quæstoris Religiosissimi, Dominicanum alterum Fratrem, & seditiosum in Ordine suo, & ante jam ab uno *Carvalhio* Priorem Lusitanæ (a) totius Generalem non legitime Creatum, & in Vinario illo Monopolio ad Durium Procuratorem, Propolam, Exactorem Portorii *Carvalhiani* renunciatum, Joannem Mansilhaum, Quæstorem suffecit.

Neque his mutationibus *Carvalhius* contentus, novos præterea dedit Consilio illi suo Quæstorio quatuor Consiliarios, quos suarum partium fore in sententia ferenda optime intelligeret; cum unum dumtaxat e priore Collegio retinendum judicasset Nunnium Alvarezium Pereiram; (b) cui non sane generis Nobilitas apud illum Tyrannum, Carnificemque Magnatum Lusitanorum, sed vitæ foedissimæ projecta libido favorem a *Carvalhio* conciliaverat. Videbat enim *Carvalhius* illum Jacobi Cadavalensis Ducis nothum quidem Filium sed a Patre pro suo habitum, quamvis in Col-

Par. I.

A a 2

Collegio

(a) Animædv. 6. ad Vitam P. Cortez. pag. 243.

(b) Bon. Ratioc. pag. 16.

legio Eborensi Societatis Jesu doctoratus laurea Academica donatum, non posse tamen non esse Jesu Sociis inimicissimum; cum ad extremum a moribus turpissimis se totum, abjecto omni pudore, palam addixisset.

§. LXVIII.

Carvallius Nuncium Pontificium a Lusitania injuriose expellit.

HActenus res tota satis ex animi Sententia Carvalhio procedere videbatur, ut contra Malagridam non jam in consilio Quæditorum Judices pararet, sed certos, ac crudeles etiam Carnifices tyrannico suffragio armaret. At unus illi reliquus erat scrupulus qui vel ejus furorem in Malagridam reprimeret, vel potius in Nuncium Pontificium Acciajolum totum converteret; de quo alterum jam compertum habebat, ejus opera Clementem XIII. de Collegio Quæditorum Fidei præter leges immutato, factum fuisse certiore; alterum vero sibi metuebat, ne Nuncius jussu Pontificis ita sententiæ intrusorum male Quæditorum intercederet, ut palam omnibus notum esset, illud contra omnia jura Ecclesiastica institutum a Carvalhio consilium, omni in Causis Ecclesiasticis suffragio penitus carere, quæstionemque totam

tam Fidei ab una Romani Pontificis voluntate auctoritatem, vimque suam obtinere debere.

Sed nihil erat tam sacrum, quod non violare, nihil tam nefarium, quod non suscipere, nihil tam arduum, quod non perficere & auderet, & volens, libensque Carvalhius soleret. Unum ergo ille remedium illi malo videbat, si Nuncium a Lusitania tota, quovis colore, per voluntatem Regis posset expellere. Colorem illico pro renata quæsitum invenit VII. Idus Junias anno 1760. Regiæ Ulyssipone Nuptiæ cum Regis filia, natu maxima, Regni hæres, Maria Francisca nuberet Petro Regis Fratri, magno apparatu de more celebrabantur: tametsi illud expectatum Lusitanis Matrimonii fœdus frustra sæpe disturbare (a) Carvalhius idcirco curasset, quod & studiosum Jesu Societatis Principem Petrum cognovisset, & a se summopere alienum esse suspicaretur.

Itaque in eo Regiarum Nuptiarum apparatu, cum de more per Codicillos omnes Principum exterorum Oratores, Legatosque Carvalhius de re tota fecisset certiores; de industria præteritum voluit Nuncium Pontificium, ad quem codicillos mitti severe prohibuit; ratus scilicet fore, ut factam Romano Pontifici in ea præteritione injuriam Nuncius non dissimularet, quod profecto accidit. (a) Nam

(a) Anecd. Ital. t. I. pag.

(a) Animadv. 8. Vitam P. Correx p. 223.

Nam Acciajolius, re, ac dolo malo Carvalhii cognitis, primum dabat operam, ut Carvalhium ab injurioso illo Consilio deduceret. Re frustra tentata, cum festis funalibus de more domum suam ea Nuptiarum nocte non ornare illa præterisione cogeretur, causa Consilii sui ad Principem Petrum deferendam per duos Magnates, alterum Comitem a S. Laurentio, alterum Vicecomitem Pontelimanum curavit, quibus internuntiis & Principi satis faciebat, & dolorem justum a tanta Carvalhii vel contumelia, vel injuria significabat. (a)

Nihil in ea Acciajoli Nuncii expostulatione erat, quod non aliis omnibus, maxime vero Petro Principi, justissimum, atque æquissimum videretur. At Carvalhius, qui malitiose in eam necessitatem Nuncium conjecisset, satis sibi visus est in ea illius expostulatione habere Causæ, cur apud Regem novam conjurationem a se compertam diceret; Nuncium enim Pontificium denuo cum illis Proceribus, qui Principem Petrum ejus nomine convenissent, in Regiam Personam fraudis aliquid moliri. Quid pluribus est opus? Die 16. Junii 1760. Nuncius ille Pontificius edicto Regis non modo a Lusitania abire jussus, sed vi, manuque armata per Summum dedecus expulsus fuit

(a) Animad. VIII, ad vitam P. Correx. p. 183.

fuit cum summa totius Christiani Nominis indignatione (a) Nam apud omnes Gentes & Majestatem Pontificiam indignissime deprimi, & jus Gentium a Carvalhii atrocitate nefarie violari boni omnes conquerebantur.

At ille Sejanus per eam Contumeliam ejecisse Nuncium supra modum lætatus, illico furorem suum, moræ in ulciscendo nescium, in duos illos Viros nobilissimos, Comitem S. Laurentii & Vicecomitem Pontelimanum, Nuncii ad Principem Petrum Interpetres, convertit; quos pro manifesti læsæ Majestatis Reis in durissimos Carceres conjecit..

§. LXVIII.

*Collegio illegitimo Quæditorum Nullum
jus erat in Causa Malagridæ.*

POssem hic tibi multa, mi Bolane, commemorare, quibus eo te facile adducerem, ut omnia a Carvalhio per ea tempora gesta ad unam innocentiae oppressionem pertinuisse, non invitus mihi concederes; tamen simplici rei totius narratione usus, (simplex est enim veritatis oratio) malo causam Malagridæ & tuo, & prudentissimo
cu-

(a) Anecd. Ital tom. 2. pag. 231.

cujusque judicio relinquere. Redeo ergo ad id, quod initio (a) de Quæditorum mutandorum Consilio, deque jure nullo sententiæ ferendæ significabam.

Cum jam sibi ad libidinem suam Carvalhius parata videret, ea omnia, quibus Malagridæ Regii Parricidii personam ad Hæresiarchæ fabulam repente converteret; ineunte Mense Majo 1761. jubet, (b) hominem una cum Petro Hommesi, ejus Socio Religioso, e carcere Junqueriæ in Carcerem S. Officii exportari: Et paulo quidem post Acta ipsa, a Quæstioribus illis Carvalhianæ perfidiæ, non fidei Catholicæ in Malagridam confecta, atque a me in medium prolata, non hæreticum, non planum, non hypocritam fuisse Malagridam, non fanaticum, non fictum ostendent; Sed Carvalhium delatorem tyrannicum, Judices Carvalhianæ Calumniæ Subscriptores, crudelitatis Ministros fuisse, necessario evincent.

Nunc illud ex nova Consilii totius commutatione contendo: Non illum fuisse judicium, sed latrocinium, non legitimam in malagridam sententiam, sed crudele Regii Scribæ imperium, non nocentis hominis condemnationem, sed Innocentiæ, Religionis, Sanctitatis manifestam oppressionem. Quid? Sine Supremo Fidei Quæsitore ali-

(a) pag. 211.

aliquod est ne Jus Consilio sententiæ ferendæ ? Non eo tempore legitimus Quæditorum Præses Braganza exulabat ? Non pro Supremo fidei Quæsitore, a Romano Pontifice legitime creato, præsidebat injuriose Collegio toti Paulus ille Carvalhius, a Fratre suo contra jura omnia, contra voluntatem Clementis XIII. pertinaciter nominatus ? Non illi minores Quæsitores, illi Magnæ, parvæque Mensæ Judicēs, Mansilla (excepto uno Nunnio Alvarezio Pereira) & Assessores alii, sublestæ fidei homines, sine jure suffragii, sine Jure cognitionis, sine ulla catholicæ Communionis ratione (a) ex libidine Carvalhii, qui unus esset & Accusator, & Testis, & Actorum Confector, & causæ totius Actor, præscriptam Sententiā pronunciarent, qua odio Tyranni in Jesu Socium innocentissimum fœdissimè lenocinarentur ?

§. LXX.

*Biennio Conclusum in Carcere Junqueriæ
Malagridam in vincula S. Officii de-
trudit Carvalhius,*

SEd abeo a Consilio Quæditorum Acephalo;
abnormi, temerario, Carvalhiano, nullò; ad
Par. I. B b Acta

(a) Adnot. XIV. *Per ea tempora,*

Acta eorum, nomine tenus fidei Lusitanæ Inquisitorum venio, ex quibus in Causa Malagridæ per Carvalhium ipsum compositis, atque vulgatis, denovo illud ipsum omnibus ex longo intervallo manifestissime constet, quod jam communi Europæ judicio recenti re tota, ubique pro comperto valebat; Malagridam per summam injuriam pro hæretico fuisse in Lusitania odio Carvalhii additum, atque devotum.

Primum omnium eam fuisse de Malagrida publicam apud Lusitanos omnes opinionem, ne Carvalhiani quidem Quæsitores inficiantur, ut nemo per totos quadraginta annos de illius religione, nemo de illius pietate, nemo de præstanti Sapientia dubitavisset. Eum Americani Apostolum, eum Lusitani Oratorem Sacrum, eum populus Jesu Socium egregium, eum Nobilitas tota Præconem veritatis assiduum, eum Aula ipsa Regia Sanctissimum Sacerdotein semper fuerat venerata, (a) ex actis ipsorum illorum Quæsitorum. At aliter visum fuit de repente Censori, ac Præfecto morum integerrimo, si Superis placet, Carvalhio novo Lusitanæ Sejano. Pridie enim Idus Januarias anni 1759. pro Reo Parricidii, plane fictitii, illum in carcerem Inqueriæ conjecerat, in eas ipsas caveas in quibus

Re-

(a) In Præfat. lib. cui titulus, Bon. Ratioc. & p. 62.

Regiæ feræ ante terremotum solitæ fuerant as-
servari. At feris, ne fortasse, dum terra treme-
ret, solutæ stragem in populum novam edèrent,
jussu Regio interfectis; ibidem fora, cellas,
subterraneos specus fabricata, Jesu Sociis asser-
vandis, Carvalhiana fuerat immanitas. (a)

Furebat vero odio: ardebat iracundia Carva-
lhius, quod Malagridam duos jam annos judicio,
atque studio suo, supplicio Parricidarum teteri-
mo addictum, per Regem sibi non licuisset,
publico exemplo excarnificatum e vita tollere.
Ecce vero tibi ineunte mense Majo anni 1761,
cum nemo nomen Malagridæ ad Quæsitores de-
tulisset, nulla in miserum Sacerdotem, tenebris
Junquerianis adictum, probabilis suspicio Orta
esset, nullum vestigium ullius criminis denuo
apparuisset; frustrata denique Carvalhium ipsum;
clanculum in eum omnia mentientem, calumnia
fuisset, a Carcere Junqueriæ in Carcerem Inqui-
sitionis Malagrida una cum Petro Hommesio ejus
socio abripitur.

Par. I.

B b 2

§. LXXI.

(a) V. Animadv. 8. ad vit. P. Correx, p. 257.

(b) Anecd. Ital. tom. II. pag. 245.

*Per excucullatum Fratrem Norbertum (a)
ex scriptis Malagridæ calumniam no-
vam Carvalhius orditur .*

QUæras tu fortasse, mi Bolane, quæ mala tandem mens repente Carvalhium impulerit, ut Parricidii suppositi Reum Sacerdotem e Carcere in Carcerem, e quæstione civili in quæstionem Sacram abduceret? Res ipsa, si quæris, indicio fuit, quo tandem animo captum jam innocentem Malagridam capiendum denuo procurarit. Ille quidem nullis ante argumentis colorem aliquem Parricidii Malagridæ afferre potuerat; argumentis saltem fallacibus sibi ad inimici perniciem opus esse videbat; scripta, monumenta, suspensiones denuo quærebat, quibus & Regi, & Aulæ, & Ulyssiponi, & Lusitaniæ toti fucum aliquem faceret, quo maleficia, a se in Malagridam malitiosè divulgata, fierent credibilia.

Sic enim ille secum: operam frustra jam dudum ludimus, sine nova fallacia nihil agemus: Atqui vix fieri posse, video quin per longius duorum annorum spatium quidpiam sit de scripto commentatus, saltem animi fanatici causa, inimi-

(a) Anecd. Ital, tom. II. pag. 245.

inimicus Malagrida, quin ejus ego commentaria de repente intercipiam? his, quibuscumque enim Commentariis, quæ meo libitum fuerit animo, argumenta omnia invenero. Quid enim? Non ego huc Norbertum istum meum (a), qui equovis ligno mihi mercurium exculpet, accersivi? Non ille harum artium peritissimus mihi fidem obligavit suam (sed mitto, fidem Fratris excucullati fuste sapere docebo), sese mei honoris causa facta, infecta, fanda, nefanda in vulgus editurum? Malum autem raso Capuccino Fratri; nisi pro stipendio annuo, quod ego ipsi constitui septingentorum viginti scutatorum (b) (tanta enim pecunia egebat, ut binas (c) illas mulieres, quas vitæ socias, atque Amicas abduxit, aleret) gratiam retulerit, in Malagrida meo more ex ejus scriptis exculpando hæretico. Quid? si vel nulla scripta confecerit in carcere Juncheriano, vel confecta ibi scripta ita Malagrida supprimat, ut a me inter capiendum de repente hominem intercipi illa non possint? Abi sis, sive confecerit sive non confecerit ille scripta; multa Norbertus scripta Malagridæ a me accipiet, ex quibus mihi in eo hæresiarcham describat. (d)

§. LXXII.

(a) Adnot. XV. *Insignem*.

(b) v. Animadv. 3. ad Vitam P. Correx p. 229.

(c) Anecd. Ital tom. II. p. 246.

(d) Animadv. 3. ad vitam P. Correx pag. 211. & 217.

*Acta in Causa Malagridæ ex perfidia &
Norberti, & Mansilhæ conscripta .*

HÆc secum meditatus Carvalhius summo triumphare gaudio, ubi vidit, nonnulla monumenta, manu Malagridæ in eo carcere composita, ad se deferri. Sine mora, Theologum illum suum, Norbertum, quem novisset ita in calumniando exercitatum, ut historiam bene longam Missionum Orientalium in Jesu Societatem, totam ex dolo, totam ex fraude, totam ex mendacio, ex odio, & livore conflasset, ad se vocat: hominem facili negotio malitiam suam edocet; ex illis monumentis Collectionem Assertionum impiarum & posse facile confici ostendit, & omnino confici ab eo pro imperio jubet: Illud enim vero erat, quod ajunt, aut currentem jam incitare, aut lydum inplanitiem provocare.

Dictum ac factum: Norbertus non ex scriptis quidem & sanis, & piis, & cordatis, (cujusmodi Malagridæ fuisse paulo post apparebit,) sed ex putido illo, atque vecordi sinu suo monstra colligit opinionum earum, vel quas Carvalhius ante indicarat sibi placituras, vel quas ipse Norbertus, qui odium Tyranni novisset, Carvalhio placiturus ad perniciem innocentiae facile conjecerat.

*In Actis judicialibus Tria data crimina
Malagridæ Insonti .*

HAbes jam , mi Bolane , illarum Assertionum
impiarum Auctorem : At qualem , Deus bo-
ne ! Instituti Sanctissimi turpissimum proditorem
e Missionario Indiano Londini Negotiatorem , e Ne-
gotiatore Britannico (duarum (a) fœminarum
usurario Marito) Abbatem illum Platellium , Car-
valhii Ministri in Lusitania parasitum . Ergo Acta
judicialia , ex illa Delatoris perfidi collectione in
Malagridam confecta , si placet , mi Bolane , in
judicium , odio , atque amore liberum , ac vacuum ,
secernas . Confecta enim , & vulgata sunt in
Malagridam Acta .

Non quæro jam , utrum a Carvalhio ipso &
accusatore , & teste , & iudices primario , ne
dicam unico , totius illius causæ sint confecta
an jussu ipsius sint a Mansilha composita in Vi-
nario monopolio Carvalhiano & magistro , &
Procuratore , & famoso deinde Quæstionis fidei
disceptatore . Sunt quidem certe una Carvalhii
voluntate Acta illa in vulgus edita , quod non
si-

(a) Bon. Ratioc. pag. 27. Hibenensium , & Anecd. Ital. tom 2.
pag. 246.

sine singulari Providentis Dei consilio factum boni omnes arbitrabantur, quo clarius ex illis ipsis appareret, nulli eorum criminum obnoxium fuisse Malagridam, quæ & jure probata, & extremo supplicio digna, falsi illi Quæsitores calumniabantur.

Ergo in illa re, causaque Malagridæ judicata, & in vulgus ad Paragraphos octoginta septem edita, (a) a justissimis illis illegitimæ Quæstionis Carvalhianis iudiciis, tria in Malagridam pro compertis posita sunt. Primum: Malagridam certorum esse liberulorum Scriptorem, in quibus quamplurimæ sint hæreticæ Opinationes. Alterum: Eas ipsas hæreticas Opinationes mordicus, ac contumacius Malagridam asservisse pro suis. Tertium: *Præstigiis* non modo *Illusum* fuisse diabolicis fanaticum Malagridam, sed fuco etiam Sanctioris vitæ *Illusorem* aliorum fuisse.

§. LXXIV.

Non constat ex *Actis* Causæ Malagridianæ,
legitima scripta Malagridæ Iudiciis
fuisse proposita.

EGO vero ex *Actis* ipsis editis, nullum illorum criminum jure excussum, nullum rectè explor-

(a) Bon. Ratioc. pag. 144.

ploratum, nullum revera compertum fuisse, contendendo. Quid enim nobis Scriptor illorum narrat Actorum Judicialium? A Quæstoribus, ait, Carvalhianis in jus vocatum fuisse Malagridam, ut de duobus opusculis coram illis rogatus redderet rationem. Quæ esse porro nobis narrat illa opuscula duo, a Malagrida confecta; in quibus ea esse monstra opinionum, Quæitores arguerent, quæ in *Collectione Impiarum Positionum* excucullatus Norbertus ex abundantia cordis evo-
misset. Alterum: *Commentarium vitæ S. Auncæ*, Lusitanicè scriptum: Alterum: *Historia Imperii Antichristi*, latinè.

Hic statim ipse per te, mi Bolane, vides, quam ego tute, quam etiam solide triumphare oratio mea posset, si vellein ea opuscula negare a Malagrida omnino fuisse scripta; (a) Nam quis demum præter Accusatores ipsos ejusmodi scripta vidisse testatur? Quis ea non fraude mala Carvalhii; qui Judicium totum, qui Collegium Quæstorum ad arbitrium suum præparasset, supposita fuisse Malagridæ, nobis est auctor fide dignus? Certe ea apud omnes Lusitanos opinio eo tempore valebat, a Fratre illo Norberto confictam Historiam Antichristi, Malagridæ Auctori ab illo falsario nobili fuisse subditam, subjectam, suppositam, subscriptam.

Par. I.

C c

Ve-

(a) Bon, Ratioc. pag. 17.

Verum *Actis ipsis*, confessioni quidem certè Malagridæ, id interea credamus, bina opuscula quædam iis de rebus in carcere Junqueriæ fuisse ab illo composita. Quid tum postea? Si maxime iis de rebus pie commentatus erat Malagrida, idcirco Norbertus nihil calumniæ in Malagridam commentus, nihil fraudis in Judices machinatus, nihil ultro mendacii, nihil sponte calumniæ, nihil de more criminationis, in illa impia Collectione sua erat fabricatus?

§. LXXV.

*Quæstoribus vitiosis sine juris ulla dictione
Malagrida respondere non recusat.*

Sed jam video, me velle fortasse severius æquo cum iis Quæstoribus agere, qui Carvalhiænæ perfidiæ potius Ministri, quam Christianæ Fidei essent in abnormi illo Collegio Judices. Rogarent illi, ut libuerit, aut uti per Carvalhium ipsis licuerit, præsentem Reum Malagridam. Audiamus tandem quid respondisse dicatur reus innocentissimus Malagrida.

Equidem cum acta lego, multos illud miraturos suspicor, quid secutus Malagrida, in eo consensu plane illegitimo non potius exceptione legitima, quam causæ ulla dictione voluerit uti.

Non

Non ille Concilium Quæditorum sine jurisdictione, sine auctoritate, sine facultate, absente Pontificio, ac Supremo Quæsitore Fidei Braganza, præsidente Paulo Carvalhio Carvalhiano delatore, consedissee videbat? Non adulterata jura, non corrupta instrumenta, non vitiata omnia in eo ad speciem judicio ad rei veritatem latrocinio, intelligebat? Hæc omnia, alia etiam plura ad perniciem suam, ad innocentiae oppressionem, ad virtutis condemnationem parata, facta, instructa a Carvalhio & videbat, & intelligebat, & manibus ipsis Malagrida tenebat; & tamen vocatus in judicium, tot nominibus nullum; causam pro se Malagrida dicendam arbitrabatur. Nihil sane ante causæ dictionem pro se excipiebat, secutus illud Hieronymi consilium (a), „Nolo in suspitione hæreses quemquam esse patientem, ne apud eos, qui ignorant innocentiam, ejus dissimulatio conscientia judicetur, si taceat.“

Ergo Reus ab iis cuicunque Quæditoribus insimulatus earum opinionum, quæ in collectione Nobertiana coram essent recitatae; sic Malagrida, qua erat erga omnes comitate, Christiana & reverentia, & charitate respondit; ut facile appareret, ipsum potius reum conditionem Judicium suorum, quam sui ipsius sortem dolere, quos

Par. I.

C c 2

a Car-

(a) Epist. 6r. ad Pammach.

a Carvalhio videret in eum adductos jam esse locum, ut sine summo ipsorum malo non possent, non dicam Norberto Calumniatori ex scripto non credere, sed tacitam tyranni Ministri crudelitatem in se ipsos non exhorrescere quin sua etiam Religio, & Fides, Malagridam monebat, ut duo illa manu sua scripta innocentissima esse affirmaret, & objecta sibi crimina ex mentita illa *Collectionis Norbertinæ* summa, apertissime refutaret.

§. LXXVI.

*Bis respondet Malagrida illa duo Manuscripta
& sua, & proba esse.*

AT primo quidem rogatus; ut de vita S. Annæ diceret, respondit illico Malagrida, ut cuivis patet. Ex *Actis Judicialibus* (§. 47.) (a) „Divino se instinctu, in præsentia duci, ut profiteretur, *Se Vitam Sanctæ Annæ* scribere instituisse: eamque *Scripturam* de sententia Socii cujusdam ejusdemque Confessarii (Petri Hommesii e Societate Jesu in vinculis Junqueriæ) suscepisse. Confessarius enim ille meus omnino ratus (ajebat Malagrida) mihi eam mentem piam
intus

(a) Bona Ratioc. pag. 120.

intus a Deo datam, non solum in ea opera & suscipienda, & proseguenda consilium probabat meum; sed etiam, consultis nonnullis ejusdem Societatis nostræ Viris doctioribus, eam ipsum manu sua exscribere voluerat. Illos tamen Socios consultos censuisse, dicebat, moderanda verba quædam in ea scriptione, quæ non satis obsequiosa Majestati ad speciem possent videri. “

Habes hic, mi Bolane, Malagridam sese professum *Scriptorem* Vitæ S. Annæ: ne verbum quidem unum fecisse de Collectione Norbertiana. Habes illum aperte confirmantem, Ipsum quidem *Auctographum* sua confectum manu; Exemplum vero illius Vitæ manu Socii, & Confessarii aliena exscriptum fuisse. Habes ex ejusdem confessione, totius *Scripti* sui *Censores*, & *Correctores* alios Jesu Socios in carcere Junqueriæ fuisse. Nam in hac prima Responsione Malagrida digitum eò intendere volebat, unde calumniam Norbertinæ Collectionis Judices ipsi facillime discerent.

Atque hæc magnopere velim memoria tua, mi Bolane, tantisper retineas, dum ego recitare tibi pergo ex illa re judicata; alteram Malagridæ ejusmodi Responsionem, ex qua luce clarius innocentia illius tibi suboriatur. Itaque interrogatus Malagrida de *duobus* illis commentariis suis, de Vita S. Annæ: de *Historia Antichristi*, cujusmodi doctrinam judicio suo continerent, respondisse,

disse, dicitur, id quod apparet ex Actis judicialibus (§. 62.) (a), „Ea duo scripta sibi videri, ad substantiam quod attinet, ac veritatem sententiarum, divina, in quibus levioris notæ, errores quidem irrepsissent pauci; quos quidam tamen e Sociis suis (Petrus Hommesius) correxisset postea in eo exemplo, quod ex ea carceris cella, ubi uterque continebantur, ad alios Junqueriæ in alio gurgustio vinctos Jesu Socios, foras fuisset emissum. Idcirco vero Exscriptorem sine ulla dubitatione in eos lapsum fuisse leviores errores, & quod properantius dictata exciperet, & quod Excerptor majorem lucis copiam in tenebris gurgustii, ut par fuisset, non postulasset.“

§. LXXVII.

A Calumnia Collectionis alienæ ad ipsa Scripta sua Malagrida provocat.

JAm ex hac altera Malagridæ Responsione non modo nihil erroris apparet, nihil impietatis, nihil hæreticæ pervicaciæ admissum ab eo in Scriptis illis suis; sed illum præterea conficitur, pro falsario in ea Collectione Norbertum compilato-

(a) Bon. Ratioc. pag. 132.

pilatorem habitum ab eo fuisse. Etsi vero in Actis Judicialibus non extet humanissimum Malagridam conceptis verbis contra Collectorem perfidum, contra exceptorem nefarium, contra Excucullatum Calumniatorem, fuisse invectum; re tamen ipsa nihil dandum excerptis, nihil illi Summæ mala manu confectæ credendum, apertissimè Malagridam significasse, illa ipsa acta causæ suæ satis indicant.

Et verò Acta illa una cum impudentissima calumnia summam confectoris imperitiam per se ferre, Jurisperitis omnibus videntur. Sed ego sine mora ad responsionem Malagridæ redeo. *Me Vitam S. Annæ, me alterum opusculum in carcere confecisse*, opinor, Malagrida dixerit: at illud sane addiderit: *Ego idem nego, me male scripsisse. Nego me in ullo scripto meo graviter errasse. At Collector* (reponeret Quæstionis illius Judex) *Assertionum impiarum in iis duobus scriptis arguit, te & sæpissime; & gravissime errasse. Quid vero est opus, (responderet Malagrida) Collectore? Cur non hic Rhodus, quod ajunt? Cur non hic saltus? Cur non illa ipsa Scripta manu mea confecta, cur non eorum exemplum, Socii mei Hommesii manu, dictante me exscriptum, huc coram proferatur? At enim Exceptor, (subjiceret aliquis Quæstorum) ea Scripta legit, ex iis impias istas sententias notandas judicavit. At bona*
cum

cum venia, Judices, (diceret Malagrida) mihi verum dicere liceat. Si verum in Scriptis meis quaeritis, Scripta ipsa recitata verum dicent; Si uodius in scirpo, calunnia haeretica in sententia sanissima, ex anticipato alicujus odio est invenienda; Excerpta perfida pro justis Scriptis proferantur. Mihi enim per vim Scripta mea sunt ablata: quo sint delata, nescio; Vos, ubi illa abdita lateant, pro officio vestro sciatis. Illud unum vos juxta mecum minime ignorare potestis, nihil Collectori cuiusvis facilius fuisse, nihil Collectori vendito etiam inpuuius licuisse, quam ut Scripta ipsa mea, vel male imprudens exciperet, vel sciens, vitiata manu sua interpolaret.

At divis omnibus gratiae! quod de Scriptis ego meis vobis id possum respondere, quod in judicio Christus ipse respondebat Judæo Pontifici, de sua doctrina quaerenti: (Joan. 18. 11.) Quid me interrogas? Non est abdita, non mysteriosa, non clandestina mea doctrina: Interroga eos, qui me audierunt. Ego in re simili sic respondeo: Interroga Scripta ipsa mea: Interroga Socios meos, eorum vel Exscriptorem Hommesium, vel sex Censores, Josephum Moretram Regis Confessarium, Thimotheum Oliveiram, Hyacinthum Costum, Franciscum Duartem, Josephum Perdigarium, & Joannem Malhosiem. (a) It enim sciunt, quid in scriptis ego
posue-

(a) Brev. Hist. Expuls. pag. 335.

posuerim . It facile in Junqueriano carcere conclusi conveniri possunt . It quid calumniæ mihi Collector inusserit , quid in auctographo , quid in exemplo vitiauerit , corruperit , immutaverit jurati testificabuntur .

§. LXXVIII.

*Vendita eorum Judicum in Causa Malagridæ
& Religio , & Fides .*

HÆc Judicibus re quidem vera respondisse Malagridam , ille ipse Actorum Editor , ut maxime vellet dissimulare , tamen omnino non potuit , cum Malagridam ipsum ad Scripta sua provocantem , cum Malagridam nihil Collectionis Scriptori respondentem , nobis referebat . Quæ cum ita esse videas , illud ego a te , Bolane optime , quæro . Qui tandem , aut quales tibi illi fuisse Fidei Quæsitores videantur ? Itane vero ? primum vos , Carvalhiani Judices , reum negasse , in scriptis suis quidquam inesse erroris , in actis vestris nos doceatis : Deinde Reum provocantem ad illa ipsa Scripta affirmetis ; Tum fidem Excerptori omnem re ipsa detrahentem significetis ; Ad extremum vero Malagridam gravissimè errasse , Malagridam impiè sensisse , Malagridam Hæresiarcam fuisse , vobis videri pronuncietis ?

Par. I.

D d

Quid

Quid dicis, mi Bolane? Quæro unde constare id tandem potuit Judicibus Carvalhianis? Nihil dices facilius, modo ipsi Auctographum, modo exemplum Petri Hommesii recitatum, auditum, cognitum Malagridæ protulissent. Scilicet ita res erat: rem tenes. Cur ergo in Actis nihil dicitur, unde nobis constet, allata coram illa ipsa Scripta ab auctore ipso Malagrida agnita pro suis fuisse. Vide quo ego progrediar. Esto: Noluerit illa sua Scripta agnoscere. Cur id Acta non narrant? Cur non in iudicium testis ille Socius Malagridæ, Hommesius, dicitur adductus? Cur non illi e carcere Censores Jesu Socii vel coram, vel ex scripto testimonium dixisse narrantur?

Quid? Istud erat verum in iudicio quærere? Uni delatori Norberto credere? Uni imperio tyranni obedire? Quis vero non videat, ne Lusitanos quidem Quæsitores ita fuisse simplices, ita fuisse stolidos, ita fuisse sensus communis expertes, ut duo, quæ jam dicam, in omnium oculos non viderint incurrentia? Quænam verò duo? Alterum: Potuisse Norbertum, ne dicam etiam debuisse ex fide hominis mala, Mercenarium, Cappuccii desertorem jussu Carvalhii ex floribus spinas, ex luce fumum, ex veritate mendacium, ex doctrina sana hæreticas sententias in scriptis Malagridæ colligere. Alterum: non ex
aliena

aliena Collectionis Norberti, sed ex ipso Malagridæ scripto, ex ipso vel auctographo, vel certe exemplo Judices sententiam ferre debuisse.

Quid ergo causæ fuit, cur in actis nihil tale factum legatur? Negasset Malagrida, sese earum opinionum impiarum auctorem, quas sibi ascriptas ex illa summa audivisset recitari. *Ecce tibi, (diceret Judex, vel Præses Quæstionis:) Ecce tibi, monumenta tua, quæ te inipium Scriptorem penitus evincant. Fateris, te Vitam Sanctæ Annæ, te Historiam Imperii Antichristi scripsisse: Huc converte oculos tuos. Vides ne Auctographum? Agnoscis ne in eo tuam ipsius manum? Vides ne Homines tui Exemplum? Vides ne lituras? Vides ne errores censoria tuorum Sociorum manu correctos?*

Quid, oro, causæ, mi Bolane, fuit, cur nihil harum rerum omnium factum in Actis legamus? Cur quod jus naturæ fieri præcipit, quod in causis ejus generis consuetudo semper factum ostendit, id totum in Malagrida fuerit omis- sum? Et tu, mi Bolane, reum Malagridam ex iis actis, non calumniatorem potius Norbertum, non prævaricatores Judices, non tyrannum Carvalhium agnoscas? Causa scilicet erat tota jussu Carvalhii præjudicata. Malagrida pro libidine, pro odio Ministri Regii mentitus Parricida, ex ejus crudelitate, ac supplicio per Regem deinde ereptus; ex ejusdem capitali furore repente fa-

Par. I.

D d 2

ctus

etus hæresiarcha, erat a Norberto delatore describendus impietatis auctor, erat a Quæditoribus Fidei perfidè in jus vocandus; erat ex calumnia, ex immanitate tyrannica Ministri rogo, flammisque comburrendus.

§. LXXIX.

*Silentium in Actis Judicialibus non conjectura,
sed invictum est Argumentum
Calumniæ Norbertinæ.*

AT enim dices, hæc ut maxime probabilia omnibus fiant, tamen ex una apta, ac religata ejus silentii conjectura, quod Acta judicialia servant, non tantum habere momenti videantur, ut, cum Consilium totum Quæditorum, cum integrum Inquisitionis Tribunal, pro reo proditæ innocentæ; tum vero Malagrida pro innocente objectæ impietatis habeatur. Video, mi Bolane, alte tibi sedisse in animo, quam jam dudum imbiberis, de tota Jesu Lusitana Societate, de conjuratione in Regem, de impietate Malagridæ suspicionem, livore, invidia, odio, malitia multorum (quos dicam, eos, tacente me, tibi noris amicos, & familiares) exulceratam.

Vide tamen, quo rem deducam, Paricidas Jesu
Lusi-

Lusitanos Socios, conscios conjurationis illius Societatis Primores, impium hæresiarcham tibi Malagridam fuisse concedam, si tu, vel tuorum aliquis ex tabulariis Lusitanorum Fidei Quæsitorum, (ubi de more res judicatæ, in causis Religionis violatæ asservantur) sive Scriptum (a) illud Malagridæ auctographum, sive Hønnmesii exemplum proferas, in quibus aliqua saltem ex iis sententiis impiis inveniatur, quas Collector Norbertus Judicibus obtruserit. Quamquam tibi ejus operis, a laboris veniam facio, qui fortasse nolis, certe facile non possis ad scrinia *Saucti illius Officii* admitti. Quid ergo? Nullus jam reliquus est aditus ad innocentiam Malagridæ probandam? Immo vero & facilis, & expeditus patet ad eam judicandam aditus.

Hodie sunt, opinor, in Lusitania legitimi rerum religiosarum Judices. Præest toti Collegio Supremus Quæsitore a Romano Pontifice recte, atque ordine nominatus. Non equidem iis id oneris imponere audeam, ut de pristino illo Collegio, de illo consessu nefario, cui Paulus Carvalhius Carvalhii Ministri jussu præerat, liberè sententiam dicant, per me licet, totum illud illius temporis Consilium, non pro latrocinio Carvalhiano, sed pro justo, vero, germano, legitimo

(a) Animad. 3. ad vitam P. Correx pag. 229.

gitimo Quæditorum sacrorum Collegio habeant. Tantisper & ipse obliviscar, & eos non meminisse patiar, quo demum tyrannus Carvalhius evaserit, qua Paulus ejus frater morte perierit, quo impietatis Mansilha negotiator deveniret, quem reliqui Judices, quem Assessores, quem Consiliarii illi sacerrimi ad extremum exitum habuerint: quod totum quale fuerit, paulo post omnibus optima in luce collocabitur.

Illud unum pro studio juris æqui, pro amore veritatis, pro fama Collegii sacri non dubitem ab eo Quæsitore Supremo, qui nunc Consilium moderatur, postulare, ut Malagridæ vera scripta adeat, ut ea cum Collectione Nobertiana conferat, ut causam in integrum restituat: quod alias in aliis est factitatum causis. Utinam illi quæstionis sacræ primario Judici; Utinam aliis passim Magistratibus eam mentem Deus immortalis donaret, ut non modo pietas Malagridæ in Lusitania oppressa, sed omnino etiam omnium Jesu Sociorum causa, passim sine defensione, passim sine dictione, passim sine legitima quæstione potentissimis prodita inimicis, in integrum ex jure naturæ, ex lege omnium gentium restitueretur.

Hommesius absolutus omni crimine a Quæsitorebus probat, innocentem perüsse Malagridam.

NEquè velim opineris, mi Bolane, me hoc totum de more potius oratorio, quam ex rei ipsius veritate dicere; Vide enim, quid in Lusitania ipso anno 1777., vix vita functo Josepho I. Rege, ad evincendam calumniam in hac ipsa Malagridæ causa acciderit, ex ea potissimum parte; quatenus ad Hommesium illius Socium librarium pertinebat.

Is etiam tum in illa Quæsitoreum custodia retentus, repente videt, sibi a Quæsitore Supremo potestatem, veniamque, ultro fieri vinculo- rum: atque ita fieri, ut sine publica sententia, qua innocens judicaretur, sibi per Quæsitorem Maximum carcere liceret abire. Atqui Ego, inquit Hommesius, solvi his vinculis, nisi judicatus rite innocens, non postulo; in integrum ut causa mihi restituatur, postulo. Rationis enim reddendæ copiam ejus libelli (*Vita S. Annæ,*) quam dictante Malagrida meo sine ulla hæresi exscripsi, pro jure meo peto. Nam alterum illum libellum de *Imperio Antichristi*, quem audio dici a Malagrida compositum, ego vero Malagridæ esse nego. (jure quidem merito negat Hom-

Hommesius, esse Malagridæ, quem vulgo Lusitani dicebant a falsario Norberto, & scriptum & illi subjectum fuisse.) Quid multis opus est? Cum Quæditorum Sacrorum Collegio, jam non Paulus Carvalhius (qui per ambitionem malam, vel potius per armatas Fratris preces Cardinalis factus anno 1770., e vivis repente abierrat,) præset (a), visus Hommesius jus postulare, illico obtinuit, ut de integrò causa a severissimis Quæditoribus retractata, omnino innocens judicaretur.

Cujus judicii fidem publicam, testimoniumque honorificentissimum sibi a Quæditoribus datum cum Hommesius haberet, cum hoc modo innocentem declaratum, Antonius Bonifacius Coelius suffraganeus Ulyssiponensi Patriarchatus & agnovit, & illi publicam pristinorum ministeriorum denuo tractandorum facultatem, in concionibus habendis, in confessionibus excipiendis, in catharchesi tradenda omnibus, concessit, quibus ille muniis palam functus usque ad Annum 1790., diem supremum obiit. Jam tu, mi Bolane, nunc demum apertissime intelligis, quam ego merito illud optarim, ut Jesu Sociis sine judicio oppressis toties frustra ab iis postulatum, tam-

(a) Vide animad. 2. pag. 189. ad vitam P. Correi; ubi in ejus locum Generalis Fidei Quæditor successit Jo. Cosmas de Cutha, cæteroqui Jesuitis infestissimus, de quo in Adnot. 7.

aliter suspicari possit? An verò putēs, Norberti cerebrum, tribus Antyciris insanabile, non adeo fuisse dementiæ, errorisque fœcundum, ut Carvalhiani vel honoris, vel gratiæ causa quam plurima, quam maxima, quam fœdissima portenta non comminisceretur? Non falsa responsa, non simulata oracula, non mentitus Divorum, Divarumque species, non vānas divinationes, non omnes omnium Dæmonum præstigias effingeret? Ego, etsi multa figmenta in illa Collectione miror, plura tamen ab illo Calumniatore nobilissimo desidero, qui ubi in Lusitania denuo fines, & repagula omnia fidei, pudoris, religionis rupisset; id, quod in India, in Italia, in Belgio, in Britannia sæpe solitus erat facere, multo magis & perfidus, & impudens, & impius in ea causa merito futurus esse, idcirco videri potuisset, ut animum Carvalhii dolis, fraudibus, malis artibus, teterrimis calumniis innutritum, penitus expleret.

- Sin scriptis ipsis Malagridæ, si ejus confessioni, si Hommesii absolutioni inecum, & cum omnibus sine præjudicata, vel invidia, vel gratia sentientibus, stare velis; fateare necesse est, nihil malè, nihil hæreticè, nihil impiè Malagridam scripsisse.

*Errores sine ulla specie veri in Actis
Malagridæ suppositi.*

AT enim in ipsis Actis convictus erroris Malagrida, male se scripsisse, male sensisse confitetur. Quo demum ista proferuntur auctore? Nihil enim tale in Actis ipse lego. Primum ego in illis Actis audio Malagridam, qui rogatus disertis verbis neget; se errores impios, se male olentes sententias in parvis illis scriptis suis, agnoscere. Deinde publica sententia Quæditorum (quibus mortuo Rege, non jam Carvalhius judicia, conceptis verbis proferenda, dictaret) Hommesium omni erroris suspicione liberatum scio, cum se assensum doctrinæ Malagridæ profiteretur.

Quæro rursus: Quo auctore Malagrida erroris reus & convictus, & confessus in Actis illis infamibus dicatur? Non illud quæro; Utrum quæ prodigia Norbertius Malagridæ supposuerat, ea iudicio Malagridæ sunt pro prodigiosis erroribus & cognita, & rejecta. Nec enim dubito, quin & pius, & doctus ille Jesu Socius, cum ea errorum monstra sua esse negaret, omnia expianda flammis, aut in Oceanum demergenda censuerit. Illud in iudicium, ac controversiam ve-

Par. I.

E c 2

nit;

nit; Utrum Norbertius, bona fide, præter & ingenium, & morem suum, eos errores in Malagridæ libellis reperisset? Id antea diserte negantem Malagridam audiebamus, id testificantem illud ipsum scriptorem Actorum videbamus: Convictum Malagridam mendacii, in Actis non audivimus: Collata scripta Malagridæ cum Collectione Norbertiana non videmus. Quo ergo teste, quo auctore illud in *Actis* deinde scriptum legimus; Malagridam ea monstra a se parta agnovisse.

§. LXXXIII.

Ex Actis ipsis constat Malagridam, siquid errasset, sine pertinacia errasse.

Nimirum res ipsa tota pro se loquitur, mi Bolane: cum Carvalhiani Judices ex Carvalhii Edicto essent addicturi flammis Malagridam, eo demum alienæ immanitatis Satellites confugisse, ut sine ullo pudore, sine ulla fidei religione mentirentur, a Malagrida agnita pro suis ea deliria opinionum, quæ quidem vigilans somniasset, calumniæ operarius unicus, Norbertus. Id adeo totum, quo aliquo veritati fuco melius, & populo, & inimicis Jesu Societatis venderetur; visum est vel illis Judicibus, vel potius Carvalhio, totius fabulæ Malagridianæ primarum partium Actori, faciendum, ut in hæc verba in
Actis

Actis judicialibus scriberetur. (§. 61.) (a) ; Malagridam certiorum factum, sua illa scripta in examen doctorum hominum (b) etiam eorum, qui mysticæ essent Theologiæ periti, adducta, ejusmodi censura fuisse notata, ut multa in iis errata, multa secum pugnancia, multa, quæ malè audirent, quæ temerariè effluerentur, quæ offensionem parerent, quæ hæresim continerent: itaque eas prædictiones, atque vaticinia, quæ in ejus essent scriptis non potuisse ab spiritu veritatis amico proficisci; Ex Actis judicialibus (§. 79.) respondisse, (c) si quæ in scriptis suis forte essent sententiæ, quæ jure notam essent commeritæ, se eas omnes paratissimum esse corrigere, & singillatim sibi propositas ex censura Quæditorum notare: omnino enim velle & Sanctæ Romanæ Ecclesiæ, & judicio Quæditorum Fidei se totum subicere.

§. LXXXIV.

Malagrida contra morem Quæditorum sine pertinacia, pro hæretico punitus crudelissime.

QUæ mihi illa dant Acta Malagridiana, a Quæditoribus non optimæ fidei accipio. Erit, opi-

(a) Bon. Ratioc. pag. 145.

(b) Nominarim Fratris N. a Monte Carmelo Theresiano ib. p. 127.

(c) Ibid. pag. 32.

opinor, qui illis nihil dandum, nihil credendum existimet; neque id quidem immerito, ut a me paulo post manifestissimè evincetur. Sed quæ nunc dant, accipio: Malagridam, si quid secus scripsisset, id totum ex judicio Ecclesiæ Romanæ reprobasse. Quid nunc tu, mi Bolane, non aperte vides iniquitatem Judicium sibi esse mentitam? (a) Crudelitatem Carvalhii sese manifesta prodidisse? Nimirum Malagrida, qui iudicium suum auctoritati Ecclesiæ, qui censuræ Quæsitorem subiciebat, si quid perperam sensisset, omnino se docilem ostendebat, nihil pertinaciæ præseferbat, nihil præjudicati erroris retinebat. Non ergo pro pervicaci, pro confidente pro obstinato pro refractario, pro hæretico erat a Judicibus condemnandus, non pro hæresiarcha flammis addicendus.

* Nolo in re aperta operam; & oleum perdere. Nolo infinita exempla eorum proferre, qui, cum humani aliquid in scribendo, in loquendo, in sentiendo passi essent, idcirco neque sunt nota impietatis inusti, neque Quæsitoreis flammis expiati, quod sine contumaci pertinacia, sine refractaria confidentia errassent. Unum dicam: Numquam adhuc, & nusquam Gentium odium publicum Quæsitores fidei jure promernisse, quod
igni

(a) Ps. 26. 18.

igni addixissent eos homines, qui vel bona fide essent in errorem malum lapsi vel qui, ut cumque lapsi in errorem, admoniti deinde, Eum ipsum abjurare, fuissent professi.

Illic paucis redeo : Innocentissimus Malagrida erat odio Carvalhi de sententia Judicum pro reo, pro impio, pro fanatico, pro plano, ac simulatore prodendus. Malagrida erat calumniâ Norbertiana onerandus. Nihil eum juvare oportebat, quod in scriptis suis nihil esset erroris, quod scripta sua cum excerptis, mala manu vitatis, non essent collata; Nihil ad ejus absolutionem facere debebat, quod sese docilem Ecclesiae Filium, quod sese correctioni paratum, quod se morigerum censuræ legitimæ profiteretur.

§. LXXXV.

Actorum Scriptor sæpe semper eum

veritate pugnat.

Venio nunc ad eam Actorum partem, ubi pro plano atque hypocrita nobis fingitur Malagrida. Hic ille ipse Norbertus, quantus calumniator esset planius, opinor, volebat Carvalhi suo ostendere, quam antea toti jam Europæ, ne toti dicam Universo, in historia fabulosa Missionum Jesu Societatis ostendisser. Ergo quantum sibi

sibi copiosissimus ille, ac fecundissimus doli, ac malitiæ Artifex excogitare potuit, id totum partim invenisse se in scriptis Malagridæ, partim in ipso carcere a Malagrida admissum, mentiebatur.

Ego sigillatim, non totam eam Iliada Visorum, Vaticiniorum, Oraculorum, Præstigiarum, a malo Poeta Norbertio confictam, mihi sumam explicandam. Quid de re ea tota interrogatus Malagrida responderit, paulo post brevi a me indicabitur, quo planius & hominis Sanctissimi vita, & summa iudicii, in eum lati injuria omnibus appareat. Nunc de falsitate totius calumniæ nonnulla indicia, quæ male in Actis ipsis *latitare* videntur, proferam. Primum enim Actor ille, sive Actorum male sanus Scriptor, secum sæpissime pugnabat: Nunc nobis affingebat, Malagridam callidissimum Sanctitatis Simulatorem, qui visa, qui colloquia, qui oracula, qui vaticinia diviniora tantumodo creparet, ut sanctissimæ vitæ opinionem sibi aucuparetur: Nunc eundem perfrictæ frontis, projectæ impudicitæ, apertissimæ nequitiae coram Socio in carcere Nebulonem ostendebat, ubi, ridicula potius, quam astuta calumniâ fingeretur septuagenarius ferme Senex solitus luxuriare! in quo quis non videat, calumniatorem secum pignantia loqui?

Deinde ille idem Scriptor Causæ Malagridianæ, cui

cui esset illud propositum, simulatorem nobis virtutis, ac modestiæ depingere Malagridam, non jam hominem modo ipsum male agentem in vita nobis exprimebat, sed per ejus latus sanctiora Jesu Societatis, imo vero Religionis ipsius Christianæ, ministeria, in quibus ille versaretur, impetebat; ut idcirco vellet, suspicionem fanatici, atque falsi operarii (a) in illum valere debere, quod Malagrida in tradendis S. Ignatii exercitiis spiritualibus, in conveniendis in carcere nexis, in invisendis ad publica valetudinaria ægrotis in concionibus sacris frequenter habendis, in confessionibus excipiendis, in Clericorum adolescentium Seminariis erigendis, in Monasteriis Virginum Ursolarum constituendis, in parandis asyis pudicitiae iis fœminis, quæ de honore periclitarentur, totus esse consuevisset.

§. LXXXVI.

Convicta Actorum mendacia.

PRæterea in iis Actis, ea sæpe Vaticinia affingebantur Malagridæ, quæ apertissimam calumniam præferrent. Vel illud, quod de morte Regis, (quam mortem divinitus dixisse sibi

Par. I.

F f

mon-

(a) V. Anecd. tom. 3. pag. 237.

monstratam arguebatur) narratur dixisse Malagrida, quam in manifesto mendacio tenetur, Ex Actis Judicialibus (§. 33. & 39.) (a), „ In morte (sic ille mendacissimus scriptor) Marchionis de Tancos, Præfetti armorum, cum Malagrida strepitum tormentorum in ejusmodi Regionum præfectorum funere fieri solitum, e carcere *Inquisitionis* audisset, ejusdem carceris. Custodi illico *ratiocinatus* fuit, *Regem* obiisse. “ Atqui rei totius narratio in mendacio ipso per se patenti scriptoris vanissimi cubat. Ille enim Marchio Tancosius 22. Januarii 1761 obiit (b) quod omnes norunt: Malagrida in *custodia Junqueriana* ad mensem Majum ejusdem anni asservatus fuit. (c) Mendacium in Actis non occidet iudicium? Non innocens perierit Malagrida? Postremo ne tædium Lectori creem, si quæ utraque pagina Actorum scriptor temere mentitur, ostendere pergam; unum, dumtaxat addam. Ibi sæpissime legitur „ eo odio exarsisse Malagridam, quo acerbius fingi aliud posset: nullum, in Lusitanam Nationem (d) (§. 3., 6., 7.) & in Regem (§. 26., 27., 41., & 42.) (e) Magnum her-

(a) Bon. Ratioc. pag. 171.

(b) Ex Ephemeride Coloniensi in suppl. 20. Febr. Artic. *Ullysiæ* 24. Januarii 1761.

(c) Ex Bona Ratioc. pag. 173.

(d) Ex Bona Ratioc. pag. 99., 100., 101., vel 147.

(e) Ibid. pag. 105., 107., 115., 116.

hercle facinus ! At quo istud argumento ? Quia & Lusitanæ Nationi, & Regi (§. 27.) malum imminens a Deo depræcabatur. (a) Itane vero ? Si Regis causam apud Deum agebat, si salutem rei Lusitanæ Deo assidue Malagrida commendabat, quid aliud est in calumnia apertè velle cavillari, si hoc non est ? Quasi vero in sacris Litteris & Samuel, (b) & Jeremias, (c) & plures Viri sanctissimi, sæpissime pro salute Populi, & Regum, Deum precati, odio Reges, & populos illos, & non potius summa charitate, fuissent prosequuti.

§. LXXXVII.

*Malagrida Scripta, & sensa, & dicta sua
omnia Censuræ legitima corrigenda
sponte committit.*

Sed jam multum valere jubeamus scriptorem fabulosum : Ipsum Malagridam Quæditoribus respondentem audiamus : quamquam, non sine mendacis narrationis suspicione, illum ex Actis possimus audire respondentem : Audiamus tandem ex Actis. Quid ergo interrogatus de divi-
Par. I. F f. 2 nio-

(a) Ex Bona Ratioc. pag. 107.

(b) I. Reg. 15. 11.

(c) U. Mahab. 15. 246.

nioribus visis suis, sive revelationibus Malagrida. Quæstoribus respondit? Verum dicam. Opinor, nobis nunc foret opus aliquo a Deo oraculo, non a tripode Apollinis Carvalhiani perplexé responso, ut quid ille bonus senex responderit, certo & costanter sciremus. Sed quid demum narratur in Actis respondisse Malagridam? Id quod illius & modestiam summam, & Fidem sanctissimam in primis probare videbatur. (a) „ Velle sese, aiebat, omnia & animi sui sensa, & cogitata, & dicta, & scripta iudicio Ecclesiæ subjecta: ipsum de se quidem omnino profiteri, adeo sibi non cupiisse a Deo extraordinaria animi visa, ut in iis probandis, atque a se abigendis, eas artes omnes adhibuerit in iis etiam exorcismis, quibus sint sanctissimi viri sæpe usi. (b) Ipsum sibi nihil in visis dijudicandis temere arrogare. Suum enim omnino non esse de veritate, atque sinceritate illorum, quasi ex tripode, loqui; scire sese quidem, quam sit ipse servus inutilis, quam indignus, cui divinitus ea munera conferantur. „ Quid plura? Sese promptum, ac paratum profiteri, ut ex iudicio Quæstorum, ex Ecclesiæ sententia de visis, ac prædictionibus suis statuatur.

Equidem cum audio scriptorem, ita de Malagrida

(a) Vide Bonam, Ratioc. pag. 23. (b) Vid. hic pag. 209.

grida narrantem, ego haud scio satis, utrum magis stupidam Calumniatoris incostantiam apud me detester; an sapientiam, ac modestiam divinam Malagridæ lætus deosculer. Quis enim non amet in Malagrida tantam animi demissionem, tam sui despicientiam. Quis in ipsa demissione non vera fuisse ea visa suspicetur, sicqua ille sibi divinitus scripsisset immissa? Quis contra, stuporem, atque inconstantiam non demiretur Actorum, in quibus tanta animi docilitas, tanta simplicitas, tantus candor in Malagrida ostendatur; cum eodem tempore videat, in illis ipsis pro capite confidenti, pro simulatore pervicaci, pro contumaci hæresiarcha, rogo damnatum fuisse reum innocentissimum?

Quæ cum ita sint, Duo in Malagrida nemo non videat apertissime confirmata, & simplicem Veritatis orationem esse, ut est in paræniis humanis: Et iniquitatem solitam sibi mentiri, ut est in oraculis divinatoribus. Quid opus est pluribus? Ulturus cum Carvalhius esset Malagridam, a cujus Sanctitatis, atque integritatis fama pessime sibi metueret, neque sine suspitione majoris alicujus maleficii odio suo devovere Sanctissimum illum Jesu Socium posset, qui suspicionem Collegio legitimo Quæditorum Malagridæ nullam facere se posse videret; ille Lusitanæ Tyrannus suppositis, atque a se factis nullius fidei

fidei Quæſitoribus , pro imperio primum dedecorandum , deinde pro pertinaci damnandum , ad extremum impiis flammis comburendum præcipiebat .

§. LXXXVIII.

Confessus Malagrida se potuisse deludi , cogitur a Quæſitoribus , ut sponte sua se Hypocritam confiteatur .

ERgo res ita in eo consilio , de cujus sententia esset infami supplicio Malagrida omnino tollendus , de integro constitui cœpta fuit , ut , quoniam ille non modo nihil pervicaciæ præferret , sed potius omnia & dicta , & cogitata & sensa , & visa animi sui iudicio superioris , & legitimæ in Ecclesia potestatis sine fuco , ac fallaciis submitteret ; si pro contumaci hæretico morte plecti non posset saltem pro obstinato præstigiatore , pro plano , pro ficto , atque hypocrita , quæ vitia scilicet de se numquam esset Malagrida confessurus , extremo afficeretur supplicio . Negat Malagrida , sese in scriptis suis , negat , (aiebant illi secum Iudices) sese in vaticinando , in prædicando , in divinando fraude , ac dolo malo usum fuisse . Idem , siquid humani in scriptis , in dictis , in visis suis sit forte passus , id se totum Superiori auctoritati corrigendum per-

permittere proficitur . Idem tamen , se sine animi sui malitia potuisse deludi , potuisse delusum a vero aberrare non disfitetur .

Rem hic denique factam habebimus , si ponamus , si pro concessio sumamus eum , qui fateatur deludi a malo dæmone potuisse , re ipsa in anteactæ vitæ suæ muneribus , atque officiis omnibus , delusorem , planum , hypocritam , præstigiatores certissimum fuisse ; scilicet ea de re a Nobis interrogatus sese hypocritam Evangelii Ministrum fuisse , præcise negabit . Neget enim vero : hæc ipsa Nominis obfirmata animi sententia a nobis pro contumacia , pro pervicacia hæretica notata aditum ad ejus impietatem igni devovendam apertum , ac patentem dabit . Quid vobis videatur ? Quid ? Reus est mortis . Placet .

Re ita constituta ; coram Malagrida vocatur . Non fraus , non captio , non cavillatio , non dolus , non sophisma ullum ab illis corruptis Quæsitores prætermittitur , ut ab illo ea confessio extorqueatur , qua ipse sese prodatur non jam delusum , non ratione frustratum , non speciose deceptum ; sed perpetuum in vita fuisse delusorem , perpetuum Sanctitatis simulatorem , perpetuum pecuniæ per pietatis imaginem Corrogatorem .

At ne hic quidem Quæsitores proficiebant : Quæ enim ab iis Malagridæ argumenta singula obiciebantur , ea nullo negotio ille dissolvebat :

Nec

Nec sane multum erat, in quod sibi esset laborandum; summa enim totius accusationis adeo ludrica, atque inepta erat (ne quid dicam gravius in eorum Judicium stuporem) ut ad Summam contenderint idcirco delusorem; idcirco hypocritam fuisse Malagridam, quod ipse de se fateretur, potuisse a nefario spiritu deludi. Et vero quid illi respondissent, si quis ita cum illis egisset? Itane vero Quæsitores Carvalhiani? Ea est vestra dialectica, ut si quis possit deludi, illico jam delusus sit? Quasi vero possit in vos ipsos jure concludi: Siquis, a Carvalhio delectus. Judex possit prævaricari, illico jam sit prævaricatus: siquis innocentiam rei odio Carvalhii possit iudicio suo prodere, illico jam innocentiam Rei Carvalhio prodiderit.

Videte vero, quo ego rem deducam, fingite, si vobis libet, Malagridam non potuisse modo in visis suis deludi, sed delusum etiam aliquando fuisse. Quid? Continuo ne vobis erit ille delusor? Ille simulator? Ille hypocrita? At per fortunas vestras videte, ne vos mysticæ Theologiæ imperitiores, quam quantum in Quæsitores fidei, etiam Lusitanos, sine dedecore cadat, profiteamini. Quasi vero non sæpè bona fide erraverint, etiam Sanctissimi, cæteroquin Viri, in Visis suis dijudicandis, in Sententia internorum oraculorum interpretanda. Si quis, inquam, ita Judices eos redar-

redarguisset ; profecto eos stupides evicisset. Ego vero ita cum illis Quæstoribus egissem .

§. LXXXIX.

*Nullis argumentis usi Quæsttores canantur
a Malagrida extorquere simulatæ pie-
tatis Confessionem .*

QUæro: qualem demum facitis : vobis Præsti-
giatorem? qualem simulatum disciplinæ chri-
stianæ Artificem? Qualem hypocritam? Nem-
pe is eo vitio, communi hominum sententia in-
famis habetur, qui sciens & prudens, qui vivus,
vidensque alios mendaciis suis oneret, qui sibi
doli, ac fraudis intime conscius, alios in dolum
in fraudem, in errorem dedita opera inducere
conetur. Agite vero, istud in Malagrida osten-
dite. Is annos totos quadraginta in oculis totius
Lusitaniæ Nationis partim in Europa, in Urbe
Regia Ulyssipone, in Aula ipsa Fidelissima, par-
tim in Americanis Marinoniæ, Brasiliæque Colo-
niis erat versatus. Quid? Cui vos probabitis,
neminem odoratum fuisse malitiam, neminem
Sanctitatem hominis suspectam tam longo vitæ
spatio habuisse, si re quidem ipsa simulata spe-
cies Apostolicæ in illo vitæ erat? Atqui ubique
& gentium, & locorum Malagrida Apostolicus Vir
Par. I. G g audie-

audiebat, ab omnibus Lusitanis insignis Evangelii Operarius, Malagrida prædicabatur; a duobus Regibus, ab Aula, ipsa Ulyssiponensi Sanctissimus Jesu Socius Malagrida laudabatur.

Quid vero illud de stipe pia (non a multis in Brasilia, uti falso asseritur §. 45. in Actis judicialibus; sed a Rege Joanne V., & Josepho I.) (a) Malagridæ collata, quam ille in usus religiosos bono publico impenderet? Fieri illud, quæso, poterat, ut si ille delusor esset; nemo eum sibi, quod ajunt, suisque omnibus & serere, & occare, & metere suspicaretur? Cur vos, novi ingenii Quæsitores, qui tam cernebatis acutum, quam serpens ille vester, non dicam Epidaurius, sed Lusitanus, (Carvalho) nulla argumenta peculatus in Malagridam proferebatis, quod ille stipe illa pia defraudasset Seminaria Clericorum, quæ (b) in Brasilia, & Marinonia erexerat, quod Collegia Ursolarum destituisset, quæ ibidem constituerat; quod asyla illa pudicitiae fœminarum spoliasset, quæ aperienda liberalitate civium, & munificentia duorum Regum curaverat?

Quæ si vos, vel argumenta certa, vel indicia probabilia, ex re ipsa Malagridæ objicere potuissetis;

(a) Bon. Ratifac. pag. 165., & seq.

(b) Ibid. p. 165. & Anecd. Ital. tom. 1. pag. 237.

setis; sine ulla dubitatione famam corrupti judicii iis probationibus redimere maluissetis, quam novi Rethores ex hypothesi thesim, quam novi Logici ex *potentia Actum*; ex eo quod potuerit innocenter Malagrida deludi; Malagridam & delusum, & delusorem malitiosum arguere.

§. XC.

*Malagrida inficiatus, Jus esse Quæstoribus
arcanorum cordis ad Christum
Judicem provocat.*

SEd multum jam valere jussa dialectica plane mendosa Quæstorum; quid respondisse dicatur reus Malagrida, audiamus. Ille facile dolum in interrogatione assecutus, nihilo minore modestia, quam verborum gravitate, & asseveratione profitebatur: „Ipsam & sibi optime esse conscium (a) nihil falsi Quæstoribus respondisse; nec sine perjurio nefario posse de se fateri id, cujus confessionem Quæsttores arte nova a se expiscari vellent. Sese in omnibus vitæ suæ religiosiis officiis sine fraude, sine fallacia, sine furo, sine ulla simulatione illud unum dedita opera egisse, ut majorem Dei gloriam quæreretur;

Par. I.

G g 2

ita

(a) Bona Ratioc. pag. 37.

ita Dei munere sese in praesentia animatum intime sentire, ut ne digitum quidem transversum a fide conscientiae suae per amphibologiam, per versutiam, per astutam verborum calumniam velit in respondendo recedere. Neque vero in posterum alienae vel potentiae, vel gratiae, vel auctoritati cum magnis divinis quidquam in loquendo esse daturum. (a) Denuo plane, simpliciter profiteri, se in omni vita alienissimum ab omni simulate sanctitatis specie: Majorem Dei unius gloriam in actionibus suis spectasse. “

In hanc sententiam loquentem Malagridam cum ingratis audirent Carvalhiani Judices, & personae quam alienam agebant, Quaesitorum sacerorum plane immemores, spiritum, ardorem, odium, furorem Carvalhii sumendum sibi in Malagridam rati: (a) „ Oh te, exclamant, hypocritam nefarium! O Sepulcrum dealbatum! O planum vaferrimum! O Inpostorem manifestum! Nunquam ne eum te nobis fatebere, quem nos plane esse, compertum habemus?

Cum haec convicia, haec dedecora, haec verborum opprobria, haec non Quaesitorum judicia, sed furentis Accusatoris maledicta Malagrida non offenso animo audiret; arbitratus tamen sui esse officii furentes Judices ad sanam mentem revoca-

(aa) Ibidem.

vocare : „ At ego , inquit , a Vobis , & propitio Deo , & pro jure , opinor , meo , quæro : Quis arcana cordis , quæ uni Deo pateant , vobis cernere , ac intelligere concessit ? Quo jure animi mei intima consilia , occultissima per se , mentis meæ sensa , nunquam cum aliis collata , damnare audetis ? nec enim si quid Judici libet , id continuo jure licet : Legitimi enim illud est officium Quæstoris , ex factis , ex dictis , ex verbis , ex rebus in medium & adductis , & probatis , Innocentem absolvere , nocentem reum condemnare . (a) Nego iterum , ac sæpius id , quod perpetuo , ne conscientiae meæ fidei desim , negabo ; me simulatorem vitæ sanctoris fuisse . Vobis non satis est , id uno dicere verbo : Si audetis , argumentis , testibus , tabulis , scriptis , litteris , me falsò negare , ostendite . Quod si adhuc neque ostendere potuistis , neque in posterum unquam ostensuros vos esse cofiditis ; Cur me reum conviciis , cur veritatem ipsam opprobriis , cur innocentiam maledictis incessere contra jura omnia , divina , & humana , contra legem , contra morem omnium judiciorum audetis ? Ne , quæso , frustra sitis : Nihil me vestri vultus , nihil quæstorica persona , nihil supplicia intentata , nihil rogos accensus , nihil vendita alie-

(a) Ibidem , & ex Actis Judicialibus .

alienæ impotentiae (erumpat tandem vera vox) sententia capitis me deterret: *Non eos timete, (dicitur Matth. 10. 18.) qui occidunt corpus, Eum timete, qui potest & animam, & corpus perdere in gehennam.* Qui vos una mecum judicabit Dominus, ille omnium Deus est, quem ego ad extremum sanctissimè juratus appello. Me Jesu Societatis Alumnus, neque Planus, neque Hypocritam, neque Illusorem, neque simulatorem Evangelii Operarium unquam in vita fuisse. (a) “

§. XCI.

Malagrida morti proximus iterum ad falsam Confessionem per Carvalhium frustra sollicitatus.

ERgo Malagrida, partim ira Quæditorum, quos Christiana libertas exacerbasset; in rem sui juris retinentissimum; partim atrociori odio Carvalhii, qui pro imperio capitis sententiam ferendam Quæditoribus edixisset; pro Hæresiarcha nigerrimis eorum Judicium suffragiis jam condemnatus, nondum tamen animum trucem Lusitani Tyranni, inmanemque furorem explesse videbatur. Videbat enim fore Carvalhium,

(a) Ibidem.

Ilius, ut, si non innocens reus Malagrida, at saltem non rite, non jure, non lege convictus vulgo haberetur; quippe qui nunquam ea parricidia in Regem, nunquam ea impietatis probra in Deum esset confessus, quæ illi a Quæsitorebus objecta, sine rei confessione nullam veri speciem in se essent habitura. Ergo qui tot in casum artes in Malagridam tamdiu adhibuisset, fraude, doloque malo jamjam moriturum innocentem reum ad extremum aggredi constituit. (a)

Vocat ad se Benedictinum quemdam Monachum, Joannem Baptistam N. N., necessarium hominem, certe sibi valde probatum, quippe qui suo jussu nihil erat veritus publicè probare una cum alio (b) Carmelita Theresiano, Ignatio a S. Cajetano, postea Episcopo Lieirensi, famosum illum Antonii Pereiræ Librum de *Episcoporum potestate*. „ Te ego, ait, isti Jesuitæ & parricidæ, & hæretico, & fanatico hortatorum do, quem tu a Quæsitorebus condemnatum ad supplicium de more isto proseguare. Facies tu mihi quidem gratissimum, idque ut facias, tibi ego pro imperio edico; Si eum in ipso jam
sup-

(a) De munere Sacerdotali deturbatum a Fr. Alexio de Miranda, Episcopo Mirandensi Dominicano, non vero a Josepho Dantas Barbosa uti legitur in historia anni 1761. p. 197. Patriarchæ Suffraganeo, qui se ægrotare finxit, ne id faceret. Anecd. Gallicæ scrip., edit. anno 1787. Adnot. 13.

(b) Anecd. vero Ital. tom. 2. pag. 244. & 250.

supplicio admoneas, ut a Rege palam Parricidii, a populo item offensionum omnium, peccatorumque suorum clara, elataque voce veniam sibi precetur: morti proximus sibi consulat, atque quod in quæstionibus semper negavit, id extrema saltem voce confiteatur: Sese fuisse deterrimum & Parricidam, & Maleficum, & Simulatorem. “

Ille quidem Carvalhianus Cliens, Malagridæ non tam salutis, quam novæ fraudis in morte monstrator, cum facile rem totam, consiliumque callidum Carvalhii sui perspexisset, (qui alterum e duobus sibi quærere Monacho videretur, ut, si Malagrida veniam ejusmodi rogaret, confessus reus, convictusque; sin eam veniæ petitionem abnueret, contumaciter sceleris, atque erroris impii tenax haberetur) hortari cœpit (a) senem, jam jam jugulum Carnifici porrecturum reum, ut a Rege, non procul ad specula vicina (b) prospiciente, veniam Parricidii, a populo circumfuso veniam suorum scelerum humillima, ac clarissima voce rogaret.

Hic si unquam aliàs palam omnibus, ipsi etiam Carvalhio constare potuit, quàm illud verè scriptum (Prov. 21. v. 30.) esset. „ Non est sapientia, non est prudentia, non est consilium adver-

(a) Anecd. Ital. tom. 2. pag. 250.

(b) Bon. Ratioc. p. 73.

adversus Dominum, qui os, & sapientiam (Matth. 10. v. 20.), cui non possint contradicere omnes eorum adversarii, " se daturum esse promisit. Malagrida enim, in media jam morte, inter Ducem Cadavalensem, & Comitem Villænovæ, (a) præsentē ipso carnifice, coram apparatus totum supplicii intuitus, officii tamen sui ab optima conscientia memor, nihil supplicii præsentis terrore commotus, ita hortatori impie doloso est obsequutus, ut sine veritatis injuria modestiæ christianæ satisfaceret, sic clara voce proloquutus :

„ Equidem pro eo, ac ipse mihi sum conscius, nunquam in vita mea Fidelissimi Regis Majestatem, ne leviter quidem, læsisse, coram ipso Deo, mihi mox futuro Judice, profiteor. Quod si quando tamen in Regem, si quando in quemvis alium Civem, hominemve peccaverim, universim ab omnibus erratorum mihi fieri veniam jam moriturus obsecro. " (b) Quæ verba, sub ea conditione, cum vix proloquutus fuisset Malagrida, sese ad Deum toto animo, atque eximie pietatis prominente significatione conversus, in ea voce : *Miserere mei, Domine: In manus tuas, Domine, commendo spiritum meum*; est a Carnifice strangulatus die 20. Septembr. 1761.

Par. I.

H h.

§. XCII.

(a) Hist. anni 1761. p. 190. Typis Pitter.

(b) Anecd. Ital. tom. 2. p. 250.

Carvalhius Regi frustra Malagridam pertinacem calumniatus, sese vulgo dedit detestandum.

Hic nemo non videat, mi Bolane, vehementer frustratum ea quidem potissimum spe Carvalhium fuisse, qua sibi fore pollicitus erat, ut saltem in ipso supplicio Malagrida sese sine exceptione ulla, sine conditione addita, simpliciter, & præcise Parricidam, atque planum, saltem specie demissionis, christianæque modestiæ gratia ductus confiteretur.

Ex ea tamen parte Carvalhius sese delusum consolabatur, quatenus Regi ipsi se persuasurum facile putabat Malagridam hæreticum, contumaciter obstinatum, periisse. Quid autem Rex ipse de Malagrida interea existimarit, aliorum iudicio relinquam; nam male se quidem de illo Sacerdote; male de Ecclesia ipsa meruisse, Rex ipse morti proximus, cum nuda veritas fucum omnem deponit, plane, aperteque confirmavit; Id, quod Pius VI. apertè testabatur, cum de voluntate illius suprema Purpuratos Patres admonerat, quo tempore eos de morte Regis 12. Maii 1777. publice faciebat certiores.

Certè Tyrannus ille Carvalhius nemini tenebras offundere illo supplicio horribiliore, non dicam

cam Catholicorum, sed ne Novatorum quidem in Europa tota potuit, cum Acta illa sua calumniis, mendaciis, inanibus criminationibus, ineptissimis suspitionibus refertissima edebat. (Adnot. XVII. *Edo amentiae*) Quod totum multo planius, ac luculentius apparuit, cum decursu ipso temporis Deus ille vindex sceleratorum Judicum exitu *faelissimo Carvalhianae totius factionis*, quem jam paucis persequar, mendaces eos ostendit, qui maculaverunt illum (Sap. 10. v. 14.), non jam innocentem, sed pium, sed primum, egregium Jesu Socium Malagridam. Nec enim iis, qui pie, ac sapienter de Dei providentia sentiunt, dubium esse potuit, quin immissa *toti* illi factioni Carvalhianae divinitus mala, infortunia, supplicia fuerint & irati in eos homines Numinis argumenta, & propitii in Malagridam, in alios, Carvalhii odio oppressos, indicia manifestiora. (a)

§. XCIII.

Ultore Deo Paulus Carvalhii Frater, jam mortuus Purpura Romana donatus.

Hic ejusmodi campus orationi pateret, in quo facile etiam meae tenuitas facultatis non

Par. I. H h 2 sum-

(a) II. Mach. 3. 24.

summa videretur. Paucis rem totam complectar. Primus ex illo grege Carvalhii, in quem visa est Numinis vindicta manifestius erumpere, Carvalhii fuit Germanus Frater Paulus, ille suppositus Quæsitore Fidei contra voluntatem Romani Pontificis Clementis XIII. in Lusitania Supremus. Res sic acta fuit: Cum par illud Fratrum, quorum alter altero maculosior, altero deterior esset, summa apud omnes & domi, & foris invidia flagrare se videret, velle Carvalhius major cœpit perditissimè domestica opprobria, ac turpissima flagitia dibapho Pontificio decorare.

Pontifex erat Summus Clemens XIV.; is, qui Regium Ministrum, qui Lusitaniæ Tyrannum, studio scilicet an pacis, an lycophilæ, 24. Septembris 1770. in Consistorio honorificentissimè excepisset his verbis: „ Quæ vero, & quanta esse debet nostra etiam de dilecto Filio Nobili Viro, Comite de Oeyras, Fidelissimi Regis Secretario Status, laudum, atque honorum prædicatio? cujus præter cæteras commendationes, nunc maximè illustria erga nos studii, atque observantiæ; & erga Regem singularis obsequii, ac fidei testimonia extiterunt. “ Confer hanc Allocutionem, mi Bolane, cum Allocutione Francisci Coelii, vel cum Edicto Franciscæ Reginæ. (a)

Ergo

(a) Vide hic pag. 6. in Pref. & pag. 353.

Ergo a Pontifice ad speciem amico, certe quidem paulo magis indulgente postulare nihil dubitat Carvalhius, ut & suis, & Fratris sui meritis non indebitam Purpuram Paulo Fratri Fidei scilicet Quæsitori (Jesu Socii Malagridæ infestissimo homicidæ) Cardinalitiam decernat. Quid ageret Clemens, cum nomine Regio, cum armatis precibus, cum non dissimulatis minis se rogari a Carvalhio suo, ab Scriba Regio in *pactis conventis* videret? Fecit id, quod ambitiosus a Regiis Ministris rogatus, sine cunctatione solebat. Sine ulla expostulatione cum Paulo, qui mentitus Fidei Quæsitor esset, sine ulla satisfactione injuriæ, Romanæ Sedi factæ, morem Carvalhiis Fratribus 19. Decembris 1769. gessit, cum Paulum Cardinalem per Litteras designavit.

At Carvalhii Fratres cum sperarent, sese jam de sede Apostolica, de Ecclesiasticæ Hierarchiæ amplitudine, de Majestate Pontificia, de Romanæ Sanctitate Ecclesiæ brevi hac esse Purpura triumphaturos; præsentem Ultoris Dei manum intra dies paucos sunt gravissimam experti. Paulus jam jam purpura ormandus Ulyssipone 17. Januarii 1770., prius e vivis inopinata morte obiit, quam Romæ in Consistorio PP. Purpuratorum Cardinalis nominaretur; ibi enim 29. Januarii jam mortuus publice Paulus Carvalhius dictus est Pater Purpuratus.

Quam

Quam verò in partem sit rem totam interpretatus Carvalhius, qui ex ista impiorum Philosophorum insania negaret palam, quæ ferat cursus naturæ mala, ea esse unquam in divinis suppliciis ponenda, neque curo, neque tango, neque aveo scire; quamquam non dubitem, quin naturam ipsam, quin fati importunam vim sit palam oppido execratus. Illud scio, communi bene sentientium consensu, qui rei totius tempora, qui causas, qui adjuncta notassent, Purpuram mortuo Paulo Roma delatam ostentum habitum fuisse certissimum, quo Deus iram suam in tam fœdum Fidei Quæsitorem, in tam profligatum Lusitaniæ Scribam denunciasset.

§. XCIV.

Turpissima Pereiræ mors, qui condemnatum a se Malagridam lauto convivio celebrasset.

JUDEX in causa illa Malagridæ Nunnus Alvarius Pereira (Is, qui ex scripto impium systema, in Ecclesia damnatum, scilicet peccata a Deo Lusitanis imperari docnerat,) tam cupide suffragio suo condemnarat, ut capitalem eam sententiam convivio lautiore, (a) eo ipso die 20. Septem-

(a) Ex Anecd. Gallicè scrip. 2. Edit. Adnot. 13. ad §. 5. lib. 5.

ptembris, quo executioni mandata fuit, celebrandam sibi apud Patres Prædicatores existimavit: quod convivium omnibus Quæstionis Lusitanæ Ministris ære suo sumptuosissimum dedit. At non diutius tanto gaudio convivatori Pereiræ frui licuit. Non multo post supplicium Malagridæ, in tam tabidum morbi genus incidit, ut omnes & domesticos, & necessarios, etiam e thyaso Carvalhiano amicos, foetore acerrimo, e corpore continenter emisso, cui medicina nihil opitularetur, procul a se, procul a Cubiculo, a domo tota procul arceret. In iis tamen malis non amantem ægrum una Mulier amica deserebat, eo usque dum, ingravescente morbo, jussa est in pudicitiae publicum asyllum recedere. At Carvalhius non tanta in suum illum Theologum fide, quanta cupiditate uxor usuraria fuit. Rem satis præclaram Pereira relinquebat, eam, quæ fiscum exhaustum nonnihil juvare posset. Carvalhius, nescio quod æs alienum causatus, quod ærario Pereira debuisset, omnia mortui Pereiræ sui bona fisco addicenda curavit. (a)

§. XCV.

(a) Bon. Ratioc. pag. 15.

*Quæsit*or Mansilha Minor , Malagridæ Damna-
tor , est ipse legitimè capite damnatus ,
maleficiorum omnium reus *convictus* .

AT Minor ille Fidei Quæsit

or , qui Malagri-
dam suffragio suo Carvalhiano odio cupidè
prodiderat , Joannes Mansilha , seditiosissimus Do-
minicani Ordinis in Lusitania Prior Maximus ,
jussu unius Carvalhii creatus , etsi impunitatem
diutius , quam Pereira tulisset , tamen ad extre-
mum ultrices Numinis irati manus non effugit .
Is , vix mortuè Rege , de sententia Reginaë
Mariæ I. Fidelissimæ , per Nuncium Apostoli-
cum Bernardinum Mutium Bussium in carcerem
conjectus , cum frustra pridie ejus diei condu-
cta jam navi aufugere (a) constituisset ; in con-
silio legitimorum Judicum , causa legitime acta ,
reus turpissimorum maleficiorum pronunciatur :
Cui ita meritissimum capitis supplicium Clemen-
tissima Regina condonavit , ut eum carceri perpe-
tuo in pago quodam Pedragomio (b) apud ædes
suorum Prædicatorum addiceret . Ubi utinam me-
mor scelerum suorum ad bonam mentem rever-
sus , vitam cum morte commutasset .

(a) Anecd. Ital. tom. 2. pag. 224.

(b) Bon. Ratioc. pag. 70.

*Sacerdos perjurus, in Malagridam Testis,
est utroque oculo privatus.*

SEd, missis jam Quæsitibus, missis Judi-
bus, contra jus omne Malagridæ caput odio
Carvalhii largitis, ad falsum testem, turpissime
Malagridam criminatum, quem, a Carvalhio pro
maleficiis copiose remuneratum, ultrix Divini
Numinis ira utròque oculo privavit, mihi ve-
niendum existimo.

Quo tempore Malagrida e carcere regio novo,
ex tempore hæreticus, in carcerem datus fuit
Quæsitorem sacrorum; ibi Sacerdos quidam jam-
diu continebatur, quem & quæstus causa apud
Magnates solitum terque, quaterque uno, co-
demque festo die (a) sacris nefarie operari, &
multis aliis flagitiis, ac sordibus infamem, Jo-
sephus ille Braganza, germanus in Lusitania Fi-
dei Quæsitore summus, in vincula conjecerat.
Ibi una cum Malagrida, in eodem vel gurgu-
stio, vel cubiculo bonus ille Jesu Socius Petrus
Hommesius retinebatur.

At plurimum sua interesse Carvalhio statim
visum est, si Malagridam noto illo Socio priva-

Par. I.

I i

ret,

(a) Bon. Ratioc. pah. 27.

ret, si pro Hommesio alterum cubiculi socium; nefarium istum Sacerdotem, sufficeret. Quàm porro improbo id totum fieret consiliò, brevi res ipsa declaravit. Duo enim in eo sibi proposuerat Carvalhius, quæ hac ratione expedire voluisse, nemini mox planum non fuit. Alterum; Ut ipse Quæsitorebus illis suis, si non fidem, at fucum saltem facere probabilem videretur, dum contenderet; Scripta nomine Malagridæ illis ipsis oblata, ea ex testimonio, & perjurio novi contubernalis re ipsa fuisse a Malagrida composita: (a) hoc enim perjurus ille Sacerdos, a Carvalbio totus factus, & instructus, mox fuit mentitus. Alterum, ut ex ore illius impudici testis Malagrida, jam senior, impudicitiae reus denunciaretur. (b)

Quæ extrema Carvalhii malitia fortasse latuisset, nisi qui insontem Malagridam, reus ipse Sacerdos omnium flagitiorum, perjurio suo perdidisset, unus ipse in eadem illa ferali pompa, qua ad Rogum Malagrida ducebatur, (*Actum Inquisitionis* vocant) cum aliis 52. (c) *reis nocentibus, convictis, & confessis*, candidum cereum, veluti purus, & insons criminis, manu gerens,

(a) Bon. Ratioc. pag. 128.
 (b) Ibidem pag. 21. & seq.
 (c) Apeecd. Ital. tom. 2. pag. 243.

rens; (a) per ora hominum traductus, non modo impunitatem esset assecutus, sed, auctore quoque munifico Carvalhio, prope Ulyssiponem opimo Sacerdotio, (b) atque Paræcia donatus iblico fuisset.

: At mox mentitum testem ultor perjurii, Deus, ea pœna affecit, ut, eum vulgus cum brevi uno, alteroque oculo captum videret, palam, aperteque creparet; meritas pœnas cœcum testem dare, qui visa ea a se in Malagrida diceret flagitia, quæ ipse in se assiduo, in illo nunquam oculis suis vidisset.

§. XCVII.

Norberti Ex-Capuccini Vita fœda, Mors fœdior.

A Cœco, ac nefario Sacerdote Lusitano ad illum excucullatum Fratrem, rasum, depilatumque Capuccinum accedo. Is, qui malorum Malagridæ maxima pars fuerat, atque id, non tam ut mensuram scandali in Lusitania exple-ret, quam ut omni genere calumniæ, flagitii, sceleris, perfidiæ, impietatis, auspice teterrimo Carvalhio cumularet; illud in se tandem ex-

Par. I.

I i 2

pres-

(a) Bon. Ratioc. pag. 27.

(b) Ibidem.

pressum retulit exemplum, quod in illō profano Judæorum Sacerdote Jasonē olim abominata vel ipsa Synagoga fuisset (2. Mach. 5. 8.) „ Qui calumniarum suarum finem confusionem accepit, & profugus... fugiens de Civitate in Civitatem, omnibus odiosus, ut refuga legum, & execrabilis... peregre peritit. “ Nam quæ Norbertus in Malagridam sit nefariē molitus, ea quidem non latent omnia: quæ vero crimina, flagitia, scelera, sacrilegia præcipiti quodam furore, & audacia in Asia, in Europa tota admiserit, ea neque universa cognita habemus, neque paucis, quæ novimus, exponere poterimus.

Ulyssiponem jussu Carvalhii accitus ille ordinis sui religiosissimi Proditor, primum ex cerebro ipse suo sartaginem illam *Assertioñum* impiarum peperit, quas in scriptis Malagridæ omni errori vacuis, invenisse se pejerabat. Deinde *Vitam S. Annæ, Historiam Imperii Antichristi*, totam a se malitiose commentam Malagridæ improbe suppositam largiebatur, quam totum esset ipse commentus. (a) Tum illa *Acta Judicialia* in causa Malagridæ, maximam certe partem, (b) idem ipse cæcus animo, omnino judicii expers, sine sensu communi, sine conscientia, sine ullo pudore

(a) Animad. 3, ad vitam P. Corru: pag. 229.

(b) Ibidem pag. 231.

putore in monstrosam quamdam speciem confu-
xit. Postremo. *Historiam* Causæ totius Malagridæ,
atque extremi ejus supplicii in vulgus idem Nor-
bertus, edendam, trophæum scilicet calumniæ
sue curavit. (a)

In quo nec possum non vehementer sapientis-
simum Numinis justissimi consilium venerari;
nec temeritatem Carvalhii extremam satis admi-
rari. Videtur enim Deus illud sibi proposuisse,
ne qua veritatis species in ea fabula Malagridia-
na imperitas hominum mentes perstringeret, qui
Norbertum ejus auctorem, calumniæ notissimum
ubique artificem esse pateretur. At cœcum odio
Carvalhium id plane non vidisse, miror, si se-
mel Norberti opera in Malagridam uteretur, fo-
re, ut, quæcumque famosus ille circulator scri-
beret, ea apud omnes suspecta, apud pruden-
tes vana, apud meliores rerum æstimatores arti-
ficiose mentita, haberentur.

Quam enim fidem cuiquam mortalium face-
ret novus iste, ac plane monstruosus nostræ æ-
tatis Proteus? Is, qui alibi Abbas Curchius,
alibi Perisotius, alibi Platelius, alibi Piterius,
alibi Globertius audiret? (b) Is, qui, cum na-
tus reipsa in Lotharingia, iratis Divis, homini-
bus-

(a) *Anecd. Ital.* tom. 2. p. 245. Et *Bon. Ratioc.* p. 2.

(b) *Ibidem.*

busque, fuisset nunc se patria Britannum, nunc se Batavum, nunc se Borusianum, nunc se Lusitanum, nunc se Helvetium palam mentiretur? (a) Is, qui sacris Ordinibus initiatus, qui apud Indos saltem nomine, Missionarius Romanus, jam se mercatorem, jam se Cauponem, jam se peristromatum Babyloniorum Propolam profiteretur? (b) Is denique, qui ita pudorem omnem, ita boni viri honestatem cum fide conscientiae abjecisset, ut ubicumque gentium, ac locorum vagus, assiduusque peregrinator moraretur, ibi præstro, ibi ad manum, ibi ad flagitiosas vitæ turpissimæ delicias paratas haberet propudiosas mulierculas, (c) quas totidem Fratrum suorum (d) Filiolas mentitus, pro concubinis haberet?

Ergo ad extremum in Hollandiam (e) profectus facinorosus Norbertus, turpissimam ibi vitam, omnibus invisus, intestabilis, execrandus, cum turpiore morte commutavit anno 1770. Nec enim satis certo illud solatijs nobis reliquum videmus, ut assentiri possimus, teterrimum illum ab religiosa professione transfugam Parisiis in Cœnobio Capuccinorum, (f) in via S. Honorati

(a) Ibidem (b) Anecd. Ital. tom. 2. pag. 245. (c) Ibidem pag. 246. (d) V. pag. 214. (e) Boni Ratoc. pl. 2. (f) Anecd. Ital. pag. 249.

rati posito, ad sanam mentem reversum, non sine salutis æternæ spe, animam morbo profundisse.

§. XCVIII.

*Indignatio publica in Carvalhium, viz
mortuo Josepho Rege.*

RElíquus nobis est Carvalhius, totius tragœdiæ crudelissimus Artifex, in quem æternus ille Vindex maleficii, sceleris, sacrilegii, impotentiae, impietatis, perjurii, tyrannidis, Deus, vim suam non ordinariam videtur ostendere voluisse, qua Libani altissimas quasque Cedros dicitur in sacris Libris (Ps. 28. 5.) confringere Dominus voce sua solere.

Est quidem in omnium manibus *Carvalhii Vita*, eaque non semel summo novorum librarium studio typis recusa, sæpius etiam novis in posterum accessionibus recudenda; majore verò Europæ totius cupiditate legenda, si jam judicata Carvalhii causa e tabulariis Ulyssiponensibus, ubi adhuc potentia ejus amicorum suppressa retinetur, prodiret: quamvis si amici partim arctissima custodia etiam nunc coerceantur jam abesse; sed si semel publicam lucem aspexerit, in quam votis omnium populorum jam pridem evocatur, erit mira scelerum copia cumulanda.

Ego

Ego ex illa summam faciam eorum flagellorum, (sunt enim multa flagella peccatoris, divina manu inusta Ps. 31) quæ extremo vitæ tempore ille sensit in se, divinitus incussa. Primum enim vix e vivis Josephus Rex (cujus ingravescentem morbum Medici a Regina Maria Anna Victoria jussi, Carvalhium studiosissime celassent) abiisse 24. Februarii 1777. Ulyssipone enunciabatur; cum Urbs tota furore, ac tumultu in Carvalhium debacchari, palam uno omnium ore Tyrannum sibi ad uncum, ad supplicium præsens deposcere. In ejus Imaginem ad stylobaten statuæ (a) equestris, in foro commercii positæ, ex ære magnifice, affabreque conflata, (nec enim indicta causa Tyrannus, qui multa Civium millia indefensa, inaudita crudelissime esset insecratus, a Regina populo dabatur) odium flagrantissimum convertere; effigiem Carvallii & saxis, & luto, & fœdissimis sputis, omni denique ignominia, dedecora, ac probro impetere, invadere, labefactare. Res eo jam loci processerat, ut ad sedandam plebem Regina Maria Francisca de multa nocte amoliri Carvallii Imaginem jusserit, eique insigne Urbis Regiæ signum, quæ Navis est his notis insculpta S. P. Q. U. supponendum curaverit.

Nihil

(a) Animad. 3. ad vitam P. Correx pag. 287.

Nihil opus erit profecto, quanto Carvalhius animi mœrore, quanta acerbitate, qua gliscentis vindictæ rabie eam ab odio totius Urbis profectam ignominiam acceperit, a nobis commemorari. Unum hoc non premam silentio: eum luctu, rabie, ægritudine, insania perditum, in maximo fortunæ beneficio habuisse, quod sibi jussu Reginæ omnino necessarium fuerit, veluti æterrimo lupo, in cæde tantum non comprehenso, ab aula, ubi intoleranda dominatione superbiebat, & ab Urbe Regia, (in qua 27. annos per vias omnes (a) quadraginta stipatoribus regiis, turinis equitum circumdatus, tympanis strepentibus, (b) rheda vehi solitus fuerat) Pomhalium, in Vicum illum suum, turmæ militari traditum, exiliū causa se recipere, ut undecumque infestas civium manus eo præsidio tectus effugeret.

§. XCIX.

*Carvalhius mœrens videt, octingentos,
a se vinctos, a Regina solvi.*

DEinde quis non videat, Carvalhio paulo post in animo dolorem exarsisse, suppliciiis orn-
Par. I. K k nibus.

(a) Bon. Ratioc. pag. 72. (b) Brev. Hist. pag. 415.

nibus acerbiorē, cum e teterrimis gurgustiiis, e lautumiis, e barathris illis suis, jubente Regina, emitti intra dies paucos ad octingentos homines (a) (Jesu vero Sócios (b) octoginta) videret, quos ille, & innocentissimos, & optimos, miserrimis in vinculis, in tenebris horridioribus, in ærumnis omnibus tot annos, vel mera tyrannici animi libidine, vel odio plusquam tyrannico excarnificatus fuisset? Cum omnium Civium clamores, gemitus, complorationes, diras teterrimas in se erumpentes audiret, quo primum die libera tot innocentium civium capita, situ, squalore, fame, sordibus fœda, vias, compita, ædes suas, quas nunquam revisuri sibi miseri homines antea viderentur, quasi ab inferis rediviva conspicerent? (c)

Jam quanta, quam libera populo indignatio, quantus Carvalhio intimis sensibus cruciatus accederet, cum palam compertus, ille certusque rumor increbescere cœpit, eorum facile numerum, quos in vinculis & pædor, & carcerum fœditas, & ærumnarum vis, & fames confecisset, fuisse *novem millium* (d) *sexcentorum* (e) quadra-

(a) Anecd. Ital. tom. 2. pag. 219.

(b) Adnot. ad vitam P. Correx pag. 285.

(c) Anecd. Ital. tom. 8. pag. 222., & in vit. P. Corr. p. 282.

(d) Animad. 3. ad vitam. P. Corr. pag. 247.

(e) Ex declaratione Trium Judicum, a Regina in causa Carvalhii præpositorum compertum fuit.

quadraginta Civium, quos inhumanissima rabies,
& inanissimus furor impotentis scribæ, ac fu-
rentis commentariensis perdidisset?

§. C.

*Causa Regicidii iterata, omnes a Carvalhio
damnati Innocentes declarantur.*

AT ea initia dumtaxat fuere eorum malorum;
quibus Deus pœnas a Carvalhio repetere
constituisset. Nam cum per supplicem libellum
Alornius Marchio, eorum Magnatum Procura-
tor, (a) quos Regicidii excogitati crimine Car-
valhio iræ suæ devovisset, a Fidelissima Regi-
na postulasset, ut eorum causa in integrum re-
stitueretur; Cum præterea Joannes Guzmanus,
olim in Jesu Societate Assistens Lusitanus, ei-
dem Reginæ (b) alterum libellum supplicem of-
ferendum curasset nomine sexcentorum amplius
Civium, qui lusitanæ Jesu Societatis infelices
reliquiæ agerent procul a patria sua, quo furor
insanientis Ministri eos quasi immani procella
naufragos, ejecisset; Fidelissima illa Regina non
ignara mali, quod intentatum sibi sæpius a Car-
valhio sensisset, miseris succurrere, parata, po-

Par. I.

K k 2

stula-

(a) Hic pag. 12. (b) Hic pag. 17.

stulatis æquissimis & Alornii Marchionis, & Guzmanii Assistantis annuit; quæstionem enim habendam de Magnatibus, deque iis omnibus, quos in Regem conspirasse Carvalhius dixisset, denuo decernit 9. Octobris 1780.

Ad eam extra ordinem Judices selectissimos duodeviginti legit, Triumviros Regios Ministros præterea constituit, qui Poinbaliū se conferunt cognoscendorum criminum Quæsitores, & Actis conficiendis præfecti. Ergo quæstione tota diligentissime in eo Judicium consilio agitata, duodeviginti illi viri gravissimi, audito jam sex menses Carvalhio, die 8. Aprilis 1731 (a) omni crimine, & suspicione Regicidii absolvunt eos omnes, & quos Carvalhius capitali supplicio affecisset, & quos eo nomine in vincula, in carcerem conjecisset. (b)

Quod porro tam grave, tam prudens, tam certum, tam manifestum judicium, si quis est, qui non aperte videat instar omnium suppliciorum, omnium cruciatuum ipsi teterrimo Carnifici, & calumniatori Carvalhio fuisse; is vel ipso sensu communi careat, vel communi sensu carentem sibi Carvalhium effingat.

§. CI.

(a) Animad. 8. ad vitam P. Corr. pag. 289. (b) Ibidem.

§. CI.

Carvalhius a Triumviris interrogatus infinita maleficia confitetur .

AC ne tu, mi Bolane, cum Carvalhianæ factionis fauctoribus, quos ei & impietas, & odium in Jesu Societatem innumeros dederat, eo confugas, ut innocentiam Carvalhii, si Divis placet, duodeviginti Judicum sententia oppressam dicas; accipe paucis ab ore ipsius Carvalhii eam scelerum suorum omnium confessionem, quæ per tot annorum spatium commisisse, haud temere arguebatur. Etenim Triumviri illi Regii Ministri, qui in Carvalhii diuturnam administrationem inquirere ex præscripto regio jubebantur, Pombalium ad Carvalhium se conferunt. Ille de causa tota interrogatus, initio crimina inficiari omnia, deinde plane convictus, impudenter pejerare: ad extremum & infinitis testibus, & pluribus monumentis, chirographis, & litteris suis (insciente penitus Rege) scriptis, & vi suæ ipsius conscientiæ victus, quamvis nunquam tormentis urgeretur, plane diutius veritati obsistere non posse: Infinitam vim calumniarum, scelerum, maleficiorum, proditionis, perfidiæ de se confiteri: homicidia, sacrilegia,

gia, crimina etiam occultissima, a se prope innumera commissa, aperire. (a)

§. CII.

Carvalhius, Jesuitarum Calumniator Judiciales Interrogationes, separatim ad Jesuitas spectantes, subit.

ATque ego quidem sæpe miratus Providentis Numinis consilia, mecum ita loquebar: nonne plusquam satis fuisset, si Carvalhius eductos e carcere Jesu Socios, quos cane pejus, & angue semper ipse odisset, vinculis solutos, in honorem pristinum, & amore Civium restitutos aspiceret? Nonne plusquam satis fuisset, si Carvalhius Sociorum innocentiam, commentitia conjuratione a se oppressam a Judicibus duodeviginti declaratam, patefactam, compertam audiret? Nonne plusquam satis fuisset, si mendacii convicta improbitate, detectaque ei larva, tantæ turpitudinis notam in fronte ipse sua gestare se videret?

Non sane ita visum Sapientissimo Vindici sceleratorum, Deo, qui illud sibi proposuerat, ut in jus vocatus Carvalhius quæstiones nominatim de

(a) In libel. supp. ad omnes Princ. pro Soc. Jesu pag. 73.

de rebus in Jesu Socios a se gestis subiret; ut Acta judicialia, in ea causa Jesu Sociorum, conficerentur; ut ad redendam rationem præcipuarum saltem earum rerum, quas ille in Jesu Socios constituisset, a Triumviris, criminum suorum Quæstoribus, cogeretur; ut denique, quod illi morte acerbius, atque horribilius esset futurum, capitis sententia in se a Judicibus pronunciaretur propter illa etiam scelera; quæ in Jesu Socios crudelissima admisisset. Ecce vero Capitula Quæstionum: a Regina Fidelissima Criminum Quæstoribus data. (a)

Judiciales Interrogationes ad Jesu Societatem Lusitanam pertinentes .

I. **Q**UAM ob causam contra omne jus, divinum, & humanum, nunquam audiit, vel interrogavit (Marchio Pombalensis) vel unum e Jesuitis gravissimis de criminibus, quæ eos falso, nec sine calumnia, per ora hominum traduxit, viam, ac modum se defendendi omnem iis impediendo?

II. Cur jussit palam fieri in Appendice, quam noto satis libello (*Brevis Relatio*) adjunxit, Italianam

(a) Relata a Theophilo Amedeo Murr. in Diario Litter. & artium lib. 10. p. 152., edito Norimbergæ anno 1781.

licam in linguam verso, typis edito; ac Romæ totam per curiam disperso: Jesuitas præcipuos extitisse *Auctores Seditionis* Portucellensi in Urbe, vinariam contra Societatem, ab alto Durio appellatam; licet missi illuc *Ministri*, rem hanc inquisituri, affirmarint, se ne levissimam quidem suspicionem hosce contra Religiosos invenire potuisse, adhibita etiam omni diligentia singulariter sibi idcirco commendata?

III. Quare eadem in Appendice divulgavit, Jesuitas, qui Familiæ Regiæ erant ab obsequiis, universam subdolis suis molitionibus *perturbasse Aulam*: Cum tamen, hi ipsi autoritatis maximæ testes possint adducere, asserturos, ministeria sibi præstita ab iis fuisse, absque levissima fidelitatis, reverentia, debitaque augustæ huic domui existimationis offensa?

IV. Qua de causa, quibus nixus probationibus, de Jesuitis sinistros hos sparsit rumores, quod *Negotiationes* exercerent, quòd argentariam facerent, quod pecuniam collybo exponerent ad thesauros, qui nunquam apparuere, accumulandos; Instigando insuper Cardinalem Saldanham, in lucem ut proferret infamem libellum, ingenii Carvalliani, (uti inter omnes constabat,) plurima ex parte criminosum opus, in quo illis objicit & pecuniæ permutationem, & prohibita Clericis commercia? Quæ tamen objectio
tam

tam falsa extitit, ut ipse Cardinalis, a Provinciali Moderatore Joanne Enriques requisitus, fortiterque, ut diceret, compulsus, ubi, quibus in mercibus, quomodo, hi tanto cum pravitatis exemplo, tamque nefario religiosæ disciplinæ contemptu fierent negotiandi actus, ad hos quamprimum tollendos; ei monstrare haud potuerit rem, ne levi quidem culpæ obnoxiam:

V. Quam ob rem, & quem ad finem tam importuna & postulatione, & comminatione *coegit* Cardinalem Josephum Manoel de Atalaya, ut (id quod iniquum erat) juberet, abstinere Jesuitas munere tam concionis habendæ, quam Confessionis excipiendæ: Cum tamen idem Carvalhius coram conscientiae suæ arbitro, aliisque tunc præsentibus contrariæ voluntatis testationem interponeret inquiens. „ Se non modo quærelarum nihil contra Jesuitas habere; sed eorum doctrinam, bonum exemplum, vitæque integritatem magni semper æstimasse “?

VI. Ut quid ausus est in edita contra Nobiles sententia tres nominare *Jesuitas* (Malagridam, Mathos, Alexandrum) *crininis Socios*, aut *suppositæ Conjuratæ Auctores*? Nec interrogatos, nec auditos, nec cum illis Reis comprehensos; sed primò scriptam post Sententiam, paucis prius horis, quam hæc iis, qui supplicio fuere affecti, significabatur?

Par. I.

L I

VII.

VII. Qua ratione potest asseverare, quod Dux de Aveiro frequenter Jesuitas inviserit; quod il-
lius revisendi gratia crebrius venerint; quam
sermonis materiam his in conventibus habuerint?
prout asseverat tum in Sententia, tum chrono-
logica (a) in deductione, non sine perspicua fal-
sitate, cognita & vicinis omnibus, & non pau-
cis aliis, qua Ducis, qua Jesuitarum domicilia
frequentantibus; accedente pariter famulorum
quorundam testimonio, qui in tormentis, qui-
bus subjecti erant, interrogati, calumniae huic
contradixere. Ad hæc qui fieri potest, ut scia-
tur, quod colloquium secretis hisce in congres-
sibus (si tales, prout interim largimur, revera
extiterint) inter se instituerint; Jesuitis non
interrogatis, neque hoc de argumento, sicut nec
de alio quodam, auditis?

VIII. Quo pacto Dux, aut Servorum quispiam
asserere poterat, quod ille ipse Dux se ad *Colle-
gium S. Antonii* contulisset, Patrem Timotheum
de Oliveira consulturus, ubi hic Pater regio jam
a servitio amotus, semper *Domus S. Rochi* inco-
la, numquam amplius Collegium supradictum
petiit?

Pa-

(a) Huic misero, ac pudendo Scripto, infirmi, atque infami
nomen suum coactus fuit dare Doctor Joseph de Siabra præpoten-
tis Carvalho furore. Animad. 3. ad vit. P. Corr. p. 196.

Pari modo veritatem infringit Carvalhius, dicens, P. Josephum Perdigao esse a Duce quæsitum in domicilio a Professis nominato, qui Collegium, Sancto Antonio sacrum, incolebat.

IX. Quæ res, quod crimen eum. (Carvalhium) impulit, ut tot per annos in plenis horrore carceribus (quæ inhumana fuit crudelitas) tantum detineret Jesuitarum numerum, non modo in hoc Regno degentium, verum & eorum, qui ex Africa, ex Asia, ex America capti, aliorum Principum imperio subditi advenere, rerum, quæ in Lusitania contigerunt, prorsus omnium ignari? (a)

X. Quæ causa, cur judiciaræ Nobilium actioni non addiderit Ducis (Aveirensis) retractationem, (quam auctoritate munitam habuit fidelissimus Rex Petrus III.) qui magna contende-
bat voce, instabat, urgebat, ea ut acciperetur? Imo ipsa in quæstione, cum corporis dolore facta, etiam num insistebat, falsum esse confitens, quidquid præ metu de Nobilibus consanguineis suis, quicquid de Jesuitis asseruisset.

XI. Quæ hæc rationum momenta, non modo non coherentia, sed maxime disjuncta, atque contraria? Quando ait „ Jesuitas sceleratissimam

Par. I.

L 1 2

ini-

(a) P. Carolus Preikil Pragensis P. Kauleu Coloniens. PP. Ranceau, & Delsart. Galli; P. Wolff, ex Silesia, alique Florentini, Genuen.

iniisse conſpirationem (ſic in ſententia , ſic chronologica in deductione Joſephi de Seabra de Silva, latiné reddita ab Antonio Pereira Figueridio anno 1771.) *idcirco*, ut Dux Regni gubernacula obtineret. “ (a) Et alibi inquit „ ut Jeſuitæ imperium fundarent Jeſuiticum „. Et alio aſſerit loco “ Ut Reginæ Dominæ noſtræ, tunc Braſiliæ Principis, inatrimonium perficeretur. Ac alio item loco (oblitus, mendacem oportere eſſe memorem) “ hos ipſos Patres Societatis conjugio huic reſtituiſſe, atque ad hoc impediendum in Collegio S. Antonii abſcondiſſe Pontificis permiſſionem, quam ad hunc finem Joannes V. jam ex Urbe adeſſe voluit „. Sed Rex idem Romanam hanc conſeſſionem Religioſis hiſce in Œdibus juiſſit conſervari aliis cum ſcriptis, & bene multis, a P. Carboni ibidem defuncto relictis; id, quod Joannis V. Succellor Joſephus Petrus haud ignorabat.

XII. Quid eſt, cur odium adeo acerbum in Societatem Jeſu, eamque innocentem conceperit? quo accenſus, potentia, quæ illi erat ampliffima; abutendo, ipſam & in hoc Regno, & in aliis tam inique, tam crudeliter eſt perſecutus; primo

(a) Hæ juris Præſumptiones, quantumvis plene probatæ, non ſatis, ſunt ad pœnam Capitis pronuntiandam: Satis ne ſunt arbitrarie, & conſictæ? Ex Gloſſa V. Illorum in c. venient 1. de Reſtitut. Dian. in ſum. v. Inquis.

mo, ut iis viam ad Regis Josephi justitiam, ac Clementiam obstrueret omnem; Secundo, ut cunctos, qui Jesuitarum causæ faventes, pro his loquebantur, perterrefaceret; Tertio, ut scripta calumniis refertissima (horum quædam Majestatis Fidelissimæ nomine non sine offensa Augustæ hujus Personæ gravissima prodierunt) in vulgus spargeret: Quarto, ut complures jam verborum lenociniis, jam promissis, jam auro corruptos, incitaret, ac pelliceret ad conscribendum mordaces satyras, litteras sanguinolentas, libellos infames; Quinto, ut nonnulla his e scriptis (quæ verbis in res divinas petulantibus, & injuriis scatebant) adprobaret, laudaretque, uti patet in Opusculo non satis abominando, cujus fabricator Angelum inducit Custodem, Æterno cum Patre talia loquentem, in ore vilissimi etiam Scurræ hand ferenda:

Sexto, ut Societatis Institutum, 'vivendique præscriptas juxta Sanctiones methodum impugnet, ut probis istud laceraret; Septimo, ut in medium afferret mendacia, contumelias, falsa testimonia, hæreticis e libris ab Ecclesia damnatis, ac sexcenties jam refutatis deprompta; Octavo, ut verba etiam Auctorum, eaque vera recitaret, quæ per ignorantiam vel non intelligebat, aut de industria, utique malitiosa, pessime interpretabatur; Nono, ut Sanctorum e Societa-

cietate cultum abolendi modum usurparet longe indignissimum: Quo circa hi Imaginem S. Ignatii abdebant, cujus Orationem propriam, & Lectiones, canonicis in horis legi solitas, abstulit; Isti S. Francisci Borgiæ Effigiem, cui ritum, titulumque Regni, Dominiorumque ejus Patroni eripuit; Alii in picturis Societatis vestem in Religiosorum alterius Ordinis habitum immutarunt (a), sicut illis contigit in Atrio domus S. Rochi expositis; Alii ipsimet in Aris sacratissimum Jesû Nomen expunxerunt, rem profanam; substituentes; Decimo, ut denique Auctorum Societatis libros, non solum culpa omni vacuos, sed & maxime religiosos, prohiberet sub idem tempus, quo aliorum librorum introductioni favebat, qui Conditores agnoscunt Deistas, Libertinos, Sectarios, doctrina referti temeraria, & veræ Fidei, & Subditorum incolumitati, & vitæ ipsorum Principum adversanti.

§. CIII.

Judiciales Carvalhii responsiones.

Hoc loco res ipsa postulat, ut singulas Carvalhii responsiones, eoque, quo datæ ab ipso fuerunt, ordine, persequar. Ne tamen sim lon-

(a) S. Franciscum Xavierium cucullata Carmelitarum veste induerunt.

longior, quam instituti mei brevitās ferat, ex multis paucas modò seligam, easque tantum perstringam, quæ satis sint, ut unusquisque possit apud sese evidenter concludere; & famosum illud Regis parricidium, & decantatam conjurationem Jesu Sociorum in Regem Josephum I., totamque Regiam domum Brigantinam a Carvalhio fuisse conficta. Ergo illas quæstiones exscribam ex actis anno 1781., quæ statim ac confecta, edita, ac vulgata fuere, huc ab Amico quodam sunt ad me transmissa, priusquam ea revocari, & suppressi juberentur.

Jam ad Parricidium, quod attinet: vix dum Regina imperare cœperat, cum carceres a Carvalhio exædificatos demoliendos curavit: quo factum fuit, ut e Parricidarum carcere dimissus ille tragediæ simulator, & squalido vultu, & miserandum in modum pallido, & tanta virium imbecillitate, ut ægre stare posset, educeretur. Is cum ad Regem Petrum III. confestim accessisset, declaravit: „ Se a Carvalhio edoctum fuisse, ut æneam fistulam sine glande missili supra rhedam Regis exploderet; & mox ita fugeret, ut neque capi se valde recusaret, neque interrogatus in judicio dicere dubitaret: Se a Jesu Sociis fuisse Parricidam Regis subornatum: quod si faceret, ei pollicitum Carvalhium, eum statim & libertate, & duobus, vel etiā tribus cruciatorum
num-

nummūm millibus a se donatum iri: Se his promissis inductum, aiebat, homini morem gessisse, ejusque mandata perfecisse: Carvalhium tamen fidem suam non liberasse, meque, addebat, in carcere, exceptis paucis diebus, pessimè habuisse. “

Ex his dictis, & factis habemus in re tanta illum eundem militem, & tragediæ actorem, & calumniæ atrocissimæ ita gravem testem, ut ei nulla dari possit exceptio, nisi forte ab uno Carvalhio totius tragediæ Architecto. Quid ergo? De ea re Carvalhius erat scilicet interrogandus, qui, si militem hunc refellere, si mendacii arguere posset, ad meritam talionis pœnam vocandus esset miles, qui vel falsum testimonium diceret in sapientissimum olim Administrum, vel arcanam gubernandi rationem prodere auderet, & insolenter accusaret.

Ecce tibi adsunt Judices; sistitur simul miles, & Carvalhius: Age, quid ad hæc Carvalhius? Quid ad militis paulò ante dicta reponit? En ejus verba „ Ea omnia vera quidem esse; at hæc ei præscripsi, ait, ob occultam, sed jam *Comperitam*, atque *exploratam Jesuitarum Conjunctionem*, in Regem, totamque Regis familiam imperatum a me fuit, ut hic miles, e carcere dimitteretur, sed relatum mihi fuit: eum e vivis excessisse. “

Re igitur evidenter ipsius Carvalhii confessione

ne

ne comprobata, Judices declarant, Regis Parricidium a Carvalhio omnino confictum fuisse: Militi vero innocenti Clementissima Regina pensionem assignavit, quoad viveret, quam post ejus mortem uxori suæ solvi debere decrevit.

Ad alteram deinde Conjurat[i]onis Jesuitarum in Regem, Regiamque Familiam a Carvalhio confictæ calumniam detegendam Judices descendunt, eamque paucis interrogationibus expeditam, totam explicarunt.

Postulatum a Carvalhio fuit, ut argumenta hujus Jesuiticæ Conjurat[i]onis ederet, quæ ab ipso dicebatur *jam comperta, atque explorata*: Instant Judices, ut nomina ederet Jesuitarum Conjuratorum: Inquirunt, quo tempore ordiri cœpta sit &c.

Respondit Carvalh[us]: „ Exordium hujus terrimæ, a Jesuitis susceptæ, conjurationis capi oportere ab illo ipso die, quò Joannes V. Rex Fidelissimus (is obiit 31. Julii 1750.) dispensatione a Benedicto XIV. obtenta ad contrahendum Matrimonium inter Mariam Franciscam Brasilæ Principem, & Regium Principem Petrum, (hoc tandem celebratum Matrimonium est die 7. Junii 1760.) ejusdem auctographum ab eodem Rege recognitum, & rite consignatum Jesuitis concedidit, ut illud in tuto, & secretiori scrinio asservarent, ac majorem in modum

Par. I.

M m solli-

solliciti custodirent: Conjunctio vero conjici potest ex hac scriptura, quæ in eodem scrinio inventa est.

Conjunctio exequenda est hoc ordine: Occidendus est Rex Josephus I.: In ejus locum sufficiendus est Regius Princeps Petrus III.; Dein interfecto Petro III. & omni Regia Familia, unus e domo Tavoræ Rex Lusitanicæ salutandus est. Joannes Enríquez, (a) Joseph Moreira, (b) Timotheus Oliveira, (c) Gabriel Malagrida, & Joseph Perdigano. “

His recitatis, cum alii Judices rei atrocitate obstupescerent, unus eorum (Vice-Comes Pontelimanus) legatur, inquit, hujus scripturæ clausula, ex qua vel imperitissimus quisque, ac de his rebus minime edoctus summam Jesu Societatis innocentiam, & Carvalhii evidenter calumniam oculis ipsis viderit.

Proh mortalium ingratisissimi! Post hanc tam magnam existimationis, fiduciæ, amoris erga eos sui, testificationem, qua dare non poterat Rex Fidelissimus Joannes V. majorem, eo usque se effundit effrænata sceleratorum istorum hominum iniquitas, ac perfidia, ut in ejusdem Regis benemerentissimi Familiam universam conjurare,

(a) Qui fuit Provinciæ Moderator.

(b) Regis, & Familiæ Confessarius.

(c) Mariæ Franciscæ Præceptor.

rare, eamque perdere omnino non exhorrescerent. Huc usque Scriptura illa.

Ibi prudentissimus Vice-Comes? Quid quæso de hac Scriptura nobis a Carvalho exhibita dicendum putatis? Meo quidem iudicio scriptura ista, ut uno verbo dicam, tota quanta est, Carvalho olet; tam enim est absurda, tam inepta, tam plena mendaciorum, rerumque inter se pugnantium, ut, etiamsi uni Carvalho credere velimus, ad hos Jesuitas condemnandos non modo nihil sit valitura; verum etiam pro satis perspicua eorum defensione, atque innocentiae declaratione sit futura.

Qui enim fieri potest, ut illimet ipsi homines conjurati, (nisi insaniant) sese uno, eodemque tempore, & indignam conjurationis scripturam conficiant, & in eadem ipsa scriptura hoc iniquissimum facinus tam gravibus verbis, tantamque reprehensionem continentibus, redarguant, improbent, ejurent?

Atqui minime adhuc probatum est, hujusmodi Sacerdotes, cum viventes, (a) tum vita furctos, insanos fuisse, neque animæ suæ adeo negligentes, ut quidquam illicitum facere vellent, neque animo tam impudente, atque effrænato fuisse, ut Regiam domum Brigantinam, quæ eis

Par. I.

M m 2

caris-

(a) Vivit, dum hæc scribo, Timotheus Oliveira.

carlissima erat, perdere vellent; & luctuosissima, quæ inde necessario erant Lusitaniæ mala even-
tura, impottare: nisi vero eos quavis bellua,
quamvis crudelissima, multo crudeliores fuisse
(quemadmodum certo constat fuisse eorum ac-
cusatores) nobis fingamus: cum omnibus con-
stet, eos ipsos magna potius usque modo pieta-
tis, sapientiæ, fidelitatis laude floruisse.

Si igitur nemini licet de ullo homine (multo
minus de hujusmodi religiosissimis Sacerdotibus)
tam male sentire, tamque horribilem in modum
opinari, quoad tanta improbitas efficacibus aliis
argumentis in judicio probata non sit; jam nunc
oportet, afferantur acta judicialia, quæ ad ple-
nam hujus scripti cognitionem hic evolvere, &
coram lectitare oportet.

At hujusmodi acta nulla sunt, nulla reperiri
nobis significatum est: ubi asserventur, quæsi-
mus: Respondit nobis Carvalhius: Quæ tandem
acta mea manu, jussu Regis, omnia combussi.
Quid? Interrogati fuere de hujusmodi scriptura
Jesuitæ conjurati? Nemo unus: id quod fate-
tur Carvalhius.

Et tam indigna, & infamis scriptura non ipsa
fidem certam faciet, totam ad libidinem, jussu
Carvalhii exaratam fuisse? Non clamabit, ab iis,
qui manum alterius mentiri, atque affabre imi-
tari norunt, Jesu istorum Sociorum nomine sub-
scri-

scriptam fuisse ? Non evincet , eam incredibili audacia in eodem secretiori scrinio Carvalhium supposuisse , ut ea tota secundum hominum sensum demonstrationis vim , evidentiamque obtineat .

Sed quid opus est hujusmodi argumentis ? Testem habemus omnium locupletissimum , Carvalhium ipsum , cui proprium , & familiare erat artificium , dolos invenire , fallacias nectere , & architectari . Dic vero Carvalhi ? Tua ne manu sunt hæ epistolæ “ (ostensæ illi fuerunt quamplurimæ epistolæ , aliæ ad Aulam Gallicanam ultro , citroque scriptæ : aliæ ad Hispaniæ Ministros : aliæ Londinum missæ) „ In his affirmas : te sensim , ac pedetentim Regi Fidelissimo persuadere conatum istam Jesuitarum conjurationem in ejus caput factam , tandem aliquando ope illius scripti ab Rege obtinuisse de expellenda Jesu Societate Decretum , quo , quasi palma lemniscata tantopere triumphabas . “

Tunc Carvalhius quandoquidem , inquit , manifestissimis rebus teneor ; „ confirmo : me quidem Jesuitas plurimi fecisse , eosque & doctos , & pios , & imperio utiles esse , & semper fuisse , mihi constare : quæ vero ad eorum perniciem , & ruinam me constat egisse , ea me omnia jussu Ministrorum exterorum ; tum viventium , tum vita functorum , potissimum vero Ducis de Choi-

Choiseul egisse confiteor, ut ex ipsius epistola, qua de morte Delphini me edocebat, omnino liquet.

Ad Jesuitas item delendos cum religiosos me nonnullos impulsisse fateor, tum eos potissimum duos, alterum illum libelli famosi scriptorem Lusitanum (N.), alterum ejusdem libelli interpretem Hispanum (N.); Generalis Riccii manum mentitos, qui Ricci mandatum commenti; ad libidinem suam ex Hispania Romam mitti non sine opera certi cujusdam conscii N. N. curaverant, & dedita malitiosè opera in via intercipi: Alios etiam, ajo religiosos finxisse, & divulgasse ex scripto fabulam de Republica Paraquaria, & Nicolao I. Rege Jesuita; sparsis in eam calumniam nummis. Tres potissimum in Hispania Sæculares, ajo N. N. N. ex compacto tumultum excitasse; quem Jesuitis adscripserunt, ut Rex Carolus III. quàm citissimè eos e Regnis suis expelleret.

Ad abolitionem universæ Societatis a Clemente XIV. obtinendam confirmo, sex homines primarios N. N., plures vero minoris subsellii, alios Romæ gratiosos, opem contulisse suam: Quæ cum indicaret Carvalhius alios nominabat, alios iis coloribus, & lineamentis depingebat, ut nemo dubitare posset, quinam illi fuissent.

„ Expensa, aiebat idem Carvalhius, ab ætario Lusi-

Lusitano pro hac abolitione fuere triginta decies centena millia cruciatorum nummum: & ipsa quidem Chirographa (quibus singuli nominatim fatentur mercedem iniquitatis, vel se tantum recepis-
se, vel pensionem singulis annis, quoad viverent, assignatam sibi habere) in meo tabulario numero decimotertio inveniuntur . “

Quæ ego præteribo nunc, alius, opinor, proferet. Ubi vero ad quemdam fasciculum litterarum, quas protulere Judices, ultro, citroque londino Ulyssiponem, Ulyssipone londinum missarum ventum denique fuit, qui cunctis paulo ante mortalibus Regius Administer terrorem incutere solebat, ille ipse Carvalhius statim expalescere, animis cadere, oculis illi tenebras oriri, venas deficere, diu sine sensu ullo in sedicula illa, similior mortuo, quam moribundo, manere. Ita tunc ab incepta de fasciculo interrogatione ab humanissimis Judicibus est cessatum.

At quid monstri in his Litteris Anglicanis scriptum esset, andivimus ex aloquio Francisci Coelii Silva ad Reginam die 13. Maii 1777. habito, quo Regni possessionem solemnissime illa creverat. (a)

„ Omnipotens Divini Numinis brachium irritas

(a) V. in vita P. Corren pag. 303.

tas fecit implicatissimas illas tricas, atque obstacula, quominus Majestas Tua in Sponsum haberet Augustissimum Regem, qui hodie nobis magna & lætitia, & felicitate dominatur. Eadem Divini Numinis providentia effectum est, ut ad nihilum reciderent (a) infames illæ (Carvalhii) machinationes, quæ adversus *legitimam hæreditario jure* Majestatis tuæ sucessionem non semel attentatæ fuerunt. “

Qua ex re tota nihil admodum opus fuisse video, ut acrius inquireretur, cujusnam brachio ad eam rem perficiendam Deus uti voluisset. Si enim Carvalhius londinum scripserat, a Jesuitis effectum esse, ut ipse nequidquam decennio toto apud Regem adlaborarit, ut vel Principem Petrum perderet, vel hoc Matrimonium unquam celebraretur. “ Carvalhius eo nomine obtinet Londinensem patrocinium, ut reipsa Societas aboleatur, ipse vero vindicetur; quis non videat eum in Regiam domum conjurasse? Cum potissimum Carvalhius interrogatus in judicio, sit de se confessus: Jesu vero Societas non interrogata, non convicta, non confessa, sed circumventa, & innocens, ipso Carvalhio teste sit declarata?

Tandem rebus omnibus compertis lectissimi illi
Judi-

(a) V. Anecd. tom. 1. p. 232. num. 50.

Judices in ea causa Carvalhiana designati, uno ore sententiam pronunciant: „ Jesuitarum conjurationem in Regem, Regiam Familiam commentitiam omnino esse: Carvalhium jure meritum, in quem insigne aliquod exemplum extremi supplicii ederetur “ quod constat ex Reginæ Edicto 16. Augusti 1781. a nobis mox dando .

Interea nos his actis finem imponamus; quo enim longius in funesta hac causa discutienda progredieretur oratio nostra, eò graviore bonorum omnium animus dolore conficeretur, ut ne eorum oculi lacrymas quidem possent continere. Proh Deus immortalis! exclamarent, opinor, Carvalhius & Societatis Calumniator, & Majestatis reus, & convictus, & confessus, & in judicio damnatus, mitissima relegationis poena puniatur? Jesu Societas & diuturno exilio, & interitu mactetur? Neque hoc solum, sed ne illud quidem perhonorificum ejusdem innocentiae a XX. Viris decretum 8. Aprilis 1781. (a) scriptum, adhuc sic promulgatum per potentiam Carvalhianorum? Usquequo (in re simili scribebat S. Bernardus) (b) Usquequo a tanta impudentia innocentia tanta vexatur, & hoc vivo Innocentio?

Par. I.

N n

Jesu

(a) V. in vita P. Correz pag. 280.

(b) Epistola 109. ad Innocentium II.

Jesu tamen Societas æquo animo ubique locorum tandiu & expulsionis edictum, & abolitionis decretum patitur; qua quidem observantiæ, & venerationis testificatione, qua semper erga Regiam domum fuerit jam inde a die 17. Aprilis 1540., quo Joannes III. (a) primus Regum eam complexus (affectu non regio tantum, sed plane paterno) fuerat, nulla excogitari potest evidentior. Quin etiam in tanta calamitate ipsa sibi gratulatur, quod ea de causa sit tam graviter afflicta, ut legitimam HÆREDITARIO jure Domus Regiæ Brigantiæ SUCCESSIONEM, atque ex ea CATHOLICAM FIDEM in Lusitania tueretur; pro qua sanguinem libentissime profudisset, ne artibus Carvalhii impiis, ibi Religio Catholica funditus periret.

§. CIV.

*Carvalhius confessus per conscios Ministros
est a supplicio liberatus.*

Quæ cum tot, tam infanda, tam nefaria, tam impia facta in se proderet, ne tunc quidem a Carvalhiana, non jam impudentia, sed malitia vaserissima, etiam cum verissime

me.

(a) Bartoli in vita S. Francisci Xaverii lib. x. num. 7.

me loqueretur , recedebat : Quid ita vero , inquis ? cum enim ille neque a simulatione , neque a dissimulatione sua opem , neque a potentia sua vim , in ipsis jam criminibus deprehensus , ullum speraret remedium sibi a consociorum suorum auxilio quærendum existimavit , quos apud omnes Regum , ac Principum aulas habuisset potentissimos .

Itaque ut impunitatem supplicii , & ignominie ab ipsa criminum confessione verissima obtineret , inque spem erigeretur , fore ut eorum præsidio a capite periculum propulsaret , omnemque a se calamitatem deprecaretur ; nominatim eos suorum scelerum conscios , Auctores , Adjutores , Emissarios , Ministros indicavit , quos & in Lusitania , & in Hispania , & in Gallia , & Vindembonæ , & Neapoli , & Romæ potentissimos habuisset : neque vero illud reticuit , quantum etiam pecuniam ab ærario Lusitano furtim illis largitus eosdem in partes suas fidelissimos retinisset .

Ea porro convicti Carvalhii malitiosa criminum confessio non est frustrata vaferrimum ejus consilium . Nam illi ipsi in alijs Europæ Regiis cum Carvalhio conjurati , vel quod confessionem illius rescissent , vel veriti , ne illius indicio proditi apud omnes pessime audirent , neve suis ipsi Principibus pœnas tantorum scelerum

Par. I.

N n 2 . . . darent ;

darent; tantâ opum vi, tanta contentione, tot artibus cum Fidelissima Regina pro Carvalhio agere cœperunt, ut, cum eum a teterrimo supplicio redemissent, tum etiam confessum prius omnia maleficia in Reginam parum officiosum, & insolentem immitterent. Ille quidem certe clanculum ab amicis illis suis potentissimis & monitus, & confirmatus, eo audaciæ id temporis devenit, ut libello supplici (a) apud Reginam profiteretur: Se, quæcumque in administratione sua egisset, ea, auctore Rege, omnia fecisse.

§. CV.

Intercessione Ministrorum alienorum Regina Clementissima Carvalhio indulgere cogitat.

QUæ cum ego potentiæ eorum assigno, quibus cum una Carvalhius teterrima illa consilia communicasset, non solum communem Europæ totius fidem, & consensum sequor, sed auctoritati etiam tacite ipsius Fidelissimæ Reginæ plurimum tribuo. Quin tu vides ipse, mi Bolane, quid demum sententiæ in tam crudelem, tam exitiosum, tam impium tam convictum, tam perfidum, confessumque Reum Regina eo tempore pronunciarit; quid deinde ad nostram hanc me-

mo-

(a) Anecd. Ital. tom. 2. pag. 226.

moriam silentii de Carvalhio; quid de vindicandis omnibus Magnatibus per calumniam excarnificatis; quid de Jesu-Sociis, injuria ejectis, ab-exilio revocandis, vel patientiæ, vel moræ servaverit.

Quid enim magis æquum, magis decorum, expectatum magis esse poterat, quam ut confessi talis rei causa in vulgus prodiret? Quid magis iustum, quam ut supplicium de Lusitano illo Sejano, de odio illo populi palam sumeretur ad Civium tranquillitatem, ad Principatus securitatem? Adhuc acta illa in Carvalhium judicialia, credita illa quidem arcanis Principum consiliis, lucem tamen non videntur. Adhuc per potentissimos alibi Ministros non placuit Reginæ, ut fama est, valde cupienti, monumenta illa proferre, adhuc ne violata in illis Magnatibus amplitudo recte, atque ordine est expiata. Adhuc Lusitanis illis Jesu Sociis non est infamia ex juris formula palam, aperteque auctoritate regia deleta.

Sed hæc tacita argumenta relinquo, quibus fit omnibus manifestum, pro Carvalhio potentissimos Aularum Regiarum Ministros patrocinium potentissimum suscepisse. Ad Reginæ Sententiam in Carvalhium illo tempore latam redeo: illa enim die 16. Augusti 1781. hoc decretum edebat. (a)

Ego

(a) Anecd. Ital. tom. 2. pag. 227.

Ego Regina.

PRo ea Clementia, qua in immeritum Carvalhium antea fuisset usa, nunquam ab hominis audacia suspicata fuisse, fore, ut ipse in questione legitima, adversus se habita, ejusdem defensionem totius administrationis suæ vulgaret, in qua de multis criminibus interrogatus, tantum abfuit, ut ea purgaret, ut, denuo re tota a Judicibus quæsitâ, ab iis Reus judicaretur jure meritis, in quem insigne aliquod exemplum extremi supplicii ederetur.

Ego verò extremam Carvalhii senectutem miserata, & illius cruciatus Corporis, quos jure subire debebat, volo remissos, & ultra viginti passuum millia procul ab Urbe Regia abesse jubeo.

Quo Ego decreto nihil tamen de jure derogo, quod in fortunas, ac bona Marchionis Pombalii, sive vivi, sive mortui, quis habere se probet &c. (a)

§. CVI.

Carvalhius infinitam vim pecuniæ furatus,
Judicio coactus est restituere.

EQuidem, ut debeo, Fidelissimæ Reginae Majestatem veneratus, illud non dubitem dicere:

(a) Deus Immortalis! Quam hæc diversa de Carvalhio, loquendi formula ab illa Clementis XIV. pag. 327.4

cere: Eam, cum allegationibus, cum precibus, cum artificii multorum, pœnam Carvalhii meritam, debitaque tormenta deprecantium, clementissime subscribendum sibi prævideret; extremo suo decreto jus de repetundis sanxisse, & pœnas ab avarissimo Ministro per Cives suos exigendas tacite præcepisse.

Ita enim vero accidit, ut, edito vix Reginae decreto, jam jam in Carvalhium a plurimis coëptum sit jure agi. Illico infinitæ publici illius Prædonis rapinæ; illico innumera furta; illico bonorum iniquissimæ possessiones in judicium adductæ sunt, atque convictæ. Quo factum est, ut a Judicibus Regiis vocatus Carvalhii Procurator, jussus sit ingentem vim pecuniæ iis, quibus esset per vim, per fraudem, per dolum ereptam, persolvere. Collegio quidem Mercatorum vestis sericæ viginti nummum cruciatorum millia (a). Paludum vero publicis Curatoribus centum quinquaginta cruciatorum millia: (a) Jam Fisco Regio restituta sunt ducenta cruciatorum nummum millia, quæ ab arca publicis ædificiis destinata, cum extraxisset Carvalhijus, in ædes sibi construendas insumpserat. (a) Oratorianis itidem Patribus complura millia coactus est Procurator restituere, quas cum Carvalhijus pecu-

(a) Animad. 8. ad vitam P. Corr. pag. 307.

pecunias nomine Regio mutuas sumpsisset, in opera, nescio quæ, publica impendendas, domum ipse suam averterat.

Ne vero, quis valde miretur istos Regii Ministri peculatus, illud potius animo objiciat, impii deprædatoris impudentissimum sacrilegium, quod anno 1778. palam fuerit ab omnibus deprehensum. (a) Per illud enim tempus allatæ sunt Ulyssiponem undeviginti arcæ auro, argento, gemmis pretiosissimis onustæ, quas a sepulcro, & cella Divi Francisci Xaverii Goæ palam ereptas, ad se deferendas Carvalhins præcepisset. Quo tam immani sacrilegio, tam impio, tam manifesto adeo vehementes Regina dicebatur fuisse percussa, ut sacram illam Suppellectilem omnem, pretio, & elegantia summam, ex tempore revehi Goam ad eum, cui jam Religio populorum devoverat, Indicæ Apostolum edixerit. Sed infinitum sit, omnia hic persequi & furtorum, & sacrilegiorum genera, in quibus viginti septem annos totos Minister Lusitanus erat assidue versatus; quamobrem ea præterunda existimo, quæ cæteroquin stomachum, nedum tædium, Lectoribus facerent.

§. CVII.

(a) Animæ, 8. ad vitam P. Corr. pag. 299. Et Anecd. lual. tom. 2. pag. 180.

*Carvalhius sine pœnitentia , sine Viatico
mortuus , jacet adhuc insepultus .*

VErum enim vero illud demum non possum non indicare paucis: sese Carvalhium ipsis suppliciis , quibus a Deo ad pœnitentiam salutarem vocaretur , obstinatiores præstitisse. Is & infamiæ , & ignominie , & abjectionis insolens , eo furoris , insamie , atque bilis atræ processit , ut brevi , omnibus vitiatis partibus nature illius iracundioris , totus a vertice ad talos imos lepra obductus apparuerit ; quæ scabies tam turpibus hominem totum squamis fœdaret , ut nemo ejus neque aspectum , neque sordes , neque foetorem sine nausea pateretur .

Atque utinam flagitiosissimus , ac perditissimus homo insanabilis hujus plagæ contemplatione commotus , proximoque supremi diei sui adventu , ac jandiu instantium improbitati æternarum pœnarum metu perterritus , menti fuisset suæ redditus , sibi que recte prospexisset aliquando ! Verum nihilo ille secius , ac in integra valetudine , in suis indormiens flagitiis , obcœcatoque prorsus animo , neque ullo vel seræ pœnitentiæ indicio , neque Ecclesiæ Sacramentis , neque Eucharistiæ Viatico aut explato , aut roborato ; tan-

Par. I.

O o

tum

tum abfuit, ut quidquam ad resipiendum moliretur, ut ne id quidem semel in votis habuisse creditus sit; cumque tabida lues totum corpus paulatim exedisset jam, & plane confecisset 8. Maii 1782. turbidus, ac nefatius spiritus, sibi omnino constans, sibi que similis, e corpore abiit, horrendum posteris documentum, quo eum impura, crudelis, impia anteacta vita precipitem rapiebat.

Ita turpissima morte e vivis sublatus Marchio Pombalius anno ætatis suæ octogesimo tertio, cum omnibus execrandus esset, uni Conimbricensi Episcopo, Francisco Lemosio, non indignus fuit visus, cui Christiana de more justa una cum funebri laudatione publice persolverentur. Ille enim Lemosius opera Carvalhii renunciatus fuerat a Clemente XIV. Adjutor, cum jure successionis, Viro illi integerrimo, Michaeli ab Annunciatione, Episcopo Conimbricensi, in vinculis, ac custodia per summam injuriam id temporis retento, (a) Quo infami beneficio, idem permotus cum ad aras pro Carvalhio operatus esset, etiam Fratrem, nescio quem, (b) funestum potius, quam funebrem, Carvalhii

(a) Obierat 29. Augusti 1779. v. p.

(b) Anecd. Gallicæ scr. edit. 2. Adnot. XI. ad lib. V. p. 343. Franciscanum fuisse, ait Theophilus Amedeus Murr. ex Ephemer. Colonienæ. in Lib. Litteraturæ Lusit. edito 1782.

Ihii intestabilis laudatorem esse voluit :

Ea res cum publicam Lusitanorum offensionem vulgo peperisset ; Lemosius Ulyssiponem venire jussus , bene , & naviter a Regina maximæ temeritatis arguitur . Orator vero funebri custodia causa in Insulas Gorgodas e Regione Promontorii Hesperii , sive viridis deportatus , sui ejus loci cœnobium pro carcere habere est coactus (a) . Jam cum corpus Carvalhii a Parocho sepultura religiosa interdictum feretro inclusum , etsi præstitisset foras tantam pestem projicere , in impluvio Cœnobii Pombalensis Fratrum Reformatorum S. Francisci positum , adhuc ibidem jacere dicitur . (b)

Cum enim veniam Carvalhii Filius Comes Oerianus ab Aula petisset , ut sibi Patris corpus in avito monumento Ulyssipone condere liceret ; Administer Vice-Comes Villanovanus unquam se id passurum pernegavit eadem scilicet de causa , propter quam Carvalhius Vice-Comiti (c) veniam sepeliendi Patris præcisè negasset qui in custodia (ejusdem jussu) asservatus e vita excessisset .

(a) Theophil. Amed. Murr. ibid.

(b) Anecd. Gallic. edit. 2. Lib. V. Adnot. II.

(c) Comp. Histor. expuls. Jes. ex Lusit. pag. 414.

Pii VI. palam datum testimonium adversus
impiam Carvalhii immanitatem in
causa Jesu Sociorum.

Bonorum nemini dubium esse cœpit, quin Jo-
sephus I. morti jam proximus ad bonam Chri-
stianæ resipiscentiæ mentem redierit, ubi pri-
mum in vulgus Oratio Pii VI. manavit, quam
ille vindex sanctissimus oppressæ per vim Jesu
Societatis allocutus in Consistorio Patres Purpu-
ratos de morte Fidelissimi Regis die 17. Maii,
habuisset: Sic enim aiebat:

„ Josephus impense se convertit ad ea corri-
genda, quæ totò Regni sui tempore censuit fu-
isse minus recte præsumpta, collatisque cum
piissima Coniuge Regina consiliis, voluit, ut e
custodia dimitterentur, qui diuturna oblivione
inclusi detinebantur, inter quos egregius ille Hie-
rarca fuit, quem per vim jampridem constri-
ctum, & tamdiu ab ejus Ecclesia Sponsa deside-
ratum Rex ab amaro exemit iugo, atque Sacro
Pastorum Ordini sic aliquo satisfacit honore, ut
Bernardus nunc forsân repeteret: Tristitia no-
stra versa est in gaudium... Sacerdotem Domi-
ni, in quem ausi sunt mittere manum, cum
honore remittunt, “

Alia

Alia quoque Rex peregit, per quæ turbatam, convulsamque Ecclesiasticam dignitatem, & in eis Levitarum munera comprehensa in pristini status decorem restituit; hisque omnibus ostendit, quam recto fuerit corde, quantave semper Religione floruerit: Nam quidquid a vetere disciplina corruptum interciderat, non adverso illi Regis animo, sed nimiae de proprio judicio diffidentiae debet adscribi.

Cum vero magis magisque sensus hebescere inciperent, arcessiri ad se voluit Archiepiscopum Petrensem hujus Sanctæ Sedis in Lusitania Nuncium, ab eoque extrema Pontificiæ benedictionis officia recepit; quinimo, ut ab eo novissime gesta animo suo consentire percipiamus, asserere convenit, tacite reipsa significasse, (nam vi morbi lingua captus erat) sibi probatum non fuisse, quidquid septemdecim ab hinc annis in alium Apostolicum Nuncium fuerat nefarie commissum...

Sed quod ipse non potuit, a dilectissima Filia perficiendum confidit. Nos item acceptis humanissimis hujus litteris, quibus obitum Patris sui, simulque Regni successionem sibi delatam nunciavit, cogitatione nostra in eam conversa, statuimus a mæstitia temperandum: Certo enim scimus, castæ, integræque Religionis fœminam in omni posteritate futuram esse veræ virtutis exemplar

Jam-

Jamque studiosè inhærens monitis a Genitore injunctis, illum Antistitem in suam restituit Sedem, pluresque extrahi jussit Magnates, sacros Ministros, & cujusvis Ordinis detentos homines, qui sub ærumnarum acervo a florenti ætate usque ad senectam contabuerant. His statim ut in aliorum conspectum prodire datum fuit non secus ac Gens nova, ac Populus redivivus, omnium oculos pervaserunt...

Sed amor, pietatique obsequuta, haud neglexit Fidelissima Regina Regni Moderatrix pro sua propensa in omnem justitiam voluntate animadvertere in aberrantes, ac noxios, eosque in custodiam duci jussit; Quos autem a sæculi potestate novit exemptos, Archiepiscopo Petrensi constringendos reliquit, ac judicandos.

Hujusce porro justitiæ, ac sacrarum legum cultus sicut sine Religionis firmitate exerceri non potest; ita ex regia voluntate a longinquis Lusitanie Regionibus aures nostras percellit illud Theodosii Augusti suorum in imperio Collegarum celebratum Edictum ad Populum Urbis Constantinopolitanæ, quo sancitum legimus: „Cunctos Populos, quos Clementiæ nostræ regit imperium, in tali volumus Religione versari, quam Divum Petrum Apostolum tradidisse Romanis, Religio usque adhuc ab ipso insinuata declarat.“

Propterea ex rebus hactenus gestis consecuturum

rum non dubitamus, ut ab illarum ditionum finibus plurimæ ejiciantur execrabiles lucubrationes, quæ venenatas opiniones insinuant, & Dominantium Majestati insidiosæ omnium fere animos errorum fœditate contaminant.

Nos certe ad id piissimam Reginam adhortabimur, ac omnino confidimus, nostris suasionibus animum adhibituram, prout ab ea cum ipsius indolis præstantia, animi robur, & virtutis amplitudo tum publica Regni, Populorumque salus videntur postulare. Cuncta Nos invicem, quæ ad illius gloriæ, & felicitatis incrementa pertinere, atque a nobis conferri poterunt, summa semper fide, studio, benevolentiaque præstabimus &c.

Quæ Pii verba, e sinu ipso Christianæ Sapientiæ, e media Ecclesiastica historia, e luce veritatis, profecta, dum ii legunt æqui rerum aestimatores; quis illis, quæso, animi sensus succurrit? quæ mentis agitatio oboritur? Quid tandem de innocentia Jesu Societatis, de iniquitate Judiciorum Carvalhianorum sibi effingunt? Quid? mox dicam.

*Jesu Socii Lusitani per summam
injuriam condemnati .*

ATque utinam tam præsentī, tam perspicuo, tamque atroci, ac merito Carvalhianæ factionis supplicio innocentia Jesu Societatis Lusitanæ aut levāri oppressione se, aut sibi injuriæ modum aliquem fieri sensisset ! sed tantæ adhuc integritati afficitur, & clarissimis jam rebus mala aliorum fraude tenebræ omni tempore, obducuntur .

Ego vero de cætero, mi Bolane, a te rogatus, hæc habui, non opinor admodum pauca, quæ dicerem de illa Societate, ex iis hausta monumentis plurimis, quæ veritas neglecta, quæ innocentia punita, quæ virtus oppressa, quæ pietas violata, per integerrimos, ac peritissimos Scriptores edenda in vulgus curavit, quibus adhuc nemo est ausus neque calumniæ malitiam, neque mendacii levitatem, neque vanitatis notam inurere . En erit unquam, o Divi boni ! en erit unquam, ut alia longe, & plura, & omni exceptione majora, monumenta, testimonia litteræ, scripta jurata, chirographa, quæ in tabulariis secretis, maxime vero Pontificio Ulyssiponensi, Matritano abdita servantur, in lucem proferat ætas ?

Cer-

Certè ex iis, quibus nos uti sumus adhuc argu-
mentis Tria illa a me confecta sunt, quæ mihi
initio proposueram. Primum: Insontem Jesu
Societatem Lusitanam mercaturæ crimine fuisse
damnata in illo iudicio iniquo, illegitimo, fal-
so, nullo illius Cardinalis Saldanhæ, cui ea ju-
ris esse dictio a Romano Pontifice interdicta.

Alterum: In illo Consilio Carvalhiano, Tribu-
nali, inquam, *Inconfidentiae*, a quo illi Jesu
Lusitani Socii sine causæ dictione iudicati sunt
conscii Parricidii Regi, ab uno Carvalhio calum-
niosè excogitati, nunquam probatam ullam fuis-
se in Regem conjurationem. Tertium: Per ve-
nales Quæsitores Fidei, a Carvalhio sine ulla au-
toritate suppositos, Malagridam, nullius cri-
minis, nullius impietatis Reum, fuisse pro Hæ-
resiarchæ supplicio affectum.

§. CX.

*In integrum Causa Lusitanæ Societatis
ex Jure Naturæ restituenda.*

Quæ quorsum omnia spectent, ne tu ipse
quidem, mi Bolane, non apertissime vides.

Ego vero non recusem etiam arbitrio tuo,
quæ duo jam dicam, dijudicanda permittere.

Primum: Utrum ne Lusitana Jesu Societas,

Par. I.

P p

Ne-

Negotiationis profanæ, Majestatis, & Religionis crimine iniquissimè damnata jure suo postulet, ut de integro sua ipsius causa legitimo judicio permittatur, cui & Judex cum auctoritate præsit, & in qua Lusitani Jesû Socii pro se dicere de more possint? An tu ipse sis Jesû Sociis negaturus eam actionem, quam Naturæ jura, quam omnium Gentium mores, quam omnium Civitatum leges cæteris hominibus non posse se negare profiteantur?

§. CXI.

Lusitanis Jesû Sociis innocentibus Status pristinus reddendus.

Quid hoc alterum, mi Bolane? Si in ea Jesu Societatis causa, semel in integrum restituta, constare omnibus cœperit, illam pristinam Sententiam, sive publicam, sive privatam, sive a Rege, sive ab ejus Ministris, sive a Saldanha, iniquam fuisse; Utrum tu statues? Ternerine summos Magistratus, & Sacros, & Civiles, post iniquitatem illius sententiæ compertam, judicium totum rescindere Jesû Socios in religiosum pristinum statum restituere, eos non pœna modo, sed crimine, culpa, suspitione etiam absolvere? An posse eosdem innocentissimos exu-

les, decessorum suorum magistratum sive errore inculpato, sive etiam fraude, & dolo malo punitos, in iisdem malis infamiæ, inopiæ, exilii, miseriæ in æternum tempus salva conscientiæ suæ fide, deserere? Utrum tu sis arbitraturus, ipse videris. Alii quidem plerique omnes, quos pristinus ille splendor Jesu Societatis hodie neque excæcat, neque jam perstringit, illud palam, aperteque loquuntur. Eos Jesu Socios in idem illud religiosum Corpus jure suo esse revocandos.

Esto, ajunt: fuerit Ordo ille religiosus per istam potestatem æconomicam, denuo licentiæ causa, in rempublicam immissam, idest per invidiosum Ostracismum, per communem obtrectationem aliorum Ordinum, in exilium a Principibus ejectus; fuerit per arinatas Scribarum preces, per supplices minas Regum nomine, potestate Apostolica dissolutus: quid tum postea? Ubi injuria illi Corpori illata, luce meridiana clarior in oculis omnium ipsa se prodere, ipsa apparere, ipsa clamare cœperit; non illorum Regum, & Pontificum Successores jure summo adigentur, ut quæ Majores sui male consuluerint, ipsi corrigant? Ut quod vulnus Innocentiæ Decessores sui fecerint, ipsi sanare moliantur? Ut quod Corpus religiosissimum, cum tanta disciplinæ christianæ jactura, cum tanto do-

Par. I.

P p 2

ctrinæ,

etrinæ, probitatis, eruditionis detrimento ante illi confectum, perditum, dissolutum, extinctum voluerint; ipsi postea in hac tanta Ecclesiæ totius perturbatione, in his assiduis bene, saneque sentientium quærelis, in hoc tanto discrimine religionis, pacis, concordiæ, pietatis, fidei; in ista pudenda, ac nefaria & Philosophorum, & Novatorum, & Epicureorum victoria, non tenebuntur, averruncandarum cladum tantarum causa se retekentes, illud idem, veluti e morte media revocatum, in pristinam & vitam, & salutem, & industriam, & utilitatem communem per vocem Pontificiam restituere?

§. CXII.

*Vota Bonorum pro revocanda Jesu
Societate in Jura Religiosa.*

QUod, si tibi tota hæc controversia nondum liquere satis, mi optime Bolane, videatur, (neque enim de te suspicabor id, quod in nonnullis nuper observabatur, malle eos funditus perire naufragio communi, quam rursus in portu salvos Jesu Socios una secum videre, illud iterantes carmen impium, atque immane „ *Pereant amici, dummodo inimici pereant simul*: „) Si tibi, inquam, sit adhuc dubium: Utrum

Utrum sit Jesu Societas in pristina & salutis, & religiosi statûs, & famæ jura per Magistratus cîviles, & sacros restituenda, nec ne sit; Interroga, quæso, & Theologiæ, & Juris utriusque, & historiæ consultissimos Viros.

Quamquam quid opus est, te eos interrogare? An non audis quotidie querelas & Episcoporum, & Ministrorum Ecclesiæ Catholicæ, & omnium bonæ frugî hominum, qui, cum in suis Ecclesiis Juventutem eruditione pristina carentem videant, omne litterarum genus miserum in modum neglectum doleant, studium doctrinæ christianæ ubique inminutum, Sacramentorum frequentiam per speciem rigidioris Ethicæ desertam, populi disciplinam sensim in disolutam licentiam, a licentia in exitium probitatis, honestatis, continentiæ, modestiæ frugalitatis dilapsam iniquissime patiantur; Ipsi votis omnibus ab æterno rerum omnium Moderatore optant, iteratis precibus a Magistratibus postulant, ut remedium ab illa Jesu Societate rediviva huic tantæ temporum iniquitati, & hominum perfidiæ petunt, a qua ante, salva & incolumi, fortiter obsistendo, iter tot gravissimis malis occludebatur?

Quod si tantis clamoribus bonorum omnium aures, mi Bolane, nolis præbere faciles; fac, obsecro, Epistolam vigesimam primam Tomi quar-

ti cujusdam Angli ad Dominum Caraccioli, Vltæ Clementis XIV. Scriptorem, legas: ubi Dialogum gallica lingua (a) editum inter Præsulem, & Theologum, & Conventualem Franciscanum reperiens, qui te de hac re tota plane erudient.

§. CXIII.

*Exempla ab Historia Ecclesiæ, injusta
judicia corrigentis.*

NEquè non præsto ab Historia Ecclesiæ exempla habeas, quibus serpenti isti malo obviam iri facillime possit, si antiqua monumenta voles breviter evolvere. Vin' religiosos viros, per summam calumniam, per hæreticam coitionem e patria pulsos, rursus Auctoritate Regia in sedes patrias, in antiqua jura, in pristina ministeria, Divis hominibusque plaudentibus; videre restitutos? Non longe abieris: Legere tibi licebit in Josepho Juvencio (Hist. Soc. p. 122.) Jesu Socios Gallos 2. Januarii 1604. ab Enrico IV. Rege ab exilio, in quod eos anno 1594. Calviniana factio ejecerat, reductos.

An quod ad salutem Religionis Catholicæ Henricus,

(a) Parisiis in Typographia Joan. Vincentii de Petit in via Fratrum Conventualium sub signo S. Laurentii an. 1777.

rius, & Nomine, & Majestate, & respsa Maguus, sibi faciendum putavit hoc ipsum dedecere se alii Principes putabunt? Maxime cum ipsi per se experti jam sentiant, una cum Jesu Societate e Civitatibus suis doctrinam, probitatem, disciplinam castigatorem fuisse magna ex parte exturbatam, expulsamque?

Vin' rursus, mi Bolane, perperam latam ab Ecclesiastico Judice sententiam videre optime per Ecclesiam ipsam rescissam, atque correctam? Baronius ad annum Christi 897. tibi pluribus narrabit, Joannem IX. Pontificem Maximum, probante Ecclesia tota, vindicem sese acerrimum Formosi Pontificis præstitisse, quem mortuum ab Stephano IV. summis injuriis affectum, in possessionem fanæ, dignitatis, innocentie, revocatis Stephani Actis, ac judiciis, in quibus humana potius cupiditas, quam Pontificia potuisset Auctoritas, restituendum a se existimabat.

Quid vero illud tibi narrem de Antonio Viera, a Quæstoribus Lusitanæ Fidei per calumniam damnato, & a Romano Pontifice postea absoluto? Rem paucis, si placet, accipe. Biennium totum aliena culpa reus Viera apud illos Fidei Quæstosores, ad extremum suspitione hæreseos a potentia, invidia, odio inimicorum damnatus; per libellum supplicem, Regi Fidelissimo Petro II. traditum, illud est consequutus, ut

Ro-

Romæ Clemens X. ejus causam incurrupto judicio de integro cognoscendam comitteret. Romæ ita manifesta apparuit Lusitanorum Quæsitorem injuria, ut Clemens per Litteras Apostolicas Vieriam omni hæreseos suspitione absolverit, eumque, dicat, „ Eximius a quacunque jurisdictione, potestate, & auctoritate Ven. Fratris Petri Archiepiscopi Sindens. Generalis Quæsitore, ac dilectorum Filiorum, reliquorum Inquisitorum adversus hæreticam, & apostaticam a Christiana Religione, Fideque Catholica in Portugalliæ, & Algarbiorum Regnis, Auctoritate Apostolica deputatorum, nunc, & pro tempore existentium . . . “ Quare eum subjecit Supremæ, & Generali Inquisitioni Urbis. (a)

Tandem quid de libris malè censura notatis loquar? Mitto complura exempla eorum Librorum, quibus malè prius notatis, postea jus æquum redditum, deleta prioris notæ iniquitate. Unum dumtaxat judicium proferam a Quæsitore Supremo Joanne Thoma Roccubertino male in XIV. tomos Actorum Sanctorum latum, quod deinde a Supremo ejusdem Inquisitionis Hispanæ Quæsitore Francisco Cardinali del Giudice

(a) V. Bullam Clementis X., *Religionis Zelus*, apud Hieronymum Mainardi p. 312., & vitam Vieræ, Auctore P. Barros, & Boni. Ratioc. p. 138. Anecd. Ital. tom. 2. p. 242.

ce (a) infirmatum est V. Adnot. XVIII. *In causa*.

Hic, mi Bolane, profecto vides, quid in causa Malagridæ, a Carvalhianis Quæsitorebus tyranni odio proditi, & postulari jure cum consensu Regiæ Aulæ ab illius Sociis, & non nisi injuria possit Romæ negari. Verum, ne tibi videar in re & manifestissima, & acerbissima vanam historiæ cognitionem velle ostendere, ne illud quidem pluribus persequar, quod necdum oblivione per ætatem extinctum norint omnes: alios nempe Ordines Religiosos, & Servorum, & Sancti Joannis de Deo, & Scholarum Piarum, præproperato judicio prius e medio sublatos, veritate postea comperta, fuisse Auctoritate Apostolica in statum pristinum restitutos. Quæ cum ita sint, vide, mi Bolane, quid illud Bernardi (b) in causa Jesu Societatis per injuriam oppressæ, valere debeat: „Apostolica Sedes, (& Imperium) hoc solet habere præcipuum, ut non pigeat revocare, quod a se forteprehenderit fraude elicited, non veritate promeritum. “

Par. I.

Q q

Dic,

(a) Ejus Decretum Hispanicè editum legi potest tom. VII, Sæctorum Junii p. 34. & in Supplem. Apolog. pag. 118.

(b) Epist. 108. ad Innoc. II.

Die, quæso, mi Bolane; quis demum est hodie, qui ignoret, jam multis ab hinc annis manifestissimam fuisse in Lusitania Jesu Societatis Innocentiam? Quis est paulo magis æquus rerum æstimator, qui non sæpissime mirari se dicat, tam male cum Jesu Sociis agi, ut, cum de sententia duodeviginti Judicum Innocentes sint omnes ii pronunciati, qui ficto Regicidii intentati crimine fuissent per Carvalhium iniquissime puniti; Jesu tamen Socii, ea calumnia in primis crudelissime vexati, nihil juris, nihil æqui, nihil boni, nihil, quod ad eorum vindicandam publicè Innocentiam faceret, sint adhuc assecuti.

Nihil ne valuisse, ajunt, ad levandas eorum hominum, eorum Civium, eorum Sacerdotum integerrimorum ærumnas, ad abolendam infamiae notam, ad exsolvendum superstitis adhuc erroris nodum tot Judicum sententiam?

Nihil illis profuisse Acta judicialia, tam diligenter ad condemnationem Carvalhii in Lusitania confecta? Nihil auxilii tot innocentibus exulibus tulisse tot libellos supplices, publicis Magistratibus exhibitos?

Nihil admodum: Oh rem acerbam! Oh miseram innocentis Jesu Societatis conditionem! Oh victricem potentissimorum inimicorum gratiam! Oh tyrannicam Philosophiæ impiæ cum
Jan-

Janseniana hæresi coitionem ! Qui injuriæ , calumniæ , tyrannidis in Jesu Socios fuerint rei & confessi , & convicti , pœnas aliquas , quavis non sane pares Regibus dederint : Qui verò injuriæ tantam atrocitatem tot jam annos patientissime tulerint ; ii Jesu Socii sub tanto pondere oppressi gemant , nullam æqui bonique partem sentiant ?

Et mirentur in præsentia viri boni tantam pietatis , fidei , probitatis , conscientiæ , ac disciplinæ in re , ad Ecclesiam spectante , fieri immutationem ? in re vero publica aut nullam hoc tempore obsequii , modestiæ , pacis , concordiæ , aut vix rationem haberi ? In Provinciis jam plurimis palam Christi Religionem impie , ac petulanter abjurari ? Seditionem ex alia in aliam Civitatem furiose grassari ?

Scilicet illud est : Fundamenta terræ concutientur : (Psalm. 81. v. 5.) ubi ultor injuriæ publicæ Deus pœnas ab iis repetat , qui inopis causam negligant ; qui potentiam publicè in miseros grassantem non reprimant , qui salutem Piorum , qui Religionis Amplitudinem , qui Ecclesiæ felicitatem occultis machinationibus morentur , qui commodis privatis , bonis caducis , rationibus politicis eam postponant .

Par. I.

Q q 2


Nos

Nos vero rem totam arbitrio Supremi & Domini, & Patris indulgentiæ committamus, a quo in silentio, & patientia opportunam salutem rebus Ecclesiæ precati, eam sine dubitatione expectemus.



Honor Regis judicium diligit . Psalm. 98. 3.

NOTÆ QUÆDAM ET ANIMADVERSIONES AD TRIUM JUDICIORUM DISSERTATIONEM.



Animadversio I. §. IX.

Illud ipsum Parvum Volumen, cui Titulus: „Brevis Relatio
„Reipublicæ, quam Religiosi Societatis Jesu Provinciæ Lusitaniæ, & Hispaniæ in utriusque Imperii ditionibus constituerunt, & Belli, quod in eisdem declararunt, & sustinuerunt
„adversus Exercitus Hispanum, & Lusitanum“ quam, variis condimentis, vel venenis potius magicis adhibitis, varietatem, & speciem multarum deliciarum Asseclis Carvalhianis postea præbebat? Alius ex illo sibi mellitos, alios libros apparabat; (a) qualis erat: *Respublica Jesuitarum Marinoniæ*: qualis erat: *Historia Nicolai I. Regis Paraquariæ*, cujus in cerebro Carvalhii latentis Regis sumismata a famoso quodam, & falsi crimine Matrili convicto excusa ferebantur. Ego nomen illius non reverendi hominis causa, sed Religiosi Ordinis gratia, quem ille professus fuerat, reticendum existimo, donec ejus causa a legitima potestate recte atque ordine decidatur: qualis erat, *Lusitani Administrum Epistola ad Administrum Hispaniæ, super Imperio Jesuitarum*: quæ & alia complura ejusdem mali commatis scripta, nullo ferme auro venalia, per Carvalhii emissarios non vulgo tantum, quasi pia quædam Commentaria gratis distribuebantur, sed multo auro illata in manus principum, Cardinalium, Pontificum tradebantur.

Animad-

(a) *V. Anecd. Ital. tom. 1. pag. 133.*

Animadversio II. §. XIII.

QUæ mala boni illi Guarani in septem Oppidis suis lamentarentur, ea erant omnia ab impio bello profecta, quod scelerè, atque avaritiâ Carvalhii ibi exarsisset. Ille, cum per Gomezium, cum per Fratrem suum Mendozam admonitus, in animo imbibisset, in iis finibus, agrisque Guaraniarum auri, & argenti fodinas latere uberrimas, quæ neque fictæ, neque pictæ, neque visæ unquam ibi fuissent; primo dederat operam, ut fœdus Matrili feriretur, ex quo fœdere pro una colonia Sanctissimi Sacramenti Ditionis Lusitanæ ad amnis Platani ostia sita, Hispani septem Vicos una cum illorum agro & uberi, & amplissimo Lusitanis concederent; illud etiam sibi pollicitus fore, ut prolatis Lusitanæ finibus, propius Potosinum avaritiâ suorum civium invaderet.

Deinde cum per Guaranos, Pagorum incolas res in longius erium annorum spatium extrahi Carvalhius videret, impotentis animi avaritiâ percitus, simul etiam veritus, ne iniquitate fœderis apud Hispanos vulgata, commutatio tota in irritum evaderet; non cessavit rem totam urgere apud Valdelirium usque eo dum miseris Guaraniis bellum anno 1754. (a) ab armis & Lusitanis, Hispanis inferretur. Postremo Vicani septem illorum Pagorum, partim Lusitana fraude capti, partim vi exercitus Hispani victi, suam apud Zeballium & vicem, & imprudentiam Jesu Sociorum, qui suis præessent Ecclesiis, stetisse dicebant, quominus e suis Pagis jussu Regis in novas sedes emigrassent.

Et verò erat, cur non Vicani illi modo, sed omnes ubique gentium boni, injuriam Carvalhii conquererentur, qui per suos & duces, & milites sanctissimam illarum Ecclesiarum disciplinam, quam ne primævæ quidem Ecclesiæ Sanctitati cedere, omnium testimonio constabat, in licentiam, ac turpitudinem Lusitani fornicis convertisset, cum miseros illos Vicanos partim in servitutem redgissent, partim in deserta loca fugere Lusitani compulissent.

Non est animus hoc loco plura de hujus belli atrocitate deplorare.

Hoc unum addidero; ex illo fœdere inito mense Februario 1753. atque a Carvalhio crudelissimo, ac prorsus inepto 1754. executio-

ni

(a) *Anecd. Ital.* tom. 1. pag. 27.

ni mandando, pſſima mali labe, tantam in illas Paraquariæ sanctissimas, dum fidei fuere commissæ Parochis, sive Missionariis e Jêsu Societate, Ecclesias strigem, perniclem, ruſnam perveniſſe, ut, ubi Paradisus innocentis Religionis, Sanctitatis per duo ſecula sæcula vigiſſet; (teſta Ludovico Antonio Muratorio in opere, cui titulus Christ. Felic.) ibi poſt paucos annos inaudita Lupanaris lascivia foſteret: ubi numerus Oppidanorum ad centum millia, atque eo amplius fuiſſet; ibi ad annum 1780. vix decem millia recenſerentur.

Illud hic poſtremum prætereundum non eſt, Carvalhium liberalem & munificum fuiſſe erga eos omnes Reipublicæ Marinoniæ Operarios, qui furioſis, & ſagrilegis ejus mandatis obtemperaverunt. Joannes Gomeſius de Andrade, Urbis S. Sebastiani Prætor, & exercitus Luſitani Imperator, Pagorum eversor, novo Comitæ de Bobadella titulo donatus (a) Michael de Bolhoens Dominicanus Episcopus Paracensis, Jeſuitarum eversor, potius quam viſitator, a Carvalhio ad Leirenſem Sedem translatus, (b)

At inter omnes Operarios gratiſſimos, maximisque ab ipſo ob præclara merita beneficii aſſetor, etinuit Franciſcus Furtado de Mendoza: hic Reipublicæ Marinoniæ adilis fabulæ inventor, ne dicam ridiculus Sômiator, in præmium rei bene geſtæ Ulyſſiponem vocatus, & amoto Joachimo. Costa Cortereale, (c) qui ſuper tranſmarina re ab intimis Conſiliis erat, & ob notam probitatem Regi cariſſimus, novo hoc titulo a Carvalhio Fratre decoratus fuit.

At vix anno 1760. Ulyſſipone appulſus (d) quarto poſt die tumore interno, ſeu apoſtemate rupto, inopinata morte ſublatus, ejusque corpus intolerabilem exhalans odorem, ſtatim terræ mandatum fuit, & iniquitatis ſuæ fructus; quò vix poſitûs jam erat, ſtatim caruit.

Animæ

Anecd. Ital. tom. 1. pag. 111. & ſeq.

Animadv. 3. in vitæ P. Correæ pag. 291.

(a) *In vitæ P. Correæ pag. 295.*

(b) *Ibidem pag. 187.*

(c) *Animadv. 9. Correæ pag. 268.*

(d) *Anecd. Ital. pag. 133.*

Animadversio III. §. XVII.

SI res ipsa posceret, liceret mihi longas, & amaras historias scribere, ex quibus costaret, Patrocinium pro libertate Americanorum populorum, qui ad Religionem Christianam animum adiecissent, a Jesu Societate constanter ab initio susceptum, ipsi Societati & erumnas maximas, & eas demum calumnias ab Europæis Americæ Colonis peperisse, quibus ipsa Jesu Societas capta, & oppressa ad extremum fuerit.

Urbanum illud quidem Breve una cum Regiis Edictis anno 1642. Jesu Socii Lusitani adversus oppressores Neophitorum obtinuerunt; quod cum Sebastianopoli (a) eo ipso anno rite denunciatum fuisset, Lusitani Coloni, indignum facinus Jesuitarum clamantes, coorta ingenti seditione ad Collegii ædes tumultuati, mortem illis Jesu Sociis, nisi a vindicandis in libertate Indigenis (b) superfederent, ferociter minitabantur.

Quo eodem anno, eademque quoque de causa Jesu Socii Lusitani per vim ex duobus Oppidis Brasiliz, & Paulopoli (sive Urbe Divi Pauli (c) & Sanctopoli (oppido Sanctorum) expulsi exitium ad 12. annos pertulere.

Cum anno 1652. opera, et rogatu Jesu Sociorum Joannes IV. Lusitaniz Rex Edicto jussisset: Indigenas Americanos, quicunque ad eam diem servitutem perpessi fuissent, in libertatem asseri: eam rem iniquissime passa Urbs Ludovicopolis, (Sancti scilicet Ludovici) apud Marinonianos, per seditionem Jesu Socios ejecisset (d) nisi pro potestate Prætor Salvator Correa de Sa injuriæ Popularem, ira furentium, adversatus fuisset.

In tanta tamen invidia Europæorum, Americæ Incolarum, Antonius ille Vieira e Societate Jesu & ingenii, & eloquentiæ, & Apostolice prædicationis laude clarissimus, sibi non temperandum esse duxit, quominus anno 1655. ab eodem Rege Joanne IV. legem ferendam (e) curaret, quæ Brasilianos Indigenas in servitutem, ac nexum abduci, nisi justissimis quibusdam de causis, vetaret.

Animad-

(a) *Animad. I. ad vit. P. Corr. pag. 169.*

(b) *Ibidem.*

(c) *Ibidem pag. 170.*

(d) *Ibidem.*

(e) *Ibidem pag. 171.*

Animadversio IV. §. XVIII.

REs tota in hunc modum se habuit. Lusitani Paraneses illud piratici latrocinii genus ad flumen Orinocum exercuerant anno 1737., & duobus proxime sequentibus, in vicis Hispanæ Ditionis, unde in servitutem Indigenas abriperent; quod sæpe alias in finitimos Guarianos soliti erant exercere.

Hispani Jesu Socii, qui Ecclesias in Orinocianis Pagis moderarentur, per Philippum V. Regem suum, ad quem plagium Lusitanum detulissent, a Benedicto XIV. eas Litteras, in Brevi Censorio indicatas, facile impetrarunt 20. Decembris 1741.

Hæ Litteræ a Romano Pontifice Ulyssiponem missæ; ab Aula Lusitana non sunt tamen per aliquot annos in Marinonia denunciatae, quas Joannes V. contentus, opinor, plagiariorum Civium incursum illas coarctasse, semper voluerat suppressas.

Carvalhoius vero, qui a secretis Josephi I. esse cœpisset anno 1750. adeo denunciationem earum Litterarum, quas Benedictus commemorabat, non maturavit, ut vix tandem eas ex Edicto Josephi I. ad annum 1757. de Mense Decembris denunciandas in Marinonia curaverit.

Ejus cuncationis causam nihilominus flagitiosa, quam impia Carvalhoii avaritia substinebat, qui septem illos annos abusus Regio nomine, cum vendicaret illos miseris Indigenas, suis Lusitanis, omnem illam pecuniam domum ipse suam avertebat.

Nam cum ex Litteris Pontificiis, atque ex Regio Edicto in Marinonia anno 1757. tandem denunciatis; servos illos in libertatem pristinam emptores Lusitani restituere cogerentur; ille optimus vindex, Ultor, Patronus Carvalhoius Americane gentis, ne libellam quidem unam, pretii, a se ante capti, iis restituebat, qui ante Servos a se Mangone avarissimo, perfido Pirata, impio plagiario emissent. (a).

Quam impurati animi sabem, quæ illum suis Lusitanis execrabilem effecissent, non alio piaculo a se purgandam existimabat, quam si apud Lusitanos per simplicem veritatem Societatis (b) homines has Litteras Benedicti XIV. — *Immensa Pastorum Principis* — reipsa obtinuisse, atque adeo Indorum libertatis acerrimos defensores fuisse, conficeretur; apud exteras vero Nationes per Breve
Par. I. R f Censo

(a) *Anecd. Ital.* tom. 1. pag. 39.

(b) *Ibid.* pag. 122.

Censorium, per flagitiosissimam calumniam suspectos Jesu Socios
eius plagii, cujus ipse in primis esset reus, novos Janas Bifrons
efficeret.

Adnotatio V. §. XXI.

Cum Saldania in Edicto suo præfaretur, se plane edoctum fu-
isse de crimine mercaturæ profanæ per Jesuitas frequentatæ,
verèdè, ne quod a lege humana aliquando conceditur, hoc ipsum
in legem naturæ perperam transulerit.

Eti enim leges positivæ jure communi, uni Judici supremo
permittunt, reos delictorum atrocium *infragranti* deprehensorum,
sine solita fori formula damnari posse, ex de causa, quod factum
est, & publicum sit loco Accusatorum, & Testium, neque
eis det publicam in judicio defensionem; tamen hac permissione
humani juris, legi naturali derogari non potest, quæ jubet defen-
siones saltem privatas, semper salvas esse debere, quæ denegare
ordinario nequeunt ulli reo per quancumque exceptionem a quo-
cumque Judice sacro, & profano etiam supremo. Omnis enim
Judex, (sive Princeps, sive etiam Romanus Pontifex) legis natu-
ralis imperio subjectus sit, oportet, a quo ne Deus ipse quidem
illud exemit, cum nolit, aut non possit in lege naturæ dispen-
sare.

Id quod ipsi docent Romani Pontifices. C. I. de causa posses. &
proprietas his verbis. „ Se nihil contra partem *inauditam* desu-
mere posse. „ Num Saldanha potest in causis criminalibus, quod
Pontifex Romanus non potest in causis civilibus.

Adnotatio VI. §. XXVI.

Operæ pretium me facturum existimo, si paucis complectar,
quæ ad paternam novorum Christianorum administrationem
Jesu Socii apud Lusitanos in America traditam, spectant. Equi-
dem jam nunc profiteor, quæ in ea re dicam pauca, non eo a
me dici animo, ut invidiam eam inflammem, qua hoc potissi-
mum sæculo flagrant & Lusitani, & Hispani America Sessores,
quorum crudeli dominio (sic enim illud vocant isti e Korea im-
pii Philosophi Scriptores) antiqui America incolæ maximam cer-
te partem evanuisse, aut peri, aut perisse male potius dicantur;
sed ut charitatem Jesu Sociorum, maximam Regum Lusitanorum

(& Hispanorum) voluntate defensam, in tuenda Neophytorum salute, clarius aperiam.

Cum a principio usu cognitum esset, parum consuli, si non a Praefectis Regiis, certe a non paucis Incolis Lusitanis, vitam, salutem, libertatem, Christianam ubique eorum Neophytorum disciplinam, quos a Jesu Societate Sacerdotes, & filios, ac mapalibus in vias, eos, atque oppida congregassent; ea coepta est iniri ratio, ut Palachi una cum animarum salute, cetera vitae commoda ista populis, per se & rudibus, & inertibus, & otiosis procurarent eo-petitissimum consilio, ne rursus & amore nimis libertatis, & odio durioris imperii Europaei, prodita Religionis professione, in vastas silvas dilaberentur.

Dici vero vix potest, quantopere Colonis Lusitanis, ea cura Patrochorum, volentibus Regibus suscepta, displicuerit, quae impotentiori illorum & cupiditati, & dominationi impedimento foret. Quare Coloni Maranhoniani, Parantenses, Brasilienses cum impetu ea de causa in Jesu Socios, tanquam rerum suarum, bonorumque eversores, facto, eos a Collegiis an. 1661. expulissent; gravissimas maximarum injuriarum poenas per Antonium Vieriā, clarissimum Jesu Socium, deprecati; ab *Aloysta Regina*, *Alphonso VI.* Tutrice fussi sunt Collegia Jesu Societati in Maranhonia, in Paragala, in aliis Provinciis restituere. (a)

Alphonsus deinde VI. cum videret adhuc in Maranhonia ea de causa tumultuari, anno 1663. pacis studio iudabat: Jesu ibi Socios pagos Neophytorum viginti quinque tenere, reliquos viginti quinque Religiosos Parochis aliis instituti cedere, in quo Verbum verum illud erat Joann. 4. 37. *Alius est, qui seminat, & alius est, qui metit.* (b)

Re ita constituta, cum intervallo septem, & decem annorum compertum ibi esset, in pagis quidem Jesuitarum rem bene procedere, quippe qui paterna cura Neophytis omnia ad victum, cultumque suppeditarent; ipsi sibi nihil, emolumenti pararent; in aliis vero Pagis diutius sili non posse; cum & Parochi sua, non quae Jesu Christi essent, quererent; & stipendia sibi, suis etiam necessariis, ac cognatis a tenuissimis Incolis, & popularibus supra eorum facultates exigerent, & eosdem acrius, crudeliter imperando, eo adigerent; ut rursus ad mapalia, ad

Par. I.

R. 1. 2.

Silvas.

(a) V. *Animad.* 1. ad *vitam* P. *Correa* p. 170. & seq.

(b) V. *Anecd. Ital.* tom. 1. c. 116.

silvas, ad vitam agrestem refugerent. *Petrus II.* litteris Episcoporum, & Regionum Praefectorum de re tota certior factus, anno 1680. curam paternam eorum Pagorum Jesu Sociis restituendam apud Maronianos, & Parientes edixit. (a) Bene cum Indigenis actum cum multis esset annos; Lustani Maronenses avaritiae stimulis in Neophytos, eorumque Parochos, ac Patronos exagitati; anno 1734. Legatum Ulyssiponem miserunt, Paulum Silvam Nunezium, qui per famulos libellos, calumniis in Jesu Societatem refertos, ab Joanne V. Edictum auferret, per quod iis Parochiae procuracione civili eorum Pagorum interdiceretur.

At Rex ille Sapientissimus, (quamquam (b) litteris Joannis de Maja Maroniani Praetoris sui anno 1725. rem totam cognitam jam habuisset); tamen mittendum sibi denuo Legatum in Marinoniam, qui secreto in eam rem inquireret, Franciscum Eduardum Sanchezium existimavit. (c)

Is ad annum 1736. e Marinonia Ulyssiponem reversus sine furo, ac fallacis legationem in haec verba Joanni V. renunciabat.

„ Quamvis, inquit, multa adversus Jesu Societatis Patres ejus
„ assidui obrectatores & odio, & invidia occrecati ad Majestatem
„ tuam detulerint, calumniati, plurima in illis Missionibus, sive
„ Praeciis Indigenarum emolumenta in rem Jesu Sociorum redire:
„ Ego liquido tibi jurare possum, re tota per me quamdiligen-
„ tissime quæsit, ac penitus cognita, eos solos e Jesu Societate
„ Patres veros, ac legitimos esse in Marinonia Missionarios, qui
„ ex eis Neophytorum vicis nihil in rem suam convertant;

Ergo Joannes V. quem fraudes Accusatorum ab avaritia, ab invidia, ab obrectatione profectæ, haud facile laterent, testimonio præterea Legati a se hominis integerrimi motus, novo decreto Neophytorum procuracionem Jesu Sociis commendavit an. 1736. (d)

Tandem Franciscus Mendoza Carvalhii Frater Marinoniae Praetor Regius, cum & Fratri suo morem gerere, & vindictæ ipsæ suæ servire vellet, qui se apud Regem de variis criminibus suspicaretur postulatam – jure vero ab omnibus fere Ordinibus fuerat postulatus – calumniam illam millies de negotiatione Jesuitarum propositam, rursus iterandam existimavit, quam facile Carvalhio probarem jussus Saldanbia Censor edicto illo suo coereret.

Adno.

(a) *Anecd. Ital.* tom. 1. pag. 116.

(b) *Animad.* 1. ad vitam P. Corr. pag. 175.

(c) *Anecd. Ital.* tom. 1. p. 117. & seq. (d) *Ibid.* p. 118.

Adnotatio VII. §. XXIX.

Non arbitror silentio hoc loco prætereundum, quid ab ira feraciori Carvalhii Bottellio acciderit, qui ausus fuisset ad iuris formulam, non ad libidinem illius in Causa Jesuitarum Bajæ Versari.

Acta Bottellius legitime confecta Ulyssiponem misit. Carvalhius primò mirari, siquæ innocentes putaret, quos ipsa præjudicato odio reos haberet. Deinde furore percitus ire in Bottellii vindictam præcepit. (a)

Sanctissimum Archiepiscopum e vestigio perduellionis reum a se indicatum, edito decreto septimo idus Januariæ 1759. e Sede, Præfecturaque Ecclesiæ deturbare; litteris mox suis auctoritatem Regiam de more mentitis a Clemente XIII. enixe postulare, ut Bottellio, quem cavillaretur abdicasse sese ipsum Archiepiscopatu, Successorem nominaret. Clemens vero ex jure canonico agendum sibi ratus fuit, eo usque dum tibi de Bottellii abdicatione legitimis ab eo ipso litteris constaret; — nunquam tamen eas litteras Romam misit Carvalhius. — Hinc Bottellius per vim a Sede sua depulsus reliquam vitam, veluti privatus in solitudine, in qua sanctissimè obiit, peregit. (b)

Ibi atrociter & Clementi, & Bottellio, & hominibus divisque omnibus iratus Carvalhius in Bottellii locum ultro, quasi Summus Pontifex, sufficit cum juris sacri ditione Bajæ Ecclesiæ Administratorem sine venia Sedis Apostolicæ, repugnante ipso Clemente Pontifice Maximo, Franciscum Emmanuelem a S. Agnetæ Carmelitanum Excalceatum Angolæ Episcopum, Carvalhianæ Sæcæ acerrimum Clientem. (c)

Idem Carvalhius — quasi occupare vellet eam injuriam, ac contumaciam, quam in Gallicanis istis Comitibus planè tyrannicis anno 1790., & 1793. Pius VI. damnavat — auctoritate sua destinabat Administratorem Angolæ (d) Ecclesiæ Franciscum a S. Thoma, quem virum spectatè integritatis Ordinis S. Dominici, a Consilio, sive Tribunali Quæstorum Fidei apud Lusitanos ammotum,

(a) *Anecd. Ital. tom. 2. pag. 147.*

(b) *In vita Emmanuellis Corræ pag. 59. & Anecd. Ital. tom. 2. pag. 147.*

(c) *Anecd. Ital. tom. 2. pag. 14.*

(d) *Bon. Ratioc. pag. 68.*

tum, vehementissime cupiebat, quò impunius etiam in illo consilio sanctiore ipse Regius Minister dominaretur.

Ergo Sedes Bajeus Ecclesiæ, orbis legitimo Archiepiscopo, Excalceato Invalori prodita ad annum 1777. Vidua, tandem rogatu Fidelissimæ Reginæ eo anno a Pio VI. destinata fuit Antonio a S. Josepho ex Augustiana Familia (a) viro Sanctissimo, in Maritonia ad S. Ludovicum jam pridem Episcopo illi, cum antea in Martinsia Litteris Pastoralibus pro Jesu Sociis palam ausus esset venire, quorum & bonam nominis famam, & sanæ doctrinæ integritatem ab Asseclis Carvalhianis atrociter, & impunè laeterari non est passus; pro imperio Carvalhii ab Ecclesia sua abstractus, jussus fuit Leiriz in Lusitania exulare; ibique conclusus in Cœnobio suorum Fratrum, quasi in custodia vivere ob unam illam noxiā, judicio Novioris Sejani capitalem, quod & hiscere contra se ausus, neque omnes Jesu Socios Carvalhiano odio esset detestatus.

Neque adeo tamen Carvalhius impotentissima tyrannide apud Lusitanos valuit, ut alios omnes Ecclesiarum Antistites, ab studio, ac consilio vindicandæ Jesu Societatis innocentie deterreret. Non deteruit illum Fratrem Regis Josephum, apud Lusitanos supremum Fidei Questitorem: non Gasparem Braganza Bracharensem Archiepiscopum; Ecclesiæ Lusitanæ Primatem: non Michaelē Tavoram Eborensem Archiepiscopum: non Farensem Episcopum apud Algarbidos; Laurentium a S. Maria Reformatæ disciplinæ Franciscanum: non Episcopum S. Ludovici in Maritonia Antonium a S. Joseph Ordinis S. Augustini (b) &c.

Atque utinam nulli fuissent Antistites, qui Carvalhii potius furori cedere, quam Clementis XIII. vim atrociorē Regii Ministri notantis, auctoritati obtemperare maluissent. Quamquam hæc tanta officij constantia in ejusmodi Sacerdotiis cum imperio certamine semper visa est in Ecclesia optanda magis, quam ab omnibus Episcopis speranda.

Vel ille ipse, cæteroquin jure laudatissimus Ulyssiponenſis Patriarcha Josephus Manoelius Eminentissimus Cardinalis, cum eorū Carvalhio suadenti, ut sacris Ministeriis pro imperio arceret Jesu Socios, obstitisset; ad extremum furenti Ministro, atque

(a) *Animad. 2. ad vitam P. Corrae pag. 126.*

(b) *Anecd. Ital. tom. 2. pag. 125.*

omnis Regio Nomine militanti, per ignaviam cessit; cum istius
modi Edictum vulgavit. (a)

*Justis de causis honoris Dei, & Majestatis suae Fidelissimè
judicamus suis Ministeriis interdendum esse Jesuitis omnibus,
qui in nostri Patriarchatus Collegiis, & Domibus (b) commo-
rantur.*

Datum Ulyssipone in Palatio nostrae Residentiae 7. Junii 1758.

Joseph Cardinalis Patriarcha.

Iussu Em. suae Christophorus de Roccia Cardoso. (c)

Illud verò, ut in malis, non omnino sibi male consuluit Ma-
noellus, qui animi morore oppressus, cum ab Edicto via, & se
vulgato in suburbanam villam Attalayæ Ulyssipone recessisset,
ibique ab egrotudine in morbum repentinum, ex quo non conva-
luit, incidisset, morti jam proximus ex formula juridica totum
illud Decretum suum retraxit, edita Palinodia (d) obiitque die
9. Julii 1758.

At quod ille Patriarcha extremo vitæ tempore vidit, sese Sedis
Apostolicæ Decreta Edicto suo violasse, edita in Constitutione
Clementis X. incip. *Suprema*, in qua sic legitur, „Attamen-
„ Confessiones audiendi facultatem omnibus simul *unius* Conven-
„ tus Regularibus Confessoribus adimi ab Episcopo inconsulta Se-
„ de Apostolica nullatenus posse. (e)

Hoc ipsam utinam alii nonnulli in ditione Lusitana Episcopi &
cupiditati Carvalhiæ, & suæ ipsorum ambitioni, & odio in
Jesu Socios non refragari aut vidissent, aut exequi voluissent!
Certè odio Carvalhiæ in Jesu Socios illi pauci debacchati fuisse
videbantur. (f) Alexius Enriquetius ex Ordine Prædicatorum Mi-
tandensis Episcopus; (g) Michael Bulboensis ex eodem Ordine
Episco-

(a) *Brev. Hist. expuls. Jesuit. pag. 87.*

(b) In Patriarchatu Societas Jesu novem numerabat Domici-
lia: septem Ulyssipone: duo extra Urbem Regiam, Collegium
scilicet Cetobricense, & Scalabitantum.

(c) *Anecd. Ital. tom. 1. pag. 204.*

(d) *Anecd. Ital. tom. 1. p. 178. & Bon. Ratioc. pag. 57.*

(e) *Apud Ferrarrium v. Regul. pag. m. 330.*

(f) *Anecd. Ital. tom. 1. pag. 190.*

(g) *Breviar. Hist. expuls. pag. 89.*

Episcopus Belensis apud Paranienses; (n) Joannes Cosmas de Cunha Canonicus Regularis S. Augustini Leirensis Episcopus, cujus in Diœcesi nulla Domus erat Jesu Societatis, (b) Franciscus Xavierius Aranha Olindensis in America Episcopus, (c) Antonius de Desterro Episcopus S. Sebastiani Fluminis Januarii in Brasilia.

Adnotatio VIII. §. XXXIV

DE patibulis – furcas hodie dicunt – a Carvalhio erectis res erat ejusmodi, ut vix esset habitura eadem, si in vetustioribus historiæ monumentis scripta legeretur, ac non in ipsis ejusdem ætatis diariis esset ex communi conscientia relata. Ille enim, ut Ulyssiponem ex otiosis, & vagis hominibus purgaret, dispositis a se Urbe tota, & custodibus, & vigilibus edixerat, ut si quem otiosum, sive male seriatum in foris, in triviis, in plateis, in vicis offenderent, eum confestim sine causæ cognitione, sine ulteriore quæstione, sine ulla juris formula, & tigillis infelicibus suspendenderent. Et verò eò horrore deducta res fuerat, ut Ulyssipo non paucos uno die suspendio (d) necatos conspexerit, quorum plerosque non ignaviæ culpa, sed durioris fortunæ necessitas fecerat male seriatos.

Quare clementissima Lusitanie Regina, ubi primum & se ipsam, ejecto ex Aula Pombalio tyranno, & liberos a quotidiana Ministri crudelitate cives suos vidit; nihil habuit prius, quam ut evertenda patibula, diruendos teterrimos carceres, a Carvalhio innocentie puniendæ extructos; ediceret; cum faciliore, atque humaniore consilio Ulyssiponensium quieti, ac securitati a nocturnis maleficiis caveret, & deensis per Urbem totam ex certis intervallis funalibus, & constitutis Militum, Lictorumque (e) perpetuis vigiliis, & apertis ad custodiam male seriatorum hominum publicis receptaculis.

Adno-

(a) *Anecd. Ital. tom. 1. p. 258.*

(b) *In vitam P. Corrae pag. 182. Anim. 2.*

(c) *Ibidem.*

(d) *Animad. 8. ad vit. P. Corrae p. 279.*

(e) *V. hist. an. 1780. pag. 266. typis Pitterianis.*

Adnotatio IX. §. XXXVIII.

AT enim primum quæras, quid tantum emolumenti sibi Carvalhius ex tam tetra, tam infanda, tam convicta calumnia pollicebatur, ut in omnia & divina, & humana jura, in omnium Divorum, hominumque odium; in æternam posteritatis infamiam prudens, vidensque se dare præcipitem non dubitaverit? Neque enim esse quemquam adeo vel natura immanem, vel moribus effratum, ut, nullo sibi bono proposito in maleficia tam atrocibus, tam nefariis, tam impiis ultro, & veluti animi causa, velit incurrere.

Tu quidem, si ita de Carvalhio quæras, cum prudentissimis nostræ ætatis hominibus facias, qui cum manibus ipsis Carvalhianam fraudem, atrocemque calumniam tenere se, dicerent; toti in causas tantæ illius amentię & furoris, & immanitatis intenti, alias alii inquirere, & reddere conabantur, partim ab inflammato quodam furore vindictę, quam de Tavorę, & Aveiri familia Carvalhius repetere concupisceret; partim ab avaritia maximè & sordida, et in omnes Lusitanie Cives infesta, quam ne posset diutius ferre impunitam, partim per Primores, partim per Jesu Socios, Regi ipsi probatos, Carvalhius maximè verebatur.

Ego cum tibi, Bolane suavissime, quanta Carvalhius in invidia omnium Lusitanorum, quanto esset idem in discrimine & famę, & fortunę, & vitę amittendę breviter exposuero, rem totam judicio tuo relinquam, quam potissimum causam sit ille cum extremi furoris: tum inaudite in Lusitanos, & Proceres, & Jesu Socios immanitatis sequutus.

Primum apud Patricios illos Lusitanie non ita multo post initum Ministerium, in summa esse cœperat, eaque in primis promerita, invidia homo novus Carvalhius. Quid ita vero? Ecce tibi rem rectè, atque ordine expositam.

Vix ille quidem e sordibus, quibus cum diu, multumque fuisset luctatus (a) in munus Regii Scribę, primique Commentariensis evectum, sese Carvalhius ambitioso Reginę Viduę favore vidit: cum alium repente & loco, & genere, & dignitate, & meritis se ratus, omnia insolita, immodica, fastigio suo altiora vehementer cœpit ambire.

Connubia suorum cum Patriciis illius Regni familiis apertè per-
Par. I. — §. — flulare;

(a) *Anecd. Ital. tom. 1. pag.*

stulare; filio quidem suo natu majori Virginem (a) Taboriani Sanguinis, minori verò Comitissam Alvæ Uxores petere, eundem Duci Cadavalensi, cujus esset Soror desponsa Marchioni Goveano, Averiiani Ducis filio, velle Cognatam sibi sœminam, nescio quam, in Matrimonium dare.

Ergo ab Lusitanis Proceribus Regius Scriba repulsus, sese intra pelliculam suam contineri jussus, ad gregem suum non sine joco amariore dimissus, de spe contaminandi Patricii Sanguinis per plebeja connubia suorum est dejectus.

Hæc illæ lacrymæ, hæc illa Helena fuit. Hinc in Regem Fideiissimum excogitata conjuratio: hinc mentitum Parricidium. Hinc immånissimum in illustrissimos, atque innocentissimos reos supplicium.

Nam Carvalhius & contemptus, & derisus, & repulsus ab aſſinitate Patriciorum, illico sibi pessime, metuere cocepit, ne eorundem, qui plurimum apud Regem suum & posent, & assiduo in Regia versarentur, opera, atque auctoritate, primum de grada suo dejectus, deinde pœnas odio omnium civium suorum jam pridem debitas, gravissimas dare jussu Regis cogeretur; cum omnia omnium jura pro arbitrio suo, pro impotentissima animi libidine, pro tyrannico imperio in Lusitania violasset.

Deinde erat etiam ordini Patriciorum, cum ab communi in cives tyrannide, tum a privata in eos ipsos injuria summo odio Carvalhius; quippe qui unicus Auctor dolo malo fuisset, ut quæ hodie feuda dicimus, (b) idest jus, ac dominium nonnullorum agrorum, vicorumque, quæ alii Reges eximilis in patriam meritis, dignitatique Principum Familiarum præmia largiti fuissent, ea Magnatibus adjudicata, Rex denuo Fisco vindicaret.

Quod genus injuriæ qui posset Ordo Patricius non iniquissimè pati? Quasi verò Carvalhius & pro turpissimo peculatu, & pro indignissima Reipublicæ nundinatione, novus esset Comes Oyerianus, novus Marchio Pombalensis salutandus; alii verò antiquissimi Lusitanæ Magnates iis honoribus, ac præmiis expoliandi, quæ præclara Majorum suorum in rem Lusitanam facinora posteris suis peperissent.

Erat omnibus Lusitanæ Negotiatoribus summo odio Carvalhius, quos per summam injuriam a libertate commercii ideo arcebat, ut

(a) Anecd. Ital. tom. 1. pag. 225.

(b) Animac. 8. ad vitam P. Corf. pag. 297.

ut ad se unum fructus totius pecuniæ Lusitanorum cogeretur.
Nam in eam rem ille Societates quasdam conflandas Regia auctoritate curaverat, quæ non Collegia Mercatorum, sed unius Carvalhii monopolia re quidem ipsa essent.

Tale (a) viri monopolium ad Durium; ubi Regio tota est præfiosa vini feracissima anno 1757. Carvalhius instituerat.

Tale exoticarum & ab Indis, & ab Americanis mercium Cacai, Sacchari, Cariophylli (b), aliarum ad Marinoniam, & ad fluvium Amazonum monopolium anno 1755. indixerat.

At quibus legibus eas Societates Carvalhius temperabat? In rem quidem suam optimis in commune civium damnum determinis. Nemo vinum, nisi Sociis Carvalhii vinariis certo, atque infimo pretio venderet.

Nemini jus esset exoticas vendendi arbitrio suo merces, quicquid eas Carvalhii Sociis minimo pretio ab eodem constituto vendere cogeretur.

Ex qua monopoliorum institutione quantum damni cum vini, merciumque exoticarum domini, tum alii passim Lusitanie Negotiatores facerent, quantum vero Carvalhianæ Societatis Socii; quantum ipse Carvalhius potissimum lucri, qui clandestinus Magister, & Manceps, & primus in illis Negotiator esset, nemo facile constituat.

Illud certò constat, in singula vini dolia rediisse Carvalhio, ejus Societatis publico Patrono, ternos nummos cruciatis (c). Cum quotannis ad quadraginta millia doliorum facile in ea Societate palam venirent. Ego totius lucri Carvalhiani illud dumtaxat specimen tibi, Bolane, ostendero. Toti illi monopolio pro Curatore, Exactore, Quæsitore, Scrutatore, & Cauponarum, & Cellarum Vinariarum omnium, Joannes ille Mansilha, Prior Generalis in Lusitania Ordinis Prædicatorum, præfuerat a Carvalhio illo acerrimo Vindice. Negotiationis profanæ in Jesu Socios a se confictæ, datus. Is ergo & Seditiosus, & spurcius Sanctissimi Ordinis Professor; cum anno 1777. a Pontificio Nuncio Bernardino Muri Bufio in vincula daretur, ita bene inveniebatur nummatus, ut signatæ pecuniæ apud se centum millia nummorum cruciatorum haberet. (d) Tu cætera conjice, quid fecerit lucri Dominus tot Societatum.

(a) *Anecd. Ital.* tom. 1. pag. 143.

(b) *Ibid.* pag. 37.

(c) *Animad.* 8. ad vit. P. Corr. pag. 276.

(d) *Anecd. Ital.* t. 2. p. 224. & *Anim.* 8. ad vit. R. Casra p. 277.

etiam, cum tantus Religiosus Procurator pecuniarum unius Societatis vituarie cumulasset.

Quid Domini facient, audent cum talia fures? Erat publico Collegio, sive Societati Mercatorum, quam in Lusitania *Mensam Cominodi Communis* vocant, summo odio Carvalhius; qui non modo liberam civibus negotiandi facultatem, ex qua plurimarum familiarum & salus, & vita, & fortuna apta pendebat, quas præterea ad summas angustias privato commercii jure redegerat, sed illud præterea iniquissimi sceleris genus erat commentus, ut Edicto Regio ab anno 1757. jam cavisset, nequis Civis Ulyssiponenfis, nequis Colonus Erremæ oræ pecuniam, nisi Societatibus a se institutis ad mensam, sive sceleri traderet. (a).

Huic tantæ, tam late patenti, tam invidiosæ injuriæ, cum remedium, modumve aliquem imponere nonnulli ejus Mensæ, sive Collegii Mercurialis, Socii vellent; extremum ipsi discrimen & capitis, & fortunarum suarum ab iracundia, ac vindicta Carvalhii adiere. Negrelius quidam illius Collegii ex officio Advocatus, rogatu Magistri, sive Procuratoris ejusdem Collegii postulata Regi exhibenda nomine totius Collegii scripserat, quibus per supplicem libellum causam Mercatorum contra Carvalhii injurias agebat. Rex æquitatem postulatorum, & iniquitate Ministri sui, valde a primo commotus, libellum Carvalhio legendum dat. (b).

Carvalhius complura Regi negare, multa injuriæ capita in alios derivare, sine ullo veri, falsique discrimine per perjuriam, homini consueta, auctores libelli apud Regem pro seditionis, pro Erarii Fraudatoribus, pro maleficis gravi pœna dignos describere. Quid verbis opus est? fato nescio quo; certe innocentie, atque salutis Lusitanorum Civium funesto, omnem Regis iram a se in Collegium totum Mercuriale avertit; illico jussu Regis Advocatus Negrelius in vincula conjectus, in quibus obrutus ruinis Arcis Ulyssiponenfis miserè periit, cum 1. Novembris anni 1755. tanto est Urbs Regia concussa terremotu, quantum Divini Numinis ira in Lusitanos nunquam antea concitasset; reliqui verò illius Collegii Socii, qui vel opera, vel consilio, vel auctoritate sua delationem illam jussissent, omnes in exilium ejecti fuere, in quibus Cives illi Nobiles erant Didacus Mendoza, qui Regius Procurator negotiis præerat transmarinis; Consalvus Josephus Silveira Regius India-

(a) *Animad. 8. Ad vitam P. Corree p. 279.*

(b) *Anecd. Ital. tom. 1. pag. 20.*

Indiarum Confiliarius, Antonius Costa Freirius Regni Thesaurarius. (a)

Neque his modo Regiis Ministris invisus erat merito suo Carvalhius, sed Aulæ Regiæ toti, ex qua cum fidissimum quemque Ministrum removisset, eos rebus publicis, in primis vero Fisco, & Erario venales homines præfecerat, quibus volentibus ad animi libidinem pecuniam publicam impunè depopularetur.

Erat denique Ecclesiis omnibus Lusitanis maximo odio Carvalhius, cum earum bonis, nulla Religione deterritus ita palam, atque insolenter inhiaret, ut, cum (b) Ecclesiæ Patriarchalis omnem & pecuniam, & gazam, & pretiosissimam supellectilem Regio Erario addidisset, Collegio illo Canonicorum ab ejus administratione penitus remoto, Erarii sui Præfectis curam omnem commiserit, idest, sibi uni Præfidi Erarii vindicaverit.

De odio plebis in Ministrum Regium (c) & ingenio trucem, & omnibus Civibus iratum, & pecuniæ publicæ depopulatorem, & in strage, clade, miseria communi, quam terræmotus maximam tenuioribus potissimum Civibus attulisset, erga plebem restrictum, illiberalem, immitem, immisericordem, nihil dici tantum ullis verbis potest, quantum reipsa infamis hominibus & invisus, & exosus, & execrabilis Carvalhius esset.

Ergo quod in eo genere impotentissimæ dominationis, cum odio publico conjunctæ fieri solet, ut qui vel ordine, vel familiaritate, vel auctoritate plurimum in re publica possint, ii suscepta communi causa Regem de re tota edoceant, id summo opere veritus Carvalhius, totus in eo erat, omnesque & ingenii ferocioris, & animi ultio malefici, nervos, dies, noctesque in id contendebat, ut & Magnatum Primores, & Jesu Sociorum Sacerdotes, Regi satis spectatos, e medio iniquissimè tolleret, ne ipse per eos Regi delatus merito supplicio plecteretur.

Deinde enim quæras, quam demum occasionem nactus Carvalhius tam impiam, tamque infandam est orsus Parricidii criminationem? Prudenter tu quidem, mi Bolane, ita opinor, quæras, si nihil iis Scriptoribus, grandi pecunia a Carvalhio & domi, & foris coemptis, credendum existimas; apud quos & Regia vulnera a nemine mortalium conspecta, & Patricios, & Jesu Socios nullius testimonio convictos legas.

Que

(a) *Anecd. tom 1. pag. 20.*

(b) *Pag. 299. vitæ P. Correi.* (c) *Ibid. pag. 274.*

Quæ res in Lusitania nova acciderit, quam suam ratur sit Carvalhius occasionem; aliam alii passim Scriptores critici, rerum novarum curiosi, prodidere. (a)

Ergo nihil pro certo ausim tibi confirmare, quippe qui mihi putem tacito licere citius vere de re tota existimare, quam palam loquuto sine argumentis verum dicere.

Opiniones scriptorum tantum referam. Est qui occasionem calumniz Carvalhianæ e domo repetat Tavoræ (b). Hic si quærere plura pergas, ego plura me nescire profiteor. Sine, quæ latent, ea in apertum proferat metas.

Est, qui ab Aveirensi Duce occasionem infandæ criminacionis natam ad manum Carvalhio fuisse dicat.

Erant, ajunt, graves inimicitiz Averienſi Magnati cum Regio Cubiculario Petro Teiceriam, ex eo natæ, quod Cubicularius in altercatione contumeliosus in Magnatem fuisset.

Averianus frustra apud Carvalhium de injuria, ac contumelia questus, (c) cum ulcisci ipse per se Teiceriam constituisſet; in rhedam ab Aula abeuntem, ratus in ea Cubicularium esse Servos jaculari tormento igniario jussisse, cum præter Magnatis opinionem Rex ipse forte rheda illa veheretur; ut Averiani infidiz non Regem ex consilio Conjuratorum, sed Cubicularium Regis ex cupiditate vindictæ impeteret. Id quod ex eo confirmari volunt, quod Sicarii, ubi ab Auriga clamante accepere, Regem unum in ea rheda vectum, confestim re infecta receſſerint.

Est qui pro Carvalhii malitia, proque impotenti vindictæ cupiditate non dubitet rem totam ex compaſto in Jesu Socios in hunc modum gestam dicere. (d)

Impurum illud monstrum, omnium bipedum nequissimum, ut & odio suo ansam ultionis daret, ut ambitioni viam dominationis in Regnum, Regemque ipsum tutissimam muniret, ut omnia avaritiz repagula semel perrumperet, velut officii, ac benevolentiz

(a) *Anecd. Ital. tom. 2. pag. 237.*

(b) Nam per id temporis fama fuerat Aloysium Tavoram domi malè fustibus accepisse ignotum nescio quem (at magnum certè aliquem) nocturnum pudicitiz furem, quem initio ignotum sibi, deinde notum, nullis precibus satis placatum dimississet.

(c) *Anecd. Ital. tom. I. pag. 237. in Adnot.*

(d) *Anecd. gallicè scrip. 2. edit. Varsaviæ apud Janum Revicki an. 1783. Adnot. 19. ad lib. 3.*

lentim gratia, hortatum Regem suum fuisse; ut Rex illo noctis tempore animi relaxandi causa (a) solus per Urbem rheda veheretur. Interea ipsum Tragediæ Auctorem Militem quemdam, qui tormentum sine glande missili instructum supra rhedam exploderet, in cœlum ipsum jaculatus, paratum habuisse; cumque ita ante se factum, monitumque, ut neque capi se valde laboraret, neque captus dicere dubitaret: sese a Jesu Sociis fuisse Parricidam Regi subornatum.

Sed libera tibi, mi Bolane, captæ a malo Calumniatore occasionis existimatio. Unum illud certè tenebis: Nullam in Regem fuisse susceptam conjurationem: Nullos Lusitanæ neque Proceres, neque Jesuitas de Parricidio Regio cogitasse: Consilium, Artificium, Parricidium ab uno Carvalhio fictum in vulgus emanasse.

Adnotatio X. §. XLII.

ERGO callidè nulla argumenta Carvalhius contra Tavoræ domum Judiciis proferebat, ne calunnia tota iisdem dilucidè pateret. Astutè, inquam; Carvalhius; nam postea partim sese ridendum Europæ toti, partim bonis omnibus execrandum dabat, cum anno 1761, in causa Gabrielis Malagridæ, per summam & vanitatem, & impudentiam, & impietatem mortuam Tavoræ Marchionissam consentientem Parricidium mentiebatur. (b)

Ergo in ea causa Malagridæ, (c) tota cum pulvisculo, quod ajunt, vel ab ipso composita Carvalhio, vel ad Carvalhii arbitrium, præscriptumque confecta, inducebatur Eleonora Matrona mortua cum vivo Malagrida a sensibus tamen abducto, per speciem de maleficio suo collocata. „ Cum enim Malagrida Eleonora tam eo nomine castigaret, quod in caput Regis viva conjurasset; illa præfata, manes quidem suos ejus Parricidii cogitati, per ignem purgatorium dare meritis pœnas: sese de sententia Mariti in Parricidium consensisse fatebatur, etiamsi uterque vix in quæstione, ac tormentis id, quod res erat, semper negavisset. Addebat etiam, initium tanti mali natum ab impia,

„ ac

(a) Mæsus erat Rex ob mortem Mariæ Barbaræ Hispaniarum Reginæ Sororis suæ die 28. Aug. 1763. *Anecd. Ital. t. 1. p. 194.*

(b) *Bon. Ratioc. pag. 143.*

(c) *Ex Act. judicial. Inquisit. §. 3. n. 43. Bon. Ratioc. p. 143.*

„ ac nefaria interdictione Sacrorum in Jesu Socios per Patriarcham
 „ Manoelium pronunciata: sese ex eo tempore cessare corpisse a
 „ frequentia Sacramentorum tantopere sibi a Malagrida commemo-
 „ data cum ejus ductu exercitia spiritualia obiret: qua negligen-
 „ tia esset factum, ut facile Marito suo in Regis caput conjura-
 „ to ipsa confensisset. “
 „ Me hic nihil de meo causæ astingere, tu ipse, Bolane, aperte
 videbis, si caput quadragesimum tertium ejus insanientis commen-
 tarii leges.

Quæro ex te, qualis tibi videtur ejus causæ scriptor? Nec enim
 possum apud me constituere; utrum sit ille impurius, qui arcana
 confessionis prodita a Confessario per ludibrium fingat; an va-
 nior, qui sibi contrarius vincula sua, quod ajunt, plane concidat;
 Cum Malagrida hic culpæ dicatur illud Magnatum consilium in
 Regem susceptum: idem Malagrida cum aliis Jesu Sociis ejus con-
 filii inventor, auctor, dux, suasor a Carvalhio celebretur: An
 ineptior, qui mortuos testes Parricidii, qui mortuos Regicidii con-
 fiteos, qui excitatos ab inferis reos confitentes maleficia, quæ vi-
 vi in tormentis negassent, qui manes pios e flammis expiatoriis,
 & cum Confessario loquentes, & Patriarcham Manoelium execran-
 tes, & negligentiam Sacramentorum, & in frequentiam operæ
 Jesuiticæ condemnantes comminifcatur. Non tu mentitam sibi
 iniquitatem hac in causa vides? non spiritu vertiginis actum cum
 suis Carvalhium conspicias? non innocentiam oppressam, injuriam
 dominatum, calumniam doles triumphantem?

Adnotatio XI. §. XLIV.

Iuverit, opinor, veri studiosos paucis rem totam audire.
 Carceri datus Aveirus initio negaverat: Se cum quoquam mor-
 talium in Regis Majestatem conjurasse. At rursus in questionem
 vocatus terrore tormentorum, quæ coram atrocibus, & sibi parata
 conspiciebat, victus, ne ea subiret, sese prodidit falsò Parrici-
 dam; jussusque nihilofecius acerbissimè torqueri, in tormentis con-
 jurationem mentiri perexit.

Res eo processerat, ut pridie Idus Januarias, anno 1759. (jam
 tum typis impressa in eos Magnates ultima supplicii sententia,
 quod supplicium esset Idibus ipsis publicè edendum, ut reipsa
 fuit Idibus ipsis editum) ad Aveirum. ceterosque Magnates in
 carcerem aservatos Procurator Regius Nobilitatis a Carvalhio no-

minis

minatus, ire juberetur, qui eorum defensionem exciperet.

Res tota dicis causa, ne quis indicta causa Magnates diceret supplicio extremo mactatos, suscipi videbatur. Nam qui posset, serio agenda, spatio duodecim horarum tot reos Procurator audire?

Ergo Aveirus cum ad Advocatum dixisset, sese summopere falsæ confessionis suæ prænitere, per quam & animam ipse suam, & vitam tot innocentium perditum iret: Advocatus, fac ergo, agebat, ut confessionem priorem retexas. Qui vero possum, Aveirus respondebat, ubi neque me rursus audire, neque confessionis falsæ revocationem legitimè excipere Judices volunt?

Ibi Regius Procurator eo audito, dedit operam, ut rursus defensionis copia Aveiro fieret?

Adest illico Carvalhius una cum illo Petro Gonzalezio Cordeiro, perfido inconfidentia Judice, atque alio, nescio quo, Carvalhianæ sectæ, nihilo nequiore. (a)

Hic enim, ubi primum coram Aveirum audit, confessionem priorem retexentem; Atqui nullus jam, ait, *retractationi locus est reliquus: valeat, oportet, prior Aveiri confessio*. Quo in verbo Judices illi acerrimi festinanter abiire; atque postridie Magnates omnes eas subire penas, quas vulgo Europa, non nostræ ætatis, sed sæculi Neroniani proprias esse, contendebat.

Adnotatio XII. §. XLVI.

Quid his verbis, *Æconomica Potestate*, debita opera in exilii (b) Edicto edditis, intelligi vult Carvalhius Legulejorum doctissimus?

Si unum id, quod unice intelligi debet; jure posse Carvalhium, potestate Regis æconomica munitum, Jesu Socios, auditos jam, & defensos, consultoque prius, & annuente Pontifice, condemnare, & in exilium mittere, non servata forma, ac specie judicii, sed simpliciter, & de plano, sola veritate inspecta; si unum hoc, inquam, intelligi vult: Nemo profecto inter homines erit, qui id ei inficiari aliquo modo audeat. Omnes enim fatentur: Posse Principem hujusmodi legibus humanis, politicis, quæ judicandi formam præscribunt, derogare, nec eas servare teneri, si ea æconomica (seu paterna) potestate uti velit, qua agere solent cum

Par. I.

T t

Filiis.

(a) *Anecd. Ital. tom. 1. pag. 213.*

(b) *V. Hist. an. 1760. typis Pitterianis.*

Filiis Patres familias, & egerunt Josue, 7. 19. cum Acan, & Rex Saul cum Filio suo Jonatha, 1. Reg. 14. 43.

Si vero hac æconomica Regis potestate Carvalhius intelligi mavult: Jure cum Jesu Socios omnino inhauditos, omnino indefensos, inconsulto, & invito Pontifice, ob delicta commentitia damnare, & in Pontificiam Ditionem insolenter ejicere; Eam profecto æconomicam Regis potestatem perperam interpretatur, eaque sane multo perversius abutitur; eam omnes averfantur tanquam novam, omni antiquitati prorsus incognitam, qua nemo Paterfamilias unquam usus est in filios, etiam atrocissimi delicti reos, in *fragranti* deprehensos, vel perduelles, nec eos inauditos abdicat, atque *exhereditat*.

Omnes omnino homines consentiunt, Juris naturalis, ac divini, ac gentium esse, ut nemo damnetur: aut privetur jure suo, nisi se defendendi habuerit facultatem, quæ ad naturam Judicii per se immutabilem pertinet.

Ab hac lege naturali diligenter, accurateque servanda supremus ejus auctor Deus neminem solum, aut immunem esse voluit, aut volet unquam. Hujus legis naturalis imperio, & prescripto summi, infimique Judicium; & Papa, & Rex æqualiter subjiciuntur. Huic igitur legi naturali Æconomicum Carvalhii in Jesu Socios Judicium subjectum omnino esse oportet.

Qua igitur fronte Carvalhius hujusce legis naturalis jugum manifeste rejicit, & Jesu Socios, & Lusitanos Cives, etiam privationem inauditos, indefensos sine ullo pudore damnat, eosque a justitia omnibus communi excludit?

Quomodo igitur Carvalhius Societatem jus naturæ violando, damnare se, & expellere per æconomicam Regis potestatem & audet, & profitetur?

Miseram innocentiam! Quodnam posthac in sacris, profanisque Tribunalibus tibi superest asylum, si venia, & potestas tui purgandi, ab auctore naturæ tibi, ne opprimaris, concessa, tolli, & adimi potest æconomica Carvalhiana potestate?

Miseram veritatem! certè tibi æternum jacendum est in oppressionem sub Calumniatorum injuriis, si jure æconomice potestatis Carvalhianæ faciles ambas aures Calumniatoribus præbere, ambas tibi iratas potest Judex denegare, & tibi, & cunctis, ne pro te clament, os violenter obstruere potest.

Miseram Rempublicam! miseram humanitatem! Quis hominum cæcus, sive sacer, sive profanus, tutus esse unquam potest; si in judi-

judiciis, in legibus ferendis barbarus hic Carvalhii judicandi modus legitimus satis esse judicetur ad ejiciendos in exilium mille septingentos Societatis homines, & ad novem mille sexcentos quadraginta ex omni ordine Cives damnandos, qui deterriari carceris angustis, pœdore situ confecti, & inedia consumpti ærumnosissimam cum morte vitam commutarent? (a)

Quid dicam de violatione Juris Divini, Juris Pontificii, Juris Gentium, Juris utriusque Principatus?

Iam vero ne longior æquo sim, hæc fusè explicare, probare superfedeo.

Unum illud quæro: Legittima ne aut tum habita fuit, aut erit aliquando habenda ista Carvalhiana Æconomia apud universam Europam? Minime genium. Principium lumine naturæ notum, & jure naturæ cautum id, quod Seneca in Medea omnes Judices admonerat his verbis, „ Qui statuit aliquid, parte inaudita altera, æquum licet statuerit, haud æquus fuit; Egregie. Quid, si non æquum, sed iniquum Jux, parte inaudita altera, statuerit? Quis dubitat, quin sit iniquissimus, & ab iniquissima Sententia Jux quisvis habendus?

Hinc quisvis responsum sibi petere possit adversus omnes Sententias in Jesu Societatem inaudiam, indefensam, & tacere in judicio magnis periculis denunciationibus jussam a Saldanha, ab Alfania, ab Hispano, Gallo, Lusitano, & ab Aula Romana pronunciatas cum ob delicta commentitia, tum ob causas arcanas, alia Pontificis mente, & intimis Principum animis penitus repositas, & nemini aperiendas, vel in exilium amandatam potestate æconomica, vel plenitudine potestatis Apostolicæ suppressam.

Quam ego observationem idcirco ascribebam, ut & nefaria, & callidissima, & impia nostræ memoriæ Atheorum, Deistarum, Janfenitarum, & Philophorum calumnia, quam passim videmus apud omnes Aulas, Populos, & Nationes dominari, optimo in lumine collocaretur. Illi enim nefarii homines, ut decus Regium, ut Pontificiam Majestatem in extremam invidiam, odiumque adducant, auctores sunt & Sacerdotio, & Imperio, ut ad libidinem Paternam, quæ in Regibus dicitur æconomica, in Pontifice Apostolica potestate abusi, omnia naturalia, divina, humana jura proutulent; quorum jurium ipsi ex officio Vindices, & Custodes sunt a Deo constituti, eo nimirum consilio; ut omnem in terris potestatem

Par. I,

T t 2

statem

(a) Animad. 8. ad vit. P. Corr. p. 287.

statem per summam humani generis indignationem evertant .

Adnotatio XIII. §. LVI.

PER illud ipsum tempus facile omnibus apparuit , quam late publica Carvalhii improbitas semel impunita per Aulas Regias serpere ad exemplum soleret , cum etiam Romæ , in ipsa & Religionis , & Fidei , & Justitiæ , & Æquitatis tutissima arce ausus fuit palam Onuphrius quidam Alfanius , Auditor Signaturæ Justitiæ , idest unus e selectioribus Romani Fori Judicibus , Carvalhiani latrocinii immanitatem in rem , commodumque suum adversus Jesu Socios sine ullo pudore imitari .

• Ergo Alfanius in re quidem sua diu , multumque cum penuria , cum fraude , cum sordibus luctatus , in Aula tunc demum Ganganelliana eo tempore potens , ac gratus , tria a Clemente XIV. sibi Rescripta , quibus munitus bellum , & famæ , & bonis Jesu Societatis acerrimè , atque insolentissimè gereret , auferebat .

• Pontificia adeo Rescripta ad eam causam pertinebant , in qua actionem de Caroli Alexii Pisanii Præfulis , non ita pridem mortui , hæreditate Romæ intenderat Cajetanus Pisanus Fratri suo Francisco e Societate Jesu , optimo , ac religiosissimo Sacerdoti , quem Cajetanus paulo ante , in Melita morans , Administratorem , sive Procuratorem (communis) illius hæreditatis pro parte sua delegisset .

• Nihil hic suspicione utar : nihil est opus , me multorum opinionioni assentiri , qui Alfani dolis , clandestinisque fraudibus dissidium inter duos Fratres , ad eam diem maxime concordem , quietum de bonorum partitione fuisse loquebantur ; ad Rescripta enim propero .

Alfanius , in causa Pisaniana Judex , primum Rescriptum a Ganganellio Papa , sibi amicissimo , hujusmodi obtinuit „ Die 27. Junii 1771. , ut Alfanius Judex in causa Pisanii procederet extra judicialiter , sola facti veritate inspecta , omni recurso , & reclamacione remotis . “ Facile hic indulgentiam Patris erga Alfanium &c. non supercilium Principis videas .

Alterum erat ejusmodi Rescriptum , quo Alfano præcipiebatur , „ ut cum omnibus facultatibus , de quibus in ipsi precibus facta esset mentio , procederet (sive ageret) contra omnia bona , & personas , quæ in illa causa ad solvendum teneri viderentur , vel propter quemcumque titulum , & causam , servata tamen in reliquis forma Rescripti die 27. Junii 1771 :

Tertium

Tertium adiectum fuit Rescriptum, & omnibus occultum, quod Alfanius veluti tacita tabella data, impune, quos vellet, perderet; nimirum ea hominis facultas Pontificia dabatur, „ ut Acta, quæ Alfanius ea in causa conficeret, a Tabellione aliquo subscripta, & nemini tradere teneretur, & apud se unum servaret. “

Non erat sane is Alfanius, & rei domesticæ difficultatibus oppressus, & avaritiæ sordibus insignis, & perditæ pudoris infamia omnibus invisus. ut, cum impune consulere rebus statim suis posset, diutius cupiditati frænum non solveret. Ergo, indicta causa, die prima Martii 1772. ita iudicium dabat: „ Cum Pater Franciscus Pisani Administrator electus a Fratre suo Cajetano, tunc „ in Insula Melita commorante, nunc præsentē, & ejus Accusatore eo nomine, quod ex hæreditate communis amborum Fratris, Præsulis Caroli Alexii Pisani, septem millia scutorum „ expulserit, solvendo non fit; solvat Collegium Romanum. “

At ubi primum Collegii Romani Procurator, Fabius Bischi, latam ab Alfancio sententiam ante ullam causæ actionem cognovit, querere illico cœpit; cur sibi acta in iudicio non essent tradita? cur parte defendendi sui nullæ essent Jesuita Pisano concessæ? quid illud veri monstri in eo iudicio esse? qua demum de causa illam pecuniam solvere Romanum Collegium damnatum esset? Esto; non fit solvendo Jesuita Pisanius, quoniam sic Alfancio lubet; qui Pisanium Jesuitam, qui ejusdem Procuratorem nunquam in jus vocavit, nunquam eorum vocem in ea causa audierit.

Esto etiam: Pisanius Jesuita Fratrem suum Actorem bonis fratribus expoliavit, quoniam Alfanius nihil sibi in ea causa queat expiscari, nisi expoliatorem Jesuitam mentiatur; quid tum deinde? Ubi in jure, ubi in iudicio unquam probatum fuit, Pisanium Jesuitam jussu Collegii Moderatoris Mariani Pongelii ea pecunia fratrem defraudasse suum? Ubi demum constitit, eam pecuniam usui Collegii cessisse? An, Iudice Alfancio, qui nullius fit culpæ particeps, is non fit pœnæ totius futurus immunis?

Si tægeat Alfanius, jura omnia multum valere jubebuntur; ne diutius ille fame pereat, alius è Societate Jesu peccasse fingetur; Collegium totum, ut avaritiæ, ut cupiditati, ut odio Alfani fiat satis, pœnas alieni, vel nullius potius peccati dare Alfancio jure ex formula Carvalhianæ calumniæ cogetur?

In tanta Alfaniæ sententiæ iniquitate & Pisanius, & Bischi Papam adeunt Ganganellum. Postulant, ut Acta, sive judicialia,

lia, sive probatoria, sibi tradantur; ut ea perquirere sibi, & apud quem Tabellionem ea perquirere sibi liceat.

At frustra in ea causa agebatur, quæ tota de compacto malitiose, ac fraudulenter ab Alfano in rem suam jam esset judicata.

Id demum unum a Tabellione Petro Bravio resciri potuit: Illum quidem ab Alfano imperiosius rogatum: Acta, ab uno ipso confecta Alfano, signo suo subscripsisse, eademque neque illi legere per Alfanium, neque apud se retinere licuisse: Nec enim se cum fuisse, dicebat, qui contra tam potentem Judicem, tam intimum Aulæ Pontificiæ amicum quicquam hiscere auderet.

At non diu, ultore, ac vindice Deo, tantum iniquitatis mysterium homines latuit, ut paulo post aperiretur. Interea Alfanius, qui ad nummos Collegii Romani vehementissime properaret, executionis mandatum (sic enim nostrates Legules loquuntur) dabat, ut confestim certa nomina, (loci montis appellant Romani hodierni) certa pecunia deposita publice a Romano Collegio sine consensu, sine permisso, sine ullo dominorum Chirographo venderetur, ut reipsa die 13. Martii ejusdem anni tradita fuerunt septem scutorum millia.

Jam vero quanta in infamia res tota Romæ eo tempore fuisset, silentio mihi duco prætereundum. Hoc dicam modo: Neminem Romæ fuisse, qui Alfani Judicis projectam infamiam, atque iniquissimam sententiam non abominaretur, qui sortem Jesuitæ Pisanii, & doctrinæ, & sapientiæ, & pietatis laude conspicui, non idcirco miseraretur, quod cum ipse quatuordecim millia scutorum cum exactissimis rationibus fratri suo tradidisset, cum dimidium ejus pecuniæ posset sibi a pietate fraterna polliceri; & a Fratre circumventus, & ab Alfano sine causæ dictione damnatus, infamiam Depeccatoris subire vir integerrimus cogeretur: qui denique injuriam Collegio Romano illatam non detestaretur, quod tanta pœna, tam grandi pecunia ad arbitrium, ad libidinem, ad rapacitatem valde cupidi Alfani, impudentiam præpotentiæ Carvalhiæ, in causa Regii Parricidii palam sine fuce imitati, mularetur; cum totam illam causam nihil ad illud pertinere, apud omnes homines constaret.

Sed hæc misa facio, quæ omnium & linguis, & libellis, & actis istis Diariis, & Romæ, & in Europæ Oppidis nobilioribus vulgata eam vocem extorquebant: Alfanium, alterum Romæ Carvalhium, leges omnes & naturalis, & divini, & humani juris argumentis pones se unum extantibus, & nemini concedendis;

Actis

Actis judicialibus uno a se confectis, compactisque ad animi impotentis audacissimam libidinem contorquere. Hinc mihi mirum non est, quod Alfanius majori audacia ad alia facinora progressus sit, & Societatem effrenato, & importunissimo animo sit insectatus.

Præsul electus Congregationis quinque Cardinalium, Abolitionis Societatis præpositus, Abolitionis Breve Præfatio Generali, & Assistentibus, magna militum, & Licetorum comitante castrva, insolentissimè denunciavit, eosque in Arce S. Angeli pessimè habuit, eorum innocentiam mendaciter obscurare, eorumque liberationem malitiosè duos annos, & dimidium retardare non exhorruit.

Ad hæc, templa Societatis depopulatus est ea barbarie, quæ legi potest in 1. Tomo Epistolarum Angli ad Dominum Caraccioli, Epistola quarta, edito 1776., & 10mo 3. ejusdem, cui titulus Le ovi, & le Non; Epistola tertia, gallicè in lucem edito 1777.

Verum non diu Alfanius licuit, primo scelere illo suo falsa quadam specie judicii obtento, in sinu gaudere. Adest humanis in rebus ultor publicæ injuriæ Deus diutius in Societate civili viæ unquam passus, ut quibus armis ab Innocentia sit publicè propulsanda injuria; iisdem Judices, iisdem Magistratus, iisdem Regii Ministri ad Civium suorum perniciem, ad justitiæ oppressiōnem, ad vincula Societatis dissolvenda impune abutantur.

Quod certè tum Romæ non sine Dei consilio accidisse omnibus visum est. Die 6. Octobris 1778. Franciscus Monfrumisus, authentica Palinodia recantata, innocentiam Jesuitæ Pisanii una cum calumnia, perfidia, larcinio Alfani manifestam omnibus faciebat.

IN NOMINE DOMINI. Amen.

Præsenti publico Declarationis, seu Retractionis instrumento cunctis ubique pateat evidenter, notumque sit; quod anno salutifera Domini Nostri Jesu Christi Nativitate 1778. Indit. Rom. XI. die vero 6. currentis Octobris, Pontificatus autem Ssai in eodem Christo Paris, ac Domini Nostri Divina Providentia Papæ PII. VI. anno ejus IV.

Præsens, & personaliter constitutus coram me Notario publico, & testibus infrascriptis Franciscus Monfrumisus, Filius pie memoriæ quondam Josephi, Romanus, cognitus ambobus infrascriptis testibus, & mihi &c. bene notis; qui Franciscus Monfrumisus ætatis annorum viginti unius circiter, prout ab eodem pro veritate mihi Notario asseritur, & prout oculis dignoscitur ex ejus vultu,

vultu, & in lecto decubens in Ven. Archihospitali S. Jacobi incurabilem, prout dicitur, de Augusta, Romæ ad numerum, 57., juratus, tactis &c., aserit: Se inservivisse, quoad vixit, Præfuli Pisano p. m. qui obiit Romæ 8. vel 9. ab hinc annis (a), & post mortem ejusdem Præfulis: Patrem Pisanium tunc Jesuitam, cominorantem in Collegio Romano, sibi tradidisse Chartas varias, in sacco positas, ut eas ad præfatum Collegium transferret, quas statim, & cum effectu aserit se transulisse.

Cum vero domum redisset, ab aliis Servis interrogatus: utrum illæ Chartæ essent Cedulæ, (idest Sygraphæ, quæ auctoritate publica tanti æstimantur, quanti pecunia unicuique Sygraphæ respondens;) Affirmative respondit, & Cedulas esse dixit.

In judicium propterea vocatus coram Præfule Alfano, & interrogatus, utrum illæ Chartæ Cedulæ essent? Priorem assertionem suam ratam habuit, & juramento confirmavit, tactis &c., Chartas illas, ut supra, Cedulas esse.

Cum hodie vero ipse Franciscus Monfrumifius sit graviter infirmus, & quasi in extremis vitæ suæ, ut satisfaciat illis hominibus hujus rei consiliis, & ut redintegret existimationem, bonum nomen, & honorem P. Pisani, tunc Jesuitæ, statuit Palinodiam canere, & retractare hujusmodi calumniam, ab ipso judicialiter, & extrajudicialiter prolatam inconsultatè, & temere tempore illo supra indicato, quo agebat annum ætatis duodecimum, aut circiter decimum tertium, atque adeo animam suam a tanto crimine, & onere liberare.

Quapropter præfatus Monfrumifius, ut supra, coram me Notario, & infra scriptis testibus, sine vi, sine dolo, sed sponte, & libere, & omni meliori modo Palinodiam cecinit, & calumniam, quam supra asseruit, penitus rejicit, & juratus tactis &c. aperuit, & plane declaravit, sicut aperit, & plane declarat; verissimum esse, Chartas, in sacco positas, fuisse sibi traditas a P. Pisano tunc Jesuita; & illas se transulisse ad supradictum Collegium Romanum, ubi Pater Pisani morabatur: sed nullo modo verum esse, quod illæ Chartæ essent Cedulæ, ut antea judicialiter, & extrajudicialiter aliis Servis defuncti Præfulis Pisani, & præfato Præfule Alfano affirmaverat, eo quod illas Chartas nunquam vidit, & quid essent in dicto sacco, non observavit.

Quod idem Franciscus Monfrumifius pro rei veritate, & pro sue
con-

(a) Die 16. Junii 1770.

conscientiæ deoneratione ob supradictas causas declaravit, & dixit; retexuit, & retractavit, prout iterato suo juramento, tactis &c. dicit, declarat, & quæ super hac re calumniose dixit, pro non dictis habet, non solum hoc, sed omni alio meliori modo &c. Super quæ omnia &c.

Actum Romæ in Venerabili Archihospitali S. Jacobi Incurabili Urbis, posito in Via Cursûs juxta &c. Ibidem presentibus, audientibus, ac bene intelligentibus RR: DD: Petro Girolami, Filio b. m. Hieronymi Francisci de Focatojo Marianensis Diœcesis in Corsica, Præfecto dicti Venerabilis Archihospitalis, ac R. D. Cyro de Paoli, Filio b. m. Pauli de Nusco in Regno Neapolis, altero ex Sacerdotibus interuentibus dicto Venerabili Archihospitali, testibus mihi Notario cognitis, vocatis, specialiter habitis, atque rogatis.

Pro Successore in Officio b. m. Marci Quassa C. C. C. Notario.

Ego Petrus Parione Notarius Administrator deputatus hoc præsens instrumentum subscripti, & publicavi, meoque signo, quator, muniui.

Reg. (Loco Signi)

Totum hoc legitur vel apud Ephemeridem coloniensem sub die Martis 22. Julii 1779. ad Cap. Romæ; ubi adduntur verba ipsius Francisci Montrumissi extrajudicialiter dicta: Quod scilicet pro mercede hujus calumniæ recepit scutata Octo.

Atque utinam Alfanius, quem ad bonam profecto mentem Deus illa Palinodia revocabat, ad sese tandem reversus, sese tantorum scelerum reum ex animo fuisset palam professus!

At ille, qui una cum honestate animi pudorem etiam frontis aljecisset; tametii sese Romæ omnibus invisum, Moriui jam Clemente illo suo, a quo Pontificæ Romanam Purpuram jam sibi desponsam, vel jure tot delictorum in Jesuitas debitam credidisset; a Pio VI. plane etiam despectum; a pristina illa factione in Jesu Societatem conflata apertè repudiatum, aperte calumniatorem habitum aspiceret; tamen (nulla poenitentis animi significatione ostensa) ære alieno obrutus miserrime obiit die 25. Decembris 1782.

Adnotatio XIV. §. LXVIII.

PER ea tempora cum Carvalhius, expulso Nuncio Pontificio, distractis Dominicanis, Terefanis, Carmelitanis &c. ab obsequio Magistrorum Generalium oppressa Jesu Societate, illegitimo,
Par. I. V v ac

pe vitioso *Questorum Fidei Collegio* constituto, male jam sibi a pietate Lusitanorum, qui novum non possent schisma in ea secessione Ecclesie Lusitanæ ab Romano Pontifice non horrere non indiditum, vel certe proximè consecuturum videretur; sibi non deesse in impio consilio suo constituit. Et re quidem ipsa illud concordie, communionisque catholice vinculum cum conspicuo Ecclesie Catholice Capite Pontifice Maximo abruptum, ac dissolutum palam Carvalhius cupiebat; videri vero viribus suis male dissolutum nolebat, ne Religioni sibi iidem haberent edictis Ministri obtemperare, cum viderent, domi seditionem Anglicanæ simillimam, institui, quæ nulla specie probabili, ac ne titulo quidem, quod ajunt, *colorato* posset excusari.

Erat ibi tum Ulyssipone Oratorie Congregationis Alumnus ille famosus Antonius Pereira (α), in audendo nemini novatorum secundus, in scribendo infans, ac projectus, in judicando omnium Sophistarum juniorum ineptissimus.

Is jussu Carvalhii, jampridem ab obsequio Romani Pontificis alienissimè, edito in vulgus volumine *De Potestate Episcoporum*, nigri corvi nigerrimo, quod ajunt, ovo, illud conficere conabatur; *Licere Christifidelibus schismate secedere a Pontifice Romano*, ubi ea secessio esset a *Civili Potestate* suis civibus *indicta*.

Dici vix potest, quantopere sit omnibus Pereira visus non tam impiè sentire, quippe, qui a *Centro Unitatis Catholice* Catholicos avelleret, quam stolidè, ac fatuè delirare, qui miserè cavillaretur. Hoc enim argumento pro Achille suo urebatur: „ Ex doctrina Petri, & Pauli Apostolica est Potestati Sæculari obediendum etiam in iis rebus, quæ non sint iuste quippe in exilium non promeritum Christianis eundum, si ita Suprema Potestas Civitatis edicat: Atqui iustum non est sane, per Schisma ab Ecclesie Catholice Capite secedere: Ergo secedere ab eo Capite timentur Catholici, si ea secessio a Potestate Suprema Civitatis indicatur. (α)

Miram Philosophi Oratoriani Dialecticam! Miram cum stupore pecudis conjunctam Impietatem! Impium Sacerdotis caput, Carnificis manu obnubendum, qui contendat, Legem ipsam Naturæ posse sine scelere violari; idque Auctoribus Petro, & Paulo Apostolis; modo id Nero aliquis, aut Diocletianus, aut novus certe Sejanus ita Civitatibus suis edicat!

Vervecis vero Lusitani putidum Cerebrum! qui non discernat inter

inter ea, quæ quidem iniusta sunt Principi præcipienti, Civi exequenti non item, si ea semel malæ sint indicta.

At si res ipsa indicta per se sit iniqua, si impia, si a Deo ipso cuius vetita; profecto illud & Sacerdos, & Theologus, & Oratorianus Pereira non ignorasset, aut certe dissimulare nolisset in Act. Apost. Cap. 4. v. 14. divinitus scriptum, „ Si iustum est in conspectu Dei vos (Magistratus Civiles; & Religiosos) potius audire, quam Deum, vos iudicare “: Non, inquam, dissimulasset; non ignorasset, nisi fuisset Bæotum, ut ajunt, in ære natus.

Et tamen ille Arbiter unicus Juris divini, ecclesiastici, & civilis Carvalhius pro imperio iussit, probari, edi, & vulgari l'ercine illum librum, sæpius in Paulo Sarpio, in Richerio, in aliis sectantis Novatoribus impiis ab Ecclesia condemnatum.

Adnotatio XV. §. LXIX.

Infignem Falsarii notam fronti Fratris Norberti inussere primum illius Superiores Pondicerii (a). Coactus enim fuit a Domino Lollier manu propria chirographum exarare, quo declararet, ad solemnitèr fateretur, „ Approbationem, & subscriptionem ejusdem Domini de Lollier Juliapolitani Episcopi, & Vicarii Apostolici renunciati, præfixam infami Orationi funebri, in exequiis Domini de Visdoulou Claudopoleos Episcopi habita, & a se edita, suppositicia omnino esse, cujus manum imitatus, & incredibili audacia mentitus fuerat, &, Episcopo penitus insciente, ei operi appositam “: ut atrocibus in Societatem calumniis, quas in ea commiserat, fidem faceret.

Cum vero per Urbem disseminaret, illarum in Jesuitas calumniarum documenta sibi a P. Thoma de Potiers, ejus Præsede, missa fuisse; mendacii redarguitur ab eodem P. Thoma litteris suis ad Dominum Dumas, Urbis Pretorem; 5. Novembris 1739. &, auxilio brachii secularis implorato, anno 1740. ex Indiis ejecit, tanquam Indicarum Missionum Pestem, & indignum Venerabilis Capucinatorum Ordinis purgamentum.

In Insula Franciæ Sub-Prefectus Apostolicus adductus fuit in necessitatem interdicensi Fratri Norberto, homini adeo infami, concionandi, & confessiones excipiendi ministeria.

Cum Romam attulisset suum illud autographum scriptum = *Mo-*
Par. I. *V v 2* *numenta*

(a) *Animad. v. ad Vit. P. Corr. p. 211, & seq. 290.*

numenta historica, (in quibus præter cætera illud comminiscitur, Jesuitas sanctæ Sedi circa Ritus Sinicos, & Malabaricos pertinaciter resistisse) Benedicti XIV. jussu delata ad Tribunal S. Officii Romæ, & ejusdem decreto primo Aprilis 1745. damnata fuerunt: Ipsum vero Auctorem Pontifex ad statum Presbyterorum sæcularium redegit.

Cur igitur ad se Carvalhius eum arcessivit? Oblitus ne est illius effati, vel apud Indos jam triti, teste Diod. L. 2. — Qui ter aberrasset, in perpetuum silebit?

Aduotatio XVI. §. LXXXVIII.

QUam ego, extremam Malagridæ vocem, paucis post diebus vita per vim privati, duabus potissimum de causis mihi iterandam hoc loco arbitrabar. Altera: ut nemini mira illa capitis sententia a furore, ab amentia, ab odio inter necino Quæstorum Carvalhianorum in illum pronunciata, tamen illa ipsa non tam Quæstorum, quam unius Carvalhi tyrannei visa semper fuit omnibus esse sententia.

Altera: Ut eorum errori obviam irem si qui post Acta illa vulgata suspicari in Lusitania maxime cœperint; Malagridam ætate senem jam decrepitum, erat enim (natus 17. Septembris 1639.) septuagenario major, in tam tetro, tam diuturno, tam crudeli carcere desipere cœpisse.

Haud quidem abnuam, ea Opinionum monstra Malagridæ, Malagridæ in Actis adscripta, iis, qui eloquentissimum Concionatorem, qui sapientissimum Theologum, qui disertum Scriptorem (α) Malagridam antea cognovissent, verendi haud immerito locum dare potuisse, ne homo & senectutis vitio, & Custodiæ vexatione, & Vatiniano Carvalhi odio a potestate mentis excessisset.

At ego contra ex Actis ipsis duo colligi posse contendo.

Alterum: semper mente, animo, ingenio, judicio in rebus seriis plurimum Malagridam valuisse (in levioribus interdum defuisse ait Marchio Alorno), cui tam opportuna, tam iusta, tam constantia responsa tributa ab iniquissimo Actorum Scriptore videamus; Nec enim, opinor, de suo ille Scriptor tam sui conpotem effingebat Malagridam.

Alterum: quidquid in illis Actis absonum, ineptum, absurdum, puti-

(2) Bon. Ræioc. p. 11., & Animad. 2. ad Vitam P. Corr. p. 230.

putidum, abnorme, impium legebatur; id totum perfidam esse fraudem Norberti Scriptoris, qui nihil in calunnia cumulantia pensi habuerit, modo Carvalhio Monstratori, Subjectori, Magistro, ac Patrono denique suo munificentissimo gratificaretur.

Quæ cum ipsa per se sint maxime vero similia, tum illud omnino sanæ mentis Malagridam arguit, quod qui Internuncii, iurii Quæstorum, ad Reum mitterentur (a) experiendi, ac periclitandi causa, eorum nemo desipientem Senem se offendisse dixerit.

Nam cum non nemo putat, argumentum esse palmarium Mentis in Malagrida sanæ, atque integræ, quod a Quæstoribus illis tam amens, tam delirus, tam decrepitus Senex non fuisset flammis piacularibus addicendus: hoc totum, ut latine dicam, mihi nunc causa vilis, vel arena sine calce dissolutius videtur esse argumentum, qui plane ex Actis illis intelligam; eos siue pote, siue non pote, odio Carvalhii Malagridam fuisse prodituros, nisi ipsi mali male perire maluissent.

Adnotatio XVII. §. XC.

EO' amentie, & furoris, divino consilio id permittente, devenit Carvalhio, ut ipsemet imprudenter luculentissimum Malagridæ innocentie dederit testimonium, cum in eum jam mortuum sævire rursus non exhoruit. Qua eadem immanitatis opera se unum ex Philosophis impiis, deterrimisque nostræ hujus ætatis esse manifestissime probat.

Opusculum Malagrida multo ante ediderat inscriptum (a) *Judicium de vera causa Terræmotus, quem passa est Ulyssipo die 1. Novembris 1755.* (b).

Carvalhio tunc non est ausus palam, & aperte illud Malagridæ Judicium appugnare, (c) præsertim apud Regem Fidelissimum, eo flagello graviter commotum: diutius duxit dissimulare oportere.

Post expulsionem Jesuitarum anno 1650. ex tota Lusitania, cum, perrupto veluti vitæ christianæ vallo, cœnosus vitiorum, erroris, & impietatis torrens Ulyssiponem inundaret, ut legere quisque potest in *Anecd. Ital. tom. 1. p. 138.*, sex menses ante obitum Malagridæ die scilicet 31. Martii 1761.; iterum terra tremuit.

Tunc

- (a) In *Vitam P. Corree Animad.* 3. p. 232. (b) 34. *militum hominum perierunt Anecd. Ital. tom. 1. p. 139.* (c) *Anecd. Ital. tom. 1. p. 31.*

Tunc Carvalhius tacendum de hac re non amplius esse duxit, sed verba facere opus esse. Ergo Edictum edidit, quo cunctis Mortalibus notum fecit: Hunc terræ motum non a Deo esse; nec Dei significationem ullam; sed calamitatem, & illatum ex causis secundis infortunium, ab ignibus scilicet, spiritibusque terræ inclusis, & exitum sibi molientibus, quem hic modo, modo illic fortuito sibi inveniunt, vel faciunt,

Ut hanc animi sui sententiam, Dei Creatoris, & Domini Cœli, & terræ Divinitatis Jura impetentem, humanitatis vero desolantem firmaret; Episcopos nomine Regis hortatur, ut id per Parochos, perque Concionatores in Sermionibus, in concionibus Populos edoceant,

Unum restabat Opusculum Malagridæ, quod manibus omnium crebatur, reprobandum. Paucis post annis ab obitu Malagridæ Carvalhius novum Tribunal, Carvalhiano vocabulo dictum *Mensa Censoria librorum*, cum instituisset, cum summa Juris Episcopalis violatione statim ad illud Mensæ Tribunal delatum voluit, statimque ab illis mensæ novæ sive convivis, sive Judicibus convivalibus damnatum, atque atrocet censura confixum fuit, Auctor verò Malagrida (a) ut infamis, furiosus, maliciosus, temerarius, & hæreticus in eadem devovetur. (b)

Hic primum quæro: Quem petat hæc illius Mensæ Censura? Unum ne Malagridam, an legitimos Fidei Quæstiores, Josephum Braganza, Franciscum a S. Thoma &c. ? Malagrida enim illud edidit anno 1754, cum debita facultate, & approbatione Tribunalis S. Inquisitionis, antequam in eo Tribunali Carvalhius tyrannice dominaretur, illudque turpissime deformaret.

Hujus igitur Operis damnatio a Quæstiorum damnatione nullo modo sejungi poterat quin una; eademque censura ipse Supremus Quæstor Braganza veluti frigida e mensa aspergeretur.

Deinde ubi in toto Opusculo ulla hæresis latet? Ubi hæretica apparet Malagrida? An ideo is dicendus, quod scripsisset: Deum illo terræmotus flagello punire publica peccata voluisse, quæ Ulyssipone quotidie committebantur?

Ergo Hæresis est, iudice Mensa Carvalhiana, quod Levit. 24, 23. scriptum legimus: Si spreveritis Leges meas, evaginabo post Vos gladium meum, eritque terra vestra deserta, & Civitates vestre dirutæ.

Si .

(a) *Opusculi, quod ediderat annos 1756.*

(b) *Animad 3. ad Vñā P. Coir. p. 232.*

Si hæcne est hæresis Malagridæ; quare in Actis Judicialibus nulla sit mentio hujus hæresis, nec ob eam damnatus fuit Malagrida?

Si igitur Opusculum Malagridæ hæresin non continet; Ego iterum quero: Qui sunt isti, qui hoc modo loquuntur? Ego plane ignoro, ex qua Secta improba, & malevola insani hujusmodi Carvalhiani clamores existant. Est ne Carvalhius unus Impiorum illorum, de quibus Jeremias s. loquitur: Flagellasti eos, nec voluerunt credere: Negaverunt Dominum, & dixerunt: Non est ipse?

Est ne unus, in quem illud quadrare apte videatur, quod David Ps. 14. 2. ad rem commemorat: Dixit *insipiens* in corde suo non est Deus delictorum Investigator, & Judex, & Ultor?

Est ne unus in recentiorum Philosophorum grege numerandus (Volterri &c.), qui se pleno ore acerrimos humanitatis Patrones venditant; eam vero cæcæ fortunæ committunt, causisque secundis subjiciunt, & suis interim dictis, ac sensu Religionem irident, Dei que Creatoris Cæli, & terræ in jura, in Potentiam, in Sapientiam, & Bonitatem, quibus Ipse Mundum hunc temperat, violentas manus injiciunt, impie negant, spernunt, ac penitus tollunt?

At si e Catholicorum numero esse vult Carvalhius; fateri omnino id debet, quod Hieronymus in Commentario in Caput 8. Matthæi, in illa verba, *Imperavit ventis, & Mari*, concludit his verbis: „ Ex hoc loco intelligimus, quod omnes Creaturæ sentiant Creatorem; quas enim increpavit, & quibus imperavit, sentiunt Imperantem... non errore hæreticorum, qui omnia putant animantia, sed Majestate Conditoris quæ apud nos insensibilia, illi sensibilia sunt “.

Verus igitur, probusque Catholicus dicendus non est Carvalhius, qui audeat palam, & per Edictum illud asserere: Non esse Terremotum a Deo: Sed qui cum Ecclesia Catholica universa sentit, quemadmodum docuit Malagrida in illo Opusculo, *Deo indignante, inlin flagella prodire, & Deo miserante, cessare*.

Poterat autem eloquentiore ullo facto a Censoribus patefieri & Malagridæ fides, & plenius confirmari ab ipsomet Carvalbio sua & infidelitas, & irreligiosa Philosophia?

Adnotatio XVIII §. CIX.

IN Causa hæc fuerunt:

Quamvis Hagiographi Autuerpienses magis cum moderazione
SS.

SS. Acta conscribent, nihilque ex eorum parte erga Terefianos, & Carmelitas prætermittebatur, quo iis illi gratificarentur, ut legere est in eorum Supplemento Apologetico pag. 29., & seq., & pag. 896.; Nihilo tamen minus ægre ferebant utriusque Ordinis Alumni, quod Hagiographi aut altum silentium sanctissimè observarent de Rebus Carmeliticis; aut, deficientibus argumentis, simpliciter eas referrent, prout *memoriæ proditum* erat, nec pro virili parte propugnarent. Et quod caput est, ægerrime tulerunt, doluisse Hagiographos, ac vehementer (α) quætos esse, quod Carmelitæ in Actis Sanctorum Ordinis sibi traditis, ut ea typis ederent, suas Opiniones, inconsultis Jesuitis, inferere, & obtrudere possissent, & ea Acta, tamquam ab Hagiographis scripta, vendiderent.

Hinc bini Procuratores Carmelitici Ordinis, alter calceatus, Excalceatus alter, quatuordecim Hagiographorum tomos ad Supremum Hispaniæ Quæstorum Didacum Sarmientum Valladarensium detulerunt die 14 Februarii 1695. (b).

At Sapientissimus ille Inquisitionis Præses delationem a se rejiciendam constanter existimavit.

Alii duo Ordinum Procuratores nihil repulsa deterriti, anno 1695. post mortem illius Supremi Quæstoris, quo tempore per quinque menses Justitium in illo Tribunali tenuit, denuo minoribus Quæstoribus *exposulationem* obtulerunt adversus illos Hagiographos.

Valentinus autem Archiepiscopus Joannes Thomas Rocabertinus, ante Magister Generalis Ordinis Dominicani, renunciatus (c) Supremus Fidei Quæstor eodem anno 1695., habita ratione collectionis ab Adversariis exhibitæ tempore Interregni, & Suffragii duorum Censuræ, & Decreti a tribus minoribus Quæstoribus, *inauditis omnino Jesuitis*, antea confecti, illud Decretum prohibitionis promulgari patus est die 25. Octobris 1695.

Nomine autem illorum Hagiographorum cum duo e Societate Jesu Procuratores a Rocabertino exemplum postulassent Propositionum hæreticarum, & Censuras Qualificatorum &c. eo animo, ut si per incircum humanam, vel inconsiderantiam erratum esset, christiana humilitate libenter emendarent: Ille Supremus Quæstor die 3. Augusti 1696, annuebat pro Sancti Officii Instituto (d).

Re

(a) in Supplem.

(b) Supplem. Apolog. pag. 65.

(c) Ibidem p. 65. eadem. (d) Ibidem p. 67.

Re tota integros viginti annos in examine, & cognitione versata, tandem novus Fidei Questor Supremus Franciscus Cardinalis del Giudice, die 22. Decembris 1715. Decretum hispanice edidit: Tollendam esse prohibitionem 14. illorum tomorum, a Rocabertino factam.

Et vero illud Inquisitionis hispanicæ judicium tanquam æquissimum Benedictus XIV. probabat Bulla *Sollicita* 9. Julii 1753., & §. 9., & 12. servandum præcipiebat.

Hoc nimirum illud est, quod idem Pontifex docuerat (a), cum notaret, quid intersit inter probationem, vel prohibitionem ab Episcopo, a Synodo, ab Inquisitione obtentam, & a Pontifice confirmatam in *forma communi*, quæ his verbis concipi solet: Si vere, si iuste, si canonice, ac provide facta sint; Et inter probationem, vel prohibitionem ab iisdem obtentam in *forma*, ut vocant, *specifica*, idest cum causæ cognitione, singulis expensis, auditis &c.

Quæ enim ante confirmata a Pontifice sunt, sed in *forma communi*, ea abrogari a Successoribus possunt; cum illa maneat Prohibitio, & Approbatio unius tantummodo Episcopi, vel Synodi, vel Questoris. Quæ vero in *forma specifica* a Pontifice confirmantur, Leges sunt Pontificiæ, & a Pontifice tantum abrogari fas est.

Hoc item illud est, quod libri, & Epistolæ Joannis Palafloxi, cum fuerint approbati 9. Decembris 1760. in *forma communi* (b) vi Suffragiorum, quæ duo Theologi protulerunt; quibus a S. Rit. Congregatione datum fuit & libros, & Epistolas prædictas discutere, ut moris est: (quorum prohibitio anno 1760. edita Matrili a Balthasare Mendoza, & Sandoval Questore Fidei Supremo, & revocata ab Emmanuele Quintano Bonifaz Successore 5. Febr. 1761.), hodie a Fidei Promotore Carolo Elchine ad trutinam revocantur, ut iudicium in *Forma Specifica* proferatur.

F I N I S .

(a) In Synod. Dioces. lib. 8. c. 5. §. 11.

(b) Bon. Ratioc. p. 17.

AD 145748

